

ሂዚቄኤሌ ማፃኣፖ ዓይያ ካር

ጾኑ ማሊያ ከኤዛ ሂዚቄኤሌ ዩሩሳሌም ካታማ ኪሪሰቶሴ ሾይነታንዳሂኮ ቤርታ ደንጎ ጃኤታና ሳሊታሚ ላሃሳ ሌዖይዳ ሻሂንቱዋንቱ፡ ጊንሣ ሃሣ ሻሂንቱሂኮዋ ጊንፃፓ ባብሎኔ ዓጮይዳ ዲዒንቲ ዴንዲ ናንጋያኬ፤ ዒዚ ከኤዜ ሎንሦ ቃኣላ ከኤዚንቲሂ ባብሎኔ ዓጮይዳ ዲዒንቲ ዴንዲ ዓኣ ዓሰንታ ዩሩሳሌም ዴዳ ናንጋ ዴርንታሞኬ። ጾኑ ማሊያ ከኤዛ ሂዚቄኤሌ ማፃኣፖኮ ዖይዳ ፓቂንታ ዴኤፒ ዴኤፒ ቤሲ ዓኣኔ። ዩይያ፡-

1. ጾኑ ዋጋ ዳርይዳ ሙካኒ ዑኩሂና ዩሩሳሌም ካታማ ዓርቂንታንዳሂንታ ሻሂንታንዳሂያ ሄሌያ ማዒያ ላቲ ከኤዛ ኪኢታ፡

2. ጾኑ ፔኤኮ ዳር ሄርቁ ዋይሃ ዓሶና ዔያቶ ዳቢሼ ዲማ ዲማ ካኣቶይዳ ሜታ ዓጊንታንዳያ ማዒያ ከኤዛ ቃኣላ፡

3. ዩሩሳሌም ካታማ ደዔሰካፓ ዒሰራዔኤሌ ዓሶ ደዲሻኒ ከኤዚንቲ ኪኢታና ሴካ ቤርታ ኮሺ ባኣዚያ ዒዞም ማዓንዳሂ ከኤዚንቲ ሃጊ ማዓንዳ ዋዛ ቃኣላ፡

4. ጌኤዡ ማኣርንታ ዒሰራዔኤሌ ዓጮ ካኣታኣ ቤርታኣሲጉዲ ማዓንዳሂ ሂዚቄኤሌ ኮኦኪንሂና ከኤዜሂኬ።

ሂዚቄኤሌኮ ደዲ ጉሙርቁሂና ሃኪሲ ማሊ ጳቂሃ ማሊሂ ዓኣ ዓሲኬ፤ ሴካ ቤርቲም ማዓንዳ ባሼ ባኮ ዒ ዛጌሂ ጾኑ ፔጋሲ ዳቁ ባኣዚናኬ፤ ኪኢቶኮ ባሼሂ ከኤዚንቲሂ ጌኤሺ ማዔ ኮኦኪንሂና ማዳንቲያ ማሂኬ። ሂዚቄኤሌ ዴኤፒሲ ዳቁሂ ጎኔ ዒናፓ ማዔ ዓያናና ዓኪ ማዒሂ ኮይሳያ ማዔሂንታ ፔቲ ፔቲ ዓሳ ፔ ቶኦኮ ጎሞር ጾኩጠንታንዳያ ማዒያኬ፤ ዩያ ሌሊቱዋንቲ ዳርኮ ናንጋ ዓካዳኒ ዓኣ ሃጋኣ ዋዞዋ ፔጋሲ ዔርዜኔ፤ ሂዚቄኤሌ ቄኤሴ፤ ጊንሣ ሃሣ ጾኑ ማሊሂ ከኤዛያ ማዔ ጎይያና ጌኤዡ ማኣርንታ ጾኑ ሲም ዲማዳያንታ ኮይሳያ ማዒሂ ደዲሺ ከኤዜኔ።

ማፃኣፔላ ዲማ ዲማ ዓርቁ ባኮ

ሂዚቄኤሌ ጾኑኮኮ ቦንቾ ዛጌሂና ዒዚያ ጾኑ ማሊሂ ከኤዛያ ማዓኒ ደኦሪንቲሂ (1:1—3:27)

ዪሁዳና ዩሩሳሌም ካታማ ደዓንዳያ ማዒሂ ሂዚቄኤሌ ኮኦኪንሂና ከኤዜሂ (4:1—5:17)

ባይሲንታ ዑኩሂ (6:1—7:27)

የኦሲኮ ቦንቻ ጎማሬ ዬሩሳሌም ሃሺ ሺኢኬህሂ (8:1—11:25)
 ዪሁዳና ዬሩሳሌምናኮ ሎኦሚያ (12:1—24:27)
 ሜሌ ዓጮም ዋጊንቴ ዋጎ (25:1—32:32)
 ዴራ ፔኤኮ ጎሞ ቡኡዲ ማዓንዳጉዲ ሂዘቄኤሌ ላቲ ኬኤዛንዳያ
 ኮይሳያ ማዔህሂ (33:1-20)
 ዬሩሳሌም ካታሞኮ ደዒያ ሃይሶ (33:21-33)
 የኦሲ ፔኤኮ ዴሮ ማሃንዳህና ዪሁዳ ካታሞ ዒ ዓውሳንዳያ
 ማዒያ ሃጊ ማዓ ዋዞ ኬኤዜህሂ (34:1—37:28)
 ጎኦጌ ባሺንቴም ዒሰራዔኤሌ ዓሳ ዲዒንታፓ ማዓንዳህሂ (38:1
 —39:29)
 ሂዘቄኤሌ ሃጊ ማዢንታንዳ ጌኤዢ ማኦሮ ዛሎ የኦሲ ፔጋሲ
 ዳዌም ዛጌህሂ (40:1—46:24)
 ጌኤዢ ማኦሮ ዴማፓ ዓልቃ ዋኦያ ዛሎ (47:1-12)
 ዒሰራዔኤሌ ዓሰም ማሂ ዒንጊንታንዳ ዔያቶኮ ቤርታኦ ዓጮኮ
 ዛጰንታ ፔቴ ፔቴ ሃጰም ጊኦጊሺንቴ ቤዞ (47:13—48:35)

የኦሲ ሂዘቄኤሌም ቤርታሲ ፔጋሲ ዳዌ ባኮ

(1:1—7:27)

የኦሲ ካኦታዲ ዴዔ ያይቶ

1 ሃይህታማሳ ሌያኮ ያይዳሳ ዓጊኖና ዓጊኖኮዋ ደንጋሳ ኬሎና ታኦኒ ኬባሬ ዋሮ ዓጮ ዲዒንቴ ዓይሁደ ዓሶ ባኦካ ዓኦያ ጮሪንጮ ቡሊንቴም የኦሲ ፔጋሲ ዳዌ ባኦዚ ዛጌኔ።

2 ዩይ ያዲ ማዔህሂ ካኦቲ ዮዓኪኔ ጎምሂ ዲዒንቴንቴ ደንጋሳ ሌያኮ ደንጋሳ ኬሎናኬ፤

3 ዒማና ካላዳ ዓሶ ዓጮ ኬባሬ ዋሮ ዓጮ ናንጊና ናንጋ ጎዳኮ ቃኦላ ቡዚ ናኦዚ፤ ታና ቄኤሳህሂ ሂዘቄኤሌም ሂዚ ጋዓያና ኬኤዚንቴኔ፤ ዒዛኮ ዋልቃ ዒማና ታኦና ዋላ ማዔኔ።

4 ዳግ ጌዒ ታኦኒ ዛጋንቴ ዴኤፒ ዓልጎ ዢባሬ ኬዶ ዛላፓ ሙካንቴ ታ ዴንቄኔ፤ ዲም ጌዔ ሻኦሬ ባኦካ ዜኤሊንህሂ ዜኤሊንህሂኔ፤ ዩያኮ ኮራ ዓኦ ጮሪንጮ ዞቄኔ፤ ዜኤሊንፃ ዜኤሊንህሂ ቤዞይዳ ፔቴ ባኦዚ ሞኦና ዓንጊጉዲ ፖዔኔ።

5 ዩያ ዓልጋህሂ ዢባሮኮ ባኦካ ዓሲ ማላያ ሹምፔና ዓኦ ያይደ ባኦዚ ታ ዛጌኔ፤

6 ፔቴ ፔቴ ባኮኮ ያይደ ዓኦፒ ካራና ያይደ ጋኦሲያ ዓኦኦ።

1:1 ዮሃ. ያፔዳ 19:11። 1:2 2ካኦቶ. ማ 24:10-16፤ 2የኦሲ. ዓሃኬ 36:9-10።
 1:5 ዮሃ. ያፔዳ 4:6።

7 ቶካ ዔያቶኮ ፒዝ ጌዔያ ማዓዛ፣ ሄርቃ ሹቁላ ዔያቶኮ ጌማይ ሹቁሊፕዲኬ፤ ዔያቶኮ ማላሢ ዑጩ ኮሾና ሞኦና ዓንገጉዲ ፖፖዓያኬ፤

8 ዔያቶኮ ያይዶ ዓኣፖ ካሮና ያይዶ ጋኣዘይዳፓ ሜሌ ፔቴ ፔቴ ጋኣዘኮ ዴማ ዓሲ ኩቺ ማላ ያይዶ ባኣዚ ዓኣኔ።

9 ፔቴ ፔቴ ባኮኮ ላምዖ ጋኣሲ ሻውሎና ሚዛቆናይዳ ፒሺንቴ፣ ዔያቶኮ ቤርታ ዋሊና ካኣማያኬ፤ ዔያሮ ዑፃ ዔያቶኮ ሴካ ሃንጋ ጎዑዋዖ ፔቴሞና ዓገፃኔ።

10 ፔቴ ፔቴ ባኮኮ ያይዶ ዴማ ዴማ ዓኣፒ ካራ ዓኣኔ፤ ዔይያ፡-ቤርቶ ዛላ ዓሲ ዓኣፒ ካራ ማላያ፣ ሚዛቆ ዛላ ዘቢ ማላያ፣ ሻውሎ ዛሎና ጌማይ ማላያ፣ ገንዖ ዛሎናኣ ኮኣኬ ማላያኬ፤

11 ፔቴ ፔቴ ቦዖኮ ላምዖ ጋኣሲ ሌካ ፒዝ ጌዒ ዔያቶይዳፓ ሄሊ ያኣ ባኮኮ ጋኣዘ ቤርቶና ዋላ ካኣማኔ፤ ዓቴ ላምዖ ጋኣዛ ጋዓንቴ ዑፃ ዔያቶኮ ካንቃኔ።

12 ዔይ ፔቴ ፔቴ ባካ ያይዶ ባንዖና ዛጋኒ ዳንዳዓያታሢሮ ቢያሢ ፔቴና ሴካ ሃንጋ ጎዑዋዖ ዓያና ዓኣዳ ባንዖ ቢያ ባራና።

13 ሸምፓሢና ዓኣ ዔያ ማኸንቶኮ ማላሢ ዔኤታ ታሚ ቄንሢና ዓይሢንቴ ኩሻና ማላኔ፤ ዔንሢኮ ባኣካ ታሚ ሴካ ሃንጋ ጋዓኔ፤ ፖዓኣ ኮሺ ፖዓያኬ፤ ዔያ ታማፓ ዜኤሊንሢ ዜኤሊንሢ።

14 ዔንሢ ባኮንሢ ዜኤሊንሢ ፖዒጉዲ ሩኡሪና ሴካ ሃንጋ ጋዓኔ።

15 ታኣኒ ዔንሢ ያይዶ ባኮንሢ ዛጌ ጎይሢ ዓኣንቴ ሺራ ቶኪና ዓኣ ያይዶ ባኣዚ ሊካ ሳዖ ባንሢ ኬዲ ዔንሢ ባኮንሢኮ ኮራ ዓጫ ዓጫ ዋሊ ሄሊ ዴዓንቴ ታ ዛጌኔ፤

16 ዔንሢ ሺራ ቶኮና ዓኣ ያይዶ ባኮንሢ ዋሊ ማላያኬ፤ ፔቴ ፔቴሢ ሚዛጶ ሹጮጉዲ ፖፖዓያኬ፤ ዔያጉዲ ሃሢ ፔቴ ፔቴ ሺራ ቶኮ ጉኡራ ባጎ ጉኡሮኮ ጋርሲና ዋላ ካንሢ ኮሾና ማላኔ።

17 ዔያታ ያይዶ ዛላፓ ኮዓ ባንዖ ዓኣዳኣና ሴካ ሃንጋ ጎዑዋዖ ዋላ ዓኣዳኔ።

18 ዔንሢ ሺራ ቶኮና ዓኣ ባኮንሢኮ ዓጮ ዛላ ኮሺ ያይሲ ማዔያ ዓዒጊቻያኬ፤ ዔንሢ ያይዶ ባኮንሢኮ ማዔ ካሮና ዓኣፒ ኩሜያኬ።

19 ያይዶ ቦዖ ማላ ባኮንሢ ዓገፃ ዋዶና ዔያታ ዋላ ዴንዳኔ፣ ያይዶ ባኮንሢ ሳዓፓ ዔቁ ዳጊ ጋዓ ዋዶና ዔንሢ ሺራ ቶኮና ዓኣ ባኮንሢያ ዋላ ሳዓፓ ዔቃኔ።

1:10 ሂዘ. 10:14፤ ዮሃ. ዖፕዳ 4:7። 1:15 ሂዘ. 10:9-13። 1:18 ዮሃ. ዖፕዳ 4:8።

20 ያይደ ባኮንሢኮ ዓያና ዓኣዳ ባንያ ቢያ ባራና ዎድና ሺራ ቶኮና ዓኣ ባኮንሢያ ዎላ ባራናኔ፤ ዬይ ያዲ ማዓሢ ያይደ ስዎ ማላ ባኮንሢኮ ዓያና ሺራ ቶኮና ዓኣ ባኮንሢኮ ጋሮይዳ ማዕሢሮኬ።

21 ዬንሢ ስዎ ማላ ባኮንሢኮ ዓያና ሺራ ቶኮና ዓኣ ባኮንሢኮ ጋሮ ማዕሢሮ ማዘኸንቶንሢ ዓገፃ ዎድና ዔያታ ዎላ ዓገፃኔ፤ ዔቃዘ ዎላ ዔቃኔ፤ ሳያይዳፓ ሌካ ዔቃኣና ዎላ ዔቃኔ።

22 ስዎ ማላ ባኮንሢኮ ቶኦኮ ዑፃ ለማሌኤሹጉዳ ፖዓ፣ ሚዛጶ ሹጮይዳፓ ኮሺንቴ ጫሪጎቹ ማላ ዳጌ ቤሲ ዓኣኔ።

23 ዬያ ዳጌ ቤዘኮ ዳማ ፔቴ ፔቴ ስዓ ኮሮይዳ ዓኣ ስዎ ባንያና ላምዎ ጋኣዘ ፒሺ፣ ዓቴ ላምዎ ጋኣዘንሢና ዑያ ካንቁ ካንቁ ዓኣኔ።

24-25 ዬንሢ ስዎ ማላ ያይደ ባኮንሢኮ ባራናኣና ዔያቶኮ ጋኣዘ ዑኡዘ ታ ዎይዘኔ፤ ዬይ ዑኡዘ ኩሚ ዎታ ዲጲ ጉኡማሢጉዲ፣ ገንሣ ሃሣ ቢያ ባኮ ዳንዳዓ ያኦዛሢ ዑኡዘና ሚርጌ ያልዚ ዓሲ ዣላ ዑኡሲናጉዳያኬ፤ ዔያታ ባራኒያ ሃሻዎ ጋኣዘ ፔኤኮ ሊካ ላይሣኔ፤ ዓማና ዔያቶኮ ዑፃ ዓኣ ዳጌ ቤዛፓ ዑኡሲ ዎይዘንቴኔ።

26 ዬዮ ዳጌ ቤዘኮ ዑፃ ሴኔፔሬ ጌይንታ ሚዛጶ ሹጮፓ ኮሺንቴ ካኣቶ ያይታ ማላ ባኣዚ ዓኣኔ፤ ዬያ ያይቶይዳ ዓሲ ማላ ባኣዚ ዳዒ ዓኣኔ።

27 ዬያኮ ኬርኖ ማላ ቤዛፓ ዓርቃዎ ሌካሢ ታሚዳ ያይዳ ዓንገጉዲኬ፤ ገንሣ ኬርኖኮ ዳማ ታሚ ማላያታንቴ ታ ዛጌኔ፤ ኮሺ ፖዓ ፖዒያ ኮሮ ቢያ ሺሪ ዓኣኔ።

28 ዒርዚ ዓሲና ሻኣሮ ዑፃ ዔቁ ጴዳ ዠኡሎጉዲ ዒዛኮ ኮይሎይዳ ዓኣ ፖዓ ሹኤራያኬ።

ዬይያ፡- ናንገና ናንጋ ጎዳኮ ስንቸ ማሊሲ ዳዎያኬ፤ ዬያ ታኣኒ ዛጌ ዎድና ባሊቶና ሳዓ ሎኦማዎ ፔቴ ኬኤዛ ዓሲኮ ዑኡሲ ዎይዘኔ።

2

ሂዘቄኤሌ ያኦሲ ማሊያ ኬኤዛንዳጉዲ ዔኤሊንቴሢ

1 ዬይ ዓሢ፡- «ዓሲ ናዓሃ! ሌካ ዔቁ፤ ታ ኔኤና ጌሰታንዳኔ» ጌዔኔ።

2 ዒዚ ጌሰታኣና ዓያና ታ ዒኖ ጋሮ ጌሊ ታ ቶኮና ታና ዔቁሴኔ፤ ዒ ጋዓ ባኮዎ ታ ዎይዘኔ።

3 ዒማና ዒዚ ሂዚ ጌዔኔ፡- «ዓሲ ናዓሢዮ! ታኣም ዎይዘ ዒፄ ዒሰራዔኤሌ ዳሮ ባንሢ ታ ኔና ዳካኔ፤ ዔያቶንታ ዔያቶኮ ቤርታኣ ዓደንሢንታ ሃኖ ሄላንዳኣና ታኣም ዎይዘ ዒፄ ጎይሣኬ።

1:22 ዮሃ. ያፔዳ 4:6። 1:24-25 ዮሃ. ያፔዳ 1:15፤ 19:6። 1:26 ሂዚ. 10:11፤ ዮሃ. ያፔዳ 4:2-3። 1:27 ሂዚ. 8:2።

4 ዩና ደራ ዋይዚ ዒፃያ፣ ባቃና ደይሄያኩኔ፤ ታኣኒ ኔና ዒያቶ ኮራ ደካንዳኔ፤ ኔኤኒያ ዒያቶም፡- ሩንገና ሩንገ ጎዳ ሂዚ ጋዒኔ፣ ጌዒ።

5 ዒያታ ዋይዚ ዒፃ ማኣሪ ማዕሚሮ ኔኤም ዒያታ ዋይዘቴያ ዋይዚባኣቴያ ዒያቶ ባኣካ ፆኦሲ ማሊሂ ከኤዛይ ዓኣያ ማዕሚ ዒያታ ዒራጎዳኔ።

6 «ኔኤኒ፣ ዓሲ ናዓሂዮ! ዒያቶ ማዕቴያ ዒያቶኮ ዑኡዘ ዒገጠገ፣ ጋውዲ ዓንገሂና ሜሌ ዓንገሂናጉዲ ኔኤም ዒያታ ማዕ፣ ገንህ ሃሃ ኮርኖ ባኣካይዳ ሩንጋያ ኔኤም ማሊ ጴዳቴያ ዒያቶኮ ዑኡዘዋ ማፆም ዩንሂ ዋይዘ ዒፃዘንሂኮ ቲርከንቴ ዓኣፖ ካሮ ዒገጠገ።

7 ዒያታ ዋይዚ ዒፃ ዳሬ ማዕሚሮ ኔኤም ዋይዘቴያ ዋይዚባኣቴያ ታኣኒ ኔኤም ከኤዛ ቃኣሎ ዒያቶም ኔ ከኤዛንዳኔ።

8 «ዓሲ ናዓሂዮ! ታ ኔኤም ጋዒ ባኮ ዋይዘ፤ ኔኤኒያ ዒያቶጉዲ ዋይዘ ዒፃያ ማዒ፣ ዳንጎ ኔኤኮ ሸኦኩ፤ ታ ኔኤም ዒንጋሂያ ሙዒ።»

9 ዩካፓ ቁሪንቴ ቢራኖ ማፃአፖ ዓርቄ ኩቺ ታኣም ማፃአፖ ዒንጋንቴ ታ ዛጌ።

10 ዩና ኩጩላ ዩኖ ቁሪንቴ ቢራኖ ማፃአፕሎ ታ ቤርታ ቡሉኔ፤ ዩይ ማፃአፓ ላምፆ ዛሎና ቢያ ፃኣፒንቴያታሂ ታኣኒ ዛጌ፤ ዩያይዳ ዩኤፒንታ ፆዩሂንታ ዒላቲ ቃኣላ ፃኣፒንቴያኩ።

3

1 ሩንገና ሩንገ ጎዳ፡- «ዓሲ ናዓሂዮ! ኔኤም ሸኢኩሂ ሙዒ፣ ሃያ ቁሪንቴ ቢራኖ ማፃአፖ ሙዒ፤ ዩካፓ ዒሰራዔኤሌ ዳሮ ባንሂ ዳንዲ ከኤዘ!» ጌዒ።

2 ዩያሮ ዳንጎ ታኣኮ ታ ሸኦኩ፤ ቁሪንቴ ቢራኖ ማፃአፖ ታና ዒ ኩልሴ፤

3 «ዓሲ ናዓሂዮ! ሃያ ታ ኔኤም ዒንጌ ቁሪንቴ ቢራኖ ማፃአፖ ሙዒ! ጎጾዋ ኔኤኮ ዩያና ኩንሂ!» ጋዒ፣ ታኣኒያ ሙዒ ዋደና ዓኣሡማ ዒኤሲ ጉዳያኩ።

4 ዩካፓ ሩንገና ሩንገ ጎዳ ሂዚ ጌዒ፡- «ዓሲ ናዓሂዮ! ዒሰራዔኤሌ ዳሮ ባንሂ ዳንዲጋፓ ታ ኔኤም ከኤዛ ቃኣሎ ዒያቶም ከኤዘ፤

5 ታኣኒ ኔና ዳካሂ ዒሰራዔኤሌ ዓሶ ባንሂ ማፃንዳኣፓዓቴም ሙኡጫ ዔርቱዋ ፃንጎ ዳሮ ባንሂቱዋሴ፤

6 ዒያታ ጌሰታ ጌኤዛ ዋይዘንቴዋያና ሙኡጫኣ ዔርቱዋያ፣ ሃሃ ዒያታ ጋዒ ባኮ ኔ ዒራኒ ዳንደዑዋ ሚርጌ ዳሬ ባንሂ ታ ኔና

2:10 ዮሃ. ፆፕ. 5:1። 3:3 ዮሃ. ፆፕ. 10:9-10።

ዳኪባኣሴ፤ ዋንዴ ታ ኔና ዬያ ዓሶ ባንሢ ዳኬያታቲ ጎኔና ሄኤዶ ዬያታ ኔኤም ዋይዘያናንዳኔ።

7 ጋዓንቴ ዒሰራዔኤሌ ዓሳ ቢያ ባቃና ዳይሄያ ዋይዘ ዒፃያ ማዔሢሮ ታኣም ዔያታ ዋይዘኒ ናሽኩዋሴ፤ ሃሣ ኔኤማኣ ዔያታ ዋይዘንዲዋሴ።

8 ጋዓንቴ ኔና ታ ዓዳ ዔያቶጉዲ ዔያቶ ቤርታ ሽኢቱዋያ ዶዲ ማሃንዳኔ።

9 ኔና ፔቲ ቃዛ ባኣዚ ባኣያ ማዓንዳያ ሄላንዳኣና ታኣኮ ከኢቶ ከኤዛኒ ጫርቃያ ኔ ማዓንዳኔ፤ ኔና ባሽና ታኣኒ ዶዲሽያ ማዔሢሮ ሃንሢ ሄርሺንቴ ዋይዘ ዒፃያ ማዔዘንሢ ኔኤኒ ዓይጎ ጎይሢናኣ ዒጊጫንዳያ ኮይሱዋሴ።»

10 ሃሣ ዒዚ ኬኤዛዎ፡- «ዓሲ ናዓሢዮ! ታኣኒ ከኤዛ ባኮ ቢያ ዒናፓ ዋይዘ ማሌ።

11 ዲዒንቴ ዓኣ ኔ ዓጮ ዴሮ ባንሢ ዓኣዲጋፓ ኔኤም ዔያታ ዋይዘቲያ ዋይዘባኣቲያ ታኣኒ ዴኤፖ ናንጊና ናንጋ ጎዳ ዔያቶም ጋዓ ባኮ ቢያ ከኤዜ» ጌዔኔ።

12 ዩካፓ ናንጊና ናንጋ ጎዳኮ ዓያና ሌካ ታና ዴግ ዴጊዴኔ፤ ዬያ ለሊቱዋንቴ ታኣኮ ጊንፆና፡- «ጫሪንጫ ናንጋ ናንጊና ናንጋ ጎዳም ጋላቲና ቦንቸና ማዎንጎ!» ጋዓ ዴኤፒ ዑኡሲ ታ ዋይዘኔ።

13 ዒማና ቦዎ ማላ ዎይዶ ባኮንሢኮ ጋኣዛ ኸባሮይዳ ዋላ ካኣማዎ ዎልሳ ዑኡዘ ታ ዋይዘኔ፤ ሽራ ቶኮና ዓኣ ባኮንሢኮዋ ዲርጋሢ ዑኡዘ ዴጊ ጌዔያኬ።

14 ዓያና ታና ሌካ ዔቁሴ ዋዶና ታኣኒ ሮኦጋዲ ዳጋና ዓኣኔ፤ ናንጊና ናንጋ ጎዳኮ ዋልቃኣ ታ ጊዳ ዶዲ ጴዴኔ።

15 ዬያሮ ከባሪ ዋሮ ዓጫ ዓኣ ቲሌዓቢቤ ጌይንታ ቤዞ ታ ሙኩኔ፤ ዬይ ቤዛ ዲዒንቴ ዓሳ ናንጋ ቤዞኬ፤ ታኣኒ ዛጌሢና ዋይዘ ባካናሮ ቢያ ዲቃቲ ዶጪ ላንካይ ከሊ ማዓንዳኣና ዔያቶ ባኣካ ዴዔኔ።

ዒሰራዔኤሌም ዒንሢና ዔሩዋቲ ጌይ ከኤዘንቴ ባኣዚ (ሂዘ. 33:1-9)

16 ላንካዋ ከላ ጋፔሰካፓ ናንጊና ናንጋ ጎዳ ሂዚ ታኣም ጌዔኔ፡-

17 «ዓሲ ናዓሢዮ! ታኣኒ ኔና ዒሰራዔኤሌ ዴሮ ሄንቃንዳያ ማሃኔ፤ ዬያሮ ታኣኒ ከኤዛ ቃኣሎ ዋይዘ፤ ታኣኒ ኔኤም ላቲ ከኤዛ ቃኣሎ ዔያቶም ከኤዜ።

18 ታኣኒ ዲሲንቴ ዓሲ ማዴ ጎሞሮ ሳኔና ኔኤኒ ሃይቃንዳኔ፤ ጌዔም፡ ኔኤኒ ጋዓንቴ ዬይ ዓሢ ፔኤኮ ጎማፓ ማዒ ዴቃንዳጉዲ ላቲ ከኤዘባኣቲ ዒዚ ፔኤኮ ጎሞና ሃይቃንዳኔ፤ ዒዛ ሃይቦና ኔኤኒ ዎኦጪንታንዳኔ።

19 ጎሞሲም ኔኤኒ ላቲ ከኤዜም ዒዚ ጎማፓ ማዒባኣቲ ፔኤኮ ጎሞ ማዲያና ሃይቃንዳኔ፤ ዓካሪ ኔኤኒ ዒዛ ዛሎ ያኦጪንፓፓ ኔ ቶኦኮ ኔ ዓውሳንዳኔ።

20 «ፔ ኮሹሞና ዔርቲ ዓሎ ዓሲ ፑርታ ማዲ ማዲሂ ዓርቄያ ማዒም ታኣኒያ ዩይ ሜቶይዳ ጌላንዳጉዲ ማሄያ ማዒቲ፣ ኔኤኒ ዒዛም ላቲ ከኤዚባኣያታቲ ዒዚ ፔኤኮ ጎሞና ሃይቃንዳኔ፤ ዩያኮ ቤርታ ዒዚ ማዲ ኮዢ ማዲ ቢያ ዒዛም ማሊንታዓኬ፤ ዒዛ ሃይቦ ዛሎር ታኣኒ ኔና ያኦጪንዳኔ።

21 ዩይ ኮሹሞና ዔርቲ ዓሎ ዓሂ ጎሞ ማዲያይዳፓ ማዒንዳጉዲ ኔኤኒ ዒዛም ላቲ ከኤዜም፣ ኔኤኮ ዩያ ላቲያ ዓኪ ጎሞ ማዲያይዳፓ ዒዚ ካፒንቴቲ ጎኔና ሸምፔና ዒ ናንጋንዳኔ፤ ኔኤኒያ ዒዛ ዛሎር ያኦጪንቶይዳፓ ኔ ቶኦኮ ዓውሳንዳኔ።»

ሂዘቄኤሌ ዳርሞ ከኤዞ ባሽንቴሂ

22 ዒማና ናንገና ናንጋ ጎዳኮ ዎልቃ ታ ጊዳ ማዒ፣- «ዔቁጋፓ ሊካ ዶኦጮ ዓኣዳ፤ ዩካ ታ ኔኤና ጌሰታንዳኔ» ጌዔ።

23 ዩያር ታኣኒ ዔቁ ሊካ ዶኦጮ ከዳኔ፤ ቤርታ ታኣኒ ከባሬ ዎር ዓጫ ዛጌ ጎይዎጉዳያ ናንገና ናንጋ ጎዳኮ ቦንቻ ፔጋዲ ዒኢካ ታኣም ጴዳ፤ ዩማና ታኣኒ ባሊቲና ሳዓ ሎኦጫ፤

24 ጋዓንቴ ናንገና ናንጋ ጎዳኮ ዓያና ታኣኮ ዒኖ ጋር ጌሊ ታ ቶኮና ታና ዔቁሴኔ፤ ዩካፓ ናንገና ናንጋ ጎዳ፣- «ኔ ማኣሪ ዓኣዲጋፓ ካር ኔ ዑፃ ዎዲ ዳዔ።

25 ዓሲ ናዓሂኖ! ሱሲና ኔ ቱኤታንዳሂር ዓሳ ቡኪንታ ጳኦኮ ከሰካኒ ኔ ዳንዳዒንዲዎሴ፤

26 ሃያ ዎይዞ ዒፃ ዳርሞ ላቲ ኔ ከኤዙዎጉዲ ዒንዲርዘ ኔኤኮ ቱኤታንዳጉዲ ታ ማሃንዳኔ» ጌዔ።

27 ዩካፓ ላሚ ታ ኔኤም ከኤዛዛ ዒንዲርዘዎ ታ ኔኤኮ ቡላዛ፣- «ዳኤፖ ናንገና ናንጋ ጎዳ ሂዚ ጋዓኔ ኔ ጋዓንዳኔ፣- «ዔያታ ዎይዚ ዒፃያ ማዒሂር ዎይዛኒ ናሽካዞንሂ ዎይዞንጎ፣ ዎይዛኒ ናሽኩዎዞንሂያ ሃሾንጎ።» »

4

ሂዘቄኤሌ ዩሩሳላሜ ማንገንታንዳሂ ኮኦኪንሦና ከኤዜሂ

1 ናንገና ናንጋ ጎዳ ሂዚ ጌዔ፣- «ኔኤኒ ዓሲ ናዓሂኖ! ፔቲ ኪሊባኣ ፀኡቤ ዔኪጋፓ ኔ ቤርታ ጌሂ፤ ዩኖኮ ዑያይዳ ዩሩሳላሜ ካታማ ዓኣ ጎይያ ማሊሺ ፃኣፒ ኮሹ።

2 ዓዳ ፔቴ ካታማ ማሊሲ ዬኖ ፀኡቤሎይዳ የልዚ ቡላኒ ጊኢጊንቴ፤ ዬኖኮ ኮይሎይዳ ዓጩ ኩሊ ዋርዲያ ኮሼ፤ የሎ ዓሳ ዴዓንዳ ቤሲያ ጊኢጊሽ፤ ቢያ ዛሎና ካታሜሎኮ ኬኤሎ ዲሮ ጫርጊ ዲይሶንዶ ዴኤፒ ኩርኩሪ ጊኢጊሽ ጌህ።

3 ዬካፓ ዓንጊ ቦኦቆ ዔኪጋፓ ኔኤና ካታሜሎናኮ ባኣካ ዲርሲጉዲ ማሂ ዶቄ፤ ኔኤኮ ዓኣፖ ካሮ ካታሜሎ ባንሂ ሸርሹ፤ ካታሜላ ማንጊንቴያ ማሎንጎ፤ ዒዞ ማንጋንዲሂያ ኔናኬ፤ ዬይያ ዒሰራዔኤሌ ዴሮም ማላታ ማዓንዳ።

4 «ኔኤኒ ሻውላ ባንሂ ሸሪ ላሂ ዒሰራዔኤሌ ዓሶ ጎሞ ኬዳ፤ ኔኤኒ ዬያይዲ ላሃ ኬሎንሂኮ ፓይዶጉዴያ ኔ ዔያቶ ጎሞ ኬዳንዳ።

5 ዒሰራዔኤሌ ዓሳ ጎሞ ማዴ ሌዎ ማርጉሞጉዴያ ኬሎኮ ፓይዶ ታ ዓርቄ፤ ዬይያ ፔቴ ኬሊ ፔቴ ለዔኬ ጌይሂኬ፤ ዬያር ሃይሃ ጄኤታና ታዘጲታሚ ኬሊ ዒሰራዔኤሌ ዓሶኮ ጎሞ ኔኤኒ ኬዳንዳ።

6 ዬያ ኔኤኒ ጋፒሴሰካፓ ጊንሃ ሚዛቆ ባንሂ ሸሪ ላሂሂና ዪሁዳ ዓሶ ጎሞ ያይዲታሚ ኬሊ ኔ ኬዳንዳ፤ ዬይያ ታኣኒ ዔያቶ ማታጎንዳ ፔቴ ፔቴ ሌዎና ሄኮ ማዓንዳ፤ ጌይሂኬ።

7 «ዬሩሳላሜ ካታማ ማንጊንቴሂ ጊዥ ገዒ ዛጌ፤ ኩጮ ኔኤኮ ዔቁሲጋፓ ላቲሂ ማዓ ያኦሲ ማለሂ ዒዞም ኬኤዜ።

8 ዬይ ማንጊያ ጋፓንዳያ ሄላንዳኣና ፔቴ ባንፃፓ ባጎ ባንፃ ኔ ሸሩዋጉዲ ሱሲና ታ ኔና ቱካንዳ።

9 «ጊንሃ ሃሃ ዛርጌና ዔልዓና፣ ያምዎሎና ሲሪንጎና፣ ዳይሶና ባርቹና ዔኬ፤ ዬያ ቢያሂ ፔቴይዳ ሲኢሪጋፓ ላኣዳ ላኣዳ፤ ዬያ ኔኤኒ ሻውሎ ባንሂ ሸሪ ላሃ ሃይሃ ጄኤቶና ታዘጲታም ኬሎንሂ ጋራ ሙዓንዳሂኬ።

10 ኬላ ኬላ ላምዎ ጄኤታና ሃይሂታሚ ጊራኣሚ ማዓ ላኣዳ ዔኪ ዔኪ ኔ ሙዓንዳ።

11 ኔኤኒ ፀሽካ ዋኣዎ ፔቴ ኬሊዳ ላምዎ ቡርጩቆ ሌሊ ዔኪ ፀሽካንዳያ ኮይሳ።

12 ዓሲ ቢያ ዛጋ ቤሰካ ሸኢዢ ሜልዚ ሃንፂሌ ማሂ ዔኤሂጋፓ ላኣዶ ላኣዲ ሙዔ።»

13 ናንጊና ናንጋ ጎዳ፡- «ዬይ ዒሰራዔኤሌ ዓሳ ሜሌ ፃንጎ ዓጮ ቢያይዳ ታኣኒ ዔያቶ ላኣላ ዎዶና ዔያቶኮ ዎጋ ዔያቶ ሙዑዋጉዲ ላኣኼ ዒኢቲ ሙዎ ዔያታ ሙዓንዳያ ማዒያ ዔርዛያኬ» ጌዔ።

14 ታኣኒያ ማሃዎ፡- «ዴኤፖ ናንጊና ናንጋ ጎዳሂዮ! ዬይ ፔቴታዎ ማዎፓ! ታኣኒ ቁጄ ባኣዚና ዒኢቲ ማሊ ዔሩዋሴ፤ ናኣቱሞፓ ዓርቃዎ ጉሪ ሃይቁያ፣ ሃንጎ ሃሃ ቦዎ ዎዴ ቆልሞ ዓሽኪ ታኣኒ ሙዔ ዎዴ ባኣሴ፣ ሻኣካ ሙኡዚያ ታኣኒ ሙዒባኣሴ» ጌዔ።

15 ናንጊና ናንጋ ጎዳ ማሃያ፡- «ኮሺኬ፤ ያዲ ማዕያታቲ ዓሶ ሺያ ቤዛ ማኤሺ ዔኪ ዬያ ዔኤህ ላኣዶ ላኣዶ!» ጌዔኔ።

16 ሃሃ ዒ ኬኤዛያ፡- «ዓሲ ናዓሂያ! ዬሩሳላሜ ካታሞሞ ሙዓ ጴዳ ካሮታ ባይዘንዳኔ፤ ዒኢካ ናንጋ ዴራ ዒጊቹሞና ዓልቲሂና ማዒ ሙዓ ካሃና ዑሽካ ዋኣያዋ ቆኦተሙንዳጉዲ ታ ማዳንዳኔ።

17 ጊዳ ሙኡዚንታ ዋኣሂንታ ባኣያ ታ ማሃንዳኔ፤ ዬያሮ ዓሳ ዋዛ ቲቁሂና ዋሊ ዛጋንዳኔ፤ ዔያቶኮ ዳቢንቶ ሚርጉማፓ ዔቁያና ዑፃ ዔያቶኮ ያኦፓንዳኔ» ጌዔኔ።

5

ሂዘቄኤሌኮ ቶኣኮ ጉኡሊንቲፃ

1 ናንጊና ናንጋ ጎዳ ኬኤዛያ፡- «ዓሲ ናዓሂያ! ዋርቁንቲ ጨንቹ ዓፓሮ ዔኪጋፓ ኔኤኮ ቡኡጮንታ ቶኣኮዋ ጉቤ ጉኡሌ፤ ዬካፓ ጋፓና ዴኤሡሞ ዛጊ ዔሮ ባኮና ዔሪጋፓ ሃይሃ ቤሲ ፓቁ።

2 ካታሜሎኮ ማንጊንቲፃ ጋፔሰካፓ ሃይሃ ቤሲ ፓቁንቲ ጋሞኮ ፔቲ ቤዛ ፓቁንቲ ጋሞ ካታሜሎ ኔኤኒ ማሊሺ ኮሺ ጹኡቤሎ ዑፃ ታሚና ሚቹ፤ ለምዓሳ ቤዛ ፓቁንቲ ጋሞ ቲቁጋፓ ካታሜሎ ኔኤኒ ማሊሺ ማዜ ጹኡቤሎኮ ዓጮ ሺርሺ ጌህ። ሃይሃሳ ቤዛ ፓቁንቲ ጋሞ ዔኪ ዠባራ ላኣሌ፤ ዬካፓ ታኣኒ ጨንቹ ዓፓሮና ዬያ ዳውሳንዳኔ።

3 ዬያ ጋማፓ ዳካ ዔኪ፡ ኔ ማኣዔ ዓፒሎኮ ዓጫ ያሺ።

4 ዬያይዳፓ ጊንሃ ሃሃ ዳካ ዔኪጋፓ ታሚዳ ዓጊ ሚቹ፤ ዒኢካፓ ዔቃ ታማ ዒሰራዔኤሌ ዴሮ ቢያ ሄላንዳኔ» ጌዔኔ።

5 ናንጊና ናንጋ ዴኤፓ ጎዳሂ፡- «ዓካሪ ዬሩሳላሜ ዛጌ! ዒዛ ሜሌ ዓጮኮ ባኣካ ማዓንዳጉዲ ታ ዒዛ ጌህኔ፤

6 ዬሩሳላሜ ጋዓንቲ ታኣኮ ዋጎና ዳምቦና ካፖ ሃሺ፡ ሜሌ ዴሮይዳፓ ባሺ ፑርታያና ኮሮይዳ ዓኣ ዓጮይዳፓ ባሺ ዋይዘ ዒፃያ ማዓያ ዔርዜኔ፤ ዬሩሳላሜ ታኣኮ ዋጎና ዳምቦና ቶኦቹኔ፤ ታኣኮ ዓይሂያጉዴያ ዒዛ ሃንቲባኣሴ» ጌዔኔ።

7 ዬያሮ ናንጊና ናንጋ ዴኤፓ ጎዳ ሂዚ ጋዓኔ፡- «ዒንሂ ዬሩሳላሜይዳ ናንጋ ዓሳ! ዒንሂኮ ኮሮይዳ ዓኣ ዴሮይዳፓ ባሺ ዒንሂ ዳምቤባኣ ዓሲ ማዔኔ፤ ታኣኮ ዋጎንታ ዳምቦዋ ዒንሂ ቦንቹባኣሴ፤ ዒንሂኮ ኮሮይዳ ዓኣ ዴሮ ዳምቦናታፃ ዒንሂ ዋርቁባኣሴ።

8 ዬያሮ ታኣኒ ናንጊና ናንጋ ዴኤፓ ጎዳ ኔና፡ ዬሩሳላሜይዳ ዳጋና ዔቁያ ማዔሂ ኔኤም ዔርዘንዳኔ፤ ዴሬ ቢያ ዛጋንቲ ታ ኔ ጊዳ ፑርታ ባኣዚ ዓጋንዳኔ።

9 ኔኤኒ ዒኢቲ ዒኢቲዮሮ ቢያ ሃያኮ ቤርታ ታኔና ማዲባኣ ባኣዚና ሴካ ቤርቲማኣ ታኔ ጊዳ ሄሊሲንዲዋ ማቶ ዔኪ ታ ዬዓንዳኔ።

10 ዬያሮ ዬሩሳላሚይዳ ዓኣ ሾዔ ዓሳ ጎኔና ፔኤኮ ናኣቶ ሙዓንዳኔ፤ ናኣታኣ ዔያቶ ሾዔ ዓሳ ሙዓንዳኔ፤ ዬያይዲ ታኣኒ ዒንሢ ቢያሢ ሜታሳንዳኔ፤ ዓቲ ዓሶ ሳዖኮ ያይዶ ባንዖ ታ ዜርቃንዳኔ።

11 «ዬያሮ ታኣኒ ናንጊና ናንጋ ጎዳ ማዔ ጎይዖና ታኣኒ ጋዓሢ ሃያኬ፤ ፑርቱሞና ዒኢቲ ባኣዚ ቢያ ማዲሢና ዒንሢ ታኣኮ ጌኤኸ ማኣሮ ዒኢሴሢሢር ታኣኒያ ሚጨንቲሢባኣያ ዒንሢ ደውሲሳንዳኔ።

12 ዒንሢ ደርይዳፓ ሃይሃ ቤሲ ፓቁንቲ ደርኮ ፔቲ ዛላ ናይዚና ሃርጌና ሃይቁ ጋፓንዳኔ፤ ጊንሣ ሃሣ ፔቲ ዛላ ካታሞኮ ዙላ ጨንቆ ዓፓርና ዋዲንታንዳኔ፤ ዓቲ ሃይሣሳ ዛላ ሳዖኮ ያይዶ ባንዖና ዜርቁንታንዳጉዲ ማሄሰካፓ ጨንቆ ዓፓርና ዔያቶ ታኣኒ ደውሳንዳኔ።

13 «ዬካፓ ዳጋ ታኣኮ ሺማንዳኔ፤ ታ ዔያቶይዳ ዔኪ ሙኬ ፑርቶ ባካ ማዓንዳኔ፤ ዬያ ታኣኮ ዳጎ ታኣኒ ዔያቶ ዑፃ ሄሊሴ ዋዶና ታኣኒ ናንጊና ናንጋ ጎዳ ታ ጊዳፓ ሜሌ ካኣሽኪንታንዳጉዲ ኮዑዋያ ማዒያና ኬኤዜያ ማዔሢ ዔያታ ዔራንዳኔ።

14 ዬያጉዲ ሃሣ ዓጫ ዒንሢኮ ጉሪ፥ ዒንሢኮ ኮርይዳ ናንጋ ደርማኣ ሚኢቶ ታ ዒንሢ ማሃንዳኔ፤ ዬያ ታኣኒ ማዳንዳሢ ዒንሢኮ ኮርሳ ሃንጋ ሴካ ጋዓ ዓሳ ቢያ ዛጋንቲኬ።

15 «ታኣኮ ዴኤፖ ዳጎና ዒንሢ ዑፃ ታ ዋጎ ማዲ ታኣኒ ኩንሣኣና ዒንሢኮ ኮርይዳ ናንጋ ደርሞ ዒንሢ ሚኢቶና ዓማሊ ባኣዚና ማዓንዳኔ፤ ጊንሣ ሃሣ ረንሢና ዔሩዋቲ፥ ጋዓ ለቲሢና ዲቃሥሢማ ካራ ዒንሢ ማዓንዳኔ፤ ሃያ ኬኤዜሢ ታና ናንጊና ናንጋ ጎዳኬ።

16 ዋዋዳ ሂኢሺጉዲ ማዔ ናይዚ ዔኪ ታኣኒ ዒንሢ ዑፃ ሙካንዳሢ ዒንሢ ባይዛንዳጉዲኬ፤ ለሚ ለሚ ናይዚ ታ ዔኪ ዬዓንዳኔ፤ ዒንሢሞ ሙዓ ጴዳ ካርዋ ታ ባይዛንዳኔ።

17 ናይዚንታ ካይዚ ቦዖዋ ታ ዒንሢዳ ዳካንዳኔ፤ ያታ ናኣቶ ዒንሢኮ ዋዳንዳኔ፤ ያልዚያ ታ ዒንሢዳ ዔኪ ዬዓንዳኔ፤ ዳማ ዳማ ባይሲንታንታ ዋዳ ባኣዚያ ዒንሢ ባኣካ ሚርጋንዳኔ፤ ታኣኒ ናንጊና ናንጋ ጎዳ ሃያ ኬኤዜኔ።»

6

ዒሰራዔኤሌ ዓጮ ዲኮሞ ኬኤዚንቲ ያኦሲ ማሊዖ

5:10 ዔቃ. ማ 4:10። 5:17 ዮሃ. ያፔዳ 6:8።

1 ናንጊና ናንጋ ጎዳ ታአም ሂዚ ጌዒ ኬኤዜኔ፡-

2 «ዓሲ ናዓሢየ! ዒሰራዔኤሌ ዓጮ ዲኮ ባንሢ ዛጌ፤ ዔያቶም ያኦሲ ማሊሢ ኬኤዜ።።

3 ዒሰራዔኤሌ ዓጮ ዲካ ዴኤፖ ጎዳሢኮ ቃኦሎ ዋይዛንዳጉዲ ኬኤዜ፤ ታኣኒ ዴኤፖ ናንጊና ናንጋ ጎዳ ኬኤዛሢ ዲኮንታ ጌሚሮንታ ማጋዳ ጊንያ ዶኦጫ ቢያ ዋይዛንጎ፤ ዴራ ሜሌ ያኦዞም ዚጋ ዴጌ ቤዛ ቢያ ባይዛ ጩንቹ ዓፓሮ ታ ዳካንዳኔ።።

4 ዬያቶኮ ዒንጎ ባኮ ሺኢሾ ቤዛ ቢያ ሻሂንታንዳኔ፤ ሃሣ ዑንጆ ጩቢሾሢሢ ቢያ ጋኦጩንታንዳኔ፤ ዋዲንቲ ዓሳ ዔያቶኮ ካኣሽኮ ያኦዞ ቤርታ ኬኤሪንታንዳኔ።።

5 ዒሰራዔኤሌ ዴሮኮ ሌዛ ዔያቶኮ ያኦዞ ቤርታ ኬኤሪንታንዳጉዲ ታ ማዳንዳኔ፤ ዬያቶኮ ሚጌያዋ ዔያታ ዒንጎ ባኮ ሺኢሻ ቤዛኮ ዓጮ ሺርሺ ታኣኒ ዜርቃንዳኔ።።

6 ዒንሢ ናንጋ ካታማ ቢያ ጉሪ ማዓንዳኔ፤ ዒንሢ ዚጋ ዴጌ ቤዛኣ ሻሂንታንዳኔ፤ ዒንጎ ባኮ ሺኢሻ ቤዛ ሻሂንቲ ዒንሢኮ ጉሪ ማዓንዳኔ፤ ዒንሢኮ ካኣሽኮ ያኦዞ ሜቂ ደዓንዳኔ፤ ዑንጆ ጩቢሾሢሢ ጋኦጩንታንዳኔ፤ ዒንሢ ማዳ ባካ ቢያ ቤሲ ባይቃንዳኔ።።

7 ዋዲንቲ ዓሳ ዒንሢኮ ቢያ ቤዛ ኬኤሪንታንዳኔ፤ ዬካፓ ዒንሢ ታኣኒ ናንጊና ናንጋ ጎዳ ማዔሢ ዔራንዳኔ።።

8 «ጋዓንቲ ዒንሢዲፓ ዳካ ዓሲ ታ ዓይሳንዳኔ፤ ዒንሢኮ ዛላ ዓሲ ሚሌ ዴሮ ዓጮ ዓኣዲ ያሎይዲፓ ቶሊ ዓታንዳኔ።።

9 ሃይባፓ ቶሌ ዓሳ ዲዒንቲ ዓኣዴ ሚሌ ዴሮ ባኣካ ዓኣፖ ታና ማሊ ጳቂሣንዳኔ፤ ዔያታ ታና ጳቂሣንዳሢ ታ ጊዲፓ ሃኬ፥ ዳምቤ ባኣያ ማዔ ፑርቶ ዒኖንታ ዳምቤ ባኣያ ማዔ ዓኣፓኣ ዔያቶኮ ሚሌ ያኦዞ ዛጊሢና ታና ዔያታ ያዩሴሢሮኬ፤ ሃሣ ዔያቶኮ ዒኣቲ ማዶና ዔያታ ማዳ ፑርቶ ባኮሮ ዔያታ ፔና ሻኣኪንታንዳኔ።።

10 ታኣኒ ናንጊና ናንጋ ጎዳ ማዔሢና ባይሲንታ ዔያቶይዳ ዔኪ ሙካኒ «ዒንሢና ዔሩዋቲ» ጌዔ ሳቲፃ ቢያ ታኣኮ ጉሪ ዚርቂሢ ማዒባኣያታሢ ዔያታ ዔራንዳኔ።።»

11 ዴኤፖ ናንጊና ናንጋ ጎዳ ኬኤዛየ፡- «ያልዚና ናይዚና ዲማ ዲማ ዋዳ ሃርጌናኣ ሃይቃንዳ ዒሰራዔኤሌ ዓሰኮ ፑርቶ ዒኣቲ ማዶ ዛሎሮ ቢያ ኦና ባዴዔ!» ጌዒ ጌዒ ኩጮና ቤኤዚንቲ፥ ቶኮናኣ ሳፃ ዓኪ ዓኪ ያዩያ ዒንሢኮ ፔጋሲ ዳውዋቲ!

12 ሃኬ ዓኣ ዓሳ ሃርጊንቲ ሃይቃንዳኔ፤ ዑኬ ዓኣ ዓሳ ያልዚና ሃይቃንዳኔ፤ ዬካፓ ዓቲ ዓሳ ናይዚና ሃይቂ ጋፓንዳኔ፤ ዬያይዲ ታኣኮ ዋልቃዳ ዳጎ ዔያቶ ዑፃ ታ ኬይሳንዳኔ።።

13 ሌዛ ዔያቶኮ ማሌ ያኦዘና ዒንጊያ ሸኢሸ ቤዘኮ ኮይላ ኩሊንታንዳኔ፤ ዴጌ ጌሚሮና ዲኮ ቶኦኮና፣ ዩያጉዲ ሃሣ ዋላዝ ዋርቄሚያና ዴኤፖ ሻኣቦ ዴማ ዔያቶኮ ካኣሸኮ ያኦዘሞ ቃራ ሳውቃ ቲዡ ሸኢሸ ቤዘይዳ ቢያ ሌዛ ዔያቶሲ ኬኤሪንታንዳኔ፤ ዬኖ ዋዶና ዓሳ ቢያ ታኣኒ ናንጊና ናንጋ ጎዳ ማዔሣ ዔራንዳኔ።

14 ጎኔና ታኣኒ ኩጮ ታኣሲ ዔቁሲ ዓጮ ዔያቶኮ ባይዘንዳኔ፤ ደኦሎ ዘሎይዳ ዓሲ ናንጉዋ ዳውላፓ ዓርቃያ ኬዶ ዘላ ዓኣ ዲቢላ ካታሞ ሄላንዳኣና ጉሪ ሳዓ ታ ማሃንዳኔ፤ ዒሰራዔኤሌ ዓሳ ናንጋ ቤዘ ቢያ ፔቲታያ ዓይሱዋያ ታኣኒ ባይዘንዳኔ፤ ዬኖ ዋዶና ታኣኒ ናንጊና ናንጋ ጎዳ ማዔሣ ዓሳ ቢያ ዔራንዳኔ።»

7

ዒሰራዔኤሌ ዓሶኮ ጋፒንፃ ሄሌያ ማዒያ

1 ናንጊና ናንጋ ጎዳ ሂዚ ጌዒ ታኣሞ ኬኤዜኔ፡-

2 «ዓሲ ናዓሢያ! ታኣኒ ዴኤፖ ናንጊና ናንጋ ጎዳ ዒሰራዔኤሌ ዓጮ ዘሎ ጋዓሢ ያዲኬ፤ ቢያ ዘሎና ሃኖ ዓጮሎኮ ጋፒንሢ ባይሲንታ ሄሌኔ።»

3 «ዒሰራዔኤሌ ዴፊዮቴ! ዒንሢኮ ባይሲንታ ሙኬኔ፤ ታኣኮ ደጎ ታ ዒንሢ ዑፃ ጮኣሸካንዳኔ፤ ዒንሢኮ ሃንቲያጉዴያ ታኣኒ ዒንሢዳ ዋጋንዳኔ፤ ዒንሢኮ ዒኢቲ ማዶሮ ቢያ ታ ዒንሢ ማታሳንዳኔ።»

4 ፔቲታያ ታ ዒንሢ ሚጨንታዓኬ፤ ዒንሢኮ ዒኢቲ ማዶ ዒንሢ ማዲ ማዲ ዓኣሢሮ ታ ዒንሢዳ ማቶ ዓጋንዳኔ፤ ዬኖ ዋዶና ታኣኒ ናንጊና ናንጋ ጎዳ ማዔሣ ዒንሢ ዔራንዳኔ።»

5 ዴኤፖ ናንጊና ናንጋ ጎዳ ኬኤዘያ፡- «ሜቶይዳ ማታ ዒንሢሞ ቃሲንታንዳኔ፤»

6 ጋፒንፃ ሄሌኔ፤ ዒንሢዳ ዔቁኔ፣ ሃይሾ ሙኬኔ።

7 ዒንሢ ዓጮሎይዳ ናንጋ ዴሮኮ ቢያ ባይሲንታ ሄሌኔ፤ ዬይ ዋዳ ሄሌኔ፣ ኬላ ዑኬኔ፤ ዬይ ዲቃቲሢ ኬሊ ማፃንዳኣፓዓቲሞ ጌሚሮይዳ ኮሢ ኮርጎ ኬሊቱሞ።

8 «ሃሢ ታኣኒ ዑኬ ዋይይዳ ታኣኮ ደጎንታ ዲማ ዲማ ባይዘ ባኮ ዒንሢዳ ኬይሳንዳኔ፤ ዒንሢኮ ሃንቲያ ጎይያጉዴያ ታ ዒንሢዳ ዋጋንዳኔ፤ ዬያ ሌሊቱሞንቲ ዒንሢኮ ሻኣካ ማዶሮ ታ ዒንሢዳ ማቶ ዓጋንዳኔ።»

9 ፔቲታያ ታ ዒንሢ ሚጨንታዓኬ፤ ዒንሢኮ ዒኢቲ ማዶ ዒንሢ ማዲ ማዲ ዓኣሢሮ ታ ዒንሢዳ ማቶ ዓጋንዳኔ፤ ዬኖ ዋዶና ታኣኒ ናንጊና ናንጋ ጎዳ ማዔሣ ዒንሢ ዔራንዳኔ።»

10 ሃይሾ ባይሲንታ ኬሊ ዲሰራዔኤሌ ዓሰይዳ ሙካኒ ዑኩኔ፤ ሄርቄ ዎይሥሢና ዎይዚ ዲዲሢ ሚርጌኔ፤ የቶርሙሞዎ ዲኢካ ደግ ደገ ጌዔኔ።

11 ዎይዘ ዲዲይይዳፓ ዔቄያና ፑርታ ማዶ ዲቤኔ፤ ዬያቶ ባኣካፓ ፔቲታዎ ዓታዓኩ፤ ዔያቶኮ የርጎቹሞና ቆሎ ሚርጌሢናይዳፓ ዓታንዳያ ባኣሱ።

12 ሃይሾ ሃሢ ዎዳ ሄሌኔ፤ ኬላኣ ዑኩኔ፤ ታና ናንጊና ናንጋ ጎዳኮ ደጋ ቢያሢ ዑፃ ኬዳንዳሢሮ ሻንቃሢያ ዎዛደፓ፡ ሻንቻሢያ የዮፓ።

13 ሻንቻሢያ ሻንቃሢያ ሸምፔና ዓኣ ዎዶማና ሻንቹሢ ሻንቹ ባኮ ማሃኒ ዳንዳዑዎኣሢጉዲ ያኦሲ ፔጋሲ ደዌ ባካ ኬኤዚንቴሢ ቢያሢሞታሢሮ ማዑዎያኬ፤ ዔያቶኮ ጎማፓ ዔቄያና ሸምፓሢ ዓይሳኒ ዳንዳዓንዳይ ፔቲታዎ ጰዳዓኬ።

14 ዛዬ ዎርቁ፡ ቢያ ባኮ ዔያታ ጊኢጊሸቴያ፤ ናንጊና ናንጋ ጎዳኮ ደጋ ዓሶ ቢያሢ ዑፃ ሙካንዳሢሮ ዓይጎ ዓሲያ የሎር ዓኣዳዓኬ።

ዲሰራዔኤሌ ዓሳ ጎሞ ማደሢሮ ሄላንዳ ሜቶ

15 ሶኦፔ ቤዛ የልዚ፡ ጊንሃ ማኣሮይዳ ማኣሮይዳ ሃርጌና ናይዚና ዓኣኔ፤ ካታማፓ ዙላ ናንጋ ዓሳ ቢያ የልዚና ሃይቃንዳኔ፤ ካታሞኮ ጋርይዳ ዓኣሢያ ሃርጌና ናይዚና ሃይቁ ጋፓንዳኔ።

16 ዶኦጫዳ ጊንጎይዳ ዓኣ ዶኦላ ፔና ዓውሳኒ ዱኮ ኬሰካሢጉዲ ዓሶ ባኣካፓ ሃይቁዎዎ ዓቴይ ዓኣያ ማዔቴ ዱኮ ዑየ ኬሰኪ ፔኤኮ ጎሞ ዛሎር ዓዳ ዬያ ዶኦሎጉዲ የዬሢና ኩኡካንዳኔ።

17 ዓሲኮ ኩቹ ቢያ ዶጫንዳኔ፤ ዎልቃኣ ቢያ ዎኣሢ ማዓንዳኔ፤

18 ዓሳ ሲዬ ፓቲሌ ማይንታንዳኔ፤ ዲቃቲሢያ ዔያቶይዳ ጌላንዳኔ፤ ዓኣፖ ካራ ዔያቶኮ ቦርሲንቴያ ማዓንዳኔ፤ ቶኦኮዎ ፔኤኮ ዔያታ ጉኡላንዳኔ።

19 ቢር ዔያታ ፔኤኮ ጎይፃ ላኣላንዳኔ፤ ፔኤኮ ዎርቆዎ ዓዳ ዒኢቴ ባኣዚጉዲ ፓይዳንዳኔ፤ ቢርንታ ዎርቆንታ ዔያቶኮ ናንጊና ናንጋ ጎዳ ደጎ ዓቦና ዔያቶ ዓውሳዓኬ፤ ናፓ ዔያቶ ዓይሲ፡ ጎፅ ዔያቶኮ ሚሻዓኬ፤ ጎሞይዳ ሎኦማሢኮ ካራ ዔያቶሞ ማዔሢ ዬያ ባኮኬ።

20 ዔያቶኮ ሄርሺንቶያ ማዔ ሚዛፅ ፓልማሢና ዒሣያና ሻኣካ ሜሌ ያኦዞ ዔያታ ማኤኔ፤ ዬያር ዬያ ዔያቶኮ ፓልማሢ ታ ዔያቶሞ ዒኢቴያ ማሃንዳኔ።

21 ናንጊና ናንጋ ጎዳ ኬኤዛዎ፡- «ዒንሢኮ ፓልማሢ ታኣኒ ሜሌ ፃንጎ ዓሳ ደዒ ዔኪ ዓኣዳንዳጉዲ፡ ሃሣ ጎሞ ዓሳኣ ቡራንዳጉዲ ዓኣሢ ደጋንጎዳኔ፤ ዔያታኣ ዬያ ባኮ ዒኢሳንዳኔ።

22 ሱላ ታኣኮ ጌኤዥ ማኣሪ ጌሊ ዒኢሳንዳኔ፤ ዔያታ ዬያይዲ ዒኢሳኣና ታኣኒ ዔያቶ ላኣጋዓኬ።

23 «ዓጩላ ዓሲ ዋዲሂና፡ ካታሜላኣ ዋይዚ ዒዲሂና ኩሜሂሮ ኔኤኒ ካኒ ቢራታ ገኢጊሼ።

24 ሜሌ ዳሮ ባኣካፓ ሚርጌና ፑርቶ ዓሶ ሃይካ ታ ዔኪ ሙኪ ማኣሮ ዒንሂኮ ዔያታ ዳካላንዳጉዲ ማሃንዳኔ፤ ዋልቆ ዓሶኮ ሶቶርሙሞ ታ ባይዘንዳኔ፤ ዒንሂኮ ካኣኩ ቤዘዋ ዔያታ ዒኢሳንዳኔ።

25 ሜታዲ ዋኣዪፃ ዒንሂ ሄሌ ዋዶና ኮሹሞ ዒንሂ ኮዓንዳኔ፤ ጋዓንቴ ዒንሂ ዳንቃዓኬ፤

26 ዲማ ዲማ ባይዘ ባካ ዋሊ ሄሊ ሙካንዳኔ፤ ፑርታ ሃይሴያ ዋሊ ሄሊ ዬዓንዳኔ፤ ሶኦሲ ማሊያ ኬኤዛ ዓሳ ሶኦሲ ዔያቶሞ ፔጋሲ ዳዋ ባኮ ዒንሂሞ ኬኤዛንዳጉዲ ዒንሂ ሹኢቃንዳኔ፤ ቄኤሳ ዳሮ ዔርዘ ዋንነታ ጋርቾ ዓሳኣ ዳሮ ዘራንዳ ዘሮዋ ባይቃንዳኔ።

27 ካኣቲ ዬኤካንዳኔ፤ ካኣቲ ናኣዚያ ሃጊ ማዓ ዋዘ ቲቃንዳኔ፤ ዳራ ዒጊቹማፓ ዔቄያና ጎጋይቃንዳኔ፤ ዒንሂኮ ሃንቲያ ጎይያጉይያ ታ ዒንሂዳ ሜቶ ዓጋንዳኔ፤ ሜሌ ዓሶ ዑፃ ዒንሂ ዋጌሂጉይያ ታኣኒ ዒንሂ ዑፃ ዋጋንዳኔ፤ ዬያና ታኣኒ ናንጊና ናንጋ ጎዳ ማዔሂ ዒንሂ ዔራንዳኔ» ጌዔኔ።

ያኦሲ ሂዘቄኤሌም ላምዓሶ ፔጋሲ ዳዋ ባኮ

8

(8:1—10:22)

ዬሩሳላሜይዳ ካኣሽኪንቴ ሶኦዘ

1 ኦኡኒ ዲዒንቴንቴ ላሃሳ ሌዖና፡ ላሃሳ ዓጊኖኮ ደንጋሳ ኬሎና ዪሁዳ ዓጫፓ ዲዒንቴ ዳርኮ ሱኡጋ ታ ማኣራ ታኣና ዋላ ዳዒ ዓኣንቴ ዴኤፖ ናንጊና ናንጋ ጎዳኮ ዋልቃ ዔርቲባኣ ጎይሂና ታ ዑፃ ኬይኔ።

2 ዒማና ታኣኒ ደጊ ጌዒ ዛጋያ ማላሂ ዓዳ ታሚ ላኦሙጊጉዲ ፖፖዓ ዓሲ ማላ ባኣዚ ዳንቄኔ፤ ዬያ ዓሶ ማላ ባካሂኮ ኬርናፓ ለካሂ ታሚ፡ ጊንሣ ሃሃ ኬርናፓ ሌካሂ ሹሹኤራያ ገልፓይዳ ሶይዴ ዓንጊ ማላኔ።

3 ዓዚያ ዓሲ ኩቹ ማላ ባኣዚ ታ ባንሂ ሎይሳያ ታኣኮ ቶኦኮ ጋሞ ዓርቄኔ፤ ዬያ ሶኦሲ ፔጋሲ ዳዋ ባኮና ናንጊና ናንጋ ጎዳኮ ዓያና ሳያይዳፓ ሌካ ታና ጫሪንጮ ኬሳያ ዬሩሳላሜ ሄሊሴኔ፤ ዬካፓ ኬዶ ባንዖና ጌኤኩ ማኣሮ ቆልዖ ዔኪ ጌልዛ ዓሳ ቡካ ጸኦኮ ዲሮ ካሮይዴና ጋዓያ ናንጊና ናንጋ ጎዳ ፔ ጊዳፓ ሜሌ

8:2 ሂዘ. 1:28።

ካኣሽከንታንዳጉዲ ኮዑዋ ደጎ ዔቁሳ ጾኦዞ ማላሣ ዓኣ ቤሲ ታና ሄሊሴኔ።

4 ዒኢካ ዒሰራዔኤሌ ጾኦዞ ሰንቻ ዓኣኔ፤ ዩይያ ከባሬ ዋሮይዳ ጾኦሲ ታኣም ፔጋሲ ደቄ ጎይጾጉዳ ባኣዚኩ።

5 ዒማና ጾኦሲ፡- «ዓሲ ናዓሢዮ! ከዶ ባንጾ ዛጌ!» ጌዔኔ፤ ታኣኒያ ዛጌ ዋዶና ዲሮ ካሮ ጌሎሢኮ ሆቲና ዓኣ ጾኦሲም ዒንጎ ባኮ ሺኢሾ ቤዘ ዓጫ ጾኦሲ ፔ ጊዳፓ ዓቲም ሜሌ ካኣሽከንታንዳጉዲ ኮዑዋ ደጎ ዔቁሳ ማላታ ዓኣኔ።

6 ዩካፓ ጾኦሲ፡- «ዓሲ ናዓሢዮ! ማዲንቲ ባኮ ቢያ ኔኤኒ ዛጋ? ዒሰራዔኤሌ ዴራ ሃሮ ቤዘይዳ ማዲ ሻኣካ ባኮ ዛጌ፤ ሃያ ማዶና ታኣኮ ዲማዴ ቤዛፓ ታና ዔያታ ሃኪሴኔ፤ ሃያይዳፓ ባሼ ሚርጌና ደውሲሳያ ማዔ ባኣዚ ሃጊ ኔ ዛጋንዳኔ» ጌዔኔ።

7 ዙሎ ዙሎና ዓኣ ዓሳ ቡካ ጸኦኮ ጌሎ ካሮ ባንሢያ ዔኪ ታና ዓኣዴኔ፤ ዩካ ሹጮና ኮሾና ከኤሎ ዲሮ ዑፃ ፔቲ ዪኢና ካራ ዓኣኔ፤

8 «ዓሲ ናዓሢዮ! ሃሮ ባንጾና ሃያ ሹጮና ከልቆና ከኤሎ ዲሮ ሻሄ!» ጌዔም ታ ቡጋዛ ፔቲ ካራ ጴዴኔ፤

9 ዒማና ዒዚ ታኣም፡- «ጋሮ ጌሊጋፓ ዒኢካ ዔያታ ማዲ ፑርቶ፡ ሃሣ ሻኣካ ባኮዋ ዛጌ!» ጌዔኔ።

10 ዩያሮ ታኣኒ ጋሮ ጌሊ ዛጌኔ፤ ዒኢካ ዩያ ሹጮና ከልቆና ከኤሎ ዲራ ማዓ ካሮናይዳ ቢያ ዳዶና ጎቺንቲ ሃንታ ጌኤሺ ማዒባኣ ቦጾንታ ዒሰራዔኤሌ ዴራ ካኣሽካ ጾኦዞ ማላታኣ ኮሺንቲ ዓኣኔ።

11 ሻፓኔ ናኣዚ ዓዛኒያ ዓቲዋፃ ለንካይታም ዒሰራዔኤሌ ዓሶኮ ሱኡጋ ዒኢካ ዓኣኔ፤ ዒማና ዔያታ ፔቲ ፔቲሢ ዑንጆ ጩቢሾ ኩንጾ ዓርቂ ዓኣኔ፤ ዩያ ጩቢሾ ኩንጾይዳፓ ሳዋ ኮሺ ማዔ ዑንጆ ጩባኔ፤

12 ዩካፓ ጾኦሲ፡- «ዒሰራዔኤሌ ዓሶ ሱኡጋ ፔኤኮ ካኣሽኮ ጾኦዞ ማኣሮ ቆልፃ ዲሞይዳ ማዒ ናንጊና ናንጋ ጎዳ ኑና ዛጉዋሴ! ኑኡኮ ዓጩሎዋ ዒዚ ሃሼኔ ጌይሢና ማዲ ባኮ ኔኤኒ ዛጋ?» ጌዔኔ።

13 ሃሣ ዒዚ ከኤዛጾ፡- «ሃያይዳፓ ባሼ ሻኣካ ባኣዚ ዔያታ ማዲንቲ ኔኤኒ ዛጋንዳኔ» ጌዔኔ።

14 ዩካፓ ከዶ ባንጾና ዓኣ ጌኤዦ ማኣሪ ጌሎ ዲሮ ካሮ ዔኪ ታና ዒ ዓኣዴኔ፤ ዩካ ቲሙዜ * ጌይንታ ጾኦዞ ሃይቄኔ ጌዒ ላኣላ ዩኤካያ ታና ደቄኔ።

* 8:14 ቲሙዜ፡- ዩና ዋዶ ላኣላ ቲሙዜ ጌይንታ ጾኦዞ ጾንጾና ሃይቄ ባርጎና ደቃኔ ጌይ ጉሙርቃኔ።

15 ዲማና ዲዚ:- «ዓሲ ናዓሢዮ! ሃያ ኔኤኒ ዛጋ? ሃጊ ሃያፓ ባሼ ሻኣካ ባኣዚ ኔ ዛጋንዳኔ» ጌዔኔ።

16 ሃሣ ጌኤዡ ማኣርኮ ጋርይዳ ዓኣ ዓሳ ቡካ ጳኦኮ ዔኪ ታና ዒ ዓኣዴኔ፤ ዒኢካ ጌኤዡ ማኣርኮ ጌሎ ካር ዓጫ ጸኦሲም ዒንጎ ባኮ ሺኢሾ ቤዘና ዒኢና ዓኣዶ ጎይጾኮ ባኣካ ለማታሚ ዶንጎ ማዓ ዓሲ ዓኣኔ፤ ዬና ዓሳ ዙሎ ፔኤሲ ጌኤዡ ማኣር ባንሢ ማሂ ጾርቃ ዓሶ ካኣሽከሢሢና ዓባ ኬሰካ ባንጾ ባንሢ ጉሞዓቲ ዚጋኔ።

17 ሄሊሳዖ ጾኦሲ:- «ዓሲ ናዓሢዮ! ሃያ ኔኤኒ ዛጋ? ሃያታ ዪሁዳ ዴራ ሃያ ቤዘይዳ ኔኤኒ ዛጌ ሻኣካ ባኮ ቢያ ማዲሢና ዓጩሎይዳ ዋይዘ ዒዲጾ ማርገሻ ዔያቶም ጊዶ ዒዲጾ ሃይ ጌኤዡ ማኣራኣ ዓቲዋንቴ ዒጊጩዋዖ ሙኪ ሃያ ቢያ ማዲያና ጊንሣ ታና ዔያታ ዲጋሳኒ ኮዓኔ፤ ዋማይዲ ዔያታ ታና ጫሽካቶና ታና ዔያታ ዲጋሳኒ ዔያቶም ዶንዶዒንታ ባኣዚ ቢያ ማዲቴያ ሂንዳ ዛጌ!

18 ዬያር ዳጎ ታኣኮ ታ ዔያቶ ዑፃ ጮኣሽካንዳኔ፤ ሚጨጊንቲያ ታ ዔያቶ ሃሻዓኬ፤ ዑኡዘ ፔኤኮ ዔያታ ዴጊዲ ታ ባንሢ ዒላቴቴያ ታ ዔያቶም ዋይዛዓኬ» ጌዔኔ።

9

ሜሌ ጾኦዞ ካኣሽካ ዓሶኮ ዋዲንቲያ

1 ዬካፓ ናንጊና ናንጋ ጎዳ ዑኡዘ ዴጊዲ:- «ዒንሢ ካታሜሎይዳ ሜቶ ዓጋንዳ ዓሳ ሃኒ ሺኢኩዋቴ፤ ዋዲ ባይዚኒ ጊኢጊንቴ ዒንሢኮ ጾሎ ዓንጋሞ ዓርቁጋፓ ሃኒ ሙኩዋቴ!» ጌዒ ኬኤዛንቴ ታኣኒ ዋይዜኔ።

2 ዲማና ለሆ ዓሲ ዓሶ ዋዶንዶ ዓንጋሞ ዓርቁ ኬዶ ባንጾ ባንሢ ሺሬ ኬዳና ጌሎ ካራፓ ሙኬኔ፤ ዔያቶ ባኣካፓ ጉኡዲሲ ሱኪ ዲይሶና ማኣጾ ማይንቴያና ፃኣፒንቴ ባኮ ጌሃ ባኣዚ ሾኦጳይዳ ዓርቁ ፔቴ ዓሲ ዓኣኔ። ዬይ ዓሢ ለሆ ዓሶንሢ ባንሢ ጌሊጋፓ ሞኦኖ ዓንጎና ኮሺንቴ ጾኦሲም ዒንጎ ባኮ ሺኢሾ ቤዘ ኮራ ዔቄኔ።

3 ዬካፓ ዒሰራዔኤሌ ጾኣዛሢኮ ቦንቾ ዔርዛ ፖዓ ቤርታ ዓኣ ኩርቤኤሎ ዑጾይዳፓ ዔቄ ጌኤዡ ማኣሪ ጌሎ ካር ባንሢ ዓኣዴኔ፤ ዲማና ናንጊና ናንጋ ጎዳ ጉኡዲሲ ሱኪ ዲይሶና ማኣዓሢ ማይንቴ፤ ፃኣፖና ባኮዋ ዓርቁ ዓሢ ዔኤሌኔ፤

4 ዬካፓ:- «ዬሩሳላሜ ካታሞ ጉቤ ሺሬ ሃንቴ፤ ካታሜሎ ጋራ ማዲንቴ ሻኣካያና ቦርሲሳያ ማዔ ባኮይዳፓ ዔቄያና ካራ ባይዚ ያያ ዓሶኮ ባሊታ ማላታ ዓይሢ!» ጌዔኔ።

9:4 ዮሃ. ጾፔዳ 7:3፤ 9:4፤ 14:1።

5 ጊንሣ ሃሣ ጾኦሲ ሃንጎ ዓሶንሢሞ:- «ዓካሪ ዒንሢሞ ዒያቶ ጊንፆ ካታሞ ጋሮ ሃንቲ ሃንቲ ቢያሢ ወዲወቲ፤ ጾኦማኣ ሚጨንቲ ሃሺፖቴ።»

6 ጋርቾ ማዔቲያ ዳጌ ዓቲንቆንታ ለኣሎንታ፣ ዳኮ ናኣቶንታ ለኣሎንታ ቢያ ወዲወቲ፤ ጋዓንቲ ባሊቶይዳ ማላታ ዓኣ ዓሶይዳፓ ጾናኣ ካኣሚፖቴ፤ ዬያ ወዲፆ ታኣኮ ጌኤኮ ማኣራፓ ዓርቁወቲ» ጋዓንቲታ ወይዘኔ፤ ዬያሮ ዒኣካ ጌኤኮ ማኣሮይዳ ዔቄ ሱኡጎይዳፓ ወዲፆ ዔያታ ዓርቁ።።

7 ናንጊና ናንጋ ጎዳ ኬኤዛፆ:- «ዓኣዲጋፓ ጌኤኮ ማኣሮ ዒኣሱወቲ! ዓሳ ቡኪንታ ጸኣኮዋ ሌሲ ኩሊንቲያ ማሁወቲ!» ጋዓዛ፣ ዔያታ ኬሰካፆ ካታሚሎ ጋራ ዓኣ ዓሶ ወዲ።።

8 ዔያታ ዓሶ ወዲኣና ታኣኒ ሌሊ ዓቲ ዓኣፆ ባሊቶና ሳዓ ሎኣሚ ለሃ ዒላቲ ዒላቲ:- «ዳኤፖ ናንጊና ናንጋ ጎዳሢፆ! ባዴዔ! ዒሰራዔኤሌይዳ ዓቲ ዓሶ ቢያ ኔ ጋፒሳንዳያ ሄለንዳኣና ዬሩሳላሚ ዓሶይዳ ሃያይዲ ኔ ዳጋዳንዳ?» ጌዔ።።

9 ናንጊና ናንጋ ጎዳኣ ሂዚ ጌዔ።:- «ዒሰራዔኤሌና ዪሁዳና ዴራ ሚርጌ ፑርታ ጎሚ ማዲሢና ዳቢንቲ፤ ዓጨሎይዳኣ ቢያ ዓሰ ዔያታ ወዲ፤ ካታሚሎ ወይዘ ዒፃያ ማዓንዳጉዲ ዔያታ ማሄ፤ ዔያታ <ጾኦሲ ዓጨሎ ኦኡኮ ሃሺ፤ ኦናኣ ዒዚ ዛጉዋሲ> ጋዓ፤።

10 ዬያሮ ታኣኒ ዔያቶ ሚጨንታዓኬ፣ ማኣራፆ ማኣራዓኬ፤ ዔያታ ሚሌ ዓሶ ዑፃ ማዴ ባኮ ቢያ ዔያቶ ዑፃ ማሃ ታኣኒ ማዳንዳ።።»

11 ዬካፓ ዬይ ጉኡዲሲ ሱኪ ዲይሶና ማኣዓሢ ማይንቲ፣ ፃኣፒ ጌሃ ባኮዋ ዓርቁ ዓሢ ማዒ ሙካፆ:- «ኔኤኒ ታና ዓይሢ ባኮ ቢያ ማዲ ታ ኩንሣ።» ጌዔ።።

10

ናንጊና ናንጋ ጎዳኮ ቦንቻ ጌኤኮ ማኣራፓ ዲማዴሢ

1 ታኣኒ ኪሩቤኤሎኮ ሌካ ዑፃ ዓኣ ጫሪንጮ ዛጌ፤ ኪሩቤኤሎ ዑፃ ሴኔፔሪ ጌይንታ ሚዛጾ ሹጫፓ ኮሺንቲ ካኣቶ ጾይታ ማላ ባኣዚ ታ ዴንቁ።።

2 ናንጊና ናንጋ ጎዳ ጉኡዲሲ ሱኪ ዲይሶና ሻኣኮ ማኣዓሢ ማኣዔ ዓሢ ኮራ:- «ኪሩቤኤሎ ዴማ፣ ሺራ ቶኮና ዓኣ ባኮንሢ ባኣኪና ዓኣዴ፤ ዒኣካ ዓኣ ታሞይዳፓ ቁንፆ ኩቻ ዑጨ ዔኪጋፓ ካታሚሎይዳ ለኣሌ!» ጌዔ።።

ታኣኒ ዬያ ዛጋ ጎይሣ ዓኣንቲ ዬይ ዓሢ ጌኤኮ ማኣራ ጌሌ፤።

3 ጋር ዲዚ ጌላ ዎዶና ከሩቤኤላ ጌኤዠ ማእሮኮ ደኦሎ ባንያና ዔቂ ዓኣኔ፤ ጋር ባንያና ዓኣ ዓሳ ቡካ ጰኦኮዎ ሻኣኔ ኩሜኔ፤

4 ዒማና ናንጊና ናንጋ ጎዳኮ ቦንቻ ከሩቤኤሎይዳፓ ዔቂ ጌኤዠ ማእሮ ጌሎ ካራ ዓኣ ዔንዳ ዓኣዳኔ፤ ሻኣራኣ ጋር ኩሜኔ፤ ዓሳ ቡካ ጰኦካኣ ጸኦሲኮ ቦንቻ ፖያና ኩሜኔ።

5 ከሩቤኤሎኮ ጋኣዛ ዎላ ካኣማዎ ያልሳ ዑኡዛ ዙሎ ባንያና ዓኣ ዓሳ ጰኦኮይዳኣ ዓቲዎዎ ዎዎይዚንታኔ፤ ዬይ ዑኡዛ ቢያ ባኮ ዳንዳዓ ጎዳ ዑኡዛ ማላኔ።

6 ናንጊና ናንጋ ጎዳ ዬያ ሻኣዠ ማኣዓሢ ማይንቴ ዓሢ ከሩቤኤሎኮ ዴማ፣ ሺራ ቶኮና ዓኣ ባኮንሢኮ ባኣካፓ ታዎ ዔካንዳፕዱ ዓይሣዛ ዲዚ ዑኩና ጋር ጌሊ ሺራ ቶካ ዓኣ ባኮንሢፓ ፔቴዞ ኮራ ዔቂኔ፤

7 ዬያ ከሩቤኤሎይዳፓ ፔቴይ ዔያቶኮ ባኣኮይዳ ዓኣ ታዎይዳ ኩጮ ዳኪ ዳካ ቁንሢ ዔኪጋፓ ሻኣዠ ማኣዓሢ ማይንቴ ዓሢ ኩጮ ጌሢኔ፤ ዬካፓ ዬይ ዓሢያ ቁንዎ ዔኪ ዓኣዳኔ።

8 ታኣኒያ ፔቴ ፔቴ ከሩቤኤሎኮ ዓሲ ኩቺ ማላ ኩቺ ጋኣዛ ዴማ ዴማ ዓኣያ ማዒያ ዛጌኔ።

9 ታኣኒ ዛጋንቴ ፔቴ ፔቴ ሺራ ቶኮና ዓኣ ባካ ፔቴ ፔቴ ከሩቤኤሎ ኮይላ ዓኣያ ያይዶ ሺራ ቶኪ ዓኣ ባኣዚ ታ ዴንቁኔ፤ ዬያ ሺራ ቶካ ዓኣ ባኮኮ ማላሢ ዓኣፓ ዱካ ሚዛጰ ሹጮ ማላያኩ።

10 ሺራ ቶካ ዓኣ ያይዶ ባኮንሢ ዎሊ ማላያኩ፤ ዬያታ ዎላ ካንሢ ኮሻናፕዴያኩ።

11 ሴካ ቤርቲም ዔያታ ዓጊፃ ዎዶና ዎኖ ባንያዎ ሺሩዎዎ ቢያሢ ፒዜ ዓኣዳኔ፤ ሶሮፒ ማዒ ዓኣዳ፣ ሺራ ቶካ ዓኣ ባካሢ ዎኖ ባንያ ዓኣዳቴያ ሃንጎዎታ ሴካ ሃንጋ ጎዑዎዎ ጊንያማ ዓኣዳኔ።

12 ዔያቶኮ ጉቤ ዑያ ማዔያታቴያ ዙላ፣ ኩጮ ማዔቴያ ጋኣዛ፣ ሺራ ጉኡራኣ ዓቲዎዎ ቢያ ዓኣፒ ሌሊኩ፤

13 ዬይ ሺራ ቶካ ዓኣ ባካ ታኣኒ ዎይዛ ጎይሣ ዓኣንቴ «ሺሺራ ጉኡራ» ጌይንቴኔ።

14 ፔቴ ፔቴ ከሩቤኤሎኮ ያይዶ ዓኣፒ ካራ ዓኣኔ፤ ያቶኮ ቤርታሳሢሲ ጌማይ ዓኣፒ ካራ፣ ላምዓሳሢሲ ዓሲ ዓኣፒ ካራ፣ ሃይሣሳሢሲ ዞቢ ዓኣፒ ካራ፣ ያይዳሳሢሲ ኮኦኩር ማላኔ።

15 ከሩቤኤላ ሳዓፓ ሌካ ዔቂኔ፤ ዔያታ ኬባሬ ዎር ዓጫ ታኣኒ ዛጌ ቦያንሢኩ።

10:9 ሂዘ. 1:15-21። 10:12 ዮሃ. ያፔዳ 4:8። 10:14 ሂዘ. 1:10፤ ዮሃ. ያፔዳ 4:7።

16 ከሩቤኤላ ዓገጃዛ ዔያቶሶ ጎኑቦና ዓኣ ሺራ ቶካ ዓኣ ባካ ዋላ ዓገጃኔ፤ ከሩቤኤላ ሌካ ዔቃኒ ጋኣዞ ፔኤኮ ዔቁሳኣና ዔያቶሶ ጎኑቦና ዓኣ ሺራ ቶካ ዓኣ ባኮንሢ ማሌ ባንሢ ሺሩቆሴ።

17 ዔያቶ ከሩቤኤሎኮ ዓያና ሺራ ቶካ ዓኣ ባኮንሢ ጋሮይዳታሢሮ ከሩቤኤሎንሢ ሺራ ቶካ ዓኣ ባኮንሢና ዋላ ዔቃኔ፤ ዔይ ከሩቤኤላ ሌካ ዔቃኣኔ ሺራ ቶካ ዓኣ ባኮንሢያ ማሌ ባንሢ ሺሩቆሴ።

18 ዔካፓ ናንገና ናንጋ ጎዳኮ ቦንቻ ጌኤኮ ማኣሮ ጌሎ ካሮ ዔንዳፓ ዔቂ ከሩቤኤሎኮ ዑፃ ዓኣ ቤዛ ኬሰኬ።

19 ታኣኒያ ዔያ ዛጊያይዳ ዓኣፃ ከሩቤኤላ ፔኤኮ ጋኣዞ ዔቁሲ ሳያይዳፓ ሌካ ኬሰካ ዋዶና ዔያቶሶ ጎኑቦና ዓኣ ሺራ ቶካ ዓኣ ባካ ዔያቶና ዋላ ኬሰካንቴታ ዴንቄ፤ ጌኤኮ ማኣሮኮ ዓባ ኬሰካ ባንያና ዓኣ ጌሎ ዲሮ ካሮ ሄላያ ዔያታ ዔቄ፤ ዒሰራዔኤሌ ያኦዛሢኮ ቦንቻኣ ዔያቶ ዑያይዳ ዓኣኔ።

20 ዔንሢ ኬባሬ ዋሮ ዓጫ ዒሰራዔኤሌ ያኦዛሢኮ ዴማ ዓኣንቴ ታኣኒ ዛጌ ባኮንሢኬ፤ ታኣኒ ዒማና ዔያታ ከሩቤኤሌ ማዔሢ ዔሬ።

21 ዔያቶ ፔቴ ፔቴሢኮ ያይዶ ዓኣፒ ካራና ያይዶ ጋኣሲና ዓኣኔ፤ ዔያ ፔቴ ፔቴ ጋኣዞኮ ዴማ ዓሲ ኩቺ ማላ ባኣዚያ ዓኣኔ።

22 ዔያቶሶ ዓኣፖ ካሮ ዔንሢ ኬባሬ ዋሮ ዓጫ ታኣኒ ዛጌ ባኮንሢ ዓኣፖ ካሮ ማላያኬ፤ ፔቴ ፔቴ ከሩቤኤላ ፒዝ ጌዒ ሴካ ቤርቴም ዓኣዳ።

11

ዒሰራዔኤሌ ሱኡጎ ዑፃ ዋጊንቴ ዋጌ

1 ያኦሲኮ ዓያና ሳዒፓ ሌካ ታና ዔኪ ኬሳያ ዓባ ኬሰካ ባንያና ዓኣ ናንገና ናንጋ ጎዳኮ ማኣሮ ጌሎ ካሮ ዔኪ ሙኬ፤ ዒኣካ ዲሮ ካሮ ዓጫይዳ ላማታሚ ዶንጎ ዓሲ ታዛጌ፤ ዔያቶ ባኣኮይዳ ዴሮኮ ሱኡጎ ማዔ ዓዙሬ ናኣዚ ዓዛኒያንታ ቤናያ ናኣዚ ፔላዲያንታ ዓኣኔ።

2 ዒማና ናንገና ናንጋ ጎዳ ታኣም፡- «ዓሲ ናዓሢዮ! ሃይ ዓሳ ፑርታ ማላሢ ማላ ቴካኔ፤ ሃኖ ካታሚሎይዳኣ ፑርታ ዞሮ ዔያታ ዞርታኔ፤

3 ለማኣሮ ጊንሢ ማሃ ኑ ማኣንዳ ዋዳ ዋርቃዓኬ፤ ሃኖ ካታሚላ ዓሸኪ ካሃ ያቲ ማዓዛ፤ ኑኡኒ ጊንሢ ጋሮይዳ ዓገንታ ዓሸኮጉዲ ማዔኔ» ዔያታ ጋዓኔ፤

4 ዔያሮ ዓሲ ናዓሢዮ! ዔያቶም ታ ማሊያ ኬኤዜ» ጌዔ።

5 ዔካፓ ናንገና ናንጋ ጎዳኮ ዓያና ዋልቄና ታ ጊዳ ኬዲ፤ ሂዚ ታኣም ጌዔ፡- «ናንገና ናንጋ ጎዳ ሂዚ ጋዓኔ ጌዒ ኬኤዜ፤ ዒሰራዔኤሌ ዴሬዮቴ! ሂዚ ዒንሢ ጌዔ፤ ታኣኒያ ዒንሢ ዒኖ ማሊያ ዔራ።

6 ሃድ ካታሚሎይዳ ሚርጌ ዓሲ ዲንሢ ዋዴኔ፤ ጎይዖዋ ዲንሢ ሌሲ ሌሊ ማሃኔ።

7 «ዬያር ታኣኒ ዴኤፖ ናንጊና ናንጋ ጎዳ ዲንሢም ጋዓሢ ሂዚኩ፡- ዳልጎ ዖቶ ጋራ ዓኣ ዓሽካ ዲንሢ ዋዴ ዓሶኬ፤ ሃና ካታሚላ ዳልጎ ዖቶኬ፤ ጋዓንቲ ካታሚሎይዳፓ ታኣኒ ዲንሢ ኬሳንዳኔ።

8 ዲንሢ ዖልዚ ዲጊጫኔ፤ ታኣኒ ጋዓንቲ ዖልዚ ዲንሢዳ ዔኪ ዩዓንዳኔ፤ ታኣኒ ናንጊና ናንጋ ጎዳ ሃያ ኬኤዘኔ።

9 ታኣኒ ዲንሢ ካታሚሎይዳፓ ኬሲ ሜሌ ፃንጎ ዓሶም ዓኣሢ ዲንጊሢና ዲንሢዳ ሜቶ ዓጋንዳኔ።

10 ዬያር ዲንሢ ዲንሢ ዓጮኮ ዛጳይዳ ዖልዚና ዋዲንታንዳኔ፤ ዲሰራዔኤሌ ዛጳይዳ ታ ዲንሢ ሚታሳንዳኔ፤ ያዲ ማዓኣና ታኣኒ ናንጊና ናንጋ ጎዳ ማዔሢ ዲንሢ ዔራንዳኔ።

11 ሃና ካታሚላ ዲንሢም ዳልጊ ዖቲ ማዓዓኬ፤ ዲንሢያ ሃሃ ዬና ጋሮይዳ ዓጊንታ ዓሽኮፊዲ ማዓዓኬ፤ ታ ዲንሢዳ ዲሰራዔኤሌ ዛጳ ሜቶ ዓጋንዳኔ።

12 ታኣኮ ዲንሢ ዋጎንታ ዳምቦንታ ሃሺ ዲንሢኮ ኮሮ ዓሺኖ ማዔ ሜሌ ዳሮ ዳምቦ ማዲ ዲንሢ ኩንሢሢሮ ዲንሢዳ ሜቶ ዓጊሢ ታና ናንጊና ናንጋ ጎዳ ማዔሢ ዲንሢ ዔራንዳኔ» ። ጌዔኔ።

13 ታኣኒ ዖኦሲ ማሊዖ ኬኤዛኣና ቤናያ ናኣዚ ፔላዒያ ሎኦሚ ሃይቄኔ፤ ዲማና ታኣኒ ባለቶና ሳዖይዳ ሎኦሚ ላሂ ዲላታዖ፡- «ዴኤፖ ናንጊና ናንጋ ጎዳሢዮ! ዲሰራዔኤሌይዳ ፒኢጫዲ ዓቲ ዓሶ ቢያ ነ ዋዲ ጋፒሳኒዳ?» ጌዔኔ።

14 ዬካፓ ናንጊና ናንጋ ጎዳ ታኣም፡-

15 «ዓሲ ናዓሢዮ! ዩሩሳላሚይዳ ናንጋ ዓሳ ኔኤኮ ዓሽኮ ዲጊኖ ዛሎ፡ ዲዒንቲ ዴንዲ ዓኣ ኔ ዓሶ ዛሎ ጌይፃ ዲሰራዔኤሌ ዳሮ ጉቤሢ ዛሎ ሃሢ ጌሰታኔ፤ ዬና ዓሳ ጌሰታሢ፡- <ዲሰራዔኤሌ ዓሳ ናንጊና ናንጋ ጎዳይዳፓ ሃኪ ዴንዳሢሮ ዖኦሲ ሳዔሎ ኑ ዴኔ ማሂ ኑኤም ዲንጌኔ> ዔያታ ጋዓኔ» ጌኤኔ።

ዲሰራዔኤሌ ዓሳ ዲዒንታፓ ማዓንዳሢ ኬኤዚንቲሢ

16 ዬያር ዴኤፖ ናንጊና ናንጋ ጎዳ ሂዚ ጋዓኔ፡- «ሃኬ ዓጮይዳ ናንጋ ሜሌ ዳሮ ባኣካ ዔያታ ናንጋንዳፊቲ ታ ማዲ፡ ዲማ ዲማ ዓጮይዳ ታኣኒ ዔያቶ ዜርቄያ ማዔቲያ ዳካ ዎይም ጋዓንቲ ታኣና ዎላ ዔያታ ካኣማ ጌኤሺ ማኣሪ ታ ዔያቶም ማዓንዳኔ።

17 «ዬያር ታኣኒ ጋዓ ባኮ ቢያ ዔያቶም ኬኤዘ፤ ዓካሪ ታኣኒ ዔያቶ ሜሌ ዳሮ ባኣካፓ፤ ጊንሢ ሃሃ ታ ዔያቶ ዜርቄ ዓጫፓ ቡኩሳንዳኔ፤ ዲሰራዔኤሌ ዓጮዋ ጊንሢ ታ ዔያቶም ማሂ ዲንጋንዳኔ።

18 ዔያታ ማዓያ ደንቃንዳ ሻኦካያና ዒኢቴያ ማዔ ሜሌ ያኦዞ ቤዘማና ፒዒ ባይዘንዳኔ።

19 ፔቴ ዒኔ ታ ዔያቶም ዒንጋንዳኔ፤ ዓኪ ዓያና ጋራ ታ ዔያቶኮ ጌሣንዳኔ፤ ዔያቶኮ ሹጮጉዲ ደዳ ዒኖ ኬሲ ዓዳ ዓሸኪጉዲ ሺኢታ ዒኔ ታ ዔያቶም ዒንጋንዳኔ።

20 ዬማና ታኦኮ ዎኅ ዔያታ ማዲ ኩንሣንዳኔ፤ ዳምቦዎ ቢያ ታኦኮ ዔያታ ቦንቻንዳኔ፤ ዔያታ ታ ዳሬ ማዓንዳኔ፤ ታኦኒያ ዔያቶኮ ያኦዞሣ ማዓንዳኔ።

21 ጋዓንቴ ዒና ዒኢቴያና ሻኦካያ ማዔ ማሌ ያኦዞ ካኦሽካዘንሣም ዔያቶኮ ማዶጉዳያ ታ ጨጋንዳኔ፤» ሃያ ኬኤዘሣ ዴኤፖ ናንጊና ናንጋ ጎዳኬ።

ናንጊና ናንጋ ጎዳኮ ቦንቻ ዬሩሳላሜይዳፓ ዲማዴሣ

22 ዒማና ከሩቤኤላ ጋኦዞ ፔኤኮ ዔቄሲ ባራኒሣ ዓርቄኔ፤ ሺራ ቶኮና ዓኦ ባኮንሣያ ዔያቶኮ ጎኦቦ ዛላ ዓኦኔ፤ ዒሰራዔኤሌ ያኦዞሣኮ ቦንቻ ፖዓ ዑፃ ዔያቶኮ ጴዳኔ፤

23 ዓኦፓ ዲካ ናንጊና ናንጋ ጎዳኮ ቦንቻ ፖዓ ካታሜሎይዳፓ ዔቄ ካታሜሎኮ ዓባ ኬሰካ ባንዖና ዓኦ ዲኮ ዑፃ ኬሰኬ።

24 ያኦሲ ፔጋሲ ዳዎ ባኮ ታ ዛጋንቴ ናንጊና ናንጋ ጎዳኮ ዓያና ሌካ ሳያይዳፓ ታና ዔቄሲ ባብሎኔ ዓጫ ዳኪንቴ ዓኦ ዓሶ ባኦኮ ዔኪ ታና ሙኬኔ፤ ዬካፓ ዬና ባካ ባይቄኔ።

25 ዒማና ታኦኒ ናንጊና ናንጋ ጎዳ ታና ዳዎሣ ቢያ ዲዒንቴ ሙኪ ዓኦ ዓሶም ኬኤዘኔ።

12

ያኦሲ ማሊያ ኬኤዛ ሂዘቄኤሌኮ ዳውሲንቴያ

1 ዬካፓ ናንጊና ናንጋ ጎዳ ታኦ፡-

2 «ዓሲ ናዓሣዮ! ኔኤኒ ናንጋሣ ዎይዘ ዒፃያ ማዔ ዴር ባኦካኬ፤ ዔያታ ዎይዘ ዒፃያ ማዔሣዳፓ ዔቄያና ዓኦፓ ዔያቶኮ ዓኦፓ ዴንቁዎያኬ፤ ዎያኦ ዔያቶኮ ዎይዘዎሲ።

3 «ዬያር ዓሲ ናዓሣዮ! ኔኤኒ ዳውሲንቴ ዓሲጉዲ ሜሆ ኔኤኮ ቡኩሲ ቱኪ ርኦራ ዔያታ ኔና ዛጋንቴ ዓኦዳኒ ጊኢጊንቴ፤ ኔ ዓኦ ቤዛፓ ዔቄ ሜሌ ቤሲ ዓኦዳኔ፤ ዎዚ ዔያታ ዎይዚ ዒፃያ ማዔያታቴያ ዬያ ማሊ ጳቂሣንዳኦናንዳኔ።

11:19 ሂዘ. 36:28። 11:23 ሂዘ. 43:2-5። 12:2 ዒ.ሲ. 7:9-10፤ ዔ.ር. 5:1፤ ማር. 8:18።

4 ርኦርና ዔያታ ኔና ዛጋንቴ ማሆ ኔኤኮ ደውሲንቴ ዓሲ ጊኢጊሻያጉዲ ጊኢጊሻ ከሰከ፤ ዓባ ጌላኣና፣ ዔያታ ኔና ዛጋ ጎይሣ ዓኣንቴ ደውሲንቴ ዓሲ ቤቲ ከሰከ ዓኣዳ ጎይሣ ዴንዴ።

5 ዔያታ ኔና ዛጋንቴ ኔኤኮ ማኣሮኮ ኮጮ ቡጊ ፑልታ ካራ ኮሼ፤ ዩካፓ ማሆ ኔኤኮ ዩማ ፑልቶና ዓኣቺ ከሴ፤

6 ኔኤኒ ከሰከ ዴንዳ ዓጩሎ ዓኣፓ ኔኤኮ ዴንቁዋጉዲ ቶኦኮ ሾሻሢና ቱኪጋፓ፣ ማሆዋ ኔኤኮ ጌኤታ ከዲ ዲሞና ዔኪ ኔኤኒ ዓኣዳንቴ ዔያታ ኔና ዛጎንጎ፤ ታኣኒ ዒሰራዔኤሌ ዓሰሞ ማላታ ኔና ማሄኔ» ጌዔኔ።

7 ዩካፓ ናንጊና ናንጋ ጎዳ ታና ዓይሣሣ ቢያ ታኣኒ ማዴኔ፤ ዒማ ከሎና ዓዳ ደውሲንቴ ዓሲጉዲ ማሆ ታኣኮ ታ ቡኩሲ ቱከኔ፤ ሳዓ ዓማዛ ኮጮ ታኣኮ ታ ኩቻ ቡጊ ፑልታ ኮሺጋፓ ዒማ ካሮና ማሆ ታ ከሴኔ፤ ዓሳ ቢያ ዛጋ ጎይሣ ዓኣንቴ ታኣኮ ቱኪንቴ ማሆ ጌኤታ ከዲ ዲማኣና ታ ዓኣዴኔ።

8 ዩናኮ ዘሮ ጉቱሎ ናንጊና ናንጋ ጎዳ ሂዚ ጌዒ ታኣሞ ከኤዜኔ፡-

9 «ዓሲ ናዓሢየ! ዩያታ ዋይዞ ዒፃ ዒሰራዔኤሌ ዓሳ፡- ሃሣ ሃይ ኔ ማዳ ባካ ቢያ ዓይጎዳይ?» ጌዒ ኔና ሾኦባኣዓዳ?

10 ዩያሮ ታኣኒ ዴኤፖ ናንጊና ናንጋ ጎዳሣ ጋዓ ባኮ ቢያ ዔያቶም ከኤዜ፤ ሃይ ሎንሦ ቃኣላ ዩራሳላማ ዋይሣ ሱኡጋሢና ዒኢካ ናንጋ ዴሮናም ቢያ ከኤዚንቴያኮ።

11 ዩይ ኔኤኒ ማዴ ባካ ቢያ ዔያቶ ዑፃ ማዳንቴ ኩማኒ ዑኮ ባኣዚኮ ማላታ ማዔሣ ዔያቶም ከኤዜ፤ ዔያታ ዓካሪ ደውሲንቴ ዓሲና ዴዒንቴ ዓሲያ ማዓንዳኔ ጌይሣከ።

12 ዒማና ዔያቶ ዋይሣ ሱኡጋሢ ማሆ ፔኤኮ ሙሊ ቱኪ ጌኤታ ከዴም ዔያታ ኮጮ ቡጊ ኮሻ ፑልቶና ዓኣቺ ከሲ ዲሞና ዒዛ ዔያታ ዳካንዳኔ፤ ዓኣፓ ዒዛኮ ሾሺንታንዳሢሮ ዓጩሎ ዒ ዛጋዓከ።

13 ጋዓንቴ ታኣኒ ታኣኮ ሮኦጮ ማላ ፒራሢ ሱዞና ዒዛ ፒራንዳኔ፤ ዩካፓ ዒዚ ፔ ዓኣፖና ዛጉዋፃ ሃይቃንዳ ባብሎኔ ካታሞ ዔኪ ታ ዒዛ ሙካንዳኔ፤

14 ዒዛኮ ቦንቺንታ ዘራ ዓሶንታ ዒዛ ካፓ ፖኦሊሶዋ ቢያ ዴማ ዴማ ባንፆ ታ ዜርቃንዳኔ፤ ታ ዔያቶኮ ጊንፆ ዛሎና ማዒ ጨንቾ ዓፓሮና ታ ዔያቶ ደውሳንዳኔ።

15 «ታኣኒ ዔያቶ ማሌ ፃንጎ ዓጮ ዴሮ ባኣካ ዜርቃ ዋዶና ታኣኒ ናንጊና ናንጋ ጎዳ ማዔሣ ዔያታ ዔራንዳኔ፤

16 ጋዓንቴ ዔያቶይዳፓ ዛላ ዳካ ዓሲ ሾሎይዳፓ፣ ናዮንታ ዴማ ዴማ ዋዳ ባኮንታይዳፓ ታ ዓይሳንዳኔ፤ ዩያይዲ ማሌ ዴሮ ባኣካ

ዔያታ ናንጋኦና ማዳ ዔያቶኮ ዋዚ ሻኦካያ ማዔያታቲያ ዔያታ ዔራንዳኔ፤ ታኦኒ ናንጊና ናንጋ ጎዳ ማዔሢያ ዔያታ ዔራንዳኔ» ገዔኔ።

17 ጊንሣ ሃሣ ናንጊና ናንጋ ጎዳ ታኦም ሂዚ ገዔኔ፡-

18 «ዓሲ ናዓሢዮ! ሙዖ ኔ ሙዓ ዎዶና ዒጊጨ ዒጊጨ ሙዔ፤ ኔኤኒ ዑሽካ ዎዶናኦ ዒጊጨሢና ጎጋይቂ ጎጋይቂ ዑሽኩ፤

19 ሳዔሎይዳ ናንጋ ዴሮም ናንጊና ናንጋ ጎዳ ማዔ ያኦዛሢ ዒሰራዔኤሌ ዓጫ፣ ዩሩሳላሜይዳ ናንጋ ዴሮም ሂዚ ጋዓኔ፣ ገይ ኬኤዙ፡- <ሳዔሎይዳ ናንጋ ዓሰኮ ዋይዞ ዒፂዖር ሳዔላ ጉቤና ካሎ ማዓንዳሢሮ ሙዖ ሙዓ ዓሳ ዒጊቹሞና ዋኦያ ዑሽካ ዓሳኦ ሃጊ ማዓ ዎዛ ቲቂሢና ማዓንዳኔ።

20 ዴራ ኩሚ ዓኦ ካታማ ባይቃንዳኔ፤ ዓጩላ ዓሲ ናንጉዎ ዳውሌ ማዓንዳኔ፤ ዩና ዎዶና ዔያታ ታኦኒ ናንጊና ናንጋ ጎዳ ማዔሢ ዔራንዳኔ።»

21 ናንጊና ናንጋ ጎዳ ታኦም ኬኤዛዮ፡-

22 «ዓሲ ናዓሢዮ! <ያኦሲ ፔጋሲ ዳዌ ባካ ቢያ ማዳይዳ ፔኤቁዎ ዩይ ኬላ ያዶቁንቲሞ፣ ገዒ ገዒ ዒሰራዔኤሌ ዓጩ ዛሎ ጌሰቲንታሢ ዓይጎዳይ?>

23 ታኦኒ ዴኤፖ ናንጊና ናንጋ ጎዳ ዩያ ዛሎ ጋዓ ባኮ ዔያቶም ኬኤዘ፤ ዩይ ሃይሳ ጋፓንዳጉዲ ታ ማዳንዳኔ፤ ላሚ ማይ ዒሰራዔኤሌ ዓጩይዳ ጌሰቲንታዓኬ፤ ኔኤኒ ጋዓንቲ <ሃይሽ ዎዳ ሄሌኔ፤ ሎንሣ ቃኦላ ቢያ ማዳንቲ ኩማኒኬ!> ገይ ዔያቶም ኬኤዙ።

24 «ሃካፓ ሴካ ዒሰራዔኤሌ ዴሮ ባኦካ ሉኡዙሞና ኬኤዚንታ ባኦዚ፣ ጊንሣ ሃሣ ማርሻ ማርሾ ባኦዚያ ፔቲታዖ ጴዳዓኬ።

25 ጋዓንቲ ታኦኒ ናንጊና ናንጋ ጎዳ ኬኤዛንዳኔ፤ ታኦኒ ኬኤዛ ቃኦላ ቢያ ማዳንቲ ኩማንዳኔ፤ ሃካፓ ሴካ ፔቲታዖ ኔጋዓኬ፤ ዒንሢ ዎይዞ ዒፂ ዓሳ፡- <ዒንሢዳ ታ ዔኪ ሙካንዳኔ> ገዒ ላቲ ዒንሢሞ ኬኤዘሢ ቢያ ዒንሢ ናንጎይዳ ማዳ ታ ኩንሣንዳኔ፤ ሃያ ኬኤዘሢ ታና ዴኤፖ ናንጊና ናንጋ ጎዳሢኬ» ገዔኔ።

26 ናንጊና ናንጋ ጎዳ ሃሣ ታኦም ኬኤዛዮ፡-

27 «ዓሲ ናዓሢዮ! ዒሰራዔኤሌ ዓሳ ታ ኔኤም ፔጋሲ ዳዌ ባኮንታ ሎንሣ ሃይሳኦ ማርጌ ዎዴኮ ጊንፃፓ ማዳንቲ ኩማንዳኔ» ጋዓኔ፤

28 ጋዓንቲ ታኦኒ ናንጊና ናንጋ ጎዳ ዔያቶም ጋዓ ባኮ ኬኤዘ፤ ታ ኬኤዘሢ ቢያ ማዳንቲ ኩማንዳኔ፤ ፔቲታዖ ኔጋዓኬ፤ ሃያ ኬኤዘሢ ታና ዴኤፖ ናንጊና ናንጋ ጎዳሢኬ» ገዔኔ።

13

ጾኑሲ ማሊያ ከኤዛኔ ጋሳ ሉኡቃ ዓሶ

1 ናንገና ናንጋ ጎዳ ታአም:-

2 «ዓሲ ናሳሂዮ! ፔ ጊዳፓ ማዢ፣ ሉኡዙሞና ታ ማሊያ ከኤዛኔ ጋሳ ዒሰራዔኤሌ ዓሶም ሎንሦ ከኤዜ፤ ዬያ ሃሺጋፓ ናንገና ናንጋ ጎዳኮ ቃኣሎ ዋይዛንዳጉዲ ዔያቶም ከኤዜ» ጌዔኔ።

3 ጴኤፖ ናንገና ናንጋ ጎዳ ሂዚ ጋሳ፡- «ፔ ጊዳፓ ማዢ ሎንሦ ከኤዛዘንሂና ታ ፔጋሲ ዳዋ ባኮ ዳዊባኣንቴ ሉኡም ጾኑሲ ፔጋሲ ዳዋ ባኣዚ ዓኣኔ» ጋሳ ዬንሂ ዔኤዮ፣ ሉኡዙሞና ከኤዚ ሺራዘንሂም ባዳዔ።

4 ዒሰራዔኤሌ ዳሬዮቴ! ዒንሂም ታ ማሊያ ከኤዛኔ ጋሳዘንሂ ዳዔ ከኤሂኮ ቦኪ ባኣካ ናንጋ ዉኡካሂጉዲኬ።

5 ናንገና ናንጋ ጎዳሂ ከሎና ጸሎ ጸሊ ቃዛኒና ደዔ ከኤሎ ዲርዋ ጊንሣ ከልቃኒ ዔያታ ከሰከባኣሴ።

6 ዔያቶም ጾኑሲ ፔጋሲ ዳዌኔ ጋሳ ባካ ሉኡዚኬ፤ ማርሻኣ ዔያቶኮ ጉሪኮ፤ ናንገና ናንጋ ጎዳ ዔያቶ ዳኪባኣንቴ «ጾኑሲ ሂዚ ጋሳ» ጋኣኔ፤ ዬይ ዔያታ ከኤዛ ሃይሳ ማዲንቴ ኩማንዳኔ ጌይ ዔያታ ማላኔ።

7 ታኣኒ ከኤዚባኣ ባኮ «ጾኑሲ ሂዚ ጋሳ» ጋሳ ዋደና ዒንሂኮ ዬይ ሉኡዙሞና ታ ዳዊባኣ ባኣዚ ዛጌኔ ጌይሂና ማርሻ ማርሻሂናቴዋዓዳ?» ጋሳ።

8 ዬያሮ ጴኤፖ ናንገና ናንጋ ጎዳሂ ሂዚ ጋሳ፡- «ዒንሂ ሉኡዙሞና ከኤዛሂሮና ታኣኒ ፔጋሲ ዳዊባኣ ባኣዚ ዛጋኔ ጌይፃ ዒንሂኮ ሉኡዙሞ ማዔሂሮ ታኣኒ ዒንሂዳ ፑርቴሞና ዔቃንዳኔ፤ ሃያ ከኤዜሂ ታና ናንገና ናንጋ ጎዳሂኬ።

9 ታኣኒ ፔጋሲ ዳዊባኣ ባኮ ዛጋኔ ጋሳ ዓሶና ማርሻ ማርሻ ሉኡዙሞ ዓሶናይዳ ታ ኩጮ ታኣኒ ዔቀሳንዳኔ፤ ዬካፓ ዔያታ ታኣኮ ዳሮ ባኣካ ማዒ ፓይዲንታዓኬ፤ ዬያ ሌሊቱዋንቴ ዒሰራዔኤሌ ዳራ ፃኣፒንታ ማፃኣፖይዳኣ ፃኣፒንታዓኬ፤ ዒሰራዔኤሌ ዓጮዋ ዔያታ ጌላዓኬ፤ ያዲ ማዓ ዋደና ታኣኒ ጴኤፖ ናንገና ናንጋ ጎዳ ማዔሂ ዔያታ ዔራንዳኔ።

10 «ዔያታ ታ ማሊያ ከኤዛኔ ጋሳ ዓሳ ጉሙርቂንቴዋያ ማዔኔ፤ ኮሹሞ ባኣያታንቴ ዔያታ ኮሺኬ ጌዒ ታኣኮ ዳሮም ከኤዛኔ፤ ዔያታ ዢኢዳ ኮጩ ቦኣሪንቶና ቲሽኪ ኮሻ ዓሲ ማላኔ።

11 ዲሪደኦሎ ባርዚ ዋርቃንዳኔ፤ ጳጳሪ ሹቸጉዳ ሻቸ ከዳንዳኔ፤ ዠኢፓ ባርዚያ ዋርቃንዳኔ፤ ዬያር ዬይ ኮጫ ደባንዳያ ማዕሚ ቦኦሪንታሚና ቲሽካ ዓሶም ኬኤዜ።

12 ዬይ ኮጫ ደባዛ፣ <ዲንሚ ቲሽኬ ቦኦሪንታሚ ዋዋይቲይ?> ጌዒ ዴራ ዲንሚ ያኦጪንዲዋዓዳ?»

13 ዬያር ጳጳሪ ናንጊና ናንጋ ጎዳሚ፡- «ዬሩሳላሜኮ ኬኤሎ ዲያ ደይሲ ባይዛኒ ታ ጳጎና ታኦኒ ዠኢፓ ባርዚ ዋርቄሳንዳኔ፤ ዲሪደኦሎና ዲሲ ሻቸ ዋርቃንዳኔ።

14 ዲንሚ ቦኦሪንታሚና ቲሽኬ ኮጫ ታኦኒ ሻሃንዳኔ፤ ዬያ ኮጫኮ ፃጳ ፔጋዲ ጳዳንዳያ ሄላንዳኦና ዓጮና ዋላ ታ ሲኢራንዳኔ፤ ኮጫ ደዓ ዋደና ዲንሚያ ጋርይዳ ሃይቄ ጋፓንዳኔ፤ ያዲ ማዓኦና ታኦኒ ናንጊና ናንጋ ጎዳ ማዕሚ ዲንሚ ዔራንዳኔ።

15 «ዬያ ኮጫንታ ቦኦሪንታሚና ቲሽካ ዓሶንታይዳ ታኦኮ ጳጳሪ ዳጎ ታ ጮኦሽካንዳኔ፤ ዬካፓ ኮጫንታ ቦኦሪንታሚና ዬያ ቲሽካ ዓሳ ቤሲ ባይቃንዳኔ ታ ዲንሚም ጋዓኦኔ።

16 ዔያታ ዬሩሳላሜ ዛሎ ሎንሃ ኬኤዛዛንሚና ያኦሲ ፔጋሲ ዳዋ ባኮ ዛጌኔ ጋዓ፡ ኮሹዋ ባኦንቲ <ኮሺኬ> ጋዓ ዲሲራዔኤሌ ዓሶም ለኡዙዋና ኬኤዛ ዓሶኔ፤ ሃያ ኬኤዜሚ ታና ጳጳሪ ናንጊና ናንጋ ጎዳሚኔ» ጌዔኔ።

17 ናንጊና ናንጋ ጎዳ ኬኤዛዎ፡- «ሃሚያ ዓሲ ናዓሚዮ! ኔ ዴር ባኦካ ፔ ማዜ ለኡዙዋና ሎንሃ ኬኤዛ ላኦሎም ደዲሺ ታ ማሊያ ኬኤዜ፤

18 ጳጳሪ ናንጊና ናንጋ ጎዳ ሂዚ ጋዓኔ ጌዒ ዔያቶም ኬኤዜ፤ ዔያታ ፔኤኮ ኩጮ ፑኤሎይዳ ቲኮ ዠዋቶ ባኮ ሲካ፡ ጊንሚ ሃሃ ዓሲኮ ሸምፖ ባይዛኒ ዴማ ዴማ ሻኦሻሚ ጊኢጊሻ ላኦሎም ባዴዔ! ታ ዴር ባኦካፓ ዓሶ ፐሪ ዓርቄ ባይዚ ባይዚ ዲንሚር ሸምፔና ዲንሚ ናንጋንዳ?»

19 ኩቸኮ ሸኦፓ ማዓ ዔልዓና ቡንፃሚ ካሃና ዴንቃኒ ጌዒ ለኡዙዋ ዋይዛ፣ ታኦኮ ዴርም ለኡዙዋ ኬኤዚ ኬኤዚ ሃይቃኒ ኮይሱዋ ዓሶ ዋዲሚና ሸምፔና ናንጋኒ ኮይሱዋ ዓሶዋ ናንጋንዳጉዲ ማሂሚና ታኦኮ ሱንፃታ ዴር ባኦካ ጫሽኪንታንዳጉዲ ዲንሚ ማሄኔ» ጌዔኔ።

20 ዬያር ጳጳሪ ናንጊና ናንጋ ጎዳ ሂዚ ጋዓኔ፡- «ዲንሚ ዴር ፐራ ዠዋቶ ባኮ ዲንሚኮ ታኦኒ ዲፃኔ፤ ዬያ ዲንሚኮ ዠዋቶ ባኮ ኩጮ ፑኤላፓ ታ ዴኡዚ ኬኤሪ፣ ካፖጉዲ ዲንሚ ፐራ ሸምፓሚያ ቶሊሲ ዓይሳንዳኔ።

21 ዲንሢካኮ ሻኣሻሢ ታኣኒ ዳርዘ፣ ታ ደር ዲንሢ ኩጫፓ ታ ዓውሳንዳኔ፤ ዔያታ ላሚ ዲንሢ ኩጫ ጋር ጌላዓኩ፤ ዩካፓ ዲንሢያ ታኣኒ ናንገና ናንጋ ጎዳ ማዔሢ ዔራንዳኔ።

22 «ታኣኒ ሃጊ ማዓ ዎዞ ቲቂሲባኣ ጂሎ ዓሶ ዲንሢ ሉኡዙሞ ኬኤዚሢና ያዩሲ ደይሢ፤ ፑርቶ ዓሳ ፔኤኮ ሸምፓሢ ዓውሳኒ ዔያቶኮ ጎማፓ ማዑዎጉዲ ዲንሢ ዔያቶ ደዲሸኔ።

23 ዩያር ሃካፓ ሴካ ሉኡዙሞ ባኣዚ ዲንሢ ዛጌኔ ጌዒ ኬኤዚ ሸራዓኩ፤ ማርሸሢያ ዲንሢ ማርሻዓኩ፤ ታኣኮ ደር ዲንሢ ኩጫፓ ታ ዓውሳንዳኔ፤ ዩዩ ዎደና ታኣኒ ናንገና ናንጋ ጎዳ ማዔሢ ዲንሢ ዔራንዳኔ» ጌዔኔ።

14

ሜሌ ያኦዞ ካሽኪያ ያኦሲ ማኬሢ

1 ፔቴ ዓቢ ዲሰራዔኤሌ ዓሶ ሱኡጎይዳፓ ዳካ ዓቢ ታና ዘር ያኦጫኒ ሙኪ ታኣና ዎላ ደዒ ዓኣንቴ።

2 ናንገና ናንጋ ጎዳ ታኣም፡-

3 «ዓሲ ናዓሢዮ! ሃይ ዓሳ ዲኖ ፔኤኮ ሜሌ ያኦዞም ዲንገናኣኮኩ፤ ዳቢንታ ዔያቶኮ ዲቆ ዔያቶም ማዓንዳጉዲ ዔያታ ማዳኔ፤ ዩይ ቢያ ማዔሰካፓ ታ ማሊያ ያኦጫፃ ፒዜዳ?» ጌዔኔ።

4 ዩያር ዳኤፖ ናንገና ናንጋ ጎዳ ሂዚ ጋዓኔ ጌይ ዔያቶም ኬኤዙ፡- «ዲሰራዔኤሌ ደር ባኣኮይዳ ዲኖ ፔኤኮ ሜሌ ያኦዞም ዲንጌያ፡ ዩይ ሜሌ ያኦዞ ካኣዣ ዔያቶም ዲቆ ማዓንዳጉዲ ማዳ ዓቢ ዓኣኔ፤ ዩይ ዓሳ ታ ማሊያ ኬኤዛሢ ባንሢ ሙካያ ማዔታቴ ታኣኒ ናንገና ናንጋ ጎዳ ዔያቶኮ ሜሌ ያኦዞ ሚርጌሢጉደያ ኮይሳሢ ማሂ ታ ዔያቶም ኬኤዛንዳኔ።

5 ዩያ ታ ማዳንዳሢ ታና ሃሺ ዔያቶኮ ሜሌ ያኦዞ ባንሢ ዓኣዲ ታ ጊዳፓ ደማዳ ዲሰራዔኤሌ ዓሶ ቢያሢኮ ዲኖ ማሃኒኬ።

6 «ዓካሪ ዲሰራዔኤሌ ደርም ሂዚ ጌዔ፡- ናንገና ናንጋ ጎዳ ሂዚ ጋዓኔ፤ ዲንሢኮ ሜሌ ያኦዞ ሃሺጋፓ ጎሞ ቡኡፀዎቴ! ዩያ ሻኣካ ማዳፓኣ ቢያ ማዑዎቴ!»

7 «ዲሰራዔኤሌ ዓሶይዳፓ ፔቴ፡ ጊንሣ ሃሣ ዔያቶ ባኣኮይዳ ናንጋ ሜሌ ያንጎ ሳሶይዳፓ ፔቴ ታ ጊዳፓ ደማዲ ሜሌ ያኦዞ ካኣሽኪሢና ጎማ ማዳያ ማዔያታቴ፡ ዩይ ዳቢንታ ዲዛም ዲቆ ማዓንዳጉዲ ማዳያታቴ፤ ዩያይዳዮ ጊንሣ ዘር ያኦጫኒ ሃንጋ ታ ማሊያ ኬኤዛ ዓሶ ባንሢ ዲዚ ሙኬያታቴ ታኣኒ ናንገና ናንጋ ጎዳ ታኣር ታ ዲዛም ኬኤዛንዳኔ!

8 ፑርቱምና ዬያ ዓሢ ባንሢ ታ ዛጋንዳኔ፤ ዬይ ዓሢ ደቢንቲና ማቶይ ጌላ ዓሶኮ ኮኦኪንሢ ማዓንዳጉዲ ታ ማዳንዳኔ፤ ታኦኮ ዴር ባኦካፓ ታ ዒዛ ኬሲ ባይዛንዳኔ፤ ዬይ ያዲ ማዓኦና ታኦኪ ናንጊና ናንጋ ጎዳ ማዔሢ ዒንሢ ዔራንዳኔ።

9 «ፔቲ ያኦሲ ማሊሢ ኬኤዛኔ ጋዓ ሉኤዚ ዓሲ ዔቁያ ማዔታቲ ታኦኪ ናንጊና ናንጋ ጎዳ ዬያ ዒዛ ኬኤዚ ሳንዳኔ፤ ጋዓንቲ ታ ዴር ባኦካፓ ታ ዒዛ ባይዛንዳኔ።

10 ታ ማሊያ ኬኤዛሢንታ ዒዛይዳፓ ዘር ያኦጫኒ ሙካሢዳኦ ሄኮ ማቶ ታኦኪ ዓጋንዳኔ።

11 ዬያ ታኦኪ ማዳንዳሢ ዒሰራዔኤሌ ዴር ሃንጋ ታ ባንሢ ዔኪ ሙካ ጎይያ ሃካፓ ሴካ ዣኦሉዋጉዲና ዔያቶኮ ደቢንቶና ቢያ ላሚ ፔ ቶኦኮ ዔያታ ዒኢሱዋጉዲኬ፤ ያዲ ዔያታ ዔሪ ማዳቲ ታኦኪ ዔያቶኮ ያኦዛሢ ማዓንዳኔ፤ ዔያታኦ ታ ዴሪ ማዓንዳኔ» ጋዔ፤ ናንጊና ናንጋ ጎዳሢ።

ዓሲ ቶሊ ዓቲንዳዋ ዋጌ

12 ሃሢ ናንጊና ናንጋ ጎዳ ሂዚ ጌዒ ታኦም ኬኤዘኔ፡-

13 «ዓሲ ናዓሢዮ! ፔቲ ዓጪ ዴሪ ታና ጉሙርቁዋያ ማዒ ጎሜ ማዳያታቲ ካሃ ሃኦኮ ባይዚሢና ናይዚዳ ታ ዔያቶ ዓጋንዳኔ፤ ዓሶንታ ቆልሞንታ ታ ዋዳንዳኔ።

14 ዬንሢ ሃይሃ ዓሶንሢ ጌይፃ፡- ሎሄንታ ዳኦኤሌንታ ዒዮቤንታ ዬኖ ዓጪሎይዳ ዓኦያ ማዔያታቶዋ ዔያታ ፔ ዲሉሞና ዓይሳኒ ዳንዳዓሢ ዔያቶ ሽምፓማ ሌሊኬ፤ ሃያ ኬኤዛሢ ናንጊና ናንጋ ጎዳ ማዔ ያኦዛሢ።

15 «ዬኖ ዓጪሎ ታኦኪ ካይዚ ቦዖ ዳኪ ዓሲ ባኦያ ማዓንዳያ ሄላንዳኦና፤ ጊንሢ ሃሢ ያኦኒያ ዒኦና ዓኦዳኒ ዳንዳዒንዳዋያ ማዓንዳያ ሄላንዳኦና ዓጪሎ ጉሪ ታ ማሃንዳኔ።

16 ታኦኪ ናንጊና ናንጋ ጎዳ ባይቁዋ ያኦሲ ማዔ ጎይያና ዬንሢ ሃይሃ ዓሶንሢ ታዖ ዬካ ዓኦያ ማዔቲ ዔያታ ፔ ሽምፓሢዳፓ ዓታዛ ዔያቶኮ ናኦቶታዖ ዓውሳኒ ዳንዳዐ-ዋሴ፤ ዓጪሎላ ዓሲ ናንጉዋ ዳውሌ ማዓንዳኔ።

17 «ሃንጎ ዬኖ ዓጪሎይዳ ያልዚ ታ ዔኪ ሙኪ ዓሶንታ ቆልሞንታ ባይዛያ ማዔያታቲ፤

18 ታኦኪ ናንጊና ናንጋ ጎዳ ባይቁዋ ያኦሲ ማዔ ጎይያና ዬንሢ ሃይሃ ዓሶንሢ ታዖ ዒኦካ ዓኦቶ ዔያቶ ሽምፓሢዳፓ ዓታዛ ፔኤኮ ናኦቶዋ ዓውሳኒ ዔያታ ዳንዳዐ-ዋሴ፤ ጋዔኔ ናንጊና ናንጋ ጎዳሢ።

19 «ሃንጎ ዬኖ ዓጪሎይዳ ዳማ ዳማ ዋዳ ሃርጎዳኪ ታኦኮ ዳጎና ሚርጌ ዓሲንታ ቆልሞንታ ሽምፓ ጋፓንዳጉዲ ታ ማዳንዳኔ።

20 ታኣኒ ናንገና ናንጋ ጎዳ ባይቁዋ ያኦሲ ማዕፌ ጎይያና ናሂንታ ዳኣኔሌንታ ዒዮቤንታታዎ ዒኢካ ዓኣያ ማዕያታቲያ ዔያታ ፔ ዒሉሞና ፔ ሸምፓሂ ሌሊ ዓውሳንዳኣፓዓቲም ፔኤኮ ናኣቶታዎ ዓውሳኒ ዳንዳዑቀሴ» ጋዓኔ፥ ናንገና ናንጋ ጎዳ ማዕፌ ያኦዛሂ።

21 ዓካሪ ዴኤፖ ናንገና ናንጋ ጎዳ ያኦዛሂ ሂዚ ጋዓኔ፡- «ዴሮንታ ቆልሞንታ ፔቲይዳ ዎዲ ጋፒሳኒ ያልዚ፥ ናይዚ፥ ካዮ ቦዖንታ ሚርጌና ፑርቶ ዲማ ዲማ ዎዲ ሃርጎዋ ዬሩሳላሜይዳ ታኣኒ ዔኪ ሙካንዳኔ።

22-23 ጋዓንቲ ዬያ ባይሲንታፓ ቶሊ ዓታንዳ ዓቲንቄና ዉዲሮ ናይና ዓኣኔ፤ ዔያታ ሃንጋ ዒንሂ ባንሂ ሙካንዳኔ፤ ዒንሂያ ዔያቶኮ ሃንቲያንታ ማዲንታ ዛጋ ዎድና ዬሩሳላሜይዳ ታ ዓጌ ሜታሂንታ ታኣኒ ሄሊሴ ባይሲንቶንታ ቢያ ፒዜ ጎይሂና ማዕፌሂ ዒንሂ ዔራንዳኔ።» ጋዓኔ፥ ናንገና ናንጋ ጎዳ ማዕፌ ያኦዛሂ።

15

ዎይኖ ሚያ ዛሎ ኬኤዚንቲ ኮኦኪንሂ

1 ናንገና ናንጋ ጎዳ ታኣም ሂዚ ጌዔኔ፡-

2 «ዓሲ ናዓሂዮ! ዎይኖ ዘዓ ሜሌ ካዮይዳ ዓኣ ሚያ ካኣፖፓ ዎይቲ ባሻይ?

3 ፔቲ ባኣዚ ማዲኒታዎ ማኣዳ ባኣዚ ዓኣያዳ? ሜሄ ሱያም ማዓ ሚሂ ዔካኒ ዳንዳዒንታ?

4 ሃንዒሌ ማዒሂዳፓ ዓታዛ ሜሌ ማኣዳንዳ ባኣዚ ባኣሴ፤ ለምዎ ዛላ ዔኤቲ ጋፔም ዓቲ ዲንጮና ፔቲ ባኣዚታዎ ማዲንታኒ ዳንዳዒንታ?

5 ዎንዴ ሚጫንዳሂኮ ቤርታታዎ ዔኤቢ ማኣዲሞያኬ፤ ዓካሪ ሃሂ ታማ ሙይ ሃሽጠካፓ ዎማጉዲ ማዲሞያ ማዓንዳይ!»

6 ዴኤፖ ናንገና ናንጋ ጎዳሂ፡- «ካዮ ሚያ ባኣካፓ ዎይኖ ዘንዛ ዔውቲ ሃንዒሌ ማዕሂጉዲ ዬሩሳላሜይዳ ናንጋ ዴሮዎ ታኣኒ ዒማይዳንዳኔ።

7 ታ ዔያቶይዳ ሜቶ ዓጋንዳኔ፤ ዎዚ ዔያታ ታማፓ ዓቲቲያ ታማ ዔያቶ ሙዓንዳኔ፤ ታ ዔያቶይዳ ሜቶ ዓጋ ዎድና ታኣኒ ናንገና ናንጋ ጎዳ ማዕፌሂ ዒንሂ ዔራንዳኔ፤

8 ዔያታ ታኣም ጉሙርቂንታያ ማዒያ ሃሽኔ፤ ታኣኒያ ዔያቶኮ ዓጮ ዓሲ ናንጉጉዎ ዳውሌ ማሃንዳኔ፤ ጋዓኔ፥ ዴኤፖ ናንገና ናንጋ ጎዳሂ።»

14:21 ዮሃ. ያፔ. 6:8።

16

ጉሙርቁንቱዋያ ማዕ ዩሩሳላሚ

1 ናንጊና ናንጋ ጎዳ ሂዚ ታአም ጌዔኔ፦

2 «ዓሲ ናዓሢዮ! ዩሩሳላሚ ማዕ ባካ ሻኣካያ ማዒያ ዒዞም ከኤዘ፤»

3 ዴኤፖ ናንጊና ናንጋ ጎዳ ዒዞ ዛሎ ጋዓሢ ሂዚ ጌዒ ዒዞም ከኤዘ፦

«ኔኤኒ ሸይንቲሢ ካኣናኔ ዓጮይዳኬ፤ ዓዴ ኔኤኮ ዓኣሞራ ዓጪ ዓሲ ማዓዛ ዒንዳ ኔኤኮ ሂኢታ ዓጪ ላኣሊኬ፤»

4 ኔኤኒ ሸይንቲ ዋደና ጉራ ኔኤኮ ቲቁንቲባኣሴ፤ ኔኤኒ ጌኤሽካንዳጉዲ ዋኣሢና ማሰኪቦኦሴ፤ ሶኦጌና ኔና ማሰኪ፤ ቱርጫናኣ ካንቁቦኦሴ።

5 ዩንሢ ባኮንሢዳፓ ፔቲማታያ ማዳኒ ኔኤም ሚጪንቲ ዓይጎ ዓሲያ ባኣሴ፤ ኔኤኒ ሸይንቲያና ዒዳንታያ ማዕሢር ቦኦሊዳ ከከኤሪንቲ።»

6 «ዒማና ታኣኒ ዒኣና ዓኣዲቤቃ ኔኤኒ ሱጉያና ቱርጲንቲ ባርዲንታንቲ ኔና ዴንቁኔ፤ ሱጉያና ዴኡኪንቲ ሃይቃኒ ኔ ቡኪ ዓኣንቲ ታ ኔና፦ ሸምፔና ናንጌ! ጌዔኔ።»

7 ያቶርቁ ዑጋ ሚሢ ዑጋሢጉዲ ታ ኔና ዑጊሴኔ፤ ሌካ ዔጶና ዑጊ፤ ደዲ ሚዛጲ ዉደር ናይ ኔ ማዕኔ፤ ኮንቸዋ ኔ ዴይሢኔ፤ ቶኦኮ ጋማኣ ኔኤኮ ያደቁኔ፤ ጋዓንቲ ኔኤኒ ካሎኬ።»

8 «ላሚ ኔ ኮርሳ ታኣኒ ዓኣዳንቲ ዓሲ ኔና ዛጋንዳ ዋዴ ማዕኔ፤ ኔኤኮ ካሎ ማዕ ዑያ ታኣኮ ያደዞ ዓፒሎና ታ ካንቁኔ፤ ታኣኒ ዔፒ ዔካያ ጫኣቆ ጫኣቁሞጉዴያ ኔኤም ጫኣቁ ታኣር ኔና ታ ማሃኔ» ሃያ ጌዔሢ ዴኤፖ ናንጊና ናንጋ ጎዳኬ።

9 «ዩካፓ ኔኤኮ ሱጉያና ፑርቲ ዑያ ጉቤ ታ ኔኤኮ ማሰኬኔ፤ ሪሚቶ ዛይቶ ቲኸናኣ ታ ኔና ቲሽኬኔ፤»

10 ዋርቁና ማይሊንቲ ሚዛጲ ማኣዎዋ ታ ኔና ማይሴኔ፤ ዔርቲያ ማዕ ቃራ ዜዲዳፓ ኮሽንቲ ዲርሲ ታ ኔኤም ዓኣሢኔ፤ ሚዛጲ ሸኤሚና ኮሸና ሻኣሸ ታ ኔና ያሽሴኔ፤ ኮሽ ሚዛጲ ዴኤፖ ኮኦቶ ቃሲ ዑፃ ታ ኔና ማይሴኔ።

11 ፓልሞ ታ ኔና ፓልሚሴኔ፤ ኩጮኮ ጋዊንታ ቆርጮኮዋ ቁንቲ ታ ኔና ማይሴኔ።

12 ኔኤኮ ሲኢዲይዳ ዠኢር፤ ዋዮይዳ ጉዴቾ፤ ዩያጉዲ ቶኦኮይዳኣ ኔ ዓጋንዳ ሚዛጲ ቦንቸር ዓጎ ባኣዚ ታ ኔኤም ዒንጌኔ።

13 ቢራና ዋርቄናይዳፓ ኮሺንቴ ሚርጌ ፓልሞ ኔኤኮ ዓኣኔ፤ ደማ ደማ ሼኤሚይዳፓ ኩቻ ማዢንቴ ሚርጌ ሚዛጰ ማኣዓ ኔኤኮ ዓኣኔ፤ ደኦሪንቴያ ማዕ ዲኢሎና ላኣደ ሙሊያ ላኣደንታ ዔኤሲንታ ሪሚቶ ዛይቶዋ ኔ ሙዓኔ፤ ሚዛጰማ ኔኤኮ ኮሺ ቃሲንቴ ቃሲንቴ ዓኣጳሚር ኔኤኒ ዓዳ ጌኤሾ ማዓኒ ዳንዳዓኔ።

14 ታኣኮ ዲቃህ ጳኤፑሞ ኔ ዑፃ ማሂ ታኣኒ ኔና ሚዛጰሲህሂር ኔኤኮ ሃይማኬ ጌዒንቴዋ ሚዛጰማፓ ዔቁያና ዓጮ ቢያይዳ ኔ ዔርቴኔ።» ሃያ ኬኤዜህ ጳኤፖ ናንጊና ናንጋ ጎዳኬ።

15 «ጋዓንቴ ኔኤኒ ኔኤኮ ሚዛጰሞና ጉሙርቁንቴኔ፤ ኔኤኮ ዬያ ዔርቴያ ማዒያ ዘኣሰካ ኮኣሚሂም ኔ ማሄኔ፤ ጎይያ ዓኣጳ ዓቲንጭ ቢያና ላሂ፣ ኔ ሚዛጰሞ ቢያ ዓሲር ኔኤኒ ማሄኔ።

16 ኔኤኮ ማኣዓሚዳፓ ዛላ ዔኪ ሜሌ ያኦዘም ዘጊ ካኣሽኮ ቤዘ ፓልሚሲ ኔ ሚዛጰሲኔ፤ ዒኢካ ዘኦዘ ኮኣሚያ ኔ ዓርቄኔ፤ ዬይ ማጳ ፔቴታያ ማጳንታኒ ኮይሳያቴዋሴ።

17 ታኣኒ ኔኤም ዒንጌ ቢርንታ ዋርቆንታይዳፓ ኮሺንቴ ፓልማሂ ኔ ዔኪ ዓቲንጭ ማሊሲ ማዢ ሜሌ ያኦዘ ኮሺ ዔያቶና ዋላ ኔ ላሄኔ።

18 ታኣኒ ኔኤም ዒንጌ ኩቻ ማዢንቴ ማኣዓሂ ኔኤኒ ዔኪ ዬያ ያኦዘ ማይሴኔ፤ ታ ኔኤም ዒንጌ ሪሚቶ ዛይቶንታ ዑንጀዋ ዬያ ያኦዘም ኔ ሺኢሼኔ።

19 ደኦሪንቴያ ማዕ ዲኢሎንታ ሪሚቶ ዛይቶንታ ዔኤዘዋ ኔ ሙዓንዳጉዲ ታ ዒንጌኔ፤ ኔኤኒ ጋዓንቴ ሜሌ ያኦዘ ዋዛሳኒ ሳውማ ቃራ ማዕ ዒንጎ ዒንጊሂ ማሂ ሺኢሼኔ» ዬይ ማጳንቴኔ፤ ጳኤፖ ናንጊና ናንጋ ጎዳሂ ሃያ ኬኤዜኔ።

20 «ኔኤኒ ዔያቶና ዘኦዘ ኮኣሚሂ ጊደ ዒፃዛ፣ ኔ ታኣም ሾዔ ዓቲንቆንታ ዉዲር ናኣቶንታ ዔኪ ሜሌ ያኦዘም ዒንጊሂ ማሂ ኔ ሺኢሼኔ።

21 ታኣኮ ናኣቶ ሹኪ ሜሌ ያኦዘም ዒንጊሂ ማሂ ኔ ሺኢሼኔ።

22 ሚርጌና ሻኣካያ ማዕ ዘኦዘ ኮኣሚያ ናንጋ ኔኤኮ ናኣቶም ዋደ ኔና ዋሊሴኔ፤ ጌይፃ ኔኤኒ ካሎ ማዒ ሱጉያና ጨኡጲንቴ ባርዲንቴ ዋዳ ፔቴታያ ኔኤም ጳቁዋሴ።»

23 ጳኤፖ ናንጊና ናንጋ ጎዳ «ባዴዔ ኔና! ባዴዔ!» ጋዓኔ። ዬያ ቢያ ፑርቶ ባኮ ኔ ማጳሰካፓ፣

24 ጳጊ ጌዔ ዔንዴ፣ ዓሳ ቡካ ጳኣካ ሜሌ ያኦዘ ካሽኪያር ኔ ጊኢሺኔ።

25 ዬያይዳ ዳላጎ ጎይያ ዓጫ ሜሌ ያኦዘ ካሽኮ ቤዘዋ ኮሺ ኔ ሚዛጰሞ ኔኤኒ ዒኢሴኔ፤ ሙካሂም ቢያ ዑያ ኔኤኮ ኔ ዓኣሂ ዒንጊ ዒንጊ ኬላ ኬላ ዘኦዘ ኮኣሚያ ኔ ሚርጊሼኔ።

26 ዘኦዛ ኮኦሚያ ሱኩካዳ፣ ኔ ዓሺኖ ጊብፃ ዓሶና ዘኦዛ ኔ ኮኦሚኔ፤ ታና ኔ ዳጋሳኒ ዘኦዛ ኮኦሚያ ኔ ሚርጊሼኔ።

27 «ሃሢ ጋዓንቴ ኔ ጊዳ ማቶ ዓጋኒ ኔኤም ማዔ ዓንጅ ኔኤፓ ፓጩሳኒ ታ ኩጮ ታኣኒ ዔቂሴኔ፤ ዔያታ ኮዔ ባኮ ማዳንዳጉዲ ኔና ኔኤኮ ሞርኮም፣ ኔኤኮ ዳውሲሳ ማዳ ዲቃሣ ፒሊሰፄኤሚ ዓሶም ዓኣሢ ታ ኔና ዒንጌኔ።

28 «ሜሌ ዓሶና ኔኤኒ ዘኦዛ ኮኦማ ማዳ ጊዳዓ ጌዔም ሃሃ ዓሶኦሬ ዓሶና ዒዞ ጎይያ ኔ ማዳኔ፤ ጋዓንቴ ዔያታ ኔኤኮ ሱኩኮ ማሂባኣሴ፤

29 ኮርሞ ኮርማ ባብሎኔ ዓሶኮሞ ላጌ ኔ ማዔ ዔያቶና ሞላ ዘኦዛ ኮኦሚኔ፤ ጋዓንቴ ዔያታኣ ኔኤኮ ሱኩኮ ማሂባኣሴ።»

30 ዴኤፖ ናንጊና ናንጋ ጎዳ ሂዚ ጋዓኔ፡- «ቦርሲንቴባኣያ ዘኦሰካ ኮኦማ ላኣሊጉዲ ዬያ ቢያ ኔኤኮ ማዳዮ ሞዚ ኔኤኮ ዒኔ ባይቄምዳይ?

31 ጎይያኮ ዓጫ ዓጫ ዴጌ ዔንዶ ኔ ኮሻኔ፤ ዓሳ ቡካ ጰኦካኣ ሜሌ ያኦዞ ካኣሽኮ ቤዞ ኔኤኒ ጊኣጊሻኔ፤ ያዒ ማዔያታቴያ ዘኦዛ ኮኦማ ላኣሎጉዲ ሚኢሼ ዔካኒ ኔኤኒ ኮዒባኣሴ።

32 ኔኤኒ ፔኤኮ ዓኒ ሃሺ ሜሌ ዓሲና ላሃ ላኣሊ ማዔኔ።

33 ዘኦዛ ኮኦማ ላኣሎም ሚኢሼ ጨጨጊንታኔ፤ ኔኤኒ ጋዓንቴ ሚኢሽ ዔኮንዶ ቤዞ ኔኤኮ ላጎም ሴካ ኔ ዒንጋኔ፤ ቢያ ዛላፓ ሙኪ ኔኤና ሞላ ላሃንዳጉዲ ጌሺሢ ሚኢሼ ኔኤኒ ዓቴንቆም ዒንጋኔ።

34 ዬያር ኔኤኒ ዔርቴያ ዘኦሰካ ኮኦማ ላኣሊ ማዔኔ፤ ጋዓንቴ ኔኤኒ ሂዳንዳጉዲ ኔና ጌሼያ ባኣሴ፤ ሚኢሽ ኔኤኒ ዔያቶም ጨጋኔ፣ ኔኤም ጨጋይ ባኣሴ፤ ዬያር ኔኤኮ ዘኦዛ ኮኦሚያ ጎኔና ዔርቴያኹ።»

ያኦሲ ዬሩሳላሚያዳ ሞጌ ሞጊያ

35 ኔኤኒ ዘኦዛ ኮኦማ ዬሩሳላሚያ! ናንጊና ናንጋ ጎዳ ጋዓ ባኮ ሞይዜ!

36 ዴኤፖ ናንጊና ናንጋ ጎዳ ሂዚ ጋዓኔ፡- «ቆሎ ኔኤኮ ኔኤኒ ላኣሊሢር፣ ኔኤኮ ላጎና ሞላ ሚርጌና ዘኦዛ ኔ ኮኦሚሢርና ካሉሞሞ ኔኤኮ ኔ ፔጋሲሢር፤ ኔኤኮ ሻኣካ ሜሌ ያኦዞንታ ዔያቶም ኔኤኮ ናኣቶ ሱጉያ ኔ ሺኢሹሢር፣

37 ዔያቶና ኔ ሞዛዴ ኔኤኮ ላጋ፣ ኔኤኒ ናሽኬ ዓሶሞ ማምዎ ዒፄ ዓሶ ቢያ ታኣኒ ቡኩሳንዳኔ፤ ዲማ ዲማ ባንፃፓ ቢያ ኔ ዓጮይዳ ታ ቡኩሳንዳኔ፤ ዬካፓ ኔኤኮ ካሉሞ ዔያቶ ቤርታ ታ ቃኣሪ ጴዲሳንዳኔ፤ ዔያታ ካሉሞ ኔኤሲ ዛጋንዳኔ።

38 ዘአዛ ኮአማዞንሢና ዓሶ ዎዳ ላአሎናም ኮይሳ ዎጎጉዳያ ታኔ ጊዳ ዎጋንዳኔ፤ ታኣኮ ታሞጉዳ ዳጎና ታኔና ዎዲ ሱጉያ ማሃንዳኔ።

39 ታኔና ኔኤኮ ላጎም ዓአሢ ሲጎጋንዳኔ፤ ዔያታ ኔኤኮ ዴጌ ቤዞንታ ካኣኸ ጌሚሮንታ ዶይሳንዳኔ፤ ማአዓሢ ኔኤኮ ጉሲ፡ ፓልማሢያ ኔኤኮ ዔኪ ኩቹ ጉሪ ኔና ዓይሳንዳኔ።

40 «ሹቸና ኔና ዲይ፡ ጨንቾ ዓፓሮና ቲቂ ዎዳንዳ ዳሬ ኔ ዑፃ ዔያታ ዔቂሳኔ፤

41 ማአሮ ኔኤኮ ዔያታ ታሚና ሚቻንዳኔ፤ ሚሮጌ ላአሎኮ ቤርታ ኔ ጊዳ ዔያታ ሜቶ ዓጋንዳኔ፤ ታኣኒ ዬያይዲ ኔኤኮ ዘአዛ ኮአሚያንታ ኔ ላጎም ዔያቶና ኔ ላህሢ ዛሎ ጨጋ ባኮዎ ሃሺሳንዳኔ።

42 ዬያሮ ታ ኔ ጊዳ ዳጋዴ ዳጋ ጋፓንዳኔ፤ ታኣኒ ሌሊ ካኣሽከንታንዳጉዲ ኮዓ ማሊፃኣ ጋፓንዳኔ፤ ላሚ ታ ዳጋዳዓኬ።

43 ኔኤኮ ናኣቱሞ ዎዶና ታኣኒ ኔኤም ማዴ ባኮ ቢያ ኔ ዋሌኔ፤ ኔኤኒ ማዴ ፑርቶ ማዶና ታና ዳጋሴኔ፤ ዬያሮ ታኣኒያ ኔ ማዴ ጎሞጉዳያ ኮይሳሢ ኔኤም ሲጎጌኔ፤ ኔኤኒ ማዴ ሻኣካ ማዶይዳ ዓሶና ላሢ ሲኢቲያ ዓይጋ ኔ ቃሴይ?» ሃያ ጌዔሢ ዴኤፖ ናንጊና ናንጋ ጎዳኬ።

44 ናንጊና ናንጋ ጎዳ ሂዚ ጌዔኔ፡- «ዬሩሳላሚ! ዓሳ ኔ ዛሎ <ዒንዳ ዓአዴ ካሮ ናዓ ዴንዳኔ!» ጌዒ ኮኣከንሢ ሃይሴ ጌሰታንዳኔ።

45 ጎኔና ኔኤኒ ኔ ሲንዶ ናይኬ፤ ኔኤኮ ሲንዳ ፔ ዓኒንታ ናኣቶንታ ዓፃኔ፤ ኔኤኒያ ፔኤኮ ዓኒንሢንታ ናኣቶንታ ዒፃ ኔ ጌሮንሢጉዲኬ፤ ኔናንታ ኔ ጌሮንሢንታኮ ሲንዳ ሂኢታ ዓጨ ዓሲ፡ ዓዴ ዓሞኦራ ዓጨ ዓሲኬ።

46 «ሚሻ ኔኤኮ ፔ ወዲሮ ናኣቶና ዎላ ኬዶ ባንፃ ዓአ ሳማሪያኬ፤ ጌኤዳ ኔኤኮ ፔ ወዲሮ ናኣቶና ዎላ ዶኦሎ ባንፃ ዓአ ሶኦዶሚኬ፤

47 ዔያታ ዓአዲ ጎይያ ዓአዲ ዔያቶኮ ሻኣካ ማዶ ማዲያ ሌሊቱዎንቲ ኔኤኮ ናንጎና ቢያ ዳካ ጋርካ ዔያቶይዳፓ ባሽ ዳቢንቲ ኔ ማዴኔ።

48 «ታኣኒ ናንጊና ናንጋ ባይቁዎያ ማዔ ያኦዛሢ ታ ሱንፃና ጫኦቃኔ፤ ኔ ጌኤዶ ሶኦዶሚንታ ዒዞኮ ወዲሮ ናኣቶንታ ኔኤና ኔ ወዲሮ ናኣቶና ማዴሢዳፓ ዑሣ ዓአዴ ፑርታ ባኣዚ ማዲባኣሴ» ጋዓኔ ዴኤፖ ናንጊና ናንጋ ጎዳሢ።

49 «ኔ ጌኤዶ ሶኦዶሚኮ ዳቢንታ ያዲኬ፤ ዒዞና ዒዞኮ ወዲሮ ናኣቶና ያቶርቁኔ፤ ሚሮጌ ሙኤዚ ዓአያ ማዒ ያቶርቁ ዔያታ ናንጋያ ማዔያታቲያ ዔያታ ሚታዴ ዓሶንታ ማንቆ ዓሶዎ ማኣዲዎሴ።

50 ዔያታ ያቶርቁያ ማዒ ታኣኒ ዒፃ ባኮ ቢያ ማዴኔ፤ ኔኤኒ ዔራሢጉዲ ታኣኒ ዔያቶ ዎዲ ባይዜኔ።

51 «ሳማሪያታዎን ነ ማዳሚኮ ሄካሚጉዴያ ጎሜ ማዲባኣሴ፤ ኔኤሲ ቢዘይዳፓ ባሽ ሚርጌና ሻኣካያ ማዕፍ ጎሜኬ፤ ኔኤኮ ቢኣቲ ማዳ ኔ ጌርንሚሲና ዋላ ቤኤዘዛ ዔያታ ደቢንቲባኣያ ማዳ።»

52 ዓካሪ ሃሢ ኔኤኒ ኔ ደውሲንቶ ኬዴ፤ ኔ ጎማ ሚርጌ ፑርታ ማዕፍሚዳፓ ዔቄያና ኔ ጌርንሚ ኔኤና ዋላ ቤኤዘዛ ፔቲታዎ ደቢንቲባኣ ጌኤሺ ማዳ፤ ኔኤኒ ኔ ጌርንሚ ደቢንቲባኣያ ማሂያና ደውሲንቲ ዓዳ ማኣፖጉዲ ቶኦኪና ዔኪ ዴዔ።»

53 ናንጊና ናንጋ ጎዳ ዩሩሳላሜ ዛሎ ሂዚ ጌዔ። «ሶኦደሜንታ ቢዘኮ ወዲሮ ናኣቶንታም፣ ሳማሪያንታ ቢዘኮ ወዲሮ ናኣቶንታም ዔያቶኮ ዲዒንቲ ቆሎ ታ ማሃንዳ፤ ኔ ቆሎዋ ታኣኒ ቢማና ማሃንዳ።»

54 ኔኤኒ ደውሲንቶ ኔኤኮ ማይንቲ፣ ኔ ማዳና ኔኤኒ ቦርሲንታንዳ፤ ቢማና ሶኦደሜና ሳማሪያና ዩያ ኔኤኮ ዛጋዎ ኔ ጎሞጉዴያ ዔያታ ማዲባኣሚሮ ደዳንዳ።»

55 ኔኤኮ ጌርንሚ ዛሎ ጋዓንቲ ሶኦደሜንታ ቢዘኮ ወዲሮ ናኣቶንታ፣ ሳማሪያንታ ቢዘኮ ወዲሮ ናኣቶንታ ሚና ቤርታ ዓኣ ጎይዎ ባንሚ ገንሣ ማዓንዳ፤ ዩያጉዲ ሃሣ ኔናንታ ኔኤኮ ወዲሮ ናኣቶንታ ቢንሚ ሚና ዓኣ ጎይዎ ማዓንዳ።»

56 ኔኤኒ ሆኦሊንታያ ማዲ ዓኣ ዋደና ጌኤዳ ኔኤኮ ሶኦደሜ ኔና ቦሃ ሚኢጩዘቱዋዓዳ?

57 ዩያ ኔኤኒ ማዳሚ ኔ ደቢንታ ዔርታንዳሚኮ ቤርታቱዋዓዳ? ሃሢ ጋዓንቲ ኔኤኒ ሶኦሪያ ካታሞንታ ዩያቶኮ ዓሺኖንታም፣ ፒሊሰጻኤሜ ካታሞንታ ኮሮይዳ ዓኣ ኔና ቶኦቻዘንሚም ቢያ ሚኢቹ ማዳ።»

58 ኔኤኒ ማዳ ሻኣካ ማዳሮ ቢያ ሜቶ ኔ ዔካንዳያ ኮይሳ።» ሃያ ኬኤዘሚ ናንጊና ናንጋ ጎዳኬ።»

59 ዴኤፖ ናንጊና ናንጋ ጎዳሚ ሂዚ ጋዓ። «ታኣና ዋላ ኔኤኒ ጫኣቄ ጫኣቄዋ ቦሃ ሃሺሚሮ ኔኤም ኮይሳ ሜቶ ታ ኔኤም ቢንጋንዳ።»

60 ጋዓንቲ ኔኤኮ ዴጋቶ ዋደና ታኣኒ ኔኤና ዋላ ጫኣቄ ጫኣቄዋ ጳቂሣንዳ፤ ናንጊና ናንጋያ ማዕፍ ጫኣቄዋ ታ ኔኤና ዋላ ጫኣቃንዳ።»

61 ኔኤኮ ሚሸንታ ጌኤደንታ ማዕፍ ጌርንሚ ኔኤኮ ዓዳ ናይጉዲ ማሂ ታኣኒ ኔኤም ቢንጋ ዋደና ኔኤኮ ሚናኣ ናንጎ ኔኤኒ ማሊ ጳቂሚጋፓ ቦርሲንታንዳ፤ ዩይ ያዲ ማዓንዳሚ ጋዓንቲ ኔኤና ዋላ ታ ጫኣቄ ጎይዎናቱዋሴ።»

62 ታኣኒ ኔኤና ዋላ ጫኣቄዋ ገንሣ ዓካሳንዳ፤ ኔኤኒ ቢማና ታኣኒ ናንጊና ናንጋ ጎዳ ማዕፍሚ ዔራንዳ።»

63 ዬያ ታኣኒ ማዳንዳሢ ኔኤኒ ማዳ ደቢንቶ ቢያ ታኣኒ ዓቶም ጌዔም ኔኤኮ ማዳ ኔ ማሊ ጳቂሣሃ ዲቃቲ ዚቲ ጋዓንዳጉዲኬ» ሃያ ኬኤዜሢ ጳኤፖ ናንጊና ናንጋ ጎዳሢኬ።

17

ኮኣኬና ዋይኔና ማሊሲ ኮኣኪንሢንቴ ኮኣኪንሢ

1 ናንጊና ናንጋ ጎዳ ታኣም ሂዚ ጌዔኔ፡-

2 «ዓሲ ናዓሢዮ! ዒሲራዔኤሌ ዓሶም ሂዚ ጌዒ ዓኣቲሢ ዓኣቲ፤ ዬያ ዓኣቲቶ ኮኣኪንሢና ቡሊ ዔያቶም ኬኤዜ፤

3 ሂዚ ዔያቶም ጌዔ፡- ናንጊና ናንጋ ጎዳ ማዔ ያኣዛሢ ሂዚ ጋዓኔ፤ ጳኤፐ ጋኣሲና ጋኣዞ ጋፓና ጎደሲ ማዔ፡ ቦርጫ ኮኣኬ ለብኖኦሴ ሙካዖ ዳኤሎ ዚቢቆኮ ቶኣካ ዳዒ፡

4 ካኣፖኮ ጻሎ ሜንሢ ዔካዖ ኮርሞ ዓሶ ዓጮ ዳንዲ፡ ዒኢካ ዬያ ቱኬኔ።

5 ዬይ ኮኣካሢ ዒሲራዔኤሌ ዓጫፓ ዜርሢ ዔካዖ ኮይሳ ዋኣሢ ዳንቁ ባቃላንዳጉዲ ፔቲ ማሊ ቤሰካ ዲኡቄኔ።

6 ዬይ ባቃሌሰካፓ ለካ ዖደቁ ዑጉሞዖ ጋምፒንቴ ዋይኔ ማዔኔ፤ ካኣፓ ለካ ኮኣካሢ ባንሢ ዑጉ ኬሰካዛ፡ ፃጳ ሊካ ሳዖ ዳም ዳንዳኔ፤ ዬና ዋይኔላ ሚርጌ ካኣፒና ዒላሺና ዓኣያ ማዔኔ።»

7 «ዬያጉዲ ሃሣ ጳኤፐ ጋኣሲና ሚርጌ ጋፓኔያ ዓኣ ሜሌ ጳኤፐ ኮኣኬ ዓኣኔ፤ ዬና ቱኮና ዋይኔላ ፃጳንታ ካኣፖንታ ኮኣካሢ ባንሢ ዳኬኔ፤ ዬና ዋይኔላ ዬያ ማዳሢ ቱኪንቴ ቤዛፓ ዋኣያ ዒዞ ዑሻንዳጉዲኬ።

8 ዬና ዋይኔላ ቱኪንቴሢ ዒላሺ ኬሲ፡ ዓኣፒያ ዓኣፒ፡ ሚዛጳ ዋይኔ ማዓንዳ ጊዳ ዋኣሢ ዓኣ ቤሰካኬ።»

9 «ጳኤፖ ናንጊና ናንጋ ጎዳ ሂዚ ጋዓኔ ጌዒ ኬኤዜ፡- ሃይ ቱኪንቴ ዋይኔ ዳቃንዳ? ቤርታኣ ኮኣካሢ ፃጳ ቱጌም ዓኣፓ ሙርዒ፡ ዋርቁ ዒላዞ ሹሊ ዲኢናዓዳ? ዬያ ፃጳ ቱጋኒ ዶዲ ዖልዚ ዓንጋም ሃንጎ ዖልቁና ዓኣ ዖላ ዓሲ ኮይሱሞሴ።

10 ዋይኔላ ቱኪንቴኔ፤ ጋዓንቴ ዓርቁ ዑጉኒ ዳንዳዓ? ጳኤፖ ዳውሎ ዠባራ ዠባርሼ ዋዶና ቱኪንቴ ዓኣ ቤዛ ዓኣያ ጋፒ ሜላዓዳ?»

11 ናንጊና ናንጋ ጎዳ ታኣም ሂዚ ጌዔኔ፡-

12 «ኮኣኪንሢኮ ቡሊያ ዔያታ ዔራያ ማዔቶ ሂንዳ ዬያ ዋይዞ ዒዖ ዓሶ ያኤጮ፤ ሂዚ ዔያቶም ጌዔ፤ ባብሎኔ ካኣቲ ዬሩሳላሜ ሙኪ ካኣቲንታ ቢታንታ ዒንጊንቴ ሱኡጎንታ ዲዒ ዔኪ ባብሎኔ ዓኣዳኔ፤

13 ዬይ ባብሎኔ ካኣቲ ዪሁዳ ካኣቲ ማኣር ዓሰይዳፓ ፔቴ ዔኪ ዒዛና ዎላ ጊኣጊ ናጎጎኒ ጫኣቄኔ፤ ዒዚ ባብሎኔ ካኣቲም ጉሙርቁንታያ ማዓንዳጉዲ ጋዓ ጫኣቁም ጫኣቁሴኔ፤ ዒዛ ሌሊቱዎንቴ ሜሌ ዔርቴ ዓሲያ ዔኪ ዓኣዴኔ።

14 ዬያ ዒዚ ማዴህሂ ዪሁዳ ካኣቲ ሹሌዑምና ዓይህንታያ ማዒ ጫኣቄ ጫኣቁምና ደዲ ናጎጎንዳጉዲ ማሃኒኬ።

15 ጋዓንቴ ዪሁዳ ካኣቲ ዎይዘ ዒዒ ፓርና ዲቢ ያልዚ ያላ ዓሲ ዔኪ ዒዛም ዬዓንዳጉዲ ኪኢታ ዓሲ ጊብፄ ዓጮ ዳኬኔ፤ ዓካሪ ዬይ ዒዛኩ ማሊፃ ዒዛም ጊኢጎንዳ? ዬያና ቶላኒ ዒዚ ዳንዳዓንዳ? ዒዚ ጫኣቄ ጫኣቁም ሃሻያ ማዔቴ ማቶይዳፓ ዒዚ ቶላንዳኖ?

16 «ታኣኒ ዴኤፖ ናጎጎና ናጎጎ ጎዳ ታ ሱንፆና ጫኣቃኔ! ዬይ ካኣታህሂ ዒዛ ካኣቲም ያይቶይዳ ዴይህ። ባብሎኔ ካኣቲና ዎላ ጊኣጊ ጫኣቄ ጫኣቁም ሃሹህሂር ዒዚ ባብሎኔይዳ ሃይቃንዳኔ።

17 ባብሎኔ ዓሳ ሚርጌ ዓሲ ዎዳኒ ዔቴ ቦኣኪ ዓጪ ኩሊህና ዎርዲዮ ቤዘ ኮሻ ዎደና ጊብፄ ካኣቲኩ ያሎ ያላ ደደ ዓሰንታ ዲቦ ያሎ ዓሳታፖ ሙኪ ዒዛ ያሊ ማኣዳኒ ዳንዳዓንዳዎሴ።

18 ዒዚ ጫኣቄ ጫኣቁም ቶኦቹ ዬያ ጫኣቁም ሃሹህሂርና ኩጮ ዒንጌሰካፓ ዬያ ቢያ ባኮ ማዴህሂር ዒዚ ቶላዓኬ።»

19 ዬያር ዴኤፖ ናጎጎና ናጎጎ ጎዳህሂ ሂዚ ጋዓኔ፡- «ታኣኒ ናጎጎና ጎዳ ታ ሱንፆና ጫኣቃኔ! ዒዚ ጫኣቄ ጫኣቁም ቶኦቹ ዬያ ሃሹህሂር ታ ዒዛይዳ ሜቶ ዓጋንዳኔ።

20 ታኣኮ ሮኦጮ ማላ ፒራህሂ ሱዞና ፒሪ ታ ዒዛ ዓይህንዳኔ፤ ታኣም ዒ ማዴ ዎይዘ ዒዒፆር ባብሎኔ ዓጮ ዔኪ ታ ዒዛ ሙኪ ማቶይዳ ዓጋንዳኔ።

21 ዒዛኩ ደኦሪንቴያ ማዔ ፖኦሊሳ ያሎ ቦኣሎይዳ ዎዴንታንዳኔ፤ ሃይባፓ ቶሌዘንህያ ደማ ደማ ካራና ዜሪንታንዳኔ፤ ዬይ ያዲ ማዓኣና ሃያ ኬኤዜህሂ ታና ናጎጎና ናጎጎ ጎዳ ማዔህሂ ዒንህሂ ዔራንዳኔ።»

ያኦሲ ዒንጌ ሃጊ ማዓንዳ ዎዘ ቃኣሎ

22 ናጎጎና ናጎጎ ዴኤፖ ጎዳህሂ ሂዚ ጋዓኔ፡- «ለባኖኦሴ ሚያ ቶኦካፓ ፔቴ ኪሊ ታኣኒ ዔካንዳኔ፤ ዬያ ሃጊ ዑጋ ሺኢጮ ኪላፓ ፔቴ ፂንቁ ታ ዔካንዳኔ፤ ታኣኒ ታኣር ዴጌ ዴኮ ቶኦካ ዬያ ቱካንዳኔ።

23 ታኣኒ ቱካንዳህሂ ዒሰራዔኤሌይዳ ዓኣ ዴጌ ዴኮ ቶኦካኬ፤ ዬያ ታኣኒ ማዳንዳህሂ ካኣፒ ኬሲ ዓኣፒያ ዓኣፒህሂና ሚዛጲ ለባኖኦሴ ሚህሂ ማዓንዳጉዲኬ፤ ዬያይዳ ደማ ደማ ካፒ ናጎጎንዳኔ፤

ባራናያ ማዕ ባካ ቢያ ፔኤኮ ማኣሮ ዬያ ሺቦይዳ ማኸንዳኔ።
 24 ዓጩሎይዳ ዓኣ ሚፃ ቢያ ታኣኒ ናንገና ናንጋ ጎዳ ማዕሀሂ
 ዔራጎዳኔ፤
 ታኣኒ ሚፃ ፆዶዘ ቃሚሃንዳኔ፤
 ቃሚፃ ሚፃዎ ፆዶሲ ታ ዑጊሳንዳኔ፤
 ታኣኒ ዓኣዔ ሚፃ ሜልዛንዳኔ፤
 ሜሎ ሚፃዎ ዓኣዒሳንዳኔ፤
 ታኣኒ ናንገና ናንጋ ጎዳ ሃያ ኬኤዘኔ፤
 ታኣኒ ማዳንዳኔ ጌዔ ባኮ ቢያ ማዲ ኩንሃንዳኔ።»

18

ጎሜ ማዳ ሺምፓ ሃይቃንዳሂ

1 ናንገና ናንጋ ጎዳ ታኣም ሂዚ ጌዒ ኬኤዘኔ፡-
 2 « ሸዔ ዓሳ ሶልካ ዎይኖ ዓኣፖ ሙዔኔ፤ ጋዓንቴ ዔያቶ ናኣቶኮ
 ዓጩ ሃይቄኔ። ጌይ ዒሰራዔኤሌ ዓጩይዳ ላሚ ላሚ ኬኤዘንታ
 ኮኣኪንሃ ሃይ ዓይጌንዴዳይ?
 3 «ታኣኒ ናንገና ናንጋ ጎዳ ታ ሱንፆና ጩኣቃኔ! ዬያ ኮኣኪንሃ
 ላሚ ዔያታ ዒሰራዔኤሌ ዓጩ ኬኤዛዓኬ፤ ሃያ ኬኤዛሂ ታና ዴኤፖ
 ናንገና ናንጋ ጎዳኬ።
 4 ፔቴ ፔቴ ዓሶኮ ሺምፓሂ ታኣሮኬ፤ ሸዔ ዓሶሲ ማዔታቴያ
 ናኣቶ ሺምፓሂ ታኣሮ ማዕሀሂ ዔራዎቴ፤ ጎሜ ማዳ ዓሂ ዒ ሌሊ
 ሃይቃንዳኔ።
 5 «ፔቴ ዓሲ ዓሎ፡ ፒዜ ዎጋያና ጉሙርቁንታያ ማዔያታቴ፤
 6 ዒሰራዔኤሌ ዓሳ ካኣሸካ ሜሌ ፆኦዘም ዚጋዓኬ፤ ላኣጊንቴ
 ዘጎ ቤዘይዳ ሹኪንቴ ዓይጎ ዓሸኪያ ሙዓዓኬ፤ ሜሌ ዓሲ ማቸዎ
 ዒኣሳዓኬ፤ ዑሂ ፑርቴ ላኣሊናኣ ላሃዓኬ፤
 7 ፆናኣ ሄርቁ ዎይሃዓኬ፤ ጋዓንቴ ዔኤቢኮ ዓይሂ ማሂ ዓርቁ
 ባኮ ማማሃንዳኔ፤ ቡራዓኬ፤ ናይዴሂያ ሙኡዛንዳኔ፤ ካላዴሂያ
 ማይሳንዳኔ፤
 8 ፔኤኮ ሚኢሾ ሸይሂና ማሃንዳጉዲ ታልዓዓኬ፤ ሚኢሾኮ ዑሃ
 ዓኣዴ ሸይቺያ ዔካዓኬ፤ ፑርታ ባኣዚ ማዲሂዳፓ ፔና ካፓኔ፤ ዎሊና
 ዲዴ ዓሶዎ ቡኩሳኒ ፒዜ ዎጌ ዎጋኔ።
 9 ዬያጉዴ ዓሂ ዓይሂያ ታኣኮ ማዲ ኩንሃኔ፤ ታኣኮ ዳምቦዎ
 ቦንቻኔ፤ ዬይ ዓሂ ዓሎ ዓሲ ማዕሀሂሮ ሺምፔና ናንጋንዳኔ፤ ሃያ
 ኬኤዛሂ ታና ዴኤፖ ናንገና ናንጋ ጎዳኬ።»

18:9 ለዊ. ዓከ 18:5።

10 «ጋዓንቴ ዬያ ዓሢኮ ዋይዚ ዒፃናና ዓሲ ዋዴያ፤ ገንሣ ሃሃ ዩንሢ ደቢንቶንሢዳፓ ፔቴ ማዴ ናይ ዓኣቶ፡

11 ዓዳሢ ዩንሢ ደቢንቶንሢዳፓ ፔቴማታፓ ማዲባኣቴያ፤ ዒዛኮ ናዓሢ ጋዓንቴ ዲኮይዳ ሜሌ ጾኦዞ ካኣሽኮ ቤዛ ሹኪንቴ ዓሽኮ ሙዔያታቴ፡ ዓሲኮ ማቸ ዒኢሴቴ፡

12 ማንቆ ዓሶና ማታዴ ዓሶናኮ ካራ ባይዜያታቴ፡ ቡራያ ማዔቴ፡ ማኢሽ ታልዓኣና ዓይሢ ማሂ ዔኬ ባኮ ፔኤም ዔይሴያታቴ፡ ማሌ ዓሶኮ ካኣሽኮ ቤዛ ማሌ ጾኦዞ ካኣሽኤያታቴ፡ ሻኣካ ባኮ ማዴያ ማዔያታቴ፡

13 ፔኤኮ ማኢሽ ሸይሢና ታልዒ ዑሣ ዓኣዴ ጨገሼያ ማዔያታቴ፤ ዓካሪ ዬያጉዴ ዓሢ ሸምፔና ናንጋኒ ዳንዳዓ? ፔቴታፓ ዬይ ሸምፔና ናንጋኒ ዳንዳዑዋሴ፤ ዬያ ቢያ ሻኣካ ባኮ ዒዚ ማዴሢሮ ጎኔና ዒ ሃይቃንዳኔ፤ ዬያ ሃይቦኮዋ ጾኦጨገታንዳሢ ዒዛ ማዓንዳኔ፡፡

14 «ጋዓንቴ ዬያ ዓሢኮ ዓቲንቄ ናይ ዓኣያታፓ ዒዛኮ ዓዴ ማዴ ጎሞ ቢያ ዛገ፡ ፔኤኮ ዓዴ ማዴ ጎይፓ ማዲባኣያታቴ፡

15 ዒሰራዔኤሌ ዓሶኮ ካኣሽኮ ጾኦዞም ዘገባኣያታቴ፡ ላኣገንቴ ዘጎ ቤዛ ሹኪንቴ ዓይጎ ዓሽኪያ ሙዒባኣያታቴ፡ ዓሲኮ ማቸ ዒኢሴባኣያታቴ፡

16 ጾናኣ ሄርቄ ዋይሢባኣያታቴ፡ ዓሲኮ ቆሎ ቡሪ ዔከባኣያታቴ፡ ማኢሽ ታልዓፓ ዓይሢ ማሂ ዔኬ ባኮ ፔኤም ዓይሴባኣያታቴ፡ ናይዴሢ ሙኡዚ ካላዴሢያ ማይሴያታቴ፡

17 ማንቆ ዓሶ-ዑፃ ዓይጎዋ ጌኔ ማዔ ባኣዚ ማዲባኣያታቴ፡ ማኢሽ ሸይቹና ማሃንዳጉዲ ታልዓፓ ዑሣ ዓኣዴ ማኢሽ ጨገሺባኣያታቴ፡ ታኣኮ ዋጎ ቦንቹያ ማዔያታቴ፡ ታኣኮ ዳምቦ ጎይፓ ሃንቴቴ፡ ዬያጉዴ ዓሢ ጎኔና ሸምፔና ናንጋንዳኣፓ ዓቴም ዓዴ ማዴ ጎሞሮ ዒ ሃይቃዓኤ፡፡

18 ዓዴ ዒዛኮ ጋዓንቴ ጌሺ ዔኤያና ፔኤኮ ጌርሲያ ቡሬሢሮ ፔኤኮ ዴሮ ባኣካ ኮሺ ማዒባኣ ባኣዚ ማዴሢሮ ፔ ደቢንቶና ሃይቃንዳኔ፡፡

19 « ዓካሪ ናዓ ዓዶ ጎሞሮ ማቶ ዔከባኣሢ ዓይጎሮዳይ? ዒንሢ ጋዓንዳኣናንዳኔ፤ ናዓ ፒዜ፡ ሃሃ ኮሺ ማዔ ባኣዚ ማዴኔ፤ ታኣኮ ዋጎዋ ቦንቹኔ፤ ዬያሮ ዒዚ ጎኔና ሸምፔና ናንጋንዳኔ፤

20 ሃይቃንዳያ ኮይሳሢ ጎሜ ማዴ ዓሢ ሌሊኤ፤ ናዓ ዓዶ ጎሞሮ ማቶ ዔካዓኤ፤ ዓዴያ ናፓ ጎሞሮ ማቶ ዔካዓኤ፤ ኮሺ ዓሲ ፔ ኮሹሞ

ዛሎ ዲንሳ ባኮ ዔካንዳኔ፤ ፑርታ ዓሲያ ፔ ፑርቱሞና ሜቶ ዔካንዳኔ።

21 «ፑርታ ዓሲ ጎሜ ማዲሂ ሃሺ ዋጎ ታኣኮ ካፔያታቱ፣ ፒዜና ኮሺ ማዕ ዓኣዚያ ማዳቲ ጎነና ሸምፔኔ ናንጋዳኣፓዓቲም ሃይቃዓኩ፤

22 ፒዜ ማዕ ዓኣዚ ዓዚ ማዳሂሮ ዓዚ ማዳ ጎማ ቢያ ዓዚዛኮ ዓቶም ጌይንቲም ሸምፔና ዒ ናንጋንዳኔ።

23 ታኣኒ ፑርቶ ዓሲኮ ሃይቦና ዋዛዳያ ዒንሂም ማለ? ያዲቱዋሴ፤ ታኣኒ ዋዛዳሂ ፔኤኮ ጎሞ ቡኤዲ ሸምፔና ናንጋ ዓሲሮኬ፤ ጋዓኔ፣ ዴኤፖ ናንገና ናንጋ ጎዳሂ።

24 «ጋዓንቲ ኮሺ ዓሲ ኮሺ ማዳንዶሂ ሃሺ ፑርቶ ዓሳ ማዳ ፑርቱሞንታ ሻኣካያ ማዕ ባኮ ማዲሂ ዓርቄቲ ሸምፔና ዬይ ናንጋንዳያ ዒንሂም ማለ? ያዲቱዋሴ፤ ዬይ ዓታዛ ቤርታ ዓዚ ማዳ ኮዦ ማዳ ቢያ ዓዚም ማሊንቲንዱዋሴ፤ ዓዚ ጉሙርቂንቲዋያና ጎሜ ዓሲ ማዒያና ሃይቃንዳኔ።

25 «ዬያሮ ዒንሂ ያዲ ማዕያ ማዕታቲ ናንገና ናንጋ ጎዳ ማዳ ባካ ፒዜቱዋሴ» ጋዓንዳኣናንዳኔ፤ ዒንሂ ዒሰራዔኤሌ ዓሳ! ታኣሲ ዋይዙዋቲ፤ ታ ማዳ ባካ ቢያ ፒዜቱዋሴ ጌዒ ዒንሂ ማለ? ጋዓንቲ ፒዜ ማዒባኣሂ ዒንሂኮ ሃንቲያኩ።

26 ዲሎ ዓሲ ኮሺ ማዲያ ሃሺ ፑርታ ማዳ ማዳ ሃይቄቲ፣ ዓዚ ሃይቃሂ ፔኤኮ ጎሞ ዛሎናኩ፤

27 ዬያጉዴ ሃሂ ዓሲ ጎሜ ማዲሂ ሃሺ ፒዜና ኮሺ ማዕ ባኣዚና ማዳያታቲ ፔኤኮ ሸምፓሂ ዓውሳንዳኔ፤

28 ዓዚ ማዳ ማዳ ጉሪ ባኣዚ ማዕሂ ዔሪጋፓ ጎሞ ማዲያ ሃሸሂሮ ጎነና ዓዚ ሸምፔና ናንጋንዳኣፓዓቲም ሃይቃዓኩ፤

29 ዒንሂ ዒሰራዔኤሌ ዓሳ ጋዓንቲ፡- «ዴኤፖ ናንገና ናንጋ ጎዳ ማዳ ማዳ ፒዜቱዋሴ» ጋዓኔ፤ ዓካሪ ታ ማዳ ፒዜቱዋያ ዒንሂም ማለ? ፒዜ ማዒባኣሂ ዒንሂኮ ሃንቲያኩ።

30 «ሃሂ ታኣኒ ዴኤፖ ናንገና ናንጋ ጎዳ ዒንሂ ዒሰራዔኤሌ ዓሰም ጋዓሂ ሃያኩ፤ ፔቲ ፔቲሂ ታኣኒ ዒንሂኮ ፑርቶ ማዳሮ ሜቶይዳ ዓጋንዳኔ፤ ዬያሮ ዒንሂ ማዳ ፑርቶ ማዳፓ ማዕ-ዋቲ፤ ጎሞ ዒንሂኮ ቡኤፁዋቲ! ያዲ ማዒባኣያታቲ ጎማ ዒንሂኮ ዒንሂ ባይዘንዳኔ።

31 ዒንሂ ቢያሂ ዒንሂኮ ፑርቶ ማዳይዳፓ ዲማዲ ዓከ ዓያናና ዓከ ዒናኣ ዓኣያ ማዕ-ዋቲ፤ ዒንሂ ዒሰራዔኤሌ ዓሳ ዓይጋ ሃይቃይ?

32 ታኣኒ ያኑኒያ ሃይቃንዳጉዲ ኮዑቀሴ፤ ዬያሮ ዒንሢ ሲያሢ ዒንሢኮ ጎማፓ ማዒጋፓ ሼምፔና ናንጉቀቴ» ሃያ ኬኤዜሢ ጴኤፖ ናንጊና ናንጋ ጎዳኬ።

19

ዒሰራዔኤሌ ዓሶኮ ሱኡጎ ቃዮና ቃዬ

1 ናንጊና ናንጋ ጎዳ ዒሰራዔኤሌ ዓሶኮ ሱኡጎ ሂዚ ጌዒ ታ ቃያንዳጉዲ ታኣም ኬኤዜኔ፡-

2 ዒንዳ ኔኤኮ ዘቦ ባኣካ ዎዚጉዳ ዘቢዳይ!
ሃጊ ዔቃ ዓዶ ዘቦ ባኣካ ዒዛ ያቶርቂ
ናኣቶ ፔኤኮ ዲቼኔ፤

3 ዒዛኮ ናኣቶ ባኣካፓ ፔቴ ዛጊ ዒዛ ዲቼኔ፤
ዒዚያ ዶዲ ዘቢ ማዔኔ፤
ከምቀ ዔሬ፥ ዓሲ ሙዒሢያ ዓርቄ።።

4 ዴራ ዒዛ ዑፃ ዒላቴኔ፤
ዔያታ ቦኦኬ ዔቶይዳ ዒ ዒዲንቴኔ፤

ዓንጊ ከሬና ሲኢዶ ዒዛኮ ዑሪ
ጎቺ ጎቺ ጊብፃ ዓጮ ዔኪ ዒዛ ዔያታ ዓኣዴ።።

5 ዒዛኮ ዒንዳ ማሊፃ ዒዛኮ ጊኢጊባኣሢ ዛጊ
ሃጊ ማዓ ዎዛ ቲቃፃ
ናኣቶይዳፓ ባጋሢ ዔኪ ዛጊ ዲቺሢና ዶዲ ዘቢ ማሃ ኬሴ።።

6 ዒዚያ ሜሌ ዘቦና ዎላ ሃንቲሢ ዓርቄ፤
ዶዲ ዘቢያ ማዒ ከምቀ ዔሬ፤
ዓሲ ሙዒሢያ ዓርቄ።።

7 ዔያቶኮ ዒዚ ዎርዲዮ ሻሂኔ፤
ካታምቀ ዔያቶኮ ዒዚ ዶይሴ፤
ዒዚ ጉዳ ዎዶና ሳፖንታ ዒኢካ ናንጋ ዓሳ ቢያ ዲቃቲ ካራ ባይዜ።።

8 ሜሌ ዴራ ቢያ ዒዛ ዑፃ ዔቄኔ፤
ቢያሢ ፔ ቤዛፓ ቤዛፓ ሙኬኔ፤
ዔያቶኮ ርኦጮ ማላ ፒራሢ ሱዘቀ ዓጌኔ፤
ዔያቶኮ ዔቶይዳ ዒዚ ዒዲንቴኔ፤

9 ሲኢዶ ዒዛኮ ዓንጊ ከሬና ዓርቂ ዓንጊ ዲሢ ጋርሲ ጌልዜ፤
ብብሎኔ ካኣቲ ኮራኣ ዔኪ ዓኣዴ፤
ላሚ ዑኡዛ ዒዛኮ ዒሰራዔኤሌ ዓጮ ጌሜሮይዳ ዎይዚንቱዎጉዲ
ቱኡሲ ማኣሪ ዔያታ ዒዛ ጌልዜ።።

10 ዒንዳ ኔኤኮ ዎኣሢ ዓቺዳ ቱከንቴ ዎይኔ ሚሢጉዲኬ፤
ዎኣፆኮ ሚርጉማፓ ዔቄያና

- ካኣፒንታ ዓኣፒያ ኩሜ ወይኔ ሚሢ ማዔኔ።
- 11 ካኣፒ ዒዘኮ ደዲ ማዔሢሮ
ካኣቶ ማዒ ወይሢያ ዒኢፓ ኬሰካንዲያ ሄላንዳኣና ዑጌኔ፤
ዩይ ወይና ዲም ጌዔ ዴኤላፓ ዑሣ ባሼ ዴኤፔኔ፤
ያደሱማ ሚርጌ ካኣፖና ዋላ ዴጌ ጌዒ ዴዴኔ።
- 12 ጋዓንቴ ዳጋና ፃጳፓ ቱጊንቲ ሳዓ ሊካ ኬኤሪንቴኔ፤
ዓሲ ናንጉዋ ደውላፓ ዔቃ፡ ዓባ ኬሰካ ባንያ ዠባራ ዩያ ማልዜኔ፤
ዩያሮ ዓኣፓ ዲኢኔኔ፤
ደዲ ማዔ ካኣፓኣ ማሌኔ፤
ታሚያ ዩያ ሙዔኔ።
- 13 ሃሢ ጋዓንቴ ዓሲ ናንጉዋ ደውሎይዳ
ዋኣፃባኣ ማሎ ሳዓ ቱከንቴኔ።
- 14 ዩያ ወይናኮ ፃጳፓ ታሚ ኬሰከኔ፤
ካኣፖንታ ዓኣፖዋ ቢያ ታማ ሙዔኔ፤
ካኣፓ ማይ ላሚ ደዲ ማዓዓኬ፤
ካኣቶ ማዒ ወይሢያ ዳንደዑዋሴ፤
ዓካሪ ማሂ ማሂ ቃዩንታንዳ ቃያሢ ዩያኬ፤
ዩይያ ዩኤፒም ማዓንዲያኬ።

20

ዋይዘ ዒፃ ዒሰራዔኤሌ ዓሶ

- 1 ኦኡኒ ዓጫፓ ዲዒንቴንቴ ላንካሳ ሌያና ደንጋሳ ዓጊኖኮ ታጳሳ
ኬሎይዳ ዒሰራዔኤሌ ዴሮኮ ሱኡጎይዳፓ ፔቴ ፔቴ ዓሲ ናንጊና
ናንጋ ጎዳኮ ማሊፃ ዋዘምታቶ ታና ያኦጫኒ ታ ኮይላ ሙኪ ዴዔኔ።
- 2 ዒማና ናንጊና ናንጋ ጎዳ ሂዚ ታኣም ጌዔኔ፡-
- 3 «ዓሲ ናዓሢዮ! ታኣኒ ዴኤፖ ናንጊና ናንጋ ጎዳ ጋዓ ባኮ ሃያ
ዓሶም ሂዚ ጌዒ ኬኤዜ፤ ዒንሢ ታ ማሊፃ ዔራኒ ሙኪያ? ታኣኒ
ናንጊና ናንጋ ጎዳ ታ ሱንያና ጫኣቃኔ! ዒይጎ ባኣዚያ ዒንሢ ታና
ያኦጫንዳጉዲ ታ ኮዑዋሴ፤ ታኣኒ ዴኤፖ ናንጊና ናንጋ ጎዳ ሃያ
ጋዓኔ።»
- 4 «ዓሲ ናዓሢዮ! ሃያ ዓሶም ኔኤኒ ዋጋኒ ኮዓ? ያዲ ማዔያታቴ
ዔያቶኮ ዓደንሢ ማዴ ሻኣካ ባኮ ዔያታ ዔራንዳጉዲ ዔያቶም
ኬኤዜ።
- 5 ሂዚ ዔያቶም ጌዔ፤ ዴኤፖ ናንጊና ናንጋ ጎዳሢ ሂዚ ጋዓኔ፡-
ታኣኒ ዒሰራዔኤሌ ደኦሪ ዋደና ያይቆኦዜ ዜርዮም ጊብፃ ዓጫይዳ
ታና ታ ዔርዚ ዔያቶም ጫኣቄኔ፤ ዔያቶም ታኣኒ ናንጊና ናንጋ ጎዳ
ዒንሢኮ ያኦዛሢኬ» ጌዔኔ።

6 ጊብጻ ዓጩጋ ታ ዔያቶ ከሴኔ፤ ዔያቶም ታኣኒ ዶኑሬ ዓጩላ ዔኤሲና ዶኑኢቁና ኩሚያኬ፤ ዩና ዓጩላ ዓጩይዳጋ ቢያ ባሼ ማሊኬ፤ ዩና ዓጩሎ ታ ዔያቶ ጌልዛኒኬ ዒማና ታ ዔያቶም ጫኣቄሂ።

7 ዩና ዎዶና ሂዚ ታ ዔያቶም ጌዔኔ፡- ለዒንሂ ፔቴ ፔቴሂ ዒንሂኮ ቤርታ ጌሂ ዘጋ ሻኣካ ሜሌ ጾኦዞ ማላቶ ሺኢሺ ባይዙዎቴ፤ ጊብጻ ዓጩ ጾኦዞ ካኣሽኪ ዒንሂና ዒኢሲፖቴ፤ ሃያ ከኤዜሂ ታና ናንጊና ናንጋ ጎዳ ዒንሂኮ ጾኦዞሂኬ። ጌዔኔ።

8 ጋዓንቴ ዔያታ ዎይዚ ዒያያ ማዓንዳኣጋዓቴም ታ ጋዓሂ ዎይዚ ናሽኪባኣሴ፤ ዓኣጋ ዔያቶኮ ዘጋ ሻኣካ ሜሌ ጾኦዞ ማላቶ ዔያታ ሺኢሺ ባይዚባኣሴ፤ ጊንሂ ሃሂ ጊብጻ ዓጩ ዓሳ ካኣሽካ ጾኦዞ ካኣሽኪዎ ሃሺባኣሴ፤ ዩና ታኣኒ ዔያታ ጊብጻ ዓጩይዳ ዓኣ ጎይሂ ዓኣንቴ ዳጎ ዔያቶ ዑፃ ከይሳኒ ማሌዎኬ።

9 ጋዓንቴ ዔያቶና ናንጋ ሜሌ ዳራ ዘጋንቴ ታኣኒ ዔያቶ ጊብጻ ዓጩጋ ከሳንዳሂ ዔያቶም ጫኣቄኔ፤ ሱንፃ ታኣኮ ቶኦቲንቴዎጉዶ ታ ሱንፃ ቦንቸር ጌዒ ታ ዳጎ ዔያቶ ዑፃ ከይሲዎ ሃሺኔ።

10 «ዩና ጊብጻ ዓጩጋ ታ ዔያቶ ዔኪ ዓሳ ናንጉዎ ዳውሎ ሙከኔ፤

11 ዓይሂንታ ዓሲ ቢያ ሽምፔና ናንጋኒ ዳንዳዓንዳ፣ ታኣኮ ዎጎ ታ ዔያቶም ዒንጌኔ፤ ዳምቦዎ ታ ዔያቶ ዔርዜኔ።

12 ዔያቶ ታኣም ደማሳሂ ታና ማዔሂ ዔያታ ዔራንዳጉዶ ታኣኮ ሃውሻ ከሎ ቦንቸዩ ታኣና ዔያቶና ባኣካ ማላታ ማዓንዳጉዶ ታ ማዳኔ።

13 ጋዓንቴ ዒሰራዔኤሌ ዓሳ ዓሲ ናንጉዎ ዳውሎይዳ ዓኣዎ ታኣም ዎይዞ ዒዳኔ፤ ዓይሂንታያ ማዔሂም ቢያ ሽምፔ ዒንጋያ ማዔ ታኣኮ ዎጎንታ ዳምቦንታ ዒዳ፣ ዔያታ ሃሺኔ፤ ታኣኮ ሃውሻ ከሎዎ ዔያታ ዒኢሴኔ፤ ዩና ዓሲ ናንጉዎ ዳውሎይዳ ታኣኮ ዳጎ ታ ዔያቶ ዑፃ ከይሲ ባይዚ ማሌዎኬ፤

14 ጋዓንቴ ዒሰራዔኤሌ ዓሶ ታኣኒ ጊብጻ ዓጩጋ ከሳኣና ታና ዘጌ ሜሌ ዳር ቤርታ ሱንፃ ታኣኮ ቶኦቲንቴዎጉዶ ዩና ቢያ ታኣኒ ማዳባኣሴ።

15 ሃሂ ጊንሂ ለዔይዳጋ ቢያ ኮሺ ማዔዞ፣ ዔኤዘና ደኢቆና ኩሚ ሳዔሎ ታ ዒንሂም ዒንጋንዳኔ። ጌዒ ታ ዔያቶም ጫኣቄኔ፤ ዩናጋ ዔያታ ዓሲ ናንጉዎ ዳውላ ዓኣንቴ ዩና ዓጩሎ ታ ዔያቶ ጌልዘንዱዎኣሂ ጋፒሲ ታ ዔያቶም ከኤዜኔ።

20:6 ከሲ. ማፃ 6:2-8። 20:11 ለዌ. ዓከ 18:5። 20:12 ከሲ. ማፃ 31:13-17።

16 ዬያ ታ ማዳሚ ዒና ዔያቶኮ ማሌ ያኦዞ ባንሢ ዓኣዲ፥ ታኣኮ ዋጎና ደምቦና ዒዲ ሃሽሢረንታ ሃውሾ ከሎዋ ዒኢሴሢረኩ።»

17 ዬይ ያዲ ማዔንቴያ ታ ዔያቶም ሚጨንቴሢረ ዔያቶ ታ ባይዚባኣሴ፤ ዓሳ ናንጉዋ ደውሎይዳኣ ታ ዔያቶ ጋፒሲባኣሴ።

18 ዔያቶኮ ናኣቶም ሂዚ ጌዒ ታ ከኤዜኔ፡- «ዒንሢኮ ቤርታኣ ዓደንሢ ከሴ ዋጎና ናንጊፖቴ፤ ዔያቶኮ ደምቦና ዓኣዲፖቴ፤ ጊንሢ ሃሢ ዔያቶኮ ካኣሽኮ ያኦዞናኣ ዒኢረፖቴ፤

19 ታኣኒ ናንጊና ናንጋ ጎዳ ዒንሢኮ ያኦዞሢ፤ ደምቦ ታኣሲ ካፑዋቴ፤ ታኣኮ ዋጎማኣ ዛጊ ዓይሢንቴዋቴ።

20 ታኣኒ ዒንሢና ዋላ ጨኣቄ ጨኣቄምኮ ማላታ ዒንሢም ማዓንዳጉዲ፥ ጊንሢ ሃሢ ታኣኒ ናንጊና ናንጋ ጎዳ ማዔ ዒንሢኮ ያኦዞሢ፤ ዒንሢም ጳቂሃንዳጉዲ ሃውሾ ከሎ ታኣም ዲማዳ ከሊ ማሁዋቴ።

21 «ጋዓንቴ ናኣታ ዔያቶኮ ታኣም ዋይዞ ዓፄ፤ ማዲ ኩንሢሢም ቢያ ሸምፔ ዒንጋ ዋጎዋ ዒዲ ዔያታ ሃሽኔ፤ ታኣኮ ዋጎ ዔያታ ካፒባኣሴ፤ ታኣኮ ሃውሾ ከሎዋ ዔያታ ዒኢሴኔ፤ ዬያ ዓሳ ናንጉዋ ደውሎይዳ ዔያታ ዓኣንቴ ታኣኮ ዳጎ ዋልቆ ዔያቶ ዑፃ ከይሲ ቢያሢ ባይዚኒ ታ ማሌዎኩ፤

22 ጋዓንቴ ታ ዔያቶ ጊብፄ ዓጫፓ ከሴሢ ዛጌ ማሌ ዳሮ ቤርታ ሱንፃ ታኣኮ ቶኦቲንቴዋጉዲ ዬያ ታኣኒ ማዲባኣሴ።

23 ዲማ ዲማ ማሌ ዓጫ ዳሮ ባኣካ ታ ዔያቶ ዜርቃንዳያ ማዔሢያ ሃጊ ዬያ ዓሳ ናንጉዋ ደውሎይዳ ዓኣንቴ ታ ዔያቶም ጨኣቄ ከኤዜኔ።

24 ዬያ ታኣኒ ማዳሚ ዔያታ ታ ዋጎኮ ዑሣ ዓኣዳሢሮ፥ ታኣኮ ደምቦና ዔያታ ዓኣዲባኣሢሮ፥ ሃውሾ ከሎ ዒኢሴሢረኩ ታ ዔያቶኮ ቤርታኣ ዓደንሢ ካኣሽካ ያኦዞ ዔያታ ካኣሽኩሢረኩ።

25 «ዩካፓ ታ ዔያቶም ኮሺ ማዒባኣ ዋጌና ማዲ ዔያታ ኩንሢ ሸምፔና ናንጋኒ ዳንዳዑዋ ደምቤያ ዒንጌ።

26 ዔያታ ፔኤኮ ቶይዶ ናኣቶ ዒንጎ ዒንጊሢ ማሂ ፔ ያኦዞም ሸኢሸሢረና ፔና ዒኢሳንዳጉዲ ታ ዔያቶ ሃሽኔ፤ ዬያ ታኣኒ ማዳሚ ዔያቶ ባይዚና ሜቶ ዔያቶይዳ ዓጋሢ ታና፥ ናንጊና ናንጋ ጎዳ ማዔሢያ ዔያታ ዔራንዳጉዲ።

27 «ዓካሪ ዓሲ ናዓሢዮ! ታኣኒ ዳኤፖ ናንጊና ናንጋ ጎዳ ጋዓሢ ዒሰራዔኤሌ ዓሰም ከኤዜ፤ ዔያቶኮ ዓደንሢ ታና ሃሺዮና ቶኦቲ።

28 ታኣኒ ዔያቶም ዒንጋኒ ጨኣቄ ዓጫሎ ዔኪ ታ ዔያቶ ሙኩኔ፤ ያዲ ማዔቴያ ዔያታ ዳጌ ጌማሮንታ ዒላዢ ዋርቂ ዓኣ ሚያዋ ዳንቄ

ዎድና ቢያ ዒኢካ ዒንጎ ዒንገሢ ማሌ ያኦዞም ሺኢሼኔ፤ ሚቸ ዒንጎ ዒንገሪ፣ ሳውማ ኮሽካ ዑንጅ ዒንገሪያንታ ዑኮ ዒንገሪያዎ ዬያ ያኦዞም ሺኢሼያና ዔያታ ታና ዳጋሴ፤

29 ታኣኒ ዔያቶ ላይ ዒንሢ ዓኣዳ ዴጌ ቤዛ ዓይጎዳዎ? ጌዒ ያኦጩኔ፤ ዬይ ቤዛ ሃኖ ሄላንዳኣና «ዴጌ ቤዛ» ጌይንታ።

30 ሃሢያ ታኣኒ ዴኤፖ ናንገና ናንጋ ጎዳ ጋዓሢ ዒሰራዔኤሌ ዓሶም ሂዚ ጌዔ፡- «ዒንሢኮ ዓድንሢጉዲ ዒንሢ ዓይጋ ዒኢታይ? ሻኣካ ማሌ ያኦዞ ካኣሽኪሢና ዓይጋ ዒንሢ ዳቢንታይ?

31 ሃይሾ ሃኖዎ ዒንሢ ዬያጉዳ ዒንገሪያ ሺኢሻ ጎይሣኬ፤ ናኣቶ ዒንሢኮ ዒንሢ ታሞና ሚቸ ዒንጎ ዒንገሢ ማሃ ሺኢሼሢና ዬያ ሚና ካኣሽኮ ያኦዞ ካኣሽኪ ዒንሢ ዒኢታ፤ ዬያ ቢያ ዒንሢ ማዴሰካፓ ዒንሢ ሃይ ዒሰራዔኤሌ ዓሳ ታ ማሊፃ ዓይጎ ማዔያታቲ ያኦጩኒ ሙሙካ፤ ታኣኒ ዴኤፖ ናንገና ናንጋ ጎዳ ታ ሱንጾና ጫኣቃ፤ ዓይጎዎ ዒንሢ ታና ያኦጩንዳጉዲ ታ ኮዑዋሴ!

32 ዓዳ ማሌ ዴሮጉዲ፡ ሚያና ሹጫናም ዘገ ካኣሽካ ማሌ ዓጫ ናንጋ ዴሮጉዲ ማዓኒ ማሊ ዒንሢ ቱኬ፤ ጋዓንቲ ዬይ ፔቲታዎ ማዓኒ ዳንዳዑዋሴ።»

ያኦሲኮ ሻርሺያንታ ጎሞዎ ዓቶም ጌዒያ

33 ዴኤፖ ናንገና ናንጋ ጎዳ ሂዚ ጋዓ፡- «ታኣኒ ናንገና ናንጋ ጎዳ ታ ሱንጾና ጫኣቃ፤ ታኣኮ ቢታንቶ ታ ዳዊ፣ ዎልቆዎ ፔጋሲ፣ ዳጎ ታኣሲ ዒንሢዳ ኬይሲ ዒንሢኮ ታ ካኣቲ ማዓንዳ።

34 ዒንሢ ዜርቁንቲ ዓጮና ማሌ ዴሮና ባኣካፓ ታኣኒ ዒንሢ ቡኩሳንዳ፤ ታ ዒንሢ ቡኩሳንዳሢያ ታኣኮ ቢታንቶ ዳዊ፣ ዎልቆ ፔጋሲ፣ ዒንሢዳ ታኣኮ ዳጎዎ ኬይሲሢና።

35 «ማሌ ዴሮ ዳውሎ» ጌይንታ ሳዔሎ ዔኪ ታ ዒንሢ ዬዓንዳ፤ ዒኢካ ዓኣፓ ዒንሢኮ ዘጋንቲ ታ ዒንሢዳ ዎጋንዳ፤

36 ገብፃ ዓጮኮ ዓሳ ናንጉዎ ዳውሎይዳ ዒንሢኮ ዓድንሢ ዑፃ ታ ሚቶ ዓጌሢጉዲ ዒንሢዳኣ ታ ዓጋንዳ፤» ሃያ ኬኤዜሢ ታና ዴኤፖ ናንገና ናንጋ ጎዳ።

37 «ታ ቢታንቶ ዴማ ታ ዒንሢ ማሃንዳ፤ ታኣኒ ዒንሢና ዎላ ጫኣቁ ጫኣቁዎ ባንሢያ ዎልቁና ታ ዒንሢ ዔኪ ዬዓንዳ።

38 ዎይዞ ዒፃ ዓሶንታ ጎሞ ዓሶዎ ዒንሢ ባኣካፓ ታ ባይዘንዳ፤ ሃሢ ዔያታ ናንጋ ዓጮይዳፓ ታ ዔያቶ ኬሳንዳ፤ ጋዓንቲ ዔያታ ዒሰራዔኤሌ ዓጮ ገንሣ ፔቲታዎ ማዒንዳዎሴ፤ ዬይ ያዲ ማዓኣና ታኣኒ ናንገና ናንጋ ጎዳ ማዓሢ ዒንሢ ዔራንዳ።»

39 ዒሰራዔኤሌ ዴራዮቲ! ዴኤፖ ናንገና ናንጋ ጎዳ ዒንሢ ዛሎ ሂዚ ጋዓ፡- «ሃሢ ማዔያታቲያ ሃጋ ዒንሢ ታኣም ዎይዙዎያ ማዔቴ

ፔቴ ፔቴህ ዓኣዲ ዲንሢኮ ማሌ ያኦዞ ካኣሽኩዋቴ! ታኣኮ ዲማጅ ሱንፃ ጋዓንቴ ሃካፓ ሴካ ዲንሢኮ ማሌ ያኦዞና ዲንጎ ዲንጊያና ዲንሢ ዲኢሳንዳጉዲ ታ ኮዑዋሴ፤

40 ጋዓንቴ ታኣኒ ዴኤፖ ናንጊና ናንጋ ጎዳ «ዬኖ ዓጨሎይዳ ዓኣ ታኣም ዲማጅ ደካ ዲሰራዔኤሌ ዓሳ ጉቤ ታና ካኣሽካንዳኔ» ታ ጋዓኔ፤ ዲኢካ ታ ዒያቶ ዒካንዳኔ፤ ዲንሢኮ ደኦሪንቴያ ማዔ ዲንጊያንታ ታኣም ዲማጅ ማሆ ዲንጊያዋ ዲኢካ ታ ዲንሢፓ ኮዓኔ።

41 ዲንሢ ዜርቁንቴ ዓኣ ማሌ ዓጮ ዴሮ ባኣካፓ ታኣኒ ዲንሢ ኬሲ ቡኩሳ ዋደና ቃራ ሳውቃ ዑንጃጉዲ ታ ዲንሢ ዒካንዳኔ፤ ማሌ ዴሮ ዛጋንቴ ዲንሢ ባኣካ ታኣኒ ዲማጅያ ማዒያ ታ ፔጋሳንዳኔ።

42 ዲንሢኮ ቤርታኣ ዓደንሢም ዲንጋኒ ታ ጫኣቁ ዲሰራዔኤሌ ዓጮ ማሃ ታ ዲንሢ ዔኪ ሙካ ዋደና ታኣኒ ናንጊና ናንጋ ጎዳ ማዔህ ዲንሢ ዒራንዳኔ።

43 ዬይ ያዲ ማዓኣና ዲንሢ ማጅ ቦርሳ ባኩና ዲንሢ ዋማይዲ ዲንሢ ዲኢሴቴያ ዬኖ ቤዘይዳ ዲንሢ ጳቁሣንዳኔ፤ ዲንሢ ማጅ ፑርቶ ባኮ ዔራያ ዲንሢና ዲንሢ ሻኣኪንታንዳኔ።

44 ዲሰራዔኤሌ ዴራዮቴ! «ዲንሢኮ ፑርቶ ሃንቲያና ፑርቶ ማጅናጉዲቴዋንቴ ታ ሱንፃ ቦንቸሮ ዲንሢም ታኣኒ ማጅ ማዶ ዲንሢ ዛጋያ ታኣኒ ናንጊና ናንጋ ጎዳ ማዔህ ዲንሢ ዒራንዳኔ።» »

ደኦሎ ዛሎ ዓጫ ዓጊንታንዳ ታሚ

45 ናንጊና ናንጋ ጎዳ ሂዚ ጌዒ ታኣም ኬኤዜኔ፡-

46 «ዓሲ ናዓሢዮ! ኔኤኮ ዓኣፖ ካሮ ደኦሎ ዛሎ ዓጮ ባንሢ ማሃፓፓ ያኦሲ ማሊሢ ኬኤዜ፤ ደኦሎ ባንፃ ዓኣ ካዮም ኬኤዜ።

47 ዬያ ደኦሎ ባንፃ ካዮም ታኣኒ ዴኤፖ ናንጊና ናንጋ ጎዳ ጋዓ ባኮ «ዋይዜ» ጌዒ ኬኤዜ፤ «ሂንዳ ዛጌ! ሃሢ ታኣኒ ኔ ጊዳ ታሚ ዓጊሢዳኬ፤ ዬይ ታማ ዓኣዔሢ ማዔያታቴያ ማሎ ጎዑዋያ ማያ ቢያ ሙዓንዳኔ፤ ዬያ ዋዳኒ ዳንዳዓንዳ ዓሲያ ባኣሴ፤ ዓጮኮ ደኦሎ ባንፃፓ ዴንዲ ኬዶ ባንፃ ሂላንዳኣና፤ ዴንቁ ባኮ ቢያ ሙዓንዳኔ።

48 ታኣኒ ናንጊና ናንጋ ጎዳ ደኦሎ ባንፃ ዓጮ ካዮይዳ ታሞ ዓጊሢና ያኦኒያ ዬያ ዋዳኒ ዳንዳዐያ ማዔሢ ቢያሢ ዛጋንዳኔ።» »

49 ጋዓንቴ ታኣኒ ዒማና፡- «ዴኤፖ ናንጊና ናንጋ ጎዳሢዮ! ዓሳ ቢያ ታና፡- «ዒዚ ዔቦ ኬኤዚ ዔርዛኣና ኮኣኪንሢና ሌሊ ኬኤዛኔ» ጌዒ ጉንዲማኔ፤ ታ ዋዋይታንዳይ?» ጌዔኔ።

21

ዬሩሳላሚይዳ ዓጊንታንዳ ሜቶ

1 ናንጊና ናንጋ ጎዳ ታኣም ሂዚ ጌዔኔ፡-

2 «ዓሲ ናዓሢያ! ዓኣፖ ኔኤኮ ዩሩሳላሜ ባንሢ ማሃጋፓ ዒዘኮ ዲማጳ ቤዘና ዒሰራዔኤሌ ዓጮናም ያኦሲ ማሊሢ ኬኤዜ።

3 ዒዘም ሂዚ ጌዔ፦ «ታኣኒ ኔና ባይዘኒ ዔቄኔ፤ ጨንቾ ዓፓር ጎንጎናፓ ቱጊ ጎሞሲንታ ዲሎንታ ዓይሱዋ? ኔ ባኣካፓ ዋዲ ታ ባይዘንዳኔ።

4 ኔ ባኣካፓ ጎሞሲንታ ዲሎንታ ዋዲ ባይዘኒ ዓጮኮ ደኣሎ ዘላፓ ዴንዲ ኬዶ ሂላንዳኣና ዓኣ ዓሶ ቢያይዳ ታኣኮ ፖፖዓ ጨንቾ ዓፓር ጎንጎናፓ ቱጊንታንዳኔ።

5 ታኣኒ ናንጊና ናንጋ ጎዳ ጨንቾ ዓፓር ታኣሲ ቱጊሢና ጎንጎናይዳ ማሃ ታ ደቁንዲዋሢ ዓሲ ቢያ ዔራንዳኔ።»

6 «ዬያር ዔያቶኮ ቤርታ ዒና ዲጲ ሚርጌና ያዪ ዚኢሊንቲ! ዓሲ ናዓሢያ! ማታዲ ጎኦሽንቲ ዑኡሲ ኬሴ!»

7 «ኔኤኒ ዓይጋ ዚኢሊንታይ?» ጌይ ኔና ዔያታ ያኦጮያታቲ፦ «ዋይዘንታንዳ ፑርቶ ሃይሶርኬ» ኔ ጋዓንዳኔ፤ «ዬያ ፑርቶ ሃይሶና ዓሲኮ ቢያ ዒና ዋኣፃንዳኔ፤ ኩቺያ ቢያ ደጫንዳኔ፤ ጫርሹዋ ቢያ ባይቃንዳኔ፤ ዋልቄ ቢያ ዓዳ ዋኣሢጉዲ ማዓንዳኔ፤ ሃይሾ ዬይ ሃይሳ ሙኪ ሙኪኬ፤ ጎኔና ማዲንቲ ኩማንዳኔ» ጋዓኔ፡ ዴኤፖ ናንጊና ናንጋ ጎዳሢ።

8 ናንጊና ናንጋ ጎዳ ሂዚ ታኣም ጌዔ፦

9 «ዓሲ ናዓሢያ! ያኦሲ ማሊያ ኬኤዜ፤ ታኣኒ ናንጊና ናንጋ ጎዳ ጋዓ ባኮ ዴርም ኬኤዜ፤ ጨንቾ ዓፓር! ዋርቁ፡ ዑጮና ጨንቾ ዓፓር!

10 ዬይ ዓሲ ዋዲኒ ዋርቁንቲ፤

ዓዳ ዜኤሊንሢጉዲ ፖፖዓ ማዒ ዑጪንቲ፤ ዴራ ታኣኮ ዔያቶም ኬኤዘንቲ ላቲያና ዓጊንታንዳ ማቶ ቢያ ቦሃሢር ሃካፓ ሴካ ዋዛ ባኣሴ።

11 ጨንቾ ዓፓር ዑጪንቲ ኩጫ ዓርቃንዳጉዲ ዋዲሢም ዒንጊንቲ፤

ዬይ ዓፓር ዋርቁ፡ ዑጪንቲ ጊኢጊንቲ።

12 ዓሲ ናዓሢያ! ያዪሢና ዒላቲ፤

ሃይ ጨንቾ ዓፓር ጊኢጊሢ ታኣኮ ዴርንታ ዔያቶ ዒሰራዔኤሌ ዓሶኮ ሱኡጎንታ ዋዲ ባይዘኒኬ፤ ዔያታ ሃንጎ ታኣኮ ዴርና ዋላ ዋዲንታንዳኔ፤ ዬያር ያዪሢና ዳዶ ኔኤኮ ባዔ።

13 ታኣኮ ዴራ ዋይታቲያ ታ ዘጋንዳኔ፤

ጎሞ ቡኡዲያ ዔያታ ዒዲያታቲ ዬይ ቢያ ዔያቶ ሂላንዳኔ፤ ታኣኒ፡ ዴኤፖ ናንጊና ናንጋ ጎዳ ሃያ ኬኤዜ።

14 «ሃሢያ ዓሲ ናዓሢዮ! ያኑሲ ማሊያ ኬኤዜ፤ ኩጮና በኤዚንቴ፤ ጨንቸ ዓፓራሢ ላሚ ላሚ ሺሪ ዋዳያ፣ ዲቃሢ ካራ ባይዛያና ተቲቃያኬ፤

15 ዴራ ታኣኮ ዒቢቹዋይዳ ጌሊ ዲቁንቴ ሎኦማንዳኔ፤ ዓዳ ዜኤሊንሢ፣ ዓኤኤቴ ፖዓ፣ ዋዳኒያ ጊኢጌ ጨንቻ ዓፓሮ ዔያቶኮ ካራ ካራ ታ ጌሢኔ።

16 ኔኤኒ ዓጩ ጨንቸ ዓፓራሢዮ! ዓጩ ዛላ ማዔ ሚዛቆና ሻውሎ ባንዖና ቢያ ተቲቁ!

17 ታኣኒያ ታ ኩጮና በኤዚንታንዳኔ፤ ዩካፓ ታኣኮ ዳጋ ሺማንዳኔ፤ ታኣኒ ናንጊና ናንጋ ጎዳ ሃያ ኬኤዜ።»

ባብሎኔ ካኣቲኮ ጨንቸ ዓፓሮ

18 ናንጊና ናንጋ ጎዳ ታኣም ሂዚ ጌዒ ኬኤዜ፡-

19 «ዓሲ ናዓሢዮ! ባብሎኔ ካኣቲ ፔኤኮ ጨንቸ ዔኪ ሙካንዳ ላምዎ ጎይዖንሢዳ ማላታ ጌሢ፤ ዩንሢ ጎይዖንሢ ዔቃሢ ፔቴ ዓጪዳፓኬ፤ ላምዎ ጎይዖ ዋላ ካኣማ ካሮይዳ ካታሞ ባንሢ ዳዋ ማላቶ ደቁ።

20 ዩያ ዖሎ ዖላ ዓሶም ዓሞኔ ካታሞ ራኣ ባጎዞ ባንሢ ዔኪ ዓኣዳ ጎይዖይዳ፣ ጊንሢ ሃሃ ዩሁዳኮ ኬልቁ ዲርቁንቴ ካታሞ ዩሩሳላሚ ባንሢ ዔኪ ዓኣዳ ባንዖይዳኣ ዳዋ ማላቶ ጌሢ።

21 ባብሎኔ ዓጩ ካኣቲ ዒማና ጎይዖ ዋላ ካኣሚ ሺራ ካሮኮ ኮይላ ዔቃንዳኔ፤ ዩካፓ ዋኖ ባንዖና ዓኣዳኒ ኮይሳቴያ ዔራኒ ሂኢኸ ፔኤኮ ዲካንዳኔ፤ ፔኤኮ ካኣሽኮ ዖኣዞዋ ዖኣጫንዳኔ፤ ዒንጊሢ ማሃ ሹኪንቴ ቆልሞኮዋ ሩቁንቶ ዔኪ ዒዚ ዋርቃንዳኔ።

22 ዩካፓ ሚዛቆ ኩጫ ዒዛኮ «ዩሩሳላሚ!» ጌዒ ያኣፖና ባኣዚ ጊዳ ዓኣ ሂኢሺ ዓርቃንዳኔ፤ ዒዚ ኬኤሎ ዲዖ ጫርጊ ደይሶንዶ ዴኤፖ ኩርኩር ጊኢጊሻንዳጉዲ፣ ዖልዘም ዔቁሳ ዒላቲ ዒላታንዳጉዲ፣ ኬኤሎ ዲዖ ጫርጊ ደይሶንዶ ዴኤፖ ኩርኩር ካታሞ ጌሎ ካሮ ባንሢ ደጪሳንዳጉዲ፣ ዓጩ ኩላንዳጉዲና ማንጎንዶ ዋርዲዮ ኮሻንዳጉዲ ዒዛም ኬኤዛንዳኔ።

23 ዩሩሳላሚ ዴራ ባብሎኔ ካኣቲም ጉሙርቁንታያ ማዓኒ ጫኣቄሢሮ ዓይጎ ዓሲያ ዩያጉዴ ባኣዚ ማዲንታንዳኔ ጌይ ማለባኣሲ፤ ባብሎኔ ካኣቲ ዲዒ ዔያቶ ዔካ ዋዶና ጋዓንቴ ጎሞ ዔያቶሲ ዔያቶም ዒ ጳቂሣንዳኔ።

24 ዓካሪ ታኣኒ ዴኤፖ ናንጊና ናንጋ ጎዳ ሂዚ ጋዓኔ፤ ጎማ ዒንሢኮ ፔጋዲ ዔርቴ፤ ዒንሢ ዳቢንቴያ ማዔሢ ዓሲ ዒንሢ ቢያ ዔዔራ፤

ዲንሢ ማዳ ማዳና ቢያ ጎሜ ዓሲ ማዲያ ዲንሢ ዔርዛኔ፤ ዬያር ዲዲንቲ ዲንሢ ዔውታንዳኔ።

25 «ኔኤኒ ፑርቱሞና ዲኢቲሢና ኩሜ ዲሰራዔኤሌ ዓሶ ሱኡጋሦ! ጋፒንሢ ኔኤኒ ሜቶ ዔካንዳ ኬሊ ሦአዛጌ ዑኩኔ።

26 ታኣኒ ዴኤፖ ናንጊና ናንጋ ጎዳ ሃያ ኬኤዜኔ፤ ኔኤኮ ቶኦካ ዓገንቲ ዓኣ ቦንቸር ዓጎ ባኮ ዔኬ! ቶኦካ ኔኤኒ ማሬ ባኮ ቡሌ! ዔባ ዓኣ ጎይያማ ዴዓዓኬ፤ ሂርኬ ዓኣ ዓሶ ቢታንቶ ዲንጊ ዴጊሴ፤ ሃሢ ዎይሢ ማዔ ዓሶዎ ኬይሴ!

27 ባይሲንታ! ባይሲንታ! ሂዮ ጎኔና ካታሜሎ ታ ባይዛንዳኔ፤ ጋዓንቲ ካታሜሎይዳ ሜታሢ ዓጋንዳጉዲ ታ ደኦሬሢ ሙካንዳያ ሄላንዳኣና ዬይ ማዓዓኬ፤ ዲማና ዬያሞ ዓኣሢ ታኣኒ ዲዞ ዲንጋንዳኔ።

ዓሞኣኔ ዓሶይዳ ዓገንታንዳ ሜቶ

28 «ዓሲ ናዓሢዮ! ያኦሲ ማሊሢ ኬኤዜ፤ ዓሞኣኔ ዓሶንታ ዔያታ ጫሽካ ጫኮ ካሎ ታኣኒ ዴኤፖ ናንጊና ናንጋ ጎዳ ጋዓ ባኮ ሂዚ ጌዒ ዔያቶሞ ኬኤዜ፤

«ባይዛ ጩንቻ ዓፓር ጊኢጊንቲ፤

ዎዳኒና ዎዳ ባይዛኒ ዓዳ ዜኤሊንሢጉዲ ዔኤቲሢር ዑጩንቲ፤!»

29 ያኦሲ ዳዋሞ ዲንሢ ዛጋኔ ጋዓ ባካ ሉኡዙኬ፤ ዲንሢ ኬኤዛ ሎንሣኣ ሉኡዙኬ፤ ዲንሢ ፑርቱሞንታ ዲኢቲሢያ ኩሜ ዓሲኬ፤ ጋፒንሢ ዲንሢ ሜቶ ዔካንዳ ኬሊ ዑኩኔ፤ ዲንሢኮ ቆርጫ ጩንቻ ዓፓርና ቲቁንታኒ ጊኢጌ።

30 « ጩንቻ ዓፓር ጎንጎሮይዳ ዳኩዎቲ! ዲንሢ ማኸንቲ ቤዘይዳ፣ ዲንሢ ሾይንቲ ዓጮይዳ ታኣኒ ዲንሢዳ ሜቶ ዓጋንዳኔ፤

31 ታ ዳጎኮ ዎልቃ ዓዳ ዔኤታ ታሚጉዲ ዲንሢ ዑፃ ኬዳንዳኔ፤ ዓሲ ሚጩንቲዎዎ ዎዎዳ ዓሲሞ ዓኣሢ ታ ዲንሢ ዲንጋንዳኔ፤

32 ታሚና ሙይንቲ ዲንሢ ባይቃንዳኔ፤ ዲንሢኮ ሱጉፃኣ ዲንሢ ዓጮይዳ ላኣሊንታንዳኔ፤ ለሚ ዲንሢ ጳቂሣንዳ ዓሲያ ባኣሴ » ናንጊና ናንጋ ጎዳ ሃያ ኬኤዜኔ።

22

ዬሩሳሌሜ ዴራ ማዳ ጎሞ

1 ናንጊና ናንጋ ጎዳ ታኣሞ ሂዚ ጌዒ ኬኤዜኔ፡-

21:28 ዔር. 49:1-6፤ ሂዚ. 25:1-7፤ ዓሞ. 1:3-15፤ ሶፖ. 2:8-11።

2 «ዓሲ ናዓሢዮ! ዓሶ ዎፎ ዓሳ ኩሜ ካታሜሎም ዎጋኒ ኔኤኒ ጊኢጊያ? ያዲ ማዔያታቱ ዒዛ ማፎ ሻኣካ ባኮ ቢያ ፔጋሲ ዒዛም ኬኤዜ።

3 ካታሜሎም ታኣኒ ዴኤፖ ናንጊና ናንጋ ጎዳ ጋዓሢ ያዲኬ፤ ኔኤኮ ጋሮይዳ ሚርጌ ዓሶ ኔ ዎፎሢሮ፣ ሜሌ ጾኦዞ ካኣሽኪያና ኔና ኔ ዒኢሴሢሮ ኔ ባይቃንዳጉዲ ጌሢንቱ ዎዳ ዑኬኔ።

4 ኔኤኒ ዓሶ ዎዲያና ዳቢንቱያ ማዔኔ፤ ኔኤኒ ኮሼ ሜሌ ጾኦዞ ካኣሽኪያና ኔ ዒኢቱኔ፤ ዬያሮ ኔ ባይቃንዳ ዎዳ ዑኬኔ! ዬያ ኬሎ ዑካሴዛ ኔናኬ፤ ሜሌ ዴራ ኔና ዓማላንዳንጉዲ፣ ሃሃ ዓጨ ቢያ ቶኦቹ ኔና ሚኢጫንዳጉዲ ታ ኔና ማፎሢ ዬያሮኬ።

5 ሱንፃ ኔኤኮ ባይቄ፣ ዣላሢ ካታሜሌ! ሃኬንታ ዑኬያኣ ዓኣ ዓጨ ኔና ቶኦቹ ሚኢጫኔ።

6 ኔ ጋሮይዳ ዓኣ ዒሰራዔኤሌ ሱኡጋ ቢያ ፔኤኮ ዓኣ ቢታንቶና ዓሲ ዎፎኔ፤

7 ኔ ጋሮይዳ ዓደንሢንታ ዒንደንሢንታ ቶኦቹንታኔ፤ ሜሌ ዓጨ ዓሳ ሄርቂንቱ ዎርቃኔ፤ ዜኤሮ ዒንደንሢንታ ዜኤሮ ናኣቶንታም ጌኔ ባኣዚ ማዲንታኔ።

8 ታኣም ዲማፎያ ማዔ ሜሆ ዒንሢ ሶንቹዎሴ፤ ታኣኮ ሃውሾ ኬሎዎ ዒንሢ ዒኢሴኔ።

9 ዒንሢዳፓ ፔቲ ፔቲሢ ሜሌ ዓሶ ዎዲሻኒ ሉኡዙዎ ባኣዚ ኬኤዛኔ፤ ፔቲ ፔቲ ዓሳ ሃሃ ሜሌ ጾኦዞም ሹኪንቲሢ ቢያ ሙዓኔ፤ ዛላ ጊንሣ ዞኣሰካ ኮኣማኔ።

10 ዛላ ሃሃ ፔኤኮ ዒንደ ለጎንሢና ላሃ ፔ ዓደኮ ሻኣሎ ዒኢሳኔ፤ ዓቲ ዓሳ ጊንሣ ዑሢ ፑርቲ ዓኣ ላኣሎ ዎልቄና ዓርቂ ላሃኔ።

11 ፔቲ ፔቲ ዓሳ ፔኤኮ ዓሺና ላኣሎና ላሃኔ፤ ሃንጎ ዓሳ ሃሃ ፔኤኮ ናኣዚ ማቸንሢ ዓርቃኔ፤ ዬያጉዲ ሃሃ ፔ ዓደንሢ ሾዔ ዉዱሮ ናኣቶ፣ ፔ ጌሮንሢ ዒኢሳኔ።

12 ሃሃ ዛሎ ዓሳ ሚኢሽ ዔኪ ዓሲ ዎዳኔ፤ ፔቲ ፔቲሢ ፔ ዒጊና ዒሰራዔኤሌ ዓሶዎ ዓይሱዎፖ ሾይቹና ማሃንዳጉዲ ሚኢሽ ታልዓኔ፤ ዔያታ ማዒባኣ ጋርቲሢና ፆርጎጫኔ፤ ታናኣ ዔያታ ፔቶ ዎሌ» ዴኤፖ ናንጊና ናንጋ ጎዳ ዬያ ጌዔኔ።

13 «ዒንሢኮ ቡሪያንታ ሽምፓሢ ዎዲያዎ ማኪሢና ዒንሢ ዑፃ ታኣኮ ኩጮ ታኣኒ ዔቂሳንዳኔ።

22:7 ኬሲ. ማፃ 20:12፤ 22:21-22፤ ላሚ. ዎማ 5:16፤ 24:17። 22:8 ሊዊ. ዓኬ 19:30፤ 26:2። 22:11 ሊዊ. ዓኬ 18:7-20። 22:12 ኬሲ. ማፃ 22:25፤ 23:8፤ ሊዊ. ዓኬ 25:36-37፤ ላሚ. ዎማ 16:19፤ 23:19።

14 ታኣኒ ዒንሢ ደፍታ ባኣዚ ዓጋ ዎደና ኩሙሢ ዒኔና ዒንሢ ዒቃንደያ ዒንሢ ማለ? ታኣኒ፡ ናንገና ናንጋ ጎዳ ዬያ ጌዔኔ፤ ታኣኒ ኬኤዜ ቃኣሎ ማዲ ታ ኩንሣንዳኔ።

15 ዳር ኔኤኮ ታኣኒ ዲማ ዲማ ዓጨዳ፡ ገንሣ ሃሣ ማሌ ዳር ባኣካ ዜርቃንዳኔ፤ ኔኤኮ ፑርቶ ማደዎ ታኣኒ ጋፒሲ ጌኤሻንዳኔ፤

16 ማሌ ዳራ ኔና ደውሲሳንዳኔ፤ ዬያር ታና ናንገና ናንጋ ጎዳ ማዔሢ ኔ ዒራንዳኔ።»

17 ናንገና ናንጋ ጎዳ ታኣም ሂዚ ጌዔኔ፡-

18 «ዓሲ ናዓሢዮ! ዒሰራዔኤሌ ዓሳ ዓይጎዎ ታና ፓሣዓኬ፤ ዒያታ ታኣም ቢራ ዓንገጊ ታሚና ሸኤሽንቴሰካፓ ዓልቂ ዓቲ ማዳኣቤ፡ ቆርቆራ፡ ዓንገገንታ ዒርሳሴ ጌይንታ ባኮኮ ገሲንቴ ዓቲ ባኮኮዲኬ።

19 ዬያር ዬያታ ማዒዲኔ ጌይንታ ባኮኮ ገሲንቴ ዓቲ ባኮኮዲ ማዔሢር ቢያሢ ፔቴይዳ ታኣኒ ቡኩሲ ዬሩሳላሜ ዔኪ ሙካንዳኔ፤

20 ቢራ ዓንገገንታ ማዳኣቤንታ ዒርሳሴንታ ቆርቆሪንታ ቡኩሲ ገልፖይዳ ዓገ ሸኤሻኒ ታሚ ገልፖሢዲ ታኣኒያ ታኣኮ ዴኤፖ ደጎና ቡኩሲ ዒንሢ ሸኤሻንዳኔ።

21 ሂዮ ታኣኒያ ዒንሢ ዬሩሳላሜይዳ ቡኩሳንዳኔ፤ ታሚያኣ ዔኤሢ ታኣኮ ደጎና ታ ዒንሢ ዓንጎ ጎይፆ ሸኤሻንዳኔ።

22 ቢራ ዓንገገ ገልፖ ደኣጫ ሸኤሽንታሢዲ ዔይታ ካታሜሎይዳ ሸኤሽንታንዳኔ፤ ዬኖ ዎደና ታኣኒ ናንገና ናንጋ ጎዳ ታኣኮ ደጎ ዎልቆ ዔያቶይዳ ዔኪ ዬዔሢ ዔይታ ዔራንዳኔ።»

ዒሰራዔኤሌ ሱኡጎኮ ደቢንቶ

23 ናንገና ናንጋ ጎዳ ሃሣ ታኣም ሂዚ ጌዔኔ፡-

24 «ዓሲ ናዓሢዮ! ሳዓ ዔያቶኮ ዒኢቲሢር ታኣኮ ደጎና ዒርዚ ዒኢካ ዎርቁዎጉዲ ላኣገሢና ታኣኒ ዔያቶ ሜታሳኒ ገኢጌያ ማዔሢ ዒሰራዔኤሌ ዓሰም ኬኤዜ፤

25 ዔያቶኮ ሱኡጎ * ቆልሞ ዎዴ ዘቢ ፔ ዎዴ ቆልሞ ዓጫ ዔቂ ጉዳያጉዲኬ፤ ዳርዎ ዔይታ ሚጨንቴዎዎ ዎዳኔ፤ ሚኢሽ ማዔታቲያ ማሌ ቆሎዎ ማዎም ዔይታ ዴንቁ ባኣዚ ቢያ ዔዔካኔ፤ ዓሰ ዎዲያና ሚርጌ ላኣሎ ዜኤሪንደ ዔይታ ማሄኔ።

26 ዔያቶኮ ቁኤሳኣ ታኣኮ ዎጎ ዑሣ ዓኣዴኔ፤ ታኣም ዲማዴያ ማዔ ባኮ ዔይታ ቦንቹዎሴ፤ ታኣም ዲማዴያ ማዔ ባኮ ዒኢቲ ባካፓ ዲማሱዎሴ፤ ጌኤሽ ማዔሢንታ ማዒባኣ ባኮኮ ዲሙሞ ዔይታ

* 22:25 ዔያቶኮ ሱኡጎ ጋዓዛ፡- ዔብሪ ዓሰ ሙኤጮ ማጻሕፍትይዳ «ፆኦሲ ማሊያ ኬኤዛ ዓሳ» ጋዓኔ።

ዓለም ከኤዚር ዓርዘታቸው፤ ታኦት ሃውሮ ከሎዎ ዓይነት ሹሌዒሳኔ፤ ይያገ ዓቁያና ዒሰራዒኤሌ ዳራ ታና ቦንቸቸቸው።

27 ቢታገታ ዓኣ ዓሳ ዎዴ ቆልሞ ሾኦሊ ሙዓ ያኦጉዲከ፤ ማዒባኣ ጎይሢና የርጎጫኒ ዓሲ ዓይነት ዎዳኔ፤

28 ኮጩ ቦኦሪንቶና ማኤቸሢጉዲ ቁኤሳ ይያ ጎሞ ቢያ ዓኣቸባይ ይዘኔ፤ «ያኦሲ ፔጋሲ ዳቄ ባኣዚ ኑ ዛጌኔ» ጌይ ሉኡቁ ጌሰታኔ፤ «ሃይ ዳኤገ ናንገና ናንጋ ጎዳሢ ቃኣላኩ» ዓይነት ጋዓኔ፤ ጋዓንቴ ታኣኒ ናንገና ናንጋ ጎዳሢ ዓይነት ቃኣላኣ ዓይነትም ከኤዚርባኣሴ።

29 ዓጮ ዓሳ ዓይነት ዓሲ ቡቡራያከ፤ ማንቆ ዓሳንታ ማታዳ ዓሳንታ ማሌ ዓጪገ ሙከ ዓሳንታይዳ ዎጌ ማዒባኣ ጌይ ማዳ ዓይነት ማዳኔ።

30 ታኦት ዳጎና ዓጩሎ ታ ባይዘንዳሢከ ቤርታ ከኤሎ ዲያ ጊንሣ ኮሻንዳ ዓሲ፡ ዶዔ ከኤሎ ዲያ ካራ ዓቁሢና ታኣና ዳርና ባኣካ ጌሊ ዳጎ ታኦት ሹሚሻንዳ ዓሲ ታ ኮዔኔ፤ ጋዓንቴ ዓይነት ዓሲያኣ ታኣኒ ዳንቁባኣሴ።

31 ይያር ዳጎ ታኦት ታኣኒ ዓይነት ዑፃ ከይሳንዳኔ፤ ታኦት ዳኤገ ዳጎና ዓይነት ታኣኒ ባይዘንዳኔ፤ ዓይነት ዳሲንቶ ታኣኒ ዓይነት ቶኦካ ማሃንዳኔ።» ይያ ጌዔሢ ዳኤገ ናንገና ናንጋ ጎዳሢከ።

23

ዘኣዛ ኮኦማያ ማዔ ላምዎ ጌርንሢ

- 1 ናንገና ናንጋ ጎዳ ታኣም ሂዚ ጌዒ ከኤዘኔ፡-
- 2 «ዓሲ ናዓሢዮ! ፔቲ ዒንዳ ሾዔ ላምዎ ጌርሰከንሢ ዓኣኔ፤
- 3 ዓይነት ሃጊ ዳጌ ዓኣዎ ጊብፃ ዓጫ ናንጋኣና ዓይነት ዓኣ ዉዲርቱሞ ቦንቸ ሃሺ ዳውሲንቲ ዘኣሰካ ኮኦማኔ።
- 4 ዓይነት ይዳገ ቶይዳላ የሆላ ጌይንታኔ፡ ዒዛ ሳማሪያከ፤ ጌኤዳላ የሆላባ ጌይንታኔ፡ ዬና ዬሩሳላሜከ፤ ታኣኒ ዬንሢ ላምዎንሢ ዓከም ታኣም ዓይነት ናይ ሾዔኔ።
- 5 የሆላ ታኣኒ ዒዛ ዓከንቴታዎ ዘኣዛ ኮኦማዎ ሃሺባኣሴ፤ ዒዘኮ ላጎ ማዔ ዓሳኦሪ ዓሳ ናሹሞና ዒዛ ሻሊንቴ።
- 6 ዓይነት ጮልዔ ዲንኪ ሹኤማና ዲይሶና ዓፒላ ማኣዔ ዳኤገ ሱኡጌ፡ ጊንሣ ሃሣ የሎ ዓሳ ዓይሣ ዓሳከ፤ ይያቶ ቢያሢከ ዳጋቶ ሱጉሢ ዓኣያ፡ ማላሢያኣ ማዘጸ ፓርና ዓይነት የላያከ።

22:26 ለዊ. ዓከ 10:10።

7 ዲዛ ዓሰኦሬ ዓጮኮ ቢታንታ ዓኣ ዓሰና ቢያ ዘኦዛ ኮኦሚኔ፤ ዩይ ዲዛኮ ሱኡካ ዲዛ ዓሰኦሬ ዓሳ ካኣሸካ ማሌ ያኦዛ ካኣሸኪሢና ፔና ዲኢሳንዳጉዲ ማሃኔ።

8 ዲዛኮ ወዲርቱሞ ቦንቾ ዲዛ ባይዘ፣ ጊብፄ ዓጮ ዓኣፆ ዓርቄ ዘኦዛ ኮኦሚጻሎ ሃሺባኣሴ፤ ዲዛ ወዲርቱ ሞዳፓ ዓርቃፆ ዓቲንቄ ቢያ ዲዛ ዘኦሰካ ኮኦማያ ማሃ ዲዛና ላሃኔ።

9 ዩያር ሚርጌና ዲዛ ኮዓ ላጎ፣ ዓሰኦሬ ዓሰሞ ዓኣሢ ታኣኒ ዲዛ ዓንጌኔ፤

10 ዔያታ ዲዛኮ ማኣዓሢ ጉሲ ካሎ ዲዛ ሃሺኔ፤ ዩያ ሌሊቱሞንቴ ዲዛኮ ዓቲንቄ ናኣቶንታ ወዲር ናኣቶሞ ዲዒ ዲኬኔ፤ ዲዛሞ ዔያታ ጩንቻ ዓፓርና ሞዳኔ፤ ዩይ ሞጋ ዲዛ ዑፃ ማዲንቴኔ፤ ዩያር ላኣላ ቢያ ዲዛ ሄሌ ፑርቶ ባኮ ዘሎ ሃዮሴ ጌሰቲሢ ዓርቄኔ።

11 «ዲዛኮ ጌራ ሆሊባ ዩያ ዛጌያታፆ ሃቺሞ ቃሴያፓዓቲሞ ዲቃቲ ሃሺባኣሴ፤ ሆሊፓ ፔቶ ባሺ ዘኦሰካ ኮኦማያ ዲዛ ማዔኔ።

12 ዲዛ ፔ ዛሎና ዴኤፖ ዓሰኦሬ ሱኡንታ ሆሎ ዓሰ ዓይሢ ዓሰንታ ጮልዔ ዲንኮ ዓፒሎ ማኣዓ ፖኦሊሶንታ ማላሢ ሚዛጳ ፓራሢና ያላ ዴጌሢያ ናሽኪ ዩያቶ ዓፀሞና ሻሊንቴኔ።

13 ሃና ላሞዓሳዛኣ ዲኢቲኔ፤ ላሞዓሢ ሞሊጉዲ ማዒ ፔቲ ጎይሢ ዓኣዴኔ።

14-15 «ዲዛኮ ዘኦዛ ኮኦሚፃ ሃቺሞ ሚርጌ ሚርጌ ዓኣዴኔ፤ ኬርና ፔኤኮ ዔያታ ሚዛጳ ሞጋራሢ ቱኡቲ፣ ቶኦኮይዳኣ ሚዛጳሶና ፓልሞ ማሪ፣ ጮልዔ ዲንኪ ቃላሚና ኮጫ ኮሸንቴ ሆሎና ዔርቲ ቢታንታ ዓኣ ዓሰኮ ማላሢ ዛጊ ዲዛ ዲኔ ባዒንቴኔ።

16 ዲዛ ዩያ ዛዛጋፆ ናሹሞና ሻሊንቴ ዩይ ዓሳ ናንጋ ባብሎኔ ዓጮ ኪኢታ ዓሲ ዳኬኔ፤

17 ባብሎኔ ዓሳኣ ዲዛና ዘኦዛ ኮኦማኒ ሙኬኔ፤ ሚርጌ ሞዴ ዔያታ ዲዛ ዲኢሴሢሢር ጋፒንፃ ዲዛ ዔያቶ ቢያሢ ሻኣኪንቴ ዲፄኔ።

18 ዲዛ ካሎ ዓሳ ቡካ ጳኦኮ ኬሰኪ ዘኦዛ ኮኦማያ ማዒፆ ዓሲ ቢያ ቤርታ ፔጋሲ ዔርዜሢር ታኣኒ ጌር ዲዛኮ ሻኣኪንቴ ጎይፆ ዲዛሞ ሻኣኪንቴኔ።

19 ዲዛ ወዲር ናይ ዓኣፆ ጊብፄ ዓጮይዳ ዘኦዛ ኮኦማያ ማዔያና ማዳ ባኮ ቢያ ማዲ ሃቺሞ ዘኦሰካ ኮኦማያ ማዔኔ።

20 ቤልፃ ዓዴ ሃራርጉዴያ፣ ሾኦታ ዜርፃኣ ጋርሲዳ ቃዞ ዓዴ ፓርሮጉዲ ማዒ ዘኦሰካ ኮኦሚሢ ዓፃዳ ዓቲንቄ ዴንቄ ዲዛ ዲኔ ባዒንቴኔ።

21 ዔና ሆሊባ! ኔኤኮ ወዲርቱሞ ሞዳና ጊብፄይዳ ዓቲንቃ ዳንፆ ኔኤኮ ዓርቄ ዓማሌያና፣ ኩሙሢ ማዒ ኔ ቦንቺንታ ቦንቾፓ ኔና

ደውሲሴ ዋድና ኔ ማዳ ዲኢቲ ማዶ ላሚ ኔ ማዳኒ ኮባኔ።

ጌኤዳሎ ዑፃ ናንገና ናንጋ ጎዳ ዋጌ ዋጎ

22 «የሆሊባ! ታኣኒ ዳኤፖ ናንገና ናንጋ ጎዳህ ኔኤም ሃህያ ሂዚ ጋባኔ፤ ዬያ ኔኤኮ ላጎ ኔኤኒ ሻኣኪንቴኔ፤ ጋባንቴ ዔያቶ ኔ ዑፃ ታ ዔቁሳንዳኔ፤ ኔና ዔያታ ማንጋንዳጉዲ ሃይካ ታ ዔያቶ ዔኪ ዬባንዳኔ።

23 ባብሎኔ ባሶንታ ካላዳ ባሶንታ ቢያ ታኣኒ ዔኪ ዬባንዳኔ፤ ዬያቶ ሌሊቱዋንቴ ፔቆዲኔንታ ሸባኔንታ ቆባኔንታይዳ ባኣ ባቲንቆንታ፣ ዬያጉዲ ባሶኦሬ ባጮ ባሶዋ ቢያ ዔኪ ታኣኒ ሙካንዳኔ፤ ዬያቶኮ ዳጌ ማዔ ባሶንታ ሚዛጲ ማዔ ሱኡጎንታ ጾሎ ባሶ ባይህ ባሶንታ ዳኤፖ ቢታንታ ባኣ ባሶንታ ጾሎና ዔርቴያ ማዔ ባሶንታ ቢያ ፓሮ ቶጊ ሙካንዳኔ።

24 ዔያታ ሚርጌ ሳርጌሌ ጾይታንታ ጋላ ጫኣኒንቴ ፓራ ጎቻ ጾይታና ቢያ ጊኣጊ ሙከጌ ጾልዚና ዬዒ ቢያ ዛሎና ኔና ጾላንዳኔ፤ ጊቲማ ዔኪ፣ ጊንህ ሃሃ ቶኦካ ባጎ ባንጊያ ባጊ ኔና ዔያታ ማንጋንዳኔ፤ ታኣኒያ ኔና ዔያታ ፀንቆም ባኣህሂ ባንጋንዳኔ፤ ዔያታ ፔዋጎ ጎይያ ኔና ማዳንዳኔ።

25 ታኣኒ ኔ ዑፃ ዳጋዴህሮ ዔያታ ኔና ፔ ዳጎና ኮዔ ባኣዚ ማዳንዳጉዲ ዔያቶም ኔና ታ ሃሻንዳኔ፤ ዬያሮ ዔያታ ኔኤኮ ሲኢዳንታ ዋዮንታ ቲቃንዳኔ፤ ባቴ ዛሎ ባሶ ጩንቻ ባፓሮና ዋዳንዳኔ፤ ኔኤኮ ባቲንቆንታ ዉዲሮ ናኣቶ ዔያታ ባርቂ ዔካንዳኔ፤ ዛሎ ባቴዘንህ ታሚና ዔያታ ሚቻንዳኔ።

26 ማኣባህ ዔያታ ኔኤኮ ቢያ ጉሳንዳኔ፤ ፓልማህያኣ ዔያታ ኔኤኮ ቢያ ዔካንዳኔ።

27 ኔኤኮ ዘኣዛ ኮኦሚያ ማዶ፣ ሃጊ ጊብጻይዳ ባኣጾ ባርቂ ደውሲሳ ማዶ ታ ኔና ሃሺሳንዳኔ፤ ላሚ ዬማፓ ኔኤኒ ሜሌ ጾኦዘ ባንህሂ ዘጋባኬ፤ ጊብጻ ባጮ ዛሎዋ ኔኤኒ ማላባኬ።»

28 ዳኤፖ ናንገና ናንጋ ጎዳህ ሂዚ ጋባኔ፡- «ዒዒ ኔኤኒ ሻኣኪንታ ሜሌ ዴሮም ታ ኔና ባኣህሂ ባንጋንዳኔ፤

29-30 ዔያታ ኔና ዒጾይዳፓ ዔቆያና ኔኤኒ ላቤ ባኮ ቢያ ኔኤኮ ዔያታ ዔካንዳኔ፤ ካሎ ኔና ዔያታ ማሂ፣ ዘኦሰካ ኮኦማ ላኣሊጉዲ ጾኦዘ ማገፍ ዑፃ ኔኤኮ ዔያታ ካላሳንዳኔ፤ ኔኤኮ ዘኣዛ ኮኦሚያሮ ኮዒ ባፃዲያንታ ዬያ ማዲፃ ዬይ ቢያ ኔጊዳ ማዲንታንዳጉዲ ማሂኔ፤ ሜሌ ዴሮም ቢያ ዘኦሰካ ኮኦም ላኣሊ ማዒ ዔያቶኮ ጾኦዘ ካኣሽኪያና ኔና ኔ ዒኢሴኔ።

31 ኔ ጌራ ሃንታ ጎይያ ኔኤኒ ሃንቴህሮ ዒዛ ዑሽኬ ባንጎና ኔናኣ ታኣኒ ዑጉፍ ዑሻንዳኔ።»

32 ዳኤፖ ናንገና ናንጋ ጎዳህ ሂዚ ጋባኔ፡-

«ሃይሽ ሃሢ ኔኤኒ ኔ ጌሮ ዑዠ ሳንጋጋ ዑሽካንዳኔ፤
ዬይ ሳንጋ ጳኤፕ፣ ሃሢ ዔታዳያኬ፤

ዓሲ ቢያ ኔና ቄኤዳ ቄኤዳ ዓማሎ ባኣዚ ማሃንዳኔ፤
ዬይ ዑዠ ሳንጋ ሚርጌ ዑሽ ዓርቃያኬ።

33 ኔኤኒ ማሢንተሢና ያዩሢና ኩሚያ ማሳንዳኔ፤
ኔ ጌሮ ሳማሪያኮ ባይሲንቶንታ

ዒዘኮ ዶራ ባይቂያ ዑዠ ኔኤኒያኣ ዑሽካንዳኔ።

34 ኔኤኒ ዓይሱዋያ ዑዠ ጋፒሲ ዑሽካንዳኔ፤

ዬያ ዑዠ ሳንጎ ኔኤኒ ሜንሢ ዬያ ሜቂያና ዳንያ ኔኤኮ ኔ
ተቃንዳኔ፤

ታኣኒ ጳኤፖ ናንጊና ናንጋ ጎዳሢ ዬያ ጌዔኔ።»

35 ጳኤፖ ናንጊና ናንጋ ጎዳ ሃሢያ ሂዚ ጋዓኔ፡- «ኔ ታና ዋሊ፣ ዙሎ
ኔ ታኣም ሺርሼሢ፣ ዬያ ሌሊቱዋንቴ ዘኣዛ ኮኦሚያር ዓፃዲያንታ
ዬያ ማዲያንታሮ ሜቶ ኔ ዔካንዳኔ።»

ለምያ ጌሮንሢዳ ያኣሲ ዓጋንዳኔ ሜቶ

36 ናንጊና ናንጋ ጎዳ ታኣም ሂዚ ጌዔኔ፡- «ዓሲ ናዓሢዮ! ያሆላና
ያሆሊባናይዳ ዋጋኒ ኔኤኒ ጊኢጊያ? ዔያታ ማዳ ሻኣካ ባኮ ፔጋሲ
ዔያቶም ዳዌ፤

37 ዔያታ ላምዓሢ ዘኣሰካ ኮኦሚያና ዓሲ ዋዲያናኬ፤ ዔያታ ዘኣዛ
ኮኦሚሢ ሜሌ ያኣዘና ማዓዛ ዔያታ ዋዳ ዓሳ ታኣም ዔያታ ሸዔ
ናኣቶኬ፤ ታኣኮ ዓተንቆ ናኣቶ ዔያቶኮ ሜሌ ያኣዘም ዔያታ ሹኬኔ።

38 ዔያታ ማዳ ዳቢንታ ዬያ ሌሊቱዋሴ፤ ታኣኮ ጌኤዠ ማኣሮዋ
ዒማና ዔያታ ዒኢሴኔ፤ ታኣኮ ሃውሽ ኬሎዋ ቦንቺንቱዋጉዲ ዔያታ
ማሄኔ።

39 ሜሌ ያኣዘም ዒንጎያ ማሂ ሺኢሻኒ ታኣኮ ናኣቶ ዔያታ ዋዳ
ኬሎና ታኣኮ ጌኤዠ ማኣሮ ሙኪ ዔያታ ዒኢሴኔ፤ ታ ማኣራ ዔያታ
ማዳ ባካ ዬያኬ።

40 «ዓተንቆ ሃኬ ዓጨዳፓ ዔኤሊ ዔያቶም ዔኪ
ሙኡሳንዳንጉዲ ኪኢታ ዓሲ ዔያታ ዳኬኔ፤ ዔያታ ኮዔ ዓተንቃኣ
ሙኬኔ፤ ላምያ ጌሮንሢ ፔኤኮ ዑያ ማሰቴኔ፤ ዓኣፖዋ ፔኤኮ ቲሽኮ
ባኣከና ቲሽኪ ሚዛጳኔ፤ ፔኤኮ ፓልማሢያኣ ፓልማኔ።

41 ሚዛጳ ቃሚያ ሻኣሎይዳ ሆታ ዔያቶኮ ዔያታ ዳዔኔ፤ ታኣኒ
ዔያቶም ዓሳጌ ዑንጅንታ ሪሚቶ ዛይቶንታ ዓይሱዋያ ሚርጌ ኮዠ
ባኮ ዳጌ ሎኣዠ ያይታ ዋሊ ቤኤዚ ዔያታ ጌሢኔ።

42 ዒማና ሚርጌ ዒላቲ ዑኡሲ ዔያቶ ኮይላ ዋይዘንቴኔ፤ ዔያቶና
ዋላ ዓሲ ናንጉዋ ዳውሎይዳፓ ሙኬ ማሢንቴ ዓሲያኣ ዓኣኔ፤ ዬይ

ማህንቴ ዓሳ ለአሎኮ ቃሳ ጋዋ፣ ቶኦኮይዳ ሚዛጲ ቦንቾር ዓሳ ፓልማህ ዓጌ።

43 ታኣኒ ታ ዒኖና፡- <ሃይ ዓቲንቃ ዘአዛ ኮአማህ ዓቲንቆና ኮአማ ዑፆ ፔኤኮ ላቢሲ ጋፔ ላኣሌሎናኬ> ጌዔ።

44 ዓቲንቃ ዘአዛ ኮአማ ላኣሌ ባንህ ዓኣዳ ጎይፆ፣ ዬያታ ዓሲ ናንጉዋ ዳውላፓ ሙኬ ዓቲንቃኣ ሆላና ሆሊባ ጌይጎታ ዬንህ ዒኣቲ ላኣሎንህና ዋላ ላሄ።

45 ዔያታ ዘአዜይዳ ኮአማ ዔሬህሮና ኩጫ ዔያቶኮ ሱጊህና ፑርቲህሮ ዬንህ ዘአዛ ኮአማዘንህና ዓሶ ዋዳዘንህናይዳ ፂሎ ዓሳ ዋጋንዳ።»

46 ዴኤፖ ናንጊና ናንጋ ጎዳ ሂዚ ጋዓ።- «ዔያቶይዳ ዣሎ ዣላ ዓሲ ቡኩሴ፤ ዔያቶ ቡሪህና ዲቃቲህ ማቶም ዓኣህ ዒንጌ።

47 ዬይ፣ ዣሊ ዒላታ ዓሳ ሹቲና ዴይ ዔያቶ ዋዳንጎ፤ ጨንቻ ዓፓርና ዔያቶ ቲቆንጎ፤ ዓቲንቆና ዉዲር ናኣቶዋ ዋዳንጎ፤ ማኣርዋ ዔያቶኮ ታሚና ሚቾንጎ።

48 ዒንህ ላምፆ ጌርንህ ዘአዛ ኮአማህጉዲ ቢያ ላኣላ ሃካፓ ሲካ ዘአዛ ኮአማዋጉዲ ላቲህ ማዓንዳጉዲ ዓጩሎይዳፓ ቢያ ኮዔህጉዲ ዘአሰካ ኮአማ ሺሪፃ ባይቃንዳጉዲ ታኣኒ ማዳንዳ።

49 ዒንህ ላምፆ ጌርንህ ዒንህኮ ኮዔህጉዲ ኮአማ ሺሪፆና ሜሌ ካኣሽኮ ፆኣዘም ዘጊፆና ዒንህ ማዳ ጎምር ታኣኒ ዒንህ ቫርሻንዳ።፤ ዬኖ ዋዳና ታኣኒ ዴኤፖ ናንጊና ናንጋ ጎዳታህ ዒንህ ዔሬንዳ።»

24

ቦይራዴ ዓንጎ ዲሰቶ

1 ኦኦኒ ዲዒንቴንቴ ታዞጳሳ ለዓ፣ ታጳሳ ዓጊኖኮ ታጳሳ ኬሎና ናንጊና ናንጋ ጎዳ ታኣም ሂዚ ጌይ ኬኤዜ።-

2 «ዓሲ ናዓህፍ! ባብሎኔ ዓጮ ካኣቲ ዬሩሳሌም ማንጊያ ዓርቄ ኬሎታህሮ ሃኖ ኬሌሎ ፃኣፒ ዓርቆ ባኣዚዳ ፃኣፔ፤

3 ታኣኒ ዴኤፖ ናንጊና ናንጋ ጎዳ ዔያቶ ዛሎ ማላቲ ሃያ ኮኣኪንሃ ዋይዞ ዒፆያ ማዔ ታ ዴርም ኬኤዜ፤ ዲሰቲ ናኣቦይዳ ዴይህጋፓ ዋኣህ ዋሄ፤

4 ጉባዞና ላባዎና ዬያጉዴ ኮዦ ዓሽኮኮ ማኤሎ ቲቂጋፓ ኮሺ ማዔ ማጌፆዋ ቆፂ ጊዳ ዓጌ።

5 ቆልሞ ባኣካፓ ዶኦሪንቴ ማራይ ዔኪጋፓ ሹኬ፤ ዲሰቶኮ ዴማ ሃንፂሎ ዳኬ፤

24:2 2ካኣቶ. ማ 25:1፤ ዔ.ር. 52:4።

ዓሽኮና ሜጌያና ካፍንዳያ ሄላንዳኣና ካህ።። »

6 ጴጌፖ ናንጊና ናንጋ ጎዳ ሂዚ ጋዓ።- «ዓሶ ዎዳ ዓሶ ካታሚሎ ባዴዔ። ሰይራሂዳፓ ጌኤሽኪባኣያና ፔቴታዎ ጌኤሽኩዎ ዓንጊ ዲሰቲ ዒዛ ማዕኔ፤ ዒዛኮ ጋሮይዳ ዓኣ ሙሪንቴ ዓሽኮ ዶኦሩዎ። ፔቴ ፔቴ ከሴ።

7 ካታሚሎይዳ ዓሲ ዎዲንቴኔ፤ ሱጉፃ ሸኦቲሂ ዓጩ ዓኣቻንዳ ሳዓይዳቲዎሴ፤ ጋዓንቴ ሱጉፃ ሸኦቲሂ ዔኤቢ ዓኣቹዎ ፔጌ ማዕ ላሌይዳከ።።

8 ዒዛ ላኣሌ ሱጉፃ ፔጎ ላሎ ዑፃ ላኣሊንታንዳጉዲ ማዲሴሂ ታኣኮ ጴጌፖ ዳጎ ዔቁሴም ኮሚ ታኣኒ ኮፃንዳጉዲ ጌይከ።።»

9 ዩያሮ ጴጌፖ ናንጊና ናንጋ ጎዳ ጋዓሂ ያዲከ።- «ዓሶ ዎዳ ካታሚሎ ባዴዔ። ዒዛ ሚቾንዳ ሃንፂሎ ታኣኒ ታኣሮ ሚርጊሺ ዳካንዳኔ።።

10 ሚርጌ ሃንፂሌ ዔኪ ታኣም ባዔ። ታሞዎ ዔኤህ፤ ዓሽኮዎ ካህ። ዓሽኮ ዎኣዎዎ ሳውቁሶ ጴጌሸና ዓኣፂሴ። ሚጌዎዎ ሚቾ።።

11-12 ዒዛኮ ሰይራሂኮ ሚርጊፃ ታሞናታዎ ጋፒባኣሂሮ ላቢፃ ቢያ ጉሪ ማዕኔ፤ ዩያሮ ሞኦኖ ዓንጎይዳፓ ማዢንቴ ጉሮ ዓንጎ ዲሰቶ ቁንቁ ቁንፆይዳ ዴይህ፤ ዩካፓ ዩይ ቁንሂጉዲ ማዓንዳኣና ያይዳንጎ፤ ዩያይዴቴ ሰይራሂ ጋፓኒ ዳንዳዓ።።

13 ዩሩሳላሚ። ኔኤኮ ዘኣዛ ኮኦሚፃ ኔና ዒኢሴኔ፤ ታኣኒ ኔና ጌኤሻኒ ኮዕንቴ ኔኤኒ ኔኤኮ ዒኢቲፃፓ ጌኤሽኪባኣሴ፤ ታኣኮ ዳጋ ኔና ፔጋሲ ዳዎንዳያ ሄላንዳኣና ላሚ ኔኤኒ ጌኤሽ ማዓዓከ።።

14 ታኣኒ ጴጌፖ ናንጊና ናንጋ ጎዳ።- «ፔቴ ባኣዚ ማዳንዳ ዎዴ ዑከኔ፤ ታኣኒ ማዓዓከ፤ ሃሃ ታኣኒ ሚጩንታዓከ፤ ማሊዎዎ ታኣኮ ታኣኒ ላኣማዓከ፤ ኔኤኮ ሃንቲዎና ማዶናጉዴያ ታኣኒ ኔጊዳ ሚቶ ዓጋንዳኔ » ጌዔ።።

ሂዘቄኤሌኮ ማቻ ሃይቁሂ

15 ናንጊና ናንጋ ጎዳ ታኣም ሂዚ ጌይ ከኤዘኔ።-

16 «ዓሲ ናዓሂኖ! ኔኤኒ ናሽካ ማዕዘና ኔኤኒ ዛጋ ኔኤኮ ማቻ ዔርቲባኣዎ ሃይቃንዳኔ፤ ዩያና ኔኤኒ ያዪፖ፤ ሃሃ ዓቢቲያ ዩኤኪፖ፤

17 ያዪዮ ዔርዘኒ ዴሜና ጊኢሺንቲ ቃዬ፤ ዩኖ ሃይቁዜሎር ዴጊዲ ዩኤኪፖ፤ ቶኣካኣ ኔኤኮ ማሮ ዓፒሎዎ ማሬ፤ ዲርዘ ቶካ ኔኤኮ ዓኣህ፤ ቶኣኪና ጉኡሊንቁ ማይንቲፖ፤ ያያ ዓሳ ሙዓ ካዎዎ ሙይፖ።።»

18 ዬሮኮ ዚሮ ጉቴሎ ዓሶም ታኣኒ ኬኤዜኔ፤ ዬማ ዋንቶማ ማቻ ታኣኮ ሃይቄኔ፤ ዬሮኮ ጊንፃኣ ዓቤሎ ታኣም ኬኤዚንቴሂጉዲ ታኣኒ ማዳኔ።

19 ዓሳ ዒማና፡- «ሃያ ኔኤኮ ማዲፃ ዓይጎ ኑና ዔርዛ ባኣዚ ዓኣይ?» ጌይ ያኦጩኔ።

20 ታኣኒ ዒያቶም ሂዚ ጌይ ማሄኔ፡- «ናንጊና ናንጎ ጎዳ ታኣም ሂዚ ጌይ ኬኤዜኔ፤

21 ናንጊና ናንጎ ጎዳ ማዔ ያኦዛሂ ዒሰራዔኤሌ ዓሶም ሂዚ ጌዔ ታኣም ጌኤኔ፤ ዒንሂኮ ዋልቆ ሄርሺንቶ፡ ዒንሂ ዓኣፖና ዒንሂ ዛጎ ባኮኮ ሃጊ ማዓ ዋዘና ዒንሂኮ ዒሮኮ ዋዘ ማዔ ታኣኮ ጌኤዢ ማኣሮ ማሌ ዓሳ ዒኢሳንዳጉዲ ታኣኒ ሃሻንዳኔ፤ ዬሩሳላማይዳ ዒንሂኮ ዓቴ ዓቲንቆና ዉዲሮ ናኣቶና ያሎይዳ ዋዲንታንዳኔ።

22 ዬሮ ዋድና ታኣኒ ማዳ ባኮ ቢያ ዒንሂ ማዳንዳኔ፤ ቶኦኮ ዒንሂ ጉኡሊንቴንዲዋሰ፤ ያያ ዓሳ ሙዓ ካፆዋ ዒንሂ ሙዒንዲዋሰ፤

23 ዒንሂኮ ቶኦኮ ማሮ ዓፒሎዋ ዒንሂ ቡላዓኬ፤ ቶካጎ ዲርዘዋ ኬሲ ቶኪ ጉሪ ዒንሂ ሃንታዓኬ፤ ያዩ ያዩ ዬኤኪያ ዒንሂ ዬኤካዓኬ፤ ዒንሂኮ ጎሞይዳፓ ዔቄያና ዒንሂ ያኦፓንዳኔ፤ ዒንሂ ዒማና ፔቴሂ ባጎሂ ዛሎ ያዩሂና ዚኢሊንታንዳኔ።

24 ዬያይዲ ሂዘቄኤሌ ዒንሂም ማላታ ማዓንዳኔ፤ ዒዚ ማዳ ጎይፆዋ ዒንሂ ማዳንዳኔ፤ ዬይ ያዲ ማዒ ኩማ ዋድና ታኣኒ ዳኤፖ ናንጊና ናንጎ ጎዳ ማዔሂ ዒንሂ ዔራንዳኔ።»

25 ናንጊና ናንጎ ጎዳ ታኣም ሂዚ ጌዔ፡- «ሃሂያ ዓሲ ናዓሂዮ! ቢያ ዋዴ ዔያታ ዛጎኒና ያኦጩኒ ኮዓ ባኮ፡ ዔያታ ሄርሺንታ ባኮና ዋዛዳ ኮሺ ደዲ ማዔ ጌኤዢ ማኣሮ ዔያቶይዳፓ ታኣኒ ዔካንዳኔ፤ ዔያቶኮ ዓቲንቆና ዉዲሮ ናኣቶዋ ታኣኒ ዔካንዳኔ።

26 ታኣኒ ዬያ ማዳኣና ባይሲንታፓ ዓቴ ዓሲ ሙኪ ዬያ ማዶ ዛሎ ቢያ ኔኤም ኬኤዛንዳኔ።

27 ዬሮ ዓባና ዬያኮ ቤርታ ኔኤኒ ኬኤዛኒ ባሺንቴ ጌኤዘ ማሂ ኔኤኒ ጌሰታኒ ዳንዳዓንዳኔ፤ ኔኤኒያ ዬያ ዓሂና ዋላ ሃይሳታንዳኔ፤ ዴሮማኣ ኔኤኒ ማላታ ማዓንዳኔ፤ ዔያታኣ ታኣኒ ናንጊና ናንጎ ጎዳ ማዔሂ ዔራንዳኔ።»

25

ዓሞኔ ዓጮም ኬኤዚንቴ ያኦሲ ማሊያ
1 ናንጊና ናንጎ ጎዳ ታኣም ሂዚ ጌይ ኬኤዜኔ፡-

25:1 ዓ.ር. 49:1-6፤ ሂዚ. 21:28-32፤ ዓሞ. 1:13፤ ሶፖ. 2:8-11።

2 «ዓሲ ናባህን! ዓሞኔ ዓጮ ባንህ ሺሪጋፓ ዓሞኔ ዓሰሞ ያኦሲ ማሊህ ከኤዜ።»

3 ዓሞኔ ዓሰሞ ናንገና ናንጋ ጎዳ ማዕ ያኦዛህ ጋዓህ ወይዘተ ጌዔ፤ ጳኤፖ ናንገና ናንጋ ጎዳ ሂዚ ጋዓኔ፡- ታኦኮ ጌኤዠ ማኦራ ዒኢታንዳጉዲ ማዳንቴ ወደና፡ ዒሰራዔኤሌ ዓሰ ዓጮኦ ጉሪ ማዕ ወደና፡ ዩያጉዲ ሃሃ ዪሁዳ ዓሳ ዲዒንቴ ዔውተ ዓኦ ወደና ሂዮ ማዳ ዒንህ ጌዔ።።

4 ዩያ ባኮና ቢያ ዒንህ ወዛዳህሮ ዓባ ከሰካ ባንፃፓ ሙካ ፃጳ ዒንህ ያላንዳጉዲ ታኦኢ ማዳንዳ፤ ዒንህ ዓጮይዳ ዔያታ ያልዚ ሳፓሪ ገኢገሺ ዒኦካ ዴዓንዳ፤ ዒንህ ማኦዳንዳ ሚያ ዓኦፓ ዔያታ ሙዓንዳ፤ ዲኦቆ ዔያታ ዑሽካንዳ።።

5 ራኦባ ካታማ ጋኦህ ሄንቃ ቤዘ፡ ዓሞኦ ዓጮ ጉቤ ማራይ ጌኤቃ ቤሲ ታኦኢ ማሃንዳ፤ ዩያና ታኦኢ ናንገና ናንጋ ጎዳ ማዕህ ዒንህ ዔራንዳ።።

6 «ጳኤፖ ናንገና ናንጋ ጎዳ ጋዓህ ያዲከ፤ ዒንህኮ ዒና ፑርቱሞፓ ዔይና ዒሰራዔኤሌ ዓሰኮ ሎኦሚያሮ ወዛዲ ኩጮ ዒንህ ባዔ፤ ኮኦሚ ኮኦሚያኦ ዒንህ ኮርጌ፤ ዓጮሎ ቶኦቹያኦ ዒንህ ዛጌ።።

7 ዩያ ዒንህ ማዳህሮ ታኦኮ ወልቆ ታኦኢ ዒንህሞ ፔጋሲ ዳሞንዳ፤ ማሌ ዴሮሞ ዓኦህ ታኦኢ ዒንህ ዒንጋንዳ፤ ለሚ ዒንህ ዴሪ ማዒ ዔቁንዳጉዲ ጋፒሲ ታኦኢ ዒንህ ባይዛንዳ፤ ዩካፓ ገንፃ ታኦኢ ናንገና ናንጋ ጎዳ ማዕህ ዒንህ ዔራንዳ።።»

ሞዓኦቤ ዓጮሞ ከኤዚንቴ ያኦሲ ማሊያ

8 ጳኤፖ ናንገና ናንጋ ጎዳ ሂዚ ጋዓኔ፡- «ሞዓኦቤንታ ዔደኦሚንታ ዪሁዳ ዓጮ ማሌ ዴሮ ዓጮይዳፓ ዲማቱሞሶ» ዔያታ ጌዔ።።

9 ዓጮኮ ዛጳይዳ ዓኦያና ዒዞኮ ቦንቾ ማዕ ካታሞ ቤትዩሲሞቱንታ ባዓልሚያና ቂርያታይሚፓ ዓርቃሞ ሞዓኦቤ ዓጮ ዴዒ ካፒያ ካፓ ካታሞ ቢያ ሞርካ ያላንዳጉዲ ታኦኢ ማሃንዳ።።

10 ሃካፓ ሴካ ዓሞኔ ካኦታ ዓኦ ዓጮ ዓጪ ማዒ ዔርቱሞጉዲ ዓባ ከሰካ ባንፃፓ ሙካ ፃጳ ሞዓኦቤና ዓሞኔ ዓጮ ያሊ ዓርቃንዳጉዲ ታኦኢ ማዳንዳ።።

11 ታኦኢ ሞዓኦቤ ዓጮይዳ ፑርታ ሚቶ ዓጋንዳ፤ ዩካፓ ዔያታ ታኦኢ ናንገና ናንጋ ጎዳ ማዕህ ዒንህ ዔራንዳ።።»

ዔደኦሚ ዓጮሞ ከኤዚንቴ ያኦሲ ማሊያ

25:8 ዒሲ. 15:1—16:14፤ 25:10-12፤ ዔር. 48:1-47፤ ዓሞ. 2:1-3፤ ሰፖ. 2:8-11።

12 ጴጌፖ ናንጊና ናንጋ ጎዳ ሂዚ ጋዓኔ፡- «ዔዶኦሜ ዴራ ዪሁዳ ዓሶ ዑፃ ሚጨገቲሂባኣ ፑርታ ጎይሂና ኮሞ ኮፃኔ፤ ዔያታ ዬያይዲፆና ዳቢንቴያ ማዔኔ» ጋዓኔ ናንጊና ናንጋ ጎዳ ማዔ ያኦዘሂ።

13 «ዬያር ሃሂ ዔዶኦሜ ዓሶ ታኣኒ ሻርሻንዳሂና ዒኢካ ዓኣ ዓሶንታ ቆልሞንታ ጉቤ ታኣኒ ባይዘንዳሂ ታ ዔያቶሞ ዔርዘኔ፤ ቲማኔ ካታማፓ ዴንዲ ዴዳኔ ጌይንታ ካታሞ ሄላንዳኣና ጉሪ ማዓንዳጉዲ ታኣኒ ማዳንዳኔ፤ ዴራኣ ያልዚና ጋፓንዳኔ፤

14 ዔዶኦሜ ዓጮ ዓሶ ታኣኒ ኮሞ ኮፃንዳሂ ታኣኮ ዴር ዒሰራዔኤሌ ዓሶናኬ፤ ዒሰራዔኤሌ ዓሳ ዔዶኦሜ ዓሶ ዑፃ ታኣኮ ዳጎ ዋልቆጉዴያ ኮሞ ዔያቶ ኮፃንዳኔ፤ ዔዶኦሜ ዓሳ ታኣኒ ዔያቶ ኮሞ ኮፃሂ ዔራንዳኔ፤ ሃያ ኬኤዜሂ ታና ጴጌፖ ናንጊና ናንጋ ጎዳኬ።»

ፒሊሰጻኤሜ ዓጮሞ ኬኤዚንቴ ያኦሲ ማሊዖ

15 ጴጌፖ ናንጊና ናንጋ ጎዳሂ ሂዚ ጌዔኔ፡- «ፒሊሰጻኤሜ ዓሳ ሚናፓ ዓርቃዖ ሞርኮ ማዔ ጎይፆና ኮሞ ዔያታ ኮፃኔ፤ ዬያ ዔያታ ኮሞ ኮፃሂ ጌኔ ማሊሂ ዒኔናኬ።

16 ዬያር ናንጊና ናንጋ ጎዳ ማዔ ያኦዘሂ ሂዚ ጋዓኔ፡- «ፒሊሰጻኤሜ ዓሶ ዑፃ ታኣኮ ዋልቆና ታኣኒ ማዳንዳኔ፤ ኬሪታ ዓሶ ዜርፆ ታኣኒ ዋዲ ጋፒሳንዳኔ፤ ጴጌፖ ባዘ ዓጮ ዓቴ ዓሶ ታኣኒ ባይዘንዳኔ።

17 ዳጋ ታኣኮ ኩሜ ሻርሺፃ ሲኢሪንቴ ጴጌፖ ኮሞ ኮፃፆና ታኣኒ ዔያቶይዳ ሜቶ ዓጋንዳኔ፤ ታኣኒ ዔያቶ ዑፃ ሄሊሳ ፑርቶ ሜታሂና ታኣኒ ናንጊና ናንጋ ጎዳ ማዔሂ ዔያታ ዔራንዳኔ።»

26

ዓርሴ ዓጮሞ ኬኤዚንቴ ያኦሲ ማሊዖ

1 ኦኡኒ ዲዒንቴንቴ ታጾ ፔታሳ ሌዖኮ ዓጊና ጻኤራ ናንጊና ናንጋ ጎዳ ታኣሞ ሂዚ ጌዒ ኬኤዜኔ፡-

2 «ዓሲ ናዓሂዮ! ዓርሴ ካታማ ናንጋ ዴራ ዋዘዳ ጎይፆ ያዲ ጌይኬ፤ ዬይያኦ፡- «ዬሩሳላሜ ዶዔኔ! ዒዘኮ ኮርሞ ባኮኮሞ

25:14 ዒ.ሲ. 34:5-17፤ ዔ.ር. 49:7-22፤ ሂዘ. 35:1-15፤ ዓሞ. 1:11-12፤ ዓሰዲ. 1-14፤ ሚል. 1:2-5። 25:15 ዒ.ሲ. 14:29-31፤ ዔ.ር. 47:1-7፤ ዓዲ. 3:4-8፤ ዓሞ. 1:6-8፤ ሰፕ. 2:4-7፤ ዛካ. 9:5-7። 26:1 ዒ.ሲ. 23:1-18፤ ዓዲ. 3:4-8፤ ዓሞ. 1:9-10፤ ዛካ. 9:1-4፤ ማቲ. 11:21-22፤ ሉቃ. 10:13-14።

ዎልቃ ጋፔኔ፤ ማይ ሃካፓ ሴካ ኑኡና ዎላ ዒዛ ቤቃኒ ፔቴታዎ ደንዳዑ-ዎአሢር ዓካሪ ኑኡኒ ያርጎጫንዳኔ።»

3 «ዬያር ዴኤፖ ናንጊና ናንጋ ጎዳ ሂዚ ጋዓኔ፡- «ዔዞ ዓርሴ! ታኣኒ ኔ ዑፃ ፑርቱሞና ዔቁ ባዞ ዎአፃ ዎአፃ ጉዳሢ ዠባር ዔቁሳሢጉዳ ኔ ዑፃ ሚርጌ ሚሌ ዴሬ ታኣኒ ዔቁሳንዳኔ።»

4 ዬያታ ኔኤኮ ካታሞኮ ሹጮና ኮሾና ዲያ ደይሳንዳኔ፤ ዬያ ሌሊቱዎንቴ ካታሞ ካፓ ዓሳ ዴዓ ሹጮና ኮሾና ቤዞዎ ደይሳንዳኔ፤ ሳዎ ዑፃፓ ዓጮ ቢያ ታኣኒ ፒዒ ባይዚ ላላ ሌሊ ጉኡዒንቴ ዓታንዳጉዳ ማዳንዳኔ፤

5 ዬካ ዳልጎ ባዞ ዎአፃ ሳዞ ሞላሢ ዓርቃ ዓሳ ፔኤኮ ርኦጮ ማላ ሱዞ ሚጫ ቆይዳ ታኣኒ ማሃንዳኔ፤ ታኣኒ ዴኤፖ ናንጊና ናንጋ ጎዳ ሃያ ኬኤዜኔ፤ ሚሌ ዴሬ ዓርሴ ዓጮ ቡራንዳኔ።»

6 ዒዞኮ ባዞ ዓጫ ዓኣ ጉርደይዳ ናንጋ ዴሬ ያልዚና ጋፒ ባይቃንዳኔ፤ ዬና ዎዶና ዓርሴ ዓሳ ታኣኒ ናንጊና ናንጋ ጎዳ ማዔሢ ዔራንዳኔ።» »

7 ዴኤፖ ናንጊና ናንጋ ጎዳ ሂዚ ጋዓኔ፡- «ዓርሴ ዓጮ ያላንዳጉዳ ካኣቶኮ ካኣቲ ማዔ ባብሎኔ ካኣቲ ናብካዳናዎኦሬ ዓጮኮ ኬዶ ባንፃፓ ዔኪ ታኣኒ ዬዓንዳኔ፤ ዒዚያኣ ሚርጌ ያላ ዓሲ፣ ሚርጌ ፓርዎ ሳርጌላ ያይታኣ ፓራሢና ያላ ዓሲያ ፔኤና ዎላ ዔኪ ሙካንዳኔ።»

8 ባዞ ዓጫ ዓኣ ጉርደይዳ ናንጋያ ማዔ ሚሌ ዴሬ ቢያ ያሎና ሃይቁ ጋፓንዳኔ፤ ዒንሢና ያሊ ቃዞንዳ ዎርዲያ ቤሲ ዔያታ ኮሻንዳኔ፤ ዬካፓ ሞርካ ኔኤኮ ኬኤሎ ዲያኮ ቶኦኮ ሃላንዳኣና ዓጪ ኩላንዳኔ፤ ዔያቶኮ ገቲሞ ሚርጌሢ ዓርቁ ያሊ ያሊ ዳውሲ ዒንሢ ባሻንዳኔ።»

9 ዎርዲዮ ደይሶ ዓንጎና ኬኤሎ ዲያ ዔያታ ጫርጋንዳኔ፤ ዬካፓ ዴዒ ካፒዮ ካፖ ሹዎና ኮሾና ቤዞዎ ዔያታ ደይሳንዳኔ፤

10 ዔያቶኮ ፓራሢ ቶካፓ ዔቃ ሲላላ ሻኣሬጉዳ ማዒ ሳዎ ካንቃንዳኔ፤ ዔያታ ኔኤኮ ጌሎ ካርና ጌላ ዎዶና ፓራሢ ቶጌ ዓሶንታ፣ ጊንሢ ሃሃ ሳርጌሎ ያይቶኮ ጉኡርጉዳ ሸራ ፓራሢ ጎቻ ያይቶኮ ዎይዘንታ ካኣናፓ ዔቁያና ኬኤሎ ዲያ ኔኤኮ ደዓኒ ዜኤባንዳኔ።»

11 ያሎ ያላ ዓሳ ፓራሢ ቶኮና ጎይዎ ኔኤኮ ሸርካንዳኔ፤ ዴርዎ ኔኤኮ ዔያታ ጨንቾ ዓፓርና ዎዳንዳኔ፤ ኔኤኮ ዶዱሞ ዔርዞ ማላቶ ማሢ ዳኣቦጉዳ ዶቆና ባካ ሳይይዳ ደዓንዳኔ።»

12 ቆላ ኔኤኮ ዲዒንቴ ዔውታንዳኔ፤ ኔኤኮ ኮርሞ ሜሃ ቡራንታንዳኔ፤ ኬኤሎ ዲያኣ ሻሂንታንዳኔ፤ ሚዛጲሶና ማኣራ ሻሂንታንዳኔ፤ ሹጮንታ ሚያንታ ሹጮና ማዦና ማኣርኮ ቡርሺፃኣ ሊካ ባዞ ኬኤሪንታንዳኔ።»

13 ኔኤኮ ኮዎንታ ጎኑሎ ዋርቁዎቹ ቢያ ታኣኒ ዚቲዳንዳኔ።

14 ሞላህ ዓርቃ ዓሳ ፔኤኮ ርኦጮ ማለ ፒራህ ሱዞ ማሰኪ ሚጫ ቤሲጉዲ፣ ጊንህ ሃህ ኬሰኪ ዳዔ ላሌጉዲ ፔጋዲ ኔኤኒ ዓታንዳኔ፤ ካታሚላ ማይ ላሚ ጊንህ ዓካሲ ኮሺንታዓኬ፤ ዩይ ያዲ ማዓንዳህ ታኣኒ ዴኤፖ ናንጊና ናንጋ ጎዳ ኬኤዘህሮኬ።»

15 ዴኤፖ ናንጊና ናንጋ ጎዳ ዪሮሴ ካታሞሞ ሂዚ ጋዓኔ፡- «ሜቁ ኪዳዴ ዓሳ ዒላቲ ጋኣላኣና፣ ሃህ ጋራኣ ኔኤኮ ዓሶ ዎዶዎና ኔኤኮ ባሺንቲ ዒላቶ ዒላቶ ዑኡዞና ባዞ ዓጫ ናንጋ ጉርዳ ዓጊዎዳዳ?

16 ዳልጎ ባዞ ዎኣዎ ዓጫ ዓኣ ዓጮ ካኣታ ቢያ ፔኤኮ ካኣቱሞ ሻኣሎይዳፓ ኬዳንዳኔ፤ ዔያቶኮ ያደዞ ማኣዓህንታ ኩጮና ማኮና ሚዛጶ ማኣዓህያ ዔያታ ጉሲ ዒጊቹሞና ጎጋይቁ ጎጋይቁ ሳያይዳ ዴዓንዳኔ፤ ኔ ዑፃ ሄሌ ኮሺ ሜታሳ ባኮ ማሊ ማሊ ሚርጌና ዔያታ ዲቃቲ ጎይህ ባይዛንዳኔ፤ ኔ ዑፃ ማዔ ባኮሮዎ ዔያታ ዲቃታንዳኔ።

17 ዬካፓ ሂዚ ጌዒ ኔና ዔያታ ቃያንዳኔ፤

ዳልጎ ባዞ ዎኣዎ ዓጫ ዓኣ ዓጮ ዒንህ ዲቃህ ዓሳ
ዳልጎ ባዞ ዎኣዎ ዑፃ ዎልቄና ማዒ ዔርቲ ካታሚላ!
ዳልጎ ዎኣዎፓ ዎይቲ ኔ ባይቄይ?

18 ሃይሾ ሃህ ዒዛ ዶዔ ኬሎና
ዎኣዎ ሳዛ ዓኣ ዓጫ ዓጊጻኔ፤

ዒኢካ ናንጋ ዴራኣ ቢያ
ዩያ ዴኤፖ ባይሲንታፓ ዔቄያና ዲቃቲ።»

19 ዴኤፖ ናንጊና ናንጋ ጎዳ ሂዚ ጋዓኔ፡- «የኦኒያ ናንጋኒ ዳንዳዑዎያ ማዒ ባይቄ ካታሚሎጉዲ ጉሪታ ኔና ማሃንዳኔ፤ ዴኤፒ ማዔ ባዞ ዎኣዎፓ ኬሰኪ ላኣለንታ ዎኣዎና ታኣኒ ኔና ዴኡካንዳኔ፤

20 ሊካ ሃይቄ ዓሶ ዓጮ ኔኤኒ ኬዲ ቤርታ ናንጋ ሚሌ ዴሮና ዎላ ሲኢሪንታንዳጉዲ ታኔና ማዳንዳኔ፤ ሃይቄ ዓሶና ዎላ ኔኤኒ ላጌ ማዒ ዒኢካ ናንጋንዳጉዲ፣ ዬካ ሳዎኮ ዴማ ዓኣ ዓጮይዳ ናንጊና ደዒ ዓቲ ዓጮና ዎላ ታኣኒ ኔና ሃሻንዳኔ፤ ዬካፓ ዔቄያና ላሚ ዓሲ ኔ ጌዳ ናንጋዓኬ፤ ሹሞፖና ዓኣ ዓሶ ዓጮይዳ ናንጋኒ ቤሲ ኔኤኮ ባኣሴ፤

21 ጋፒንፃ ኔኤኮ ዒጊቻያ ማዓንዳጉዲ ታኣኒ ማሃንዳኔ፤ ዬማ ኔኤኮ ጋፒንህ ማዓንዳኔ፤ ዓሳ ኔና ኮዔያታቲያ ዬሮ ዎዳፓ ዓርቃዎ ፔቲታዎ ኔና ዴንቃዓኬ።» ጌዒ ታኣኒ ዴኤፖ ናንጊና ናንጋ ጎዳ ኬኤዘኔ።

26:13 የሃ. ያፔዳ 18:22። 26:16 የሃ. ያፔዳ 18:9-10። 26:21 የሃ. ያፔዳ 18:21።

27

ደርሴ ዓጮ ቃዪንቴ ቃዪ

- 1 ናንጊና ናንጋ ጎዳ ታኣሞ ሂዚ ጌዔኔ፡-
- 2 «ዓሲ ናዓሂዮ! ደርሴ ዓጮ ሂዚ ጌዒ ቃዪ፤
- 3 ዳልጎ ባዘ ዋኣዎ ባንሂ ጌላ ካሮ ጎይዎይዳ ዴዒ ዴማ ዴማ
 ዓጮኮ ዛጳ ዓኣ ካታማፓ ሙካ ኮርሞ ዓሶ ዎላ ካንሂያ ማዔ ደርሴ
 ዓጮም ናንጊና ናንጋ ዴኤፖ ጎዳ ሂዚ ጋዓኔ ጌይ ኬኤዜ፤
 ዔዘ ደርሴ! ታኣኒ ሃይማ ፓጩኔ ጎዑዎ ጎይሂ ሚዛጲኬ ኔ ኔና
 ጋዓኔ።
- 4 ኔኤኮ ናንጎ ቤዛ ዳልጎ ዋኣዎይዳኬ፤
 ኔና ማዜ ዓሳ ሚዛጲ ዋኣሂ ካኣሚሌጉዲ ኮሺኔ።
- 5 ካሮ ዎዶሂ ኔኤኮ ኮሺንቴሂ ሄርሞኔ ዴካ ዓኣ ዚቢቆናኬ፤
 ቱርቱራኣ ኔኤኮ ኮሺንቴሂ ሊባሮኦሴ ሚዎናኬ።
- 6 ዋኣዎና ፒንቆ ጎንጎ ዒሻ ሚፃ ኮሺንቴሂ
 ባኣሳኔ ዓጫ ዓኣ ሻኣቦናኬ፤
 ኔኤኮ ዋኣዎና ፒንቆ ጎንጎኮ ጋሮ ሳዓ ኮሺንቴሂ
 ቆጲሮሴ ዓጫ ዓኣ ዴማ ማዔ ዚቢቆናኬ፤
 ዙላ ማዓ ካሮና ዳርሲ ዓቺና ጳርቁንቴኔ።
- 7 ኔኤኮ ዋኣዎ ካኣሚሎኮ ዳልጎ ሻራሂ ዓፒላ
 ዩይያኣ ዓዳ ኔኤኮ ባንዲሮ ማዔኔ፤
 ኩጮና ማዞና ጊብፃ ዓጮኮ ሻኣዞ ዓፒሎጉዲ
 ኔኤኮ ጎኦቦ ዓፒላ ቆጲሮሴ ዓጫፓ ሙኬ
 ሚርጌና ሚዛጳ ጮልዔ ዲንኮ ሺኤሞና ኮሺንቴያኬ፤
- 8 ኔኤኮ ዋኣዎና ፒንቆ ጎንጎ ዒሻ ዓሳ ሲዶናና ዓርዋዴ ጌይንታ
 ካታማፓ ሙኬያኬ፤
 ዔዘ ደርሴ! ኔኤኮ ሃኣሞ ዓሳ
 ዋኣዎ ካኣሚሎይዳ ዓኣ ዓሶ ዓይሃ ዓሶኬ።
- 9 ዋኣዎና ፒንቆ ጎንጎኮ ፑርቱሂ ኮሻኒ ጌባሌ ዓጮይዳ ዔሬ ሃኣሞ
 ዓሳ ኔ ባኣካይዳ ዓኣኔ፤
 ዋኣዎ ካኣሚሎ ዓሳ ፔኤኮ ዋኣዎ ካኣሚሎና ጌዒ
 ኔኤኮ ዋኣዎ ካኣሚላ ዔቃ ቤዘ ሙኪ ሙኪ ኔኤኮ ዎላ ኮርሞ
 ኮርማኔ።»
- 10 «ፓርሴ ዓጫፓ፣ ሊዲያንታ ሊቢያ ዓጮንታፓ ሙኬ ፖኦሊሳ
 ኔኤኮ ያላ ዓሶ ባኣካ ማዳኔ፤ ዔያቶኮ ጊቲሞና ቶኦካ ዓሳ ዓንጎ ቆኦቦ
 ኔኤኮ ያሎ ያላ ዓሳ ዓኣ ጳኦካ ዔያታ ሱፄኔ፤ ዔያታ ኔና ቦንቺሴ
 ዓሶኬ።
- 11 ዓርዋዴ ዓጫፓ ሙኬ ፖኦሊሳ ኔኤኮ ኬኤሎ ዲዎ ካፓኔ፤
 ጋማዲሚ ዓጫፓ ሙኬ ዓሳኣ ኔኤኮ ዋርዲዮ ቤዘ ካፓኔ፤ ዔያታ

ጊጥም ፔኤሲ ሹጮና ኮሾና ከኤሎ ዑፃ ሱጭ፤ ኔና ሚዛጲሴሆሂያ ዔያቶኩ።»

12 «ኔኤኮ ያርጎቹማ ሚርጌሂዳፓ ዔቁያና ቴርሴሴ ዓጮና ዋላ ኔኤኒ ኮርማ ኮርማ ኔ ሚሆ ዛሎ ዒዛይዳፓ ኔኤኒ ቢራ ዓንጊ፥ ቆርቆሬንጎት ዒርሳሴ ጌይንጎት ባኮዋ ዔካኔ።

13 ጊሪኮ ዓሶንጎት ቱባሌንጎት ሚሸኬ ናሶንጎት ዋላ ኔኤኒ ኮርሞ ኮርማኔ፤ ካራሞ ማዓ ዓሶንጎት ሞኦና ዓንጎና ኮሺንጎት ሚሆዋ ኔኤኒ ዔከ፥ ዬያ ዛሎ ኮርማ ኮርማንጎት ዲማ ዲማ ባኮ ዔያቶሞ ኔኤኒ ዒንጎኔ፤

14 ቤትቶጋርማ ዓጮፓ ዓሲ ናንጎዋ ደውሎ ዓጮ ፓራሂንጎት ያሎ ያላ ፓራሂንጎት ባቁሎንጎት ኔኤኒ ዔከ።ፓፓ ዲማ ዲማ ኮርሞ ባኮ ዔያቶሞ ኔኤኒ ዒንጎኔ።

15 ርዴ ዓጮ ዓሶና ዋላ ኮርሞ ኔኤኒ ኮርማኔ፤ ዳልጎ ባዘ ዋኦ ዓጮ ዓኣ ዓጮ ዴራ ኔኤኮ ኮርማ ኮርማ ዓፒሎ ዔካያ ዬያ ዛሎ ዳርሲ ዓቺና ዘጲ ጌይንጎት ደዶ ሚያ ዔከ ኔኤሞ ሙካኔ።

16 ሶኦሪያ ዓጮ ዴራ ኔኤኮ ኮርሞ ዓፒሎ ቢያና ሚሌ ሚርጌ ሚሄ ኔኤፓ ሻንቃኔ፤ ዔያጎ ዬያ ዔከ ሚሆ ዛሎ ቤሎሬ ጌይንጎት ሚዛጲ ሹጮንጎት ኩጮና ማዢ ሚዛጲሶና ጮልዔ ማኣዓሂንጎት ጉኡጊሲ ሱከ ዲይሶሶና ዓፒሎና ከቤይዳፓ ኮሺንጎት ፓልማሂንጎት ዘቁ ሚዛጲ ሹጮዋ ዔያጎት ኔኤሞ ሻንቃኔ፤

17 ዪሁዳና ዒሰራዔኤሌ ዓጮኮ ኮርሞ ኮርማ ዓሳ ኔኤኮ ኮርሞ ባኮ ዛሎ ሚኒቴ ዓጮ ዛርጋሂ፥ ዳይሳሂ፥ ዔኤዘ፥ ሪሚቶ ዛይቶንጎት ዲማ ዲማ ሳውቃ ዴኤሾ ኔኤሞ ጨጋኔ።

18 ዴማሰቆ ዓጮ ዴራ ኔኤኮ ኮርሞ ባኮንጎት ሚሌ ሚሆ ዛሎ ሄልቦኔ ዓጮ ዎይኖ ዑኩንጎት ሳሆሬ ዓጮፓ ሺኢሾ ማራቶ ጋፓኖ ኔኤሞ ዔያጎት ሻንቃኔ።

19 ዑዛሌ ጌይንጎት ዓጮ ናንጎ ዳኣኔ ዓሶንጎት ጊሪኬ ዓሶንጎት ሚሆ ኔኤኮ ሻንቃኒና ኮርማኒ ዋላ ጌሰቲ ቱኬኔ፤ ዔያጎት ኔኤኮ ኮርሞ ባኮ ዛሎ ሹኤሺ ኮሺንጎት ዓንጎንጎት ዲማ ዲማ ሳውቃ ዴኤሾንጎት ዳጅሳኣርዋ ኔኤሞ ዒንጎኔ።

20 ሃሣ ዴዳኔ ዓጮ ዴራ ኔኤኮ ኮርሞ ባኮ ዛሎ ኮኦራ ጊላሴ ዔከ ኔኤሞ ዬዓኔ።

21 ዓሬቦንጎት ቁዳሬ ዓጮ ሱኡጋ ቢያ ኔኤኮ ኮርሞ ሚሆ ዛሎ ማራናኣቶና ዋሪናኣቶ ኔኤሞ ዔከ ሙካኔ፤

22 ሳኣባና ራዒማ ዓጮ ኮርሞ ዓሳ ኔኤኮ ኮርሞ ባኮ ዛሎ ሚዛጲ ሹጮንጎት ዎርቆንጎት፥ ደኦሪንጎት ማዔ ዲማ ዲማ ሳውቃ ዴኤሾ ኔኤሞ ዒንጎኔ።

23 ካኣራኔ፣ ካኔሃንታ ዔዴኔ ካታሞንታ ሳኣባ ዓጮኮ ኮርሞ ኮርማ ዓሶንታ ጊንሣ ሃሣ ዓሹርናንታ ኪልማዴ ካታሞንታ ዬይ ቢያ ኔኤና ዋላ ኮርሞ ኮርማ።

24 ሚዛጲሶና ማኣዓሢንታ ጮልዔ ዓፒሎንታ ኩጮና ሚዛጲሲ ማዠና ማኣዓሢንታ ጋርይዳ ሂኢሦ ሚዛጲ ባኮንታ ኮሺ ሱኮና ሻሺና ደዲሺ ቱኪ ኔኤሞ ዔያታ ሻንቻ።

25 ቱርሴሴ ዓጮኮ ዋኣዖ ካኣሚላ ማሆ ኔኤኮ ጫኣኒዖና ኔና ማኣዳ።»

«ኔኔኒ ዳልጎ ባዘ ዋኣዖ ሳዛ ሚርጌ ኮርሞ ባኮና ኩሜ ዓጪኬ፤

26 ዋኣዖና ፒንቆ ጎንጎ ዒሺ ዓኣዳ ዓሳ ባዘ ቁልባሢ ባንሢ ዔኪ ኔና ዓኣዳ።፤

ዳኤፖ ዓባ ኬሰካ ባንዖ ዠባራ ባዘ ዋኣዖይዳ ኔና ማንሣ።

27 ኔኤኮ ኮርሞ ባካ ቢያ

ዋኣዖ ካኣሚሎ ዒሻ ዓሳ ቢያ

ዋኣዖ ካኣሚሎይዳ ማዳ ዓሳኣ ቢያ

ዬያ ኮሻ ዓሶንታ ኮርሞ ኮርማ ዓሳ ቢያ

ዬና ዋኣዖ ካኣሚሎይዳ ዓኣ ፖኦሊሳ ቢያ

ዋኣዖ ካኣሚላ ኔኤኮ ማቃኣና ቢያሢ ባዘ ቁልባሢ ዳ ዔኤዲንታንዳ።፤

28 ዋኣዖ ካኣሚላ ዓኣ ዓሳ ባዘ ቁልባሢ ጌሊ ዔኤዲንታኣና ዒላቴ ዒላታ

ዳልጎ ባዘ ዓጮይዳ ዓኣ ዓጮ ዓጊሣ።»

29 «ዬና ዎድና ሜሌ ዋኣዖ ካኣሚሎ ዔኪ ዓኣዳ ዓሳ

ዬያ ዒሻ ዓሶንታ ዋኣዖ ካኣሚሎይዳ ማዳ ዓሶ ዓይሣ ዓሳኣ ቢያ

ኬሰኪ ዳልጎ ባዘ ዓጫ ዔቄ።፤

30 ዒማና ዔያታ ቢያ ፔኤኮ ቶኦኮይዳ ሲላሊ ዋሃ

ዲቢንሢዳ ቡሞባሊ ቡሞባሊ

ዑኡዘ ፔኤሲ ዳጊዲ ኔ ዛሎ ዓሸኮ ፔኤሲ ዱኡዘ ዬኤካንዳ።፤

31 ኔ ዛሎ ዖዩሢና ቶኦኮ ጋሞ ፔኤኮ ፕኡሊ ሲዬ ፓቴሌያኣ ማይንታንዳ።፤

ዒናፓ ማቂ ዖዩሢና ኔና ዔያታ ዬኤካንዳ።፤

32 ዔያታ ፔኤኮ ዖዩዖና ሱንዖ ኔኤኮ ዔኤሊ ዔኤሊ ዬኤካንዳ።፤

ኔ ዛሎ ቃዩያ ዔያታ ቃያንዳ።፤ ዬያ ቃያሢና ሂዘ ዔያታ ጋዓንዳ።-

«ዳልጎ ባዘ ዋኣዎ ሳዛ ዔኤዲንቲ
ዑኡሲ ባይቁ ዓጨ
ዒርሴጉዲ ዓይጎ ዓጨዳይ?

33 ኔኤኮ ኮርሞ ኮርሞ ባካ ዲማ ዲማ ዓጮ ዳኪንታኣና
ዬይ ዲማ ዲማ ዓጮ ዴራ ኮዓ ባኮ ዔይቶም ኩኩንሣኔ፤
ኔኤም ጊዲ ዑሣ ዓኣዴ ቆሎንታ ኮርሞ ባኮናኣ
ሳዎ ካኣቶ ኔኤኒ ያርጎጨሴኔ።

34 ሃሣ ኔኤኒ ጋዓንቴ ዔቶ ዳልጎ ባዘይዳ ማቂ ዓቴኔ፤
ኔኤኮ ኮርሞ ማሆንታ ኔኤም ማዳ ዓሳኣ ቢያ ኔኤና ምላ ባይቁኔ፤

35 «ዳልጎ ባዘ ዋኣዎ ዓጮ ናንጋ ዓሳ ቢያ ኔ ዑፃ ማዔ ፑርቶ
ባኮይዳፓ ዔቁያና ዲቃቴኔ፤ ዔይቶኮ ካኣታኣ ዓቱሞ ምኦቶንዶ ካራ
ባይዘኔ፤ ፔቴ ፔቴሣኮሞ ዓኣፖ ካራ ዲቃቴሣና ዒጊቹሞ ማላታና
ጴዳኔ።

36 ዓካሪ ማሌ ዴርኮ ኮርሞ ኮርማ ዓሳ ኔና ቦሃ ማኢጫንዳኔ፤
ጋፒንፃኣ ኔኤኮ ዲቃሣያ ማዔኔ፤ ናንጊና ኔኤኒ ጋፒ ባይቃንዳኔ።»

28

ዒርሴ ካኣቲም ኬኤዘንቴ ያኦሲ ማሊያ

1 ናንጊና ናንጋ ጎዳ ታኣም ሂዚ ጌዒ ኬኤዘኔ፡-
2 «ዓሲ ናዓሣዮ! ጴኤፖ ናንጊና ናንጋ ጎዳ ዒርሴ ካኣቲም ሂዚ
ጋዓኔ ጌይ ኬኤዘኔ፤ <ዒና ኔኤኮ ያቶርቁሣር ታኣኒ ናንጊና ናንጋ
ጎዳኬ፤ ዳልጎ ባዘ ዋኣዎ ሳዛ ማሌ ያኦዘ ያይታ ታኣኒ ዴዓንዳኔ ኔኤኒ
ጌዔኔ፤ ሞዚ ኔኤኒ ኔ ማሊያና ታኣኒ ያኦሲኬ ጌዔያታቴያ ኔኤኒ ዓሲ
ማዓንዳኣፓዓቴም ያኦሲቱሞ።

3 ኔኤኒ ዳኣኔሌይዳፓ ባሼ ዔራ ማዔያ፣ ሃሣ ፔቴታዎ ዔኤቢ
ዓኣሺንቲ ዓታ ባኣዚ ኔኤፓ ባኣያ ማሂ ኔ ኔና ማላ?

4 ጎኔኬ ኔኤኒ ኔኤኮ ዔራቶና ሃምዓቶና ማርጌ ቆሎ ዴንቁኔ፤
ኔኤኮ ማሆ ጌሦ ማኣርይዳ ማርጌ ምርቁና ቢራና ኔኤኒ ቡኩሴኔ።

5 ኔኤኒ ኮርማ ኮርሞና ማዴ ጴኤፖ ሃምዓቶ ማዶና ማርጌ ቆሎ
ኔኤኒ ዴንቁኔ፤ ቆላ ኔኤኮ ማርጌሣዳፓ ዔቁያና ኔኤኒ ያቶርቁኔ።»

6 «ዬያር ታኣኒ ጴኤፖ ናንጊና ናንጋ ጎዳ ዒዛም ጋዓሣ ያዲኬ፤
<ዓዳ ታኣኒ ናንጊና ናንጋ ጎዳጉዲ ዔራኬ ጌዒ ኔኤኒ ማሌሣር።

7 ማሌ ዴር ባኣካፓ ማርጌና ማጨንቲሣ ባኣያ ማዔ ፃንጎ ሞርኮ
ኔ ዑፃ ታኣኒ ዔከ ሙካንዳኔ፤ ዬያታ ኔኤኮ ዔራቶና ሃምዓቶና ዴንቁ
ኔ ቡኩሴ ማዛጶ ባኮ ቢያ ባይዘንዳኔ።

8 ኔና ዔያታ ሂሊንቲሞ ያዶዘ ዔቶይዳ ዓጋንዳኔ፤ ዳልጎ ባዘ ሳዛ
ፑርታ ሃይቢ ኔ ሃይቃንዳኔ።

9 ዓካሪ ነና ዋዳኒ ዔያታ ሙካ ዋደና ሃሣ ነና ኔኤኒ ያኑሲ ማሂ ፓይዳንዳ? ነና ዋዳ ዓሶና ኔኤኒ ዓዲንታኣና ዓሲ ኔ ማዓንዳኣፓዓቲም ያኑሲ ማዒባኣሢ ዔርታንዳኔ።

10 ማሌ ዓጮ ዓሶ ኩጫ ያኑሲ ጉሙርቁዋ ዓሳ ሃይቃ ሃይቦ ኔኤኒ ሃይቃንዳኔ፤ ታኣኒ ናንገና ናንጋ ጎዳ ዬያ ኬኤዜኔ።»

ዒርሴ ዓጮ ካኣቲኮ ዶዒያ

11 ናንገና ናንጋ ጎዳ ሂዚ ጌይ ታኣም ኬኤዜኔ፡-

12 «ዓሲ ናዓሢዮ! ዒርሴ ዓጮ ካኣቲ ሄለንዳ ፑርቶ ባኮ ዛሎ ቃዮ ቃዬ፤ ታኣኒ ዳኤፖ ናንገና ናንጋ ጎዳ ጋዓ ባኮ ሂዚ ጌይ ዒዛም ኬኤዜ፡- «ኔኤኒ ዔራቶ ኩሚያና ሚርጌናኣ ሚዛጸያ ማዔሢሮ ፓጫ ባኣዚ ባኣያ ማዔ ባኮኮ ኔኤኒ ማላታኬ።

13 ኔኤኒ ያኑሲኮ ዔቦ ቱኮ ጎዡ ማዔ ዔዳኔይዳ ናንጋኔ፤ ዒኢካ ፔቲ ፔቲ ሚዛጸ ሹጮ ጌይ፡- ሴርዲዮ፤ ዓልማዛ፤ ቢሪሌ፤ ሜሬገዳ፤ ዓዲሰሲዳ፤ ሴንፔሬንታ ቤሉሬ ጌይንታ ሚዛጸ ሹጮና ሚዛጸሶና ዋርቁ ማኣያ ኔ ማይንታኔ፤ ኔኤኒ ማዡንጌቲ ኬላፓ ዓርቃያ ዬይ ቢያ ኔኤኮ ዓኣኔ።

14 ነና ታኣኒ ዓዳ ካፒያ ካፓ ኪሩቤ ማሂ ዶኦሪ ዒኢካ ጌህኔ፤ ታኣኮ ኔኤኒ ዲማዳ ዲኮይዳ ናንጋኔ፤ ሚርጌና ሚዛጸ ማዔ ሹጮ ባኣካ ኔ ሃንታኔ።

15 ኔኤኒ ማዡንጌቲ ኬላፓ ዓርቃያ ፑርቲም ማዲያ ዓርቁ ዋዶ ሄለንዳና ናንጎይዳ ኔኤኮ ፓጮ ባኣዚ ባኣሴ፤

16 ሻንቁ ሻንቁያ ማዶይዳ ጳሽኪ ኔኤኒ ሺራኔ፤ ዬይ ቢያ ሴካ ፑርታ ማዶና ጎሚና ባንሢ ዔኪ ነና ዓኣዳኔ፤ ዬያሮ ኔኤኒ ታኣኮ ዲማዳ ዲኮ ሃሺ ኬሰካንዳጉዲ ታኣኒ ነና ዋልቃዳኔ፤ ዬንሢ ሚዛጸ ሹጮንሢ ባኣካፓ ካፒያ ካፓ ኪሩቤ ዳውሲ ነና ኬሴኔ።

17 ማላሢ ኔኤኮ ሚዛጸ ማዔሢሮ ሚርጌና ኔኤኒ ያቶርቁኔ፤ ቦንቾ ኔኤኒ ኮሢሢና ዔራቶ ኔኤሲ ኔኤኒ ዳኪሴኔ፤ ዬያፓ ዔቁያና ታኣኒ ነና ዡገ ሊካ ሳዓ ኬኤሬኔ፤ ማሌ ዓጮ ካኣቶ ዳቢንቶኮ ማላታ ታ ነና ማህኔ።

18 ሻንቁያና ሻንቾናይዳ ኔኤኒ ማዳ ዳቢንቶፓ ዔቁያና ኔኤኮ ካኣዡ ቤዛ ቢያ ዒኢቲኔ፤ ዬያሮ ካታሜሎ ሚቻ ታሚ ዓርቃንዳጉዲ ማሂ ጉቤ ታ ዒዛ ሚቹኔ፤ ሃሢ ኔ ባንሢ ዛጋሢ ቢያ ኔኤኒ ዲቢንሢ ሌሊ ማዔሢ ዳንቃንዳኔ፤

19 ሃይሾ ኔኤኒ ባይቁኔ! ናኣናና ኔኤኒ ጳዲንዳዎሴ፤ ቤርታ ነና ዔራ ዓጫ ቢያ ዲቃቲ ካራ ባይዜኔ፤ ኔ ዑፃ ሄሌ ፑርቶ ባካ ዔያቶ ሄሎዋጉዲ ዔያታ ዒጊጮኔ።»

ሲዶና ዓጮም ኬኤዚንቴ ያኦሲ ማሊያ

20 ናንጊና ናንጋ ጎዳ ታኣም ሂዚ ጌዔኔ፡-

21 «ዓሲ ናዓሂዮ! ሲዶና ዓጮ ባንሂ ዛጊጋፓ ያኦሲ ማሊሂ ዒዘም ኬኤዜ፤

22 ዒዘኮ ዴሮማኣ ዴኤፖ ናንጊና ናንጋ ጎዳ ሂዚ ጋዓኔ ጌዔ፡- ታኣኒ ዒንሂ 0-9 ፑርቴምና ዔቄኔ፤ ታኣኒ ዒንሂዳ ማዳንዳ ማዶና ማሌ ዴራ ታና ጋላታንዳኔ፤ ታኣኮ ዎጎ ማዶይዳ ታ ፔኤሻኣና፣ ሃሃ ታኣኮ ዲማዴያ ማዒያ ፔጋሲ ታኣኒ ዔርዜ ዎዶና ታኣኒ ናንጊና ናንጋ ጎዳ ማዔሂ ዔያታ ዔራንዳኔ፡፡

23 ታኣኮ ዲማ ዲማ ዎዳ ባኮ ዒንሂ 0-9 ታኣኒ ዔኪ ዬዓንዳኔ፤ ዒንሂኮ ጎይፃ ጎይፃ ሱፑሂ ሾኦታንዳጉዲ ታኣኒ ማሃንዳኔ፤ ቢያ ባንዎና ዒንሂዳ ዔቃ ያሎና ዒንሂ ባኣካ ዓሲ ዎዲንታንዳኔ፤ ማሌ ዴራ ታኣኒ ናንጊና ናንጋ ጎዳ ማዔሂ ዔራንዳኔ፡፡»

ዒሰራዔኤሌ ዓሳ ዓንጂንታንዳያ ማዒያ

24 ናንጊና ናንጋ ጎዳ ሂዚ ጋዓኔ፡- «ቶኦቹ ዒዘ ዛጋንዳ፣ ዒዘኮ ዓሺኒ ማዒ ዓዳ ጫርጋ ጋውዲና ማሌ ዓንጊሂጉዲ ማዒ ዒሰራዔኤሌ ማታጎንዳ ማሌ ዓጪ ሃካፓ ሴካ ባኣሴ፡፡ ታኣኒያ ዴኤፖ ናንጊና ናንጋ ጎዳ ማዔሂ ዔያታ ዔራንዳኔ፡፡»

25 ዴኤፖ ናንጊና ናንጋ ጎዳ ሂዚ ጋዓኔ፡- «ዒሰራዔኤሌ ዓሳ ዜርቁንቴ ዲማ ዲማ ዴሮ ባኣካፓ ታኣኒ ቡኩሳ ዎዶና ማሌ ዴራ ዬያ ዛጋንቴ ታኣኮ ዲማዴያ ማዒያ ታ ፔጋሳንዳኔ፤ ዬካፓ ዔያታ ማዒ ታኣኮ ማዳሂ ያይቆኦጌም ታኣኒ ዒንጌ ዔያቶኮ ዓጫ ዔያታ ናንጋንዳኔ፡፡

26 ዒኢካ ሂርጋ ባኣያ ዔያታ ናንጋንዳኔ፤ ማኣሪያኣ ዔያታ ማከንዳኔ፤ ዎይኔያ ቱካንዳኔ፤ ዔያቶ ቶኦቹ ዛጋ፣ ዔያቶኮ ዓሺኖ ዓጮ ዎ ቢያ ታኣኒ ሻርሻንዳኔ፤ ዒሰራዔኤሌ ዓሳ ጋዓንቴ ሂርጋባኣያ ጉሙርቁንቴ ናንጋንዳኔ፤ ዬኖ ዎዶና ታኣኒ ዔያቶኮ ናንጊና ናንጋ ጎዳ ማዔ ያኦዛሂታሂ ዔያታ ዔራንዳኔ፡፡»

29

ጊብፄ ዓጮም ኬኤዚንቴ ያኦሲ ማሊሂ

1 ኦኡኒ ዲዒንቴንቴ ታጳሳ ሌዎኮ ታጳሳ ዓጊኖና፣ ዬኖ ዓጊኖኮ ታጳ ለምዓሳ ኬሎና ናንጊና ናንጋ ጎዳ ታኣም ሂዚ ጌይ ኬኤዜኔ፤

28:20 ዓ.ዩ. 3:4-8፤ ዛካ. 9:1-2፤ ማቴ. 11:21-22፤ ሉቃ. 10:13-14፡፡ 29:1 ዓ.ሲ. 19:1-25፤ ዔር. 46:2-26፡፡

2 «ዓሲ ናዓሢዮ! ዓኣፖ ካሮ ኔኤኮ ጊብፄ ካኣቲ ባንሢ ማሂጋፓ ቢዛንታ ጊብፄ ዳርንታም ጾኦሲ ማላሢ ኬኤዜ።

3 ዳኤፖ ናንጊና ናንጋ ጎዳ ጊብፄ ካኣቲም ሂዚ ጋዓኔ ጌይ ኬኤዜ፤ ዋሮይዳ ቦርጊሦ ላሂ፥ ዒጊቻ ዳልጎ ባዞ ቦፖ ማሌሢ ሃይ ኔኤኒ! ሃኣዛጌ ታኣኒ ዳጋና ኔ ዑፃ ዔቄኔ፤ <ዓባዬ ዋራ ታኣሮኬ፤ ዬያ ዋሮ ማገፍሢ ታናኬ» ኔኤኒ ጋዓኔ።

4 ኔኤኮ ባንጋሎይዳ ዓንጊ ከሬ ታኣኒ ዳካንዳኔ፤ ዋሮይዳ ዓኣ ሞላሢ ኔኤኮ ዑፃይዳ ላጩ ዓርቂንታንዳጉዲ ታኣኒ ማሃንዳኔ፤ ዬይ ሞላሢያ ኔኤኮ ዑፃ ዓርቂንታ ጎይሢ ዓኣንቱ ዓባዬ ዋራፓ ጎቺ ታኣኒ ኔና ኬሳንዳኔ።

5 ኔናንታ ኔኤኮ ዋሮ ሞላሢያ ቢያ ዓሲ ናንጉዋ ዳውላ ታኣኒ ዠባንዳኔ፤ ሌዛ ኔኤኮ ዔውቲ ዲኡቱዋጉዲ ቦኣላ ኔኤኒ ኬኤሬንታንዳኔ፤ ካፖና ቦፖናም ሙኡዚ ታ ኔና ማሃንዳኔ።

6 ዒንሢ ዒሰራዔኤሌ ዓሰም ዓዳ ፒሌ ኮኣሎጉዲ ፓሠዋያ ማዔሢሮ ዬና ዋድና ዒንሢ፥ ጊብፄ ዳራ ታኣኒ ናንጊና ናንጋ ጎዳ ማዔሢ ዔራንዳኔ።

7 ዔያታ ፔኩጮና ዒንሢ ዓርቃ ዋድና ሜቄ ጳሪንቲ ጌኤቶ ዔያቶኮ ዒንሢ ጮርጌኔ፤ ዒንሢዳ ዔያታ ጌኤቂንቲ ዋድና ዒንሢ ሜቄም ጊኢራ ዔያቶኮ ጎጋይቄኔ።

8 ዓካሪ ታኣኒ ዳኤፖ ናንጊና ናንጋ ጎዳ ኔኤም ኬኤዛሢ ያዲኬ፡- <ጨንቻ ዓፓሮና ኔና ዋዳንዳ ዓሲ ታኣኒ ዔኪ ሙካንዳኔ፤ ዬይ ዓሳ ኔኤኮ ዳሮንታ ቆልሞንታ ቢያ ዋዲ ጋፒሳንዳኔ፤

9 ጊብፄ ዓጫ ዓሲ ናንጉዋ ዳውሌ ማዒ ጉሪ ዓታንዳኔ፤ ዬይ ያዲ ማዓኣና ታኣኒ ናንጊና ናንጋ ጎዳ ማዔሢ ዔያታ ዔራንዳኔ።

«ኔኤኒ <ዓባዬ ዋራ ታኣሮኬ፤ ዬያ ዋሮ ማገፍሢያኣ ታናኬ» ጌዔኔ።

10 ታኣኒ ኔኤና ኔ ዋሮና ዑፃ ዳጋና ዔቄኔ፤ ኬዶ ባንፖና ዓኣ ሚግዶሌ ካታማፓ ዓርቃፖ ደኣሎ ባንፃ ዳንዲ ዓሰዋኔ ካታሞ ሄላዳኣና፥ ዬያጉዲ ሃሣ ዳንዲ ዒቶጲያኮ ዛጶ ሄላንዳኣና ጊብፄ ዓጮ ጉቤ ዓሲ ናንጉዋ ዳውሌ ጉሪ ማሂ ታኣኒ ዓይሳንዳኔ።

11 ዓሲ ማዔያታቲያ ቆልሞ ዒኢና ፔቲታፖ ዓኣዳዓኬ፤ ዳንዲ ፆይቲታሚ ለዔ ሄላንዳኣና ዓይጎ ባኣዚያኣ ዬካ ናንጋዓኬ፤

12 ጊብፄ ዓጮዋ ዳውሎ ጉሮ ማዔ ዓጮይዳፓ ባሽ ዳውሌ ጉሪ ታ ማሃንዳኔ፤ ጊብፄ ዓጮ ካታማ ዳንዲ ፆይቲታሚ ለዔ ማዓንዳኣና ዶዔ ቦኪ ኩሊንቲ ቤሲ ማዒ ዓታንዳኔ፤ ዒዞኮ ካታሞዋ ሜሌ ዶዔ ካታማፓ ፔቲዞ ታኣኒ ማሃንዳኔ፤ ዬካፓ ጊብፄ ዓሰ

ታኦኒ ደውሲንቴ ዓሲ ማሃንዳኔ፤ ሜሌ ዳር ባኣካ ዘርቁንቴ ዔያታ ናንጋንዳጉዲ ታ ማዳንዳኔ።»

13 ዴኤፖ ናንገና ናንጋ ጎዳ ሂዚ ጋዓኔ፡- «የይዲታሚ ሌዔኮ ጊንፃፓ ጊብፄ ዓሶ ታኦኒ ዜርቁ ዓጫፓ ማሂ ዔኪ ሙካንዳኔ፤

14 ሚና ዔያታ ናንጋ ዶኦሎ ባንፆ ጊብፄ ዓጫ ጳዊርሴይዳ ናንጋንዳጉዲ ታኦኒ ዔያቶ ማሃንዳኔ፤ ዬካ ላቤ ካኣቶ ዔያታ ማዓንዳኔ፤

15 ዬያ ሌሊቱዋንቴ ቢያፓ ላቤ ካኣቶ ማዓንዳሢር ላሚ ሜሌ ካኣቶ ባሺ ዋይሢኒ ዒዚ ዳንዳዓዓኔ፤ ቢያፓ ዳኬያ ታኦኒ ማሃንዳሢር ሜሌ ካኣቱ ጊኢራ ጊኢራሻኒ ዒ ዳንዳዓዓኔ።

16 ዓካሪ ዒሰራዔኤሌ ዓሳ ማኣዶ ኮዒ ጊብፄ ዓኣዲ ዓኣዲ ዳቢንቴ ዳቢንቶ ዔያቶም ጳቁሣያ ማዓንዳኣፓዓቱም ማኣዶ ዳንቃኒ ላሚ ጊብፄ ዔያታ ጉሙርቃዓኔ፤ ዬይ ያዲ ማዓኣና ዒሰራዔኤሌ ዓሳ ታኦኒ ናንገና ናንጋ ጎዳ ማዔሢ ዔራንዳኔ።»

ካኣቱ ናብካዳናዖኦሬ ጊብፄ ዓጫ ባሻንዲያ ማዔሢ

17 ኦኡኒ ዲዒንቴንቴ ላማታሚ ላንካሳ ሌዖ፡ ቤርታሳ ዓጊኖኮ ቤርታሳ ኬሎ ዓይያይዳ ናንገና ናንጋ ጎዳ ታኣም ሂዚ ጌዒ ኬኤዜኔ፡-

18 «ዓሲ ናዓሢዮ! ባብሎኔ ካኣቱ ናብካዳናዖኦሬ ፃርሴ ዓጫይዳ ያልዚ ቡላኒ ዔቁኔ፤ ቶኦካ ባላንዳያና ጌኤታኣ ዔውታንዲያ ሂላንዳኣና ፖኦሊሶ ዔያቶኮ ዔያታ ዳኤሢ ኬዲ ኬዲሴኔ፤ ያዲ ማዔያታቲያ ዔያቶኮ ካኣቱ ማዔያታቲያ ያሎ ያላ ዓሳ ዬያ ቢያ ላቢፃፓ ፔቴ ባኣዚታዎ ዳንቁ ባኣዚ ባኣሴ።

19 ዬያር ታኦኒ ዴኤፖ ናንገና ናንጋ ጎዳ ጋዓሢ ያዲኬ፡- ጊብፄ ዓጫ ታኦኒ ካኣቱ ናብካዳናዖኦሬም ዓኣሢ ዒንጋንዳኔ፤ ዒዚያኣ ፔኤኮ ያሎ ያላ ዓሶም ማዳሢ ዛሎ ጩሳ ሚኢሼ ማዓንዳጉዲ ቡሪሢና ካራባኣ ጎይሢና ዳንቃ ባኮ ቢያ ዔኪ ዓኣዳንዳኔ።

20 ዒዛኮ ያሎ ያላ ዓሳ ታኣም ማዳሢር ጊብፄ ዓጫ ዒዚ ላቢ ማዳሢ ዛሎ ታኦኒ ዒዛም ዒንጋንዳኔ፤ ታኦኒ ናንገና ናንጋ ጎዳ ሃያ ኬኤዜኔ።»

21 «ዬይ ማዓ ዎደና ዒሰራዔኤሌ ዳር ታኦኒ ዶዲሻንዳኔ፤ ኔኤኒያ ሂዘቁኤሌ! ዓሲ ኔኤም ዋይዛንዳጉዳ ቤሲዳ ቢያ ዑኡዞ ኔኤኮ ዳጊዲ ኬኤዛንዳጉዲ ታ ኔና ማሃንዳኔ፤ ዬያ ጎይዖና ታኦኒ ናንገና ናንጋ ጎዳ ማዔሢ ዔያታ ዔራንዳኔ።»

30

ጊብፄ ዓጫይዳ ሂላንዳ ፑርቶ ሜታሢ ዛሎ

1 ናንገና ናንጋ ጎዳ ሂዚ ጌይ ታኣም ኬኤዜኔ፡-

2 «ዓሲ ናዓሢየ! ታኣኒ፥ ናንገና ናንጋ ጎዳ ፔጋሲ ኔኤም ዳዋ ባኮ ቢያ ዔርዘሢሢና ሃያ ታ ማሊያ ኬኤዘ፤
<ዩኖ ኬሌሎም ባዳዔ!> ጌይ ዒዞ ዩኤኬ።

3 ናንገና ናንጋ ጎዳ ማዶ ማዳ ኬላ ሄሌኔ፤
ዩይ ኬላ ማሌ ዓሶም
ዲሜ ሻኣሬና ሜታ ሚርጌያ ማዓንዳኔ።

4 ጊብፄ ዓጮይዳ ያልዚ ኬሰካንዳኔ፤
ዒቶጲያይዳ ፑርታ ዋኣዪሳ ሜታ ሙካንዳኔ፤
ሚርጌ ዓሲ ጊብፄ ዓጮ ዋዲንታንዳኔ፤
ዓጮላ ቡሪንታዛ ዓይያ ካር ማዔ ፃጳ ዜኤቤም ዒዛ ደዓንዳኔ።

5 «ዩይ ያላ ዒቶጲያይዳ፣ ኩባይዳ፣ ሊዲያይዳ፣ ሊቢያ፣ ዓሬቦ ዓጮ፣ ታኣና ዋላ ጫኣቂ ታ ዒጊኒ ማዔ ዴር ባኣካ፣ ታያ ሚኢሸና ማዳኒ ሙኬ ዓሶ ቢያ ዋዲ ጋፒሳያ ማዓንዳኔ።»

6 ናንገና ናንጋ ጎዳ ሂዚ ጋዓኔ፡- «ሜግደኤሌ፣ ዓርቃያ ዴንዲ ዓሰዋኔ ሄላንዳኣና ጊብፄ ዓጮ ማኣዳ ዓሳ ያሎና ሃይቂ ጋፓንዳኔ፤ ጊብፄኮ ያቶርሙዋ ዋልቃ ባይቃንዳኔ፤ ሃያ ታኣኒ ዴኤፖ ናንገና ናንጋ ጎዳ ኬኤዘኔ።

7 ዓጮላ ጉሪ ዳውሌ ማዔ ዓጮይዳ፣ ባሽ ዓሲ ናንጉዋ ዳውሌ ማዓንዳኔ፤ ዒዘኮ ካታማ ቢያ ማሌ ደዔ ካታማ፣ ባሽ ደዓንዳኔ።

8 ጊብፄ ዓጮ ሚቺ ባይዘንዳ ታሚ ታኣኒ ዓጌ ዋደና፣ ዩያጉዲ ሃሃ ዔያቶ ማኣዳ ዓሶ ዋልቃ ጋፒ ባይቁ ዋደና ታኣኒ ናንገና ናንጋ ጎዳ ማዔሢ ዔያታ ዔራንዳኔ።

9 ዩኖ ዓቦና ዒቶጲያ ዓሶ ዒጊቻኒ ከኢቶ ዓሶ ታኣኒ ዓይሢም ዔያታ ዋኣያና ፒንቆ ጎንጎና ኬሰካንዳኔ፤ ዒቶጲያ ዓሳ ጊብፄ ዓጮ ዑፃ ጎኔና ሙካ ባይሲንቶ ዛሎና ሜታዳንዳኔ።»

10 ዴኤፖ ናንገና ናንጋ ጎዳ ሂዚ ጋዓኔ፡- «ጊብፄኮ ሚርጌ ዴር ባይዘንዳጉዲ ባብሎኔ ዓጮ ካኣቲ ናብካዳናያጌሪ ታኣኒ ዳካንዳኔ።

11 ዒዚያኣ ሚጪንቱዋ ፔኤኮ ያሎ ዓሶ ዔኪ ዓጮሎ ባይዘኒ ሙካንዳኔ፤ ዔያታ ጊብፄ ዓጮ ጩንቾ ጋፓርና ቆፃንዳኔ፤ ዓጮላ ሌሲ ሌሊ ማዓንዳኔ።

12 ታኣኒ ዓባዩ ዋር ዋኣያ ሚጪሳንዳኔ፤ ዩካፓ ጊብፄ ዓጮ ፑርቶ ዓሶ ቢታንቶ ዴማ ሎኦማንዳጉዲ ታ ማዳንዳኔ፤ ዩያር ማሌ ዓጮ ዴራ ዓጮሎ ጉቤና ባይዘንዳኔ፤ ሃያ ታኣኒ ናንገና ናንጋ ጎዳ ኬኤዘኔ።»

13 ዴኤፖ ናንገና ናንጋ ጎዳ ሂዚ ጋዓኔ፡- «ሜምፒሴይዳ ዓኣ ካኣሽኮ ሉኡዙዋ ያኦዞ ቢያ ታኣኒ ባይዘንዳኔ፤ ጊብፄ ዓጮይዳ

ዎይህን ማዕከል ከሰካይ ባኣያ ማዕንዳኔ፤ ዳርይዳ ዓረቹዎ ታኣኒ ዓገንዳኔ።

14 ገብጻኮ ደኣሎ ዛላ ዓኣ ጳዊርሴ ጌይንታ ካታዎ ታኣኒ ዓሲ ናንጉዎ ዳውሎ ማሃንዳኔ፤ ከደ ባንፆና ዓኣ ፆዓኔ ካታዎይዳ ታሚ ታኣኒ ዓገንዳኔ፤ ሃሃ ቴብሴ ካታዎዎ ፑርታ ሜቶና ታዎኣደሳንዳኔ።

15 ገብጻ ዓጮኮ ዔርቲ ፑርዲዮ ቤዘ ማዔ ፔሉሰዬሚ ካታዎይዳ ታኣኮ ዳኤፖ ዳጎታ ከይሰንዳኔ፤ ቴብሴ ካታዎኮ ሚርጌ ዳሬ ቢያ ታኣኒ ዎዳንዳኔ።

16 ገብጻ ዓጮይዳ ታኣኒ ታሚ ዓገንዳኔ፤ ፔሉሰዬሚያኣ ሚርጌ ዎኣደህና ሚታዳንዳኔ፤ ቴብሴኮ ሹጮና ኮሻና ዲፃ ደዓንዳኔ፤ ሚምፕሴ ካታዎይዳ ጋፑዎ ዎኣደህ ሃላንዳኔ።

17 ሄሊዮፖሊሴንታ ቡባሰቲሴ ካታዎይዳ ዓኣ ዳጌህ ቢያ የሎና ጋፓንዳኔ፤ ዬንህ ካታዎይዳ ናንጋ ዓሳ ዲዒንቲ ዔውታንዳኔ።

18 ገብጻ ዓጮኮ ዎልቆ ታኣኒ ሚንህ ዔያቶኮ ሄርሺንቶ ደዲዎ ባይዛ ዎዶና ፃፕናሴ ካታማ ዲማንዳኔ፤ ገብጻ ዓጮ ሻኣሬና ካንቁንታንዳኔ፤ ዒዛኮ ዲማ ዲማ ካታማ ናንጋ ዓሳኣ ዲዒንቲ ዔውታንዳኔ።

19 ገብጻ ዓጮ ታኣኒ ዬያይዲ ሚታሳ ዎዶና ታኣኒ ናንገና ናንጋ ጎዳ ማዔህ ዔያታ ዔራንዳኔ።»

ዎልቃ ባይቄ ገብጻ ካኣቲ

20 ኦኡኒ ዲዒንቲንቲ ታጳ ፔታሳ ሌያኮ ቤርታሳ ዓገና ጻኤሬ ላንካሳ ከሎና ናንገና ናንጋ ጎዳ ታኣዎ ሂዚ ጌዒ ከኤዘኔ፡-

21 «ዓሲ ናዓሂዮ! ታኣኒ ገብጻ ካኣቲኮ ኩጮ ሚንህኔ፤ ፒሌና ኮኣሊ ቱርጫና ማሪ ገንሃ ዳቂሻንዳ ሃኣሚ ባኣሴ፤ ዬያር ሃካፓ ሴካ ደዲዎ ዳንቁ ጩንቻ ዓፓርና የላኒ ዳንዳዑዎሴ።

22 ዬያይዳፓ ዔቄያና ታኣኒ ናንገና ናንጋ ጎዳ ፆኣዛህ ሂዚ ጋዓኔ፤ ሃህ ታኣኒ ገብጻ ካኣቲዳ ዳጋና ዔቄኔ፤ ዬያር ዒዛኮ ላምፆ ኩጮ፡ ጌይፆ፡- ሃያኮ ቤርታ ሚቄዜሎንታ ዎሌላኣ ዓቱዎንቲ ሚንህኒ ታኣኒ ገኢኤ፤ ጩንቻ ዓፓራ ዒዛኮ ኩጫፓ ከዳንዳጉዲ ታኣኒ ማዳንዳኔ።

23 ገብጻ ዓሶ ሚሌ ዳርና ዲማ ዲማ ዓጮ ዓሶና ባኣካ ታ ዜርቃንዳኔ፤

24 ዬያይዲ ታኣኒ ባብሎኔ ካኣቲኮ ዎልቆ ደዲሺ ታኣኮ ጩንቻ ዓፓር ዒዛ ኩጫ ዓይሃንዳኔ፤ ገብጻ ካኣቲኮ ዎልቆ ጋዓንቲ ታኣኒ ሚንህንዳኔ፤ ዒዚያኣ ዒዛ ዎዎዳንዳ ከህህ ከዴ ዓሲጉዲ ፔኤኮ ሞርኮ ቤርታ ሚርጌና ሚታዲ ዚኢሊንታንዳኔ።

25 ታኣኒ ጊብፄ ካኣቲ ላቢሲ ባብሎኔ ካኣቲ ዶዲሻንዳኔ፤ ታኣኒ ባብሎኔ ካኣቲሞ ዲንጋንዳ ጨንቾ ዓፓርና ጊብፄ ዓጮይዳ ዒዚ ሜቶ ዓጋ ዎዶና ዓሲ ቢያ ታኣኒ ናንጊና ናንጋ ጎዳ ማዕሢ ዒራንዳኔ።
 26 ጊብፄ ዓሶ ሚሌ ዴሮንታ ዲማ ዲማ ዓጮ ዓሶንታ ባኣካ ታኣኒ ዜርቃንዳኔ፤ ዩካፓ ታኣኒ ናንጊና ናንጋ ጎዳ ማዕሢ ዒያታ ዒራንዳኔ።»

31

ጊብፄ ዓጮ ዚቢቆ ሚዖና ማላቲንቴሢ

1 ኑኡኒ ዲዒንቴንቴ ታጳ ፔታሳ ሌዖና ሃይሣሳ ዓጊና ፄኤሬ ቤርታሳ ዓቦና ናንጊና ናንጋ ጎዳ ሂዚ ጌይ ታኣሞ ከኤዜኔ፡-

2 «ዓሲ ናዓሢዮ! ጊብፄ ዓጮ ካኣቲና ሚርጌ ዴሮናሞ ሂዚ ጌይ ከኤዜ፤

«ዴኤፑሞና ዖኦና ዎላ ኔኤኒ ቤቃይ?

3 ኔኤኒ ኮሺ ሺባ ካኣፒ ዓኣያና

ዖዶሱማ ሌካ ጨሪንጮ ሄላ

ለባኖኦሴ ሚዖጉዴያከ።

4 ዒኢካ ሚዖ ዑጊሳኒ ጊዳ ዎኣሢ ዓኣኔ፤

ሳዖ ዴሞይዳ ዓኣ ዔቶ ዎኣፃኣ ሚፃሢ ዑጊሳኔ፤

ዎሮ ዎኣፃ ቦኦሎይዳ ቱኮና ሚዖ ፃጳና ዎታኔ።

5 ዬይ ሚፃሢ ሚርጌ ዎኣሢ ዴንቄሢሮ

ዔጳ ሌካ ሚሌ ሚፃፓ ቢያ ዖዶቃያ ማዕኔ፤

ሃሢ ዬያኮ ካኣፓ ዓንዲርቄያና ዖዶቄያ ማዕኔ።

6 ዲማ ዲማ ካፓ ቢያ ዬያ ካኣፖይዳ ማኣሮ ፔኤኮ ማኣኔ፤

ካዮ ቦዓኣ ናኣቶ ፔኤኮ ዬያኮ ሺቦ ዴማ ሾዔኔ፤

ዴኤፖ ዓሳ ቢያ ሺቦ ዴማ ሃውሻኔ።

7 ሚርጌ ዎኣፃ ዓኣ ባንዖ ፃጳ ፔኤሲ ዒዚ ዴከሢሮ

ዬያኮ ዴኤፑሞና ካኣፖ ጋሞፒንቴፃ ዒዚ ሚዛጲሴኔ።

8 ዖኦሲ ሚዖ ቱከ ቤዜሎይዳ ዓኣ ለባኖኦሴ ሚፃ ዬያና ቤቃኒ ዴንዳዑዎሴ፤

ዚቢቆኮ ካኣፓኣ ዬያ ሄሎዎሴ፤

ሻሮ ካኣፓ ዬያ ካኣፖና ዎላ ቤኤዞዛ ዔኤቢ ፓሡዎያከ፤

ዖኦሲ ሚዖ ቱከ ቤዞይዳ ዓኣ ሚዖ ባኣካፓ

ፔቴያኮታዖ ካኣፓ ዬያጉዴ ሚዛጳይ ባኣሴ።

9 ታኣኒ ዬያ ጋሞፒንቴ ካኣፒና ዓኣያ ማሂ ሚዛጲሴኔ፤

ታኣኒ፡ ዖኦሲ ሚዖ ቱከ ዔዴይዳ ዓኣ ሚዖ ቢያ ዒዚ ናሺ ዎዲያከ።»

10 «ዓካሪ ዑጊ ሌካ ሻኦር ሄሌሢር ምቶርቃ ይያ ሚፃሢ ታኣኒ ጴጌፖ ናንጊና ናንጋ ጎዳ ማዳንዳሢ ያዲኬ፤

11 ታኣኒ ዒዛቱጊ ኬኤራንዳኔ፤ ሜሌ ዳሮኮ ሱኡጌም ታኣኒ ዓኣሢ ዒንጋንዳኔ፤ ዒዚያኣ ዒዛኮ ፑርቱሞጉዴያ ዒዛም ማዳንዳኔ።

12 ዓጮ ዳሮይዳፓ ሚርጌ ቁኢራ፥ ሚጨገቱሞያ ማዔ ዓሳ ሚፃሢ ተቂ ኬኤራንዳኔ፤ ካኣፓ ዲኮና ዛር ዶኦጮናይዳ ኬዲ ዓታንዳኔ፤ ይያ ሌሊቱሞንቱ ካኣፓኣ ሜቂ ሜቂ ሞታ ሞኣያይዳ ቦርጊሦ ላሃንዳኔ፤ ሺቦ ዳማ ጌሊ ዓኣ ዓጮ ዳራ ቢያ ይያ ሃሺ ዓኣዳንዳኔ።

13 ካፓኣ ሙኪ ዶዒ ላሃ ፃጶይዳ ዳዓንዳኔ፤ ካኣፓኣ ካዮ ቦጎኮ ቡኪ ዔቆ ቤሲ ማዓንዳኔ፤

14 ሞዚጉዴ ሞኣሢ ዑሽኪ ዑጌታቲያ ይያጉዲ ሌካ ዑጊ ሻኦር ሄላንዳ ሚሢ ሃካፓ ሴካ ጴዳዓኬ፤ ሃይቃያ ማዔ ዓሳይዳ ሄላ ሃይቦ ሞጋ ዔያቶ ዑፃኣ ሄላንዳኔ፤ ቢያሢ ዲኡኪንቲ ሳዖ ዳሞ ጌላንዳኔ።»

15 ጴጌፖ ናንጊና ናንጋ ጎዳ ጋዓሢ ያዲኬ፤ «ዩይ ሚፃሢ ተቂንቲ ለካ ሃይቁ ዓሳ ዓጮ ኬዳ ሞዶና ጴጌፖ ዔቶ ሞኣያ ካር ታኣኒ ሞዴም ዩኤፒና ዓጮ ዒዛይዳ ማሂንታንዳኔ፤ ሞራኣ ቃዚንቲ ዔቃንዳጉዲ ታኣኒ ማዳንዳኔ፤ ሞልቁና ሞታ ሞር ታኣኒ ሚጨሳንዳኔ፤ ይያ ዛሎና ለባኖኦሴ ዲኮ ቶኦካ ሻኔ ዲሚ ታኣኒ ዔኪ ዩዓንዳኔ፤ ይያር ቦኦሎ ሚያ ዒላዣ ቢያ ሹላንዳኔ።

16 ታኣኒ ይያ ሚፃሢ ሃይቁ ዓሳ ዓጮ ኬይሳ ሞዶና ዩይ ዶዒያ ዶዓኣና ሞይዚንታ ጉኡሚፃ ዳሬ ቢያ ጎቃይሳንዳኔ፤ ዒማና ለካ ሃይቁ ዓሳ ዓጮ ኬዳ ዔዴኔ ሚያና ኮዣ ዳሞሢ ሞኣያ ዑሽካ ዶኦሪንቲ ለባኖኦሴ ሚፃ ቢያ ዩይ ለካ ሃይቁ ዓሳ ዓጮ ኬዲያና ሞዳንዳኔ፤

17 ይያኮ ሺቦ ዳማ ዓኣዘንሢና ዳሮኮሞ ባኣካፓ ዒዛና ሞላ ፔቲ ማዔዘንሢንታ ጨንቾ ዓፓርና ሞዲንቲዘንሢ ዒዛና ሞላ ለካ ሃይቁ ዓሳ ዓጮ ኬዳንዳኔ።

18 «ዩይ ሚፃሢ ጊብፄ ዓጮ ካኣቲና ዒዛኮ ዳሮኮ ቢያ ማላታኬ፤ ያኦሲ ቱኬ ሚያ ባኣካፓታ ሌካ ዔጵና ሚዛጵሞና ዒዛጉዴያ ባኣሴ፤ ሃሢ ጋዓንቲ ይያ ቤዘይዳ ዓኣ ሚያጉዲ ለካ ሃይቁ ዓሳ ዓጮ ኬዳንዳኔ፤ ዩካ ናንጊና ናንጋ ጎዳ ጉሙርቁሞዘንሢ ያሎና ሞዲንቲ ዓሳ ቢያሢና ሞላ ሲኢሪንታንዳኔ፤» ናንጊና ናንጋ ጎዳ ሃያ ኬኤዜኔ።

32

ጊብፄ ዓጮ ካኣቲ ቃዮና ቃያሢ

1 ኑኤኒ ዲባንቴንቴ ታጾ ለምዓሳ ሌዖና፣ ታጾ ለምዓሳ ዓገሮኮ ጭራ ናንገና ናንገ ጎዳ ታኣም ሂዚ ገዲ ኬኤዘኔ፡-

2 «ዓሲ ናዓሂዮ! ገብጻ ዓጮ ካኣቲ ሂዚ ገይ ቃዬ፤ ኔኤኒ ዳር ባኣካ ዘቢጉዲኬ፤ ሃሃ ባዘ ዋኣጾይዳኣ ዓዳ ኔ ዓገሪቻ ቦገጉዲኬ፤ ዋሮ ኔኤኒ ኔኤር ካኣሺ ዋኣጾ ሙዲርሳኔ።

3 ታኣኒ ኔና ታኣኮ ሮኦጮጉዳ ሱዞና ፒሪ ዓይሃም፣ ሚርጌ ዳሬ ጎቺ ኔና ባዘ ዓጮ ኬሳንዳኔ።

4 ሳዓ ሲላሎይዳ ታ ኔና ኬኤራንዳኔ፤ ቦኦይዳ ሚጫ ታ ኔና ሃሻንዳኔ፤ ጫሪንጮ ካፖ ቢያ ኔ ዑፃ ታኣኒ ቡኩሳንዳኔ፤ ካዮ ቦዓኣ ቡርቲ ኔና ሙዓንዳኔ።

5 ታ ኔኤኮ ሌዞና ዲኮንታ ዶኦጫዳ ገንጾዋ ኩንሃንዳኔ።

6 ዓጮሎ ዳንዲ ዲኮ ሃላንዳኣና ኔ ሱጉዖና ታ ኩንሃንዳኔ፤ ዋኣፃ ዋታ ዋራኣ ሱጉሂ ሌሊ ማዓንዳኔ።

7 ኔና ታኣኒ ባይዛ ዎዶና ጫሪንጮ ታኣኒ ካንቃንዳኔ፤ ዠኦጋሂያኣ ታኣኒ ዲሚሻንዳኔ፤ ዓባዋ ሻኣሬና ታ ዓርቃንዳኔ፤ ዓገና ፖዓዓኬ፤

8 ጫሪንጮይዳፓ ኔኤም ፖዓ ፖዓ ቢያ ታ ባይዛንዳኔ፤ ሳዖ ታ ዲሚሻንዳኔ፤ ጋዓ፣ ዳኤፖ ናንገና ናንገ ጎዳሂ።»

9 «ኔኤኒ ዓሩዋ ዳር ባኣካ ኔኤኮ ባይሲንቶ ሃይሶ ታ ዋይዚሲ፣ ሚርጌ ዳሮኮ ዓሩ ታ ማለሂና ዋኣዱሳንዳኔ።

10 ሚርጌ ዳራ ኔ ዑፃ ማዔ ባካፓ ዓቆያና ዲቃታንዳጉዲ ታ ማዳንዳኔ፤ ታኣኮ ጩንቾ ዓፓሮ ታ ዔያቶ ቤርታ ቱጋኣና ካኣታ ዔያቶኮ ጎጋይቃንዳኔ፤ ኔኤኒ ሃይቃ ኬሎና ፔቴ ፔቴሂ ፔ ናንጎ ዛሎ ዓገሪቹዋና ቢያ ኬሊ ካራ ባይዛንዳኔ።»

11 ዳኤፖ ናንገና ናንገ ጎዳ ሂዚ ጋዓኔ፡- «ባብሎኔ ዓጮ ካኣቲ ኔና ዖላኒ ሙካንዳኔ።

12 ዳሮይዳፓ ቢያ ሚርጌና ሚጫንቴዎያ ማዔ ዳኤፖ ዓሶኮ ጩንቾ ዓፓራ ሚርጌ ዓሲ ኔኤኮ ዎዳንዳኔ፤ ዬያታ ገብጻ ዓጮኮ ዖቶርሙዋ ባይዛንዳኔ፤ ሚርጌ ዳሬያ ጋፓንዳኔ።

13 ዋኣፃ ሚርጌ ዓኣ ቤዛ ዓኣ ቆልዋዋ ታኣኒ ባይዛንዳኔ፤ ዬካፓ ሴካ ቶኪና ሄርቁ ዋኣጾ ሙዲርሳንዳይ ፔቴታዖ ባኣሲ።

14 ዋኣፃ ኔኤኮ ገኢሰካንዳኔ፤ ዎራኣ ዛይቴጉዲ ሚታ ባኣያ ዎታንዳጉዲ ታ ማዳንዳኔ፤ ጋዓ፣ ዳኤፖ ናንገና ናንገ ጎዳሂ።

15 ገብጻ ዓጮ ጉዜ ቦኦሊ፣ ዓሲ ናንጉዋ ዓጫ ታ ማሃኣና፤ ገንሃ ሃሃ ዓኢካ ናንገ ባኮ ቢያ ታ ባይዛኣና ኔናንታ ኔ ዳሮንታ ታኣኒ ናንገና ናንገ ጎዳ ማዔሂ ዔራንዳኔ።

32:7 ዓ.ሲ. 13:10፤ ማቲ. 24:29፤ ማር. 13:24-25፤ ሉቃ. 21:25፤ ዮሃ. ዖፕጳ 6:12-13፤ 8:12።

16 ዬይ ዒዞ ዒያታ ቃያንዳ ቃዮኬ፤ ዳሮኮ ዉዲሮ ናኣታ ዬኤካንዳኔ፤ ጊብፄ ዓጮንታ ዒዞኮ ሚርጌ ያሎ ዓሶሮዋ ቃያንዳኔ፤ ጋዓኔ፥ ዳኤፖ ናንጊና ናንጋ ጎዳሢ።»

ሃይቄ ዱኡኪንታንዳ ዓሶ ዛሎ

17 ኑኡኒ ዲዒንቴንቴ ታጾ ላምዓሳ ሌዖና ቤርታሳ ዓጊኖኮ ታጾ ደንጋሳ ኬሎና ናንጊና ናንጋ ጎዳ ታኣም ሂዚ ጌይ ኬኤዘኔ፡-

18 «ዓሲ ናዓሢዮ! ጊብፄ ዓጮ ዳሮ ሜሌ ዋልቄና ዓኣ ዳሮና ዋላ ሊካ ሃይቄ ዓሶ ዓጮ ቃዮና ዓኣሢ ዳኬ።»

19 ዒያቶም ሂዚ ጌዔ፡- «ሚዛጹማ ዒንሢሲ ያኣፓ ባሻያ ዒንሢሢ ማላይ? ሊካ ሃይቄ ዓሶ ዓጮ ኬዲጋፓ ያኣሲ ጉሙርቁዋ ዓሶና ዋላ ዘንጋልቁ ላሁዋቴ።»

20 «ጊብፄ ዓጮም ያልዚ ጊኢጌሢሮ ዒኢካ ዓኣ ሚርጌ ዳራ ጨንቾ ዓፓሮና ዋዲንቴ ዓሶና ዋላ ሃይቃንዳኔ።»

21 ጊብፄ ዓጮ ዓሳ ሃይቄ ዓሶ ዓጮ ኬዳ ዋደና ሃይቄ ዓሶ ዓጮ ዓኣ ዔርቴ ዳኤፖ ዳኤፖ ዓሳ ጎይሣ ሞኦኪ ዒንሢሢ ዔካንዳኔ፤ ዒማና ዒያታ ዔኮ ዔካባ ሩዒንሢሢ ዒንሢሢ ዓሶና ዋላ ሃኒ ኬዲዋቴ! ያሎና ሃይቄ፥ ያኣሲ ጉሙርቁዋዘንሢሢ ዋላ ኩዲዋቴ!» ጋዓንዳኔ።

22 «ዓሶኦሬ ፔኤኮ ያሎ ዓሶና ዋላ ዒኢካ ዓኣኔ፤ ጨንቾ ዓፓሮና ሃይቄ ያሎ ዓሶኮ ዱኡፓ ዓጮ ዒዞኮ ማንጊ ዓኣኔ፤»

23 ዱኡፓ ዒያቶሲ ዔቶኮ ሉ ጋፓኬ፤ ሽምፔና ዓኣ ዓሳ ናንጋ ዓጮይዳ ዓሶኮ ካራ ባይዛያታዖ ዋዲንቴ ፖኦሊሶኮ ዱኡፓኣ ኮይሎ ማንጊ ዓኣኔ።

24 «ዬኖ ቤዘይዳ ሚርጌ ዔላኣሜ ዓጪ ዳሬ ዱኡፒ ዓኣኔ፤ ዬያታ ሽምፔና ዓኣ ዓሳ ናንጋ ዓጮኮ ካራ ባይዛያኬ፥ ያኣሲ ጉሙርቁዋዖዋ ያሎይዳ ሃይቄዘንሢሢ፤ ዔያታ ፔኤኮ ቦርሲንቶ ዓፒላጉዲ ማኣዒ ሳዖ ዳሞ ኬዳ ዓሶና ዋላ ኬዳኔ።»

25 ዔላኣሜ ዓጮ ያሎ ዓሶንታ ዒዞኮ ሚርጌ ዳሮናም ጨንቾ ዓፓሮና ዋደና ዓሶ ባኣካ ቤሲ ጊኢጊንቴኔ፤ ፖኦሊሶ ዱኡፓኣ ዓጮ ማንጊ ዓኣኔ፤ ዔያታ ያኣሲ ጉሙርቁዋዖ ያሎና ሃይቄዘንሢሢ፤ ዔያታ ሽምፔና ናንጋ ዓሶ ዓጮኮ ካራ ባይዛያታዖ ያሎና ሃይቄያኬ፤ ሃሢ ጋዓንቴ ዔያቶኮ ቦርሲንቶ ዓፒላጉዲ ማኣዒ ሳዖ ዳሞ ጌላ ዓሶና ዋላ ኬዳኔ።»

26 «ሚሽኬና ቱባሌ ዓጮናኮ ፖኦሊሶ ዱኡፓ ዒኢካ ዓኣኔ፤ ዔያታ ዋዲንቴሢ ያልዚናኬ፤ ዔያታ ቢያሢ ያኣሲ ጉሙርቁዋያኬ፤ ዔያታ ሃያኮ ቤርታ ሽምፔና ዓኣ ዓሳ ናንጋ ዓጮኮ ካራ ባይዛዘንሢሢ።»

27 የሎና ዔርቴ ዓሳ ዱኡታ ዋደና ፔኤኮ የሎ ዓንጋሞና ዋላ ዱኡታኔ፤ ዩይያ፡- ዔያቶኮ ገቲማ ዳዳፓ ሺኢኪባኣንቴ፤ ጨንቾ ዓፓራኣ ኬሬ ማሂ ገሂንጎታ፤ ዩያታ ሸምፔና ዓኣ ዓሳ ናንጋ ዓጮኮ ካሮ ባይዘዘንሂጋ ዓንቴ ዩያቶጉዲ ቦንቸንጎታ ጎይሂና ዱኡቲባኣሴ።

28 «ኔ፣ ሃይ ገብፄ ካኣቲዮ! ኔኤኒ ሜቂ የሎና ሃይቄ ዓሶንጎታ የኦሲያኣ ጉሙርቁዋ ዓሶና ዋላ ሃይቃንዳኔ።

29 «ዔደኣሜ ዓጮ ካኣቶንጎታ ሱኡጎኮዋ ዱኡፓ ዒኢካኬ፤ ፔቴ ዋደና ዔያታ ዋልቃዲ ዔርቴያ ማዔኔ፤ ሃሂ ጋዓንቴ የሎና ዋዲንቴ፤ የኦሲ ጉሙርቁዋዘንሂና ዋላ ሃይቄ ዓሶ ዓጮ ዔያታ ኬዴ።

30 «ኬደ ባንፆ ሱኡጎንጎታ ሲደና ዓጮ ዓሳኣ ዒኢካ ዓኣኔ፤ ዔያታ ፔኤኮ ቢታንቶ ጉሙርቁ ዓሲ ዲቃሂ ሸሬቴያ ዋዲንቴዘንሂና ዋላ ዳውሲንቲና ለካ ሃይቄ ዓሶ ዓጮ ኬዴ፤ ጨንቾ ዓፓሮና ዋዲንቴ፤ ቦርሲንቶ ዓፒላጉዲ ማኣዒ ሳፆ ዴሞ ኬዴ ዓሶና ዋላ የኦሲ ጉሙርቁባኣታፆ ዔያታ ሃይቄ።

31 «ጨንቾ ዓፓሮና ዋዲንቴ ገብፄ ካኣቲንጎታ ዒዘኮ የሎ ዓሳኣ ዩያቶ ዛጋ ዋደና ሃይቄ ዓሶ ዓጮ ኬዴ፤ ገብፄ ዓጮ ዴራ ሚርጌታሂሮ ካኣቲ ደዲሞ ዴንቃንዳኔ፤ ጋዓኔ፣ ዴኤፖ ናንገና ናንጋ ጎዳሂ።

32 «ዩይ ካኣቲያኣ ዓጮይዳ ሸምፔና ናንጋ ዓሶ ዒጊቺ ካራ ባይዘያታሂሮ ጨንቾ ዓፓሮና ዋዲንቴ የኦሲ ጉሙርቁዋዘንሂ ባኣካ ሚርጌ ማዔ ዴሮና ዋላ ዒዚያ ሃውሻንዳኔ፤» ዴኤፖ ናንገና ናንጋ ጎዳሂ ሃያ ኬኤዜ።

33

ፔ ዴሮ ካፓያ ማሂ የኦሲ ሂዘቁኤሌ ዶኦሬሂ (ሂዘ. 3:16-21)

1 ናንገና ናንጋ ጎዳ ታኣም ሂዘ ጌይ ኬኤዜ።

2 «ዓሲ ናዓሂዮ! ኔኤኮ ዴሮም ሂዘ ጌይ ኬኤዜ፤ ሩፔቴ ዓጪዳ የልዚ ኬሰካንዳጉዲ ታኣኒ ማሄም ዬኖ ዓጮ ዴራ ፔ ባኣካፓ ዔያቶ ካፓንዳ ዓሲ ዶኦሬ ኬሴቴ።

3 ዩይ ካፓሂ ሞርካ ሙካኣና ዴንቃፆ ዓሳ ፔና ዔሪ ዴዓንዳጉዲ ላቲሂ ዛዩ ዓሶም ቢያ ሞርቄንቴ።

4 ዩያ ላቲዮ ዑኡዘ ዋይዚ ዒና ዔኪባኣፆ ሞርካ ዒዛይዳ የልዚ ቡሌም ዒዚ ሃይቄያ ማዔቴ ዳቢንጎ ዩያ ዓሂሮኬ፤

5 ዩያ ዛዮ ዑኡዘ ዋይዚ ፔና ካፒባኣሂሮ ዒዘኮ ሱጉፆ ዒዛ ቶኣካ ማዓንዳኔ፤ ዋንዴ ፔና ካፔያታቴ ፔና ዒ ዓውሴያ ናንዳፆኬ።

6 ጋዓንቴ ዬይ ካፓሢ ሞርካ ሙካሢ ዛጋያ ዓሰም ላቲያ ዔርዛ ዛዮ ዑኡዛ ሞርቁዎያ ዓቲም ሞርካ ሙኪ ዬያ ዓሰ ባኣካፓ ፔቲ ዎዴያ ማዔያታቲ ዬይ ሃይቄሢ ፔ ጎሞናኬ፤ ታኣኒ ጋዓንቴ ዬያ ዓሢኮ ሱጉያ ዛሎ ያኡጨንታንዳጉዲ ማሃንዳሢ ካፒያ ካፓ ዓሢኬ።

7 «ዓሲ ናዓሢዮ! ሃሢ ታኣኒ ኔና ዒሰራዔኤሌ ዴር ካፓያ ማሄኔ፤ ታኣኒ ኔኤም ኬኤዛ ላቲያ ቢያ ዔያቶም ኔ ኬኤዛንዳያ ኮይሳኔ፤

8 ጎሜ ማዳ ዓሢም ኔኤኒ ጎሞሶ! ጎኔና ኔ ሃይቃንዳኔ፤ ታኣኒ ጋዓ ዎዶና ኔኤኒ ዒዚ ፔኤኮ ፑርቶ ማዳፓ ማዓንዳጉዲ ላቲ ኬኤዛባኣቲ፣ ዬይ ዓሢ ጎሜ ዓሲ ማዔ ጎይያና ፔኤኮ ጎሞና ሃይቃንዳኔ፤ ዓካሪ ዒዛ ዓሢ ሃይቦር ታኣኒ ኔና ያኡጨንዳኔ።

9 ኔኤኒ ዬያ ጎሞ ማዳ ዓሢም ፔኤኮ ፑርቶ ማዳፓ ማዓንዳጉዲ ላቲ ኬኤዛሰካፓ ዒዚ ፔኤኮ ፑርቶ ማዳፓ ማዕዎያ ፔ ጎሞና ዶዲ ሃይቄያ ማዔቲ ኔኤኒ ዒዛ ዛሎ ያኡጨንታፓ ኔና ዓይሳንዳኔ።

ዓሲ ሼምፔና ናንጋኒ ማዳኒ ኮይሳ ባኣዚ

10 «ዓሲ ናዓሢዮ! ዒሰራዔኤሌ ዓሰም ሂዚ ጌዔ፤ ዒንሢ ኦኡኮ ዳቢንቶና ጎሞና ኦና ዴኤዳኔ፤ ዬያ ዛሎና ኦ ያኡጉ ያኡፒኬ፤ ዓካሪ ዎዲ ኦ ናንጋኒ ዳንዳዓይ?። ጌዔ።

11 ታኣኒ ዴኤፖ ናንገና ናንጋ ጎዳሢ ታ ሱንያና ጨኣቃ፤ ጎሜ ማዳ ዓሲ ጎሞ ማዳያ ሃሺ ሼምፔና ናንጋንዳጉዲ ማዓንዳኣፓዓቲም ፔ ጎሞና ሃይቃንዳጉዲ ታ ኮዑዎሴ፤ ዬያር ዒሰራዔኤሌ ዓሲዮቴ! ዒንሢኮ ፑርቶ ማዳ ሃሹዎቲ፤ ሃይቢ ዒንሢ ዓይጋ ኮዓይ? ጌይ ዔያቶም ኬኤዜ።

12 «ሃሢያ ዓሲ ናዓሢዮ! ኔ ዓሰ ዒሰራዔኤሌም ሂዚ ጌዔ፤ ዒሎ ዓሲታያ ጎሜ ማዳሢ ዓርቄያታቲ፣ ቤርታ ዒዚ ማዳ ኮኸ ማዳ ዒዛ ዓውሳኒ ዳንዳዑዎሴ፤ ጊንሣ ሃሣ ፑርታ ማዳ ማዳ ዓሲታያ ፑርቶ ማዳያ ሃሼያታቲ ቤርታ ዒዚ ማዳ ፑርቶ ማዳ ዒዛም ዲቆ ማዕዎሴ፤ ዒሎ ዓሲ ጎሜ ማዳሢ ዓርቄያታቲ ዒዛኮ ቤርታኣ ዒሎማ ሃይቢፓ ዒዛ ዓውሳኒ ዳንዳዑዎሴ።

13 ታኣኒ ዒሎ ዓሢም ሳኔና ኔኤኒ ሼምፔና ናንጋንዳኔ፤ ጌዔያ ማዔቲ ዒዚ ዬያ ዒሎም ጉሙርቄ ፑርታ ባኣዚ ማዴያታቲ ዒዛኮ ዒሎም ማዳፓ ፔቲ ባኣዚታዎ ዔኤቢኬ ጌይ ዔኪ ታ ዒዛ ዓውሳዓኬ፤ ዒዚ ፔ ጎሞ ዛሎና ሃይቃንዳኔ።

14 ዬያጉዲ ሃሣ ፑርታ ማዳ ዓሲ ሳኔ ኔኤኒ ሃይቃንዳኔ፤ ታ ጌዔም ዒዚ ፔኤኮ ጎማፓ ማዒ ጌኤሽኪ ፒዜ ማዔ ባኣዚ ማዳቲ፣

15 ጌይያ፡- ሜሌ ዓሲም ዔኤቢ ታላዔያር ዓይሢ ማሃ ዔኬ ባኮ ማሄቶ፣ ዉኡቄ ባኮዎ ማሃ ዒንጌቶ፣ ጎሜ ማዳሢ ሃሺ ሼምፖ ዒንጋ ዎጎ ካፒ ኩንሣቲ ጎኔ ዒዚ ሼምፔና ናንጋንዳኔ ሃይቃዓኬ፤

16 ዲዚ ማዳ ጎሞ ቢያ ዓቶም ታኣኒ ጋዓንዳኔ፤ ጎኑሞና ፒዜ ማዔ ባኣዚ ማዳህረ ጎኔና ሹምፖና ዲ ናንጋንዳኔ።

17 «ኔኤኮ ዳራ ጋዓንቴ ታኣኒ ማዳ ባካ ፒዜቱሞሴ ጋዓኔ፤ ጎኑሞ ጌሰቶቴ ፒዜ ማዔባኣህ ዔያቶ ማዳኬ።

18 ዲሎ ዓሲ ፔኤኮ ዲሎሞ ማዳ ሃሺ ፑርታ ማዳ ዓርቄያታቴ፣ ዬያ ፑርቶ ማዳ ዛሎና ዲ ሃይቃንዳኔ።

19 ፑርታ ማዳ ዓሲ ጎሜ ማዲያ ሃሺጋፓ ጎኔና ፒዜ ማዔ ባኣዚ ማዳያ ማዔቴ ዲዚ ሹምፔና ናንጋንዳኔ።

20 ጋዓንቴ ዲንህ ዲሰራዔኤሌ ዓሳ ናንገና ናንጋ ጎዳኮ ጎይያ ፒዜቱሞሴ» ጋዓኔ፤ ዲንህ ፔቴ ፔቴህ ዲንህኮ ሃንቲያ ጎይያ ታኣኒ ሞጋንዳኔ።»

ዩሩሳሌም ከዲያ ሃይሴ

21 ኦኤኒ ዲዲንቴንቴ ታጳ ላምዓሳ ሌዖኮ ታጳሳ ዓገና ጻኤሬ ደንጋሳ ከሎና ዩሩሳሌም ደዳፓ ቶሊ ሙኬ ፔቴ ዓሲሰኬይ ካታሚሎ ሞርካ ዓርቄህ ታኣም ከኤዜኔ።

22 ዩይ ቶሌ ዓህ ታ ኮራ ሙካንዳህኮ ሂኖ ሞንቴሎ ናንገና ናንጋ ጎዳኮ ሞልቃ ታጊዳ ሙኪ ጌሌኔ፤ ዚር ጉቴሎ ዓህ ታ ኮይላ ሙካንዳህኮ ቤርታ ናንገና ናንጋ ጎዳ ታኣኮ ዳንጎ ቡሌኔ፤ ዩያር ዩማፓ ዓርቃያ ጌሰቲህ ታና ባሺባኣሴ።

ዲሰራዔኤሌ ዳርኮ ዳቢንቶ

23 ናንገና ናንጋ ጎዳ ታኣም ሂዚ ጌይ ከኤዜኔ፡-

24 «ዓሲ ናዓህዮ! ዲሰራዔኤሌ ዓጮኮ ደዔ ደዔ ካታሞይዳ ናንጋ ዳራ ሂዚ ጋዓኔ፤ ሩብራሃሜ ፔቴ ፔኤር ሌሊ ማዔ ዓሲታንቴ ዓጮላ ጉቤና ዲዛም ዲንገንቴኔ፤ ጋዓንቴ ሃህ ኦኤኒ ሚርጌኬ፤ ዓጮላኣ ኦም ጎኔ ኦ ዳኔ ማዔ ዲንገንቴኔ።»

25 «ታኣኒ ዳኤፖ ናንገና ናንጋ ጎዳ ዔያቶ ዛሎ ጋዓ ባኮ ሂዚ ጌይ ዔያቶም ከኤዜ፤ ሩሸኮ ዲንህ ሱጉያና ሞላ ሙዓኔ፤ ሜሌ ያኣዘሞ ዲንህ ካኣሸካኔ፤ ዓሲያ ዲንህ ሞዳኔ፤ ዩያ ቢያ ዲንህ ማዳያታያ ሞይቲ ዓጮላ ኦ ዳኔኬ ጋዓይ?»

26 ዲንህ ዲንህኮ ጩንቾ ዓፓር ጉሙርቃኔ፤ ሻሻኣካ ባኣዚ ዲንህ ማዳኔ፤ ፔቴ ፔቴ ዓሳ ሜሌ ዓሰኮ ላኣሎና ላሃኔ፤ ሂዳያ ዲንህ ዓጮላ ኦ ዓጪኬ ሞይቲ ጋዓይ?»

27 «ዓካሪ ታኣኒ ዳኤፖ ናንገና ናንጋ ጎዳህ ታ ሱንያና ጫኣቃኔ! ሩዔ ካታሞይዳ ናንጋ ዳራ ቢያ ጎኔና ሞዲንታንዳኔ» ጌዒ ታኣኒ ዔያቶም ላቲያ ማዔህ ፔጋሲ ከኤዜ፤ ካታማቱሞ ጉርደደዳ ናንጋ

33:21 2ካኣቶ. ማ 25:3-10፤ ዔር. 39:2-8፤ 52:4-14።

ዓሶ ካይዚ ቦያ ሾኑሊ ሾኑሊ ሙዓንዳኔ፤ ዋርዲዮና ዴና ዔቶናይዳ ዓኣ ዓሶ ዲማ ዲማ ደርዓ ኩርሳንዳኔ።

28 ዓጩሎ ታኣኒ ዓሲ ናንጉዋ ጉሪ ቤሲ ማሃንዳኔ፤ ዒዘኮ ሄርሺንቶ ዋልቃ ጋፓንዳኔ፤ ዒሰራዔኤሌ ዓጩኮ ዲካ ዒኢና ያኑኒያኣ ዴንዲዋያ ዓጩ ማዓንዳኔ።

29 ዔያታ ማዳ ሻኣ ካ ማዳ ዛሎና ዓጩሎ ታኣኒ ዓሲ ናንጉዋ ጉሪ ቤሲ ማሄ ዋዶና ታኣኒ ናንገና ናንጋ ጎዳ ማዔህ ዔያታ ዔራንዳኔ።»

ያኦሲ ማሊያ ኬኤዛ ዓሂኮ ኪኢታ ማዳ ባኮ

30 ናንገና ናንጋ ጎዳ ሂዘ ጋዓኔ፡- «ዓሲ ናዓሂዮ! ዴራ ካታ ሜሎኮ ኬኤሎ ዲያ ካሮና ፔ ማኣሮ ካሮናይዳ ጌሰታሂ ኔ ዛላ ባኣዚኬ፤ ዔያታ ዋሊ ኮይላ፣ ናንገና ናንጋ ጎዳፓ ዋዚ ጋዓ ቃኣላ ሙኬቴያ ኬኤዚንታኣና ኑ ዋይዘም» ጋዓኔ።

31 ዩያሮ ሜሌ ዴራ ማዳ ጎይያ ታ ዴራኣ ኔኤኒ ዓይጎ ኬኤዛቴያኣ ዋይዛኒ ሌሊ ቡካኔ፤ ኔኤኒ ዔያቶም ኬኤዛሂ ቢያ ጋዓንቴ ዔያታ ማዳ ኩንሡዋሴ፤ ዔያታ ኔኤኒ ዔያቶም ኬኤዛ ቃኣሎ ናሽካያ ማሊ ጴዳኔ፤ ጋዓንቴ ማልቴ ዔኤቢ ዔኪሂፓ ጊንሂም ጎዑዋሴ።

32 ኔኤኒ ዔያቶም ኮሺ ዑኡሲና ኮሂ ኮርጋ ዓሲ፣ ዓይኑም ዓንጋም ሚዛጲሲ ዓማላ ዓሲጉዲኬ፤ ኔኤኒ ጋዓ ባኮ ዔያታ ዋዋይዛፓዓቴም ማዳ ዔያታ ኩንሡዋሴ።

33 ጋዓንቴ ኔኤኒ ኬኤዜ ዑኡዛ ጎኔና ማዳንቴ ኩማንዳኔ፤ ጎኔ ማዒ ማዳንቴ ኩማ ዋዶና ዔያቶኮ ባኣኮይዳ ታ ማሊሂ ኬኤዛይ ዓኣያ ማዒያ ዔያታ ዔራንዳኔ።»

34

ዒሰራዔኤሌ ሄንቃ ዓሶ

1 ናንገና ናንጋ ጎዳ ታኣም ሂዘ ጌዒ ኬኤዜኔ፡-

2 «ዓሲ ናዓሂዮ! ዒሰራዔኤሌ ሄንቃ ዓሶም ታ ማሊሂ ኬኤዜ፤ ታኣኒ ዴኤፖ ናንገና ናንጋ ጎዳሂ ዔያቶ ዛሎ ጋዓ ባኮ ሂዘ ጌይ ኬኤዜ፤ «ቆልሞኮ ቶኦኪ ዛጊ ሄንቁያ ሃሺ ዒንሂና ሄንቃ፣ ዒሰራዔኤሌ ሄንቃ ዓሶ ዒንሂና ባዴዔ!»

3 ቆልሞኮ ዲኢቆ ዒንሂ ዑሽካኔ፤ ዔያቶኮ ጋፓናና ኮሺንቴ ማኣዓሂ ዒንሂ ማይንታኔ፤ ማሌ ማራቶ ሹኪ ዒንሂ ሙዓኔ፤ ጋዓንቴ ማራቶ ዒንሂ ኮሺ ቤሰካ ማሂ ሄንቁዋሴ።

4 ላቤዘንሂ ዒንሂ ደዲሹዋሴ፤ ሃርጌዘንሂ ዒንሂ ማይሂ ዳቂሹዋሴ፤ ሜቄሂ ዒንሂ ኮኦሉዋሴ፤ ዣኣሊ ዴንዳሂ ዒንሂ

ማሁቀሰ፤ ባይቁህህ ሲንህህ ኮዑቀሰ፤ ይያይደንደህህ ሃሺ ጌኔ ማደና ሄርቁ ሲንህህ ዋይህኔ።

5 ማራቶኮ ሄንቃ ዓሲ ባአህረ ፔቴ ፔቴ ዣአሌኔ፤ ይያይዱ ዣአሌህረ ካዮ ቦዓ ሸኦሊ ሸኦሊ ሙዔኔ።

6 ይያሮ ታኦኮ ማራታ ደጌ ጌሜሮና ዲኮናይዳ ካራ ባይዚ ዠጌሜጌ፤ ዓጮ ቢያኦ ዜሪንቲ ዴንዴኔ፤ ዔያቶ ሄንቃያና ኮሲ ዔካ ዓሲያኦ ባኦሴ።

7 «ዓካሪ ሲንህህ ቆልሞ ሄንቃ ዓሳ! ታኦኒ ናንጊና ናንጋ ጎዳ ሲንህህም ጋዓህ ዋይዙቀቴ፤

8 ታኦኒ ዴኤፖ ናንጊና ናንጋ ጎዳህ ታ ሱንያና ጫኦቃ፤ ታኦኮ ቆልሞ ሄንቃ ዓሳ ታ ማራቶ ሄንቁያ ሃሺ ፔና ሙኡዛህረና ባይቁ ቆልሞቀ ኮዓ ዓሲንታ ሄንቃ ዓሲ ባአህረ ቦያኮ ዓሸኪ ማሲ ዓቴ።

9 ይያሮ ሲንህህ ቆልሞ ሄንቃ ዓሳ ዋይዙቀቴ።

10 ታኦኒ ዴኤፖ ናንጊና ናንጋ ጎዳ ታኦኮ ማራቶ ሄንቃ ዓሳ ዔዲ ማካንዳ፤ ታኦኒ ታኦኮ ማራቶ ሄንቃ ዓሳይዳ፤ ዔኪ ሄንያ ዔያቶ ላኦጋንዳ፤ ሃይካፓ ሴካ ዬና ሄንቃ ዓሳ ፔና ሙኡዚ ሙኡዚ ሸራዓኬ፤ ዔያቶኮቀ ታ ማራታ ሙኡዚ ማዑቀጉዲ ዳንጋፓ ታ ዔያቶኮ ቶሊሳንዳ።

ኮዥ ሄንቃህ

11 «ዴኤፖ ናንጊና ናንጋ ጎዳህ ሂዚ ጋዓ።- ታኦኒ ታኦሮ ታ ማራቶ ኮዓንዳ፤ ኮሺ ዛጊ ታኦኒ ሄንቃንዳ፤

12 ማራይ ሄንቃ ዓሲ ሜሌ ማራይ ባኦካ ዣአሊ ዓኦ ማራይ ኮዓህጉዲ፤ ታኦኒያ ታ ማራቶ ኮዓንዳ፤ ሳዓ ሻኦሬ ማዔም ሃህ ዲሜያ ማዔ ኬሎና ዣአሊ ባይቁ ቤዛፓ ዴንቁ ታ ዔያቶ ዓውሳንዳ።

13 ሜሌ ዴሮና ዲማ ዲማ ዓጮና፤ ቡኩሲ ኬሲ ዔኪ ፔ ዓጮ ታ ዔያቶ ባዓንዳ፤ ዔያታ ናንጋ ቤዘና ዋኦያ ምታ ቤዘና ሲሰራዔኤሌኮ ዲኮናይዳ ማህ ታ ዔያቶ ሙኡዛንዳ።

14 ኮሺ ቤሰካ ማህ ታ ዔያቶ ሄንቃንዳ፤ ዔያቶኮ ሄንቆ ቤዛኦ ሲሰራዔኤሌ ሳጮኮ ዲኮይዳ ደጌ ጌሜራ ማዓንዳ፤ ሲሰራዔኤሌ ሳጮኮ ዲኮይዳ ሄንቁ ኮሺ ቤሰካ ዔያታ ቃኦታንዳ።

15 ታኦኒ ታ ማራቶ ታኦሮ ሄንቃንዳ፤ ዔያቶ ታኦኒ ቃኦቲሳንዳ፤ ታኦኒ ዴኤፖ ናንጊና ናንጋ ጎዳ ይያ ጌዔ።

16 «ባይቁዘንህ ታ ኮዓንዳ፤ ዣአሌህያኦ ታኦኒ ኮሲ ዔካንዳ፤ ማቁህ ታ ኮኦላንዳ፤ ላቤዘንህ ታኦኒ ደዲሻንዳ፤ ታኦኒ ፒዜ

34:5 ገይ. ማፃ 27:17፤ 1ካኦቶ. ማ 22:17፤ ማቲ. 9:36፤ ማር. 6:34።

ሄንቃያ ማዕረግ ጌኔ ጎይሢና ሙይ ማሌዘንሢንታ ደዶ ማዕ ጫርዮ ታ ባይዘንዳኔ።

17 «ዴኔፖ ናንጊና ናንጋ ጎዳ ሂዚ ጋዓኔ፡- <ዲንሢ ታኣኮ ቆልሞ ማዕረግ ኮዮና ፑርቶ ማራቶና ባኣካ፡ ጊንሢ ሃሃ ዓዶ ማራቶና ኮላቶና ባኣካ ታኣኒ ዋጋንዳኔ።

18 ዲንሢ ኮዮ ቤዘ ማሂንቲ ሄንቃሢ ዲንሢሞ ዳኪያ? ዓቲ ቤዘ ዲንሢ ቶኮና ሄርቁ ፑርቲሃሢ? ጊኢዘ ዋኣያ ዑሽኬሰካፓ ዓቲ ዋኣያ ዲኡላሳንዳያ ዲንሢሞ ኮይሳ?

19 ዲንሢ ዬያይዳሢ ታኣኮ ዓቲ ማራታ ዲንሢ ሄርቁ ማኣቶ ሙዓኒና ዲንሢ ዲኡላሴ ዋኣያ ካራ ባይቁ ዑሽካኒ ዳንዳዔኔ።»

20 «ዬያር ታኣኒ ዴኔፖ ናንጊና ናንጋ ጎዳ ዲጮንታ ላቤ ማራቶንታ ባኣካ ዋጋንዳኔ።

21 ዲንሢ ዲንሢኮ ጎኦባና ጌኤቶና ሂዒ ሂዒ፡ ላቤ ቆልሞ ዲንሢኮ ጉራኖና ዲይ ዲይ ሃኪሲ ዳውሲ ዳካኔ።

22 ጋዓንቲ ታኣኒ ታ ማራቶ ዓውሳንዳኔ፤ ሃካፓ ሴካ ያኣኒያኣ ቡራ ዔያቶ ዔካንዳጉዲ ታኣኒ ኮዑዋሴ፤ ኮዮና ፑርቶ ማራቶና ባኣካ ታኣኒ ዋጋንዳኔ።

23 ዔያቶም ታኣኒ ፔቲ ሄንቃያ፡ ታ ዓይላሢ ዳውቲ ጉይያ ዒዛ ዜርፃፓ ታኣኒ ዔቁሳንዳኔ፤ ዒዚ ዔያቶ ዛጊ ሄንቃንዳኔ፡ ሃሃ ካፓንዳኔ።

24 ታኣኒ ናንጊና ናንጋ ጎዳ ዔያቶኮ ያኣዛሢ ማዓንዳኔ፤ ታ ዓይላሢ ዳውቲጉይ ሄንቃሢ ዔያቶ ዋይሃያ ማዓንዳኔ፤ ዬያ ጌዔሢ ታና ናንጊና ናንጋ ጎዳኬ።

25 ኮሹሞ ጫኣቁሞ ታኣኒ ዔያቶና ዋላ ጫኣቃንዳኔ፤ ፑርታ ማዕ ካዮ ቦያ ታኣኒ ዔያቶ ዓጫፓ ባይዘንዳኔ፤ ዬያር ታኣኮ ማራታ ፔኤኮ ሄንቃ ቦኦሎይዳ ኮሺ ሄንቁ ሄንቁ ናንጋኒና ዒኢካ ካዮ ባኣካኣ ዋርቃኒ ዳንዳዔኔ።

26 «ዔያቶንታ ታኣኮ ዲኮ ኮይሎይዳ ዓኣ ቤዘ ታኣኒ ዓንጃንዳኔ፤ ዒርዋ ዋዶና ታኣኒ ዋርቁሳንዳኔ፤ ዬይ ዒራ ዓንጃ ዒርዚ ማዓንዳኔ።

27 ዲማ ዲማ ዓኣፓ ሚፃኣ ዓኣፓንዳኔ፤ ጎዣኣ ጊዳ ሃኣኮ ካፃሳንዳኔ፤ ፔቲ ፔቲሢ ፔ ዓጫይዳ ኮሹሞና ናንጋንዳኔ፤ ታኣኮ ዴርኮ ቃንባር ታኣኒ ሜንሢ፤ ዔያቶ ዓይሌ ማሂ ዋይሃ ዓሶ ኮጫፓ ኬሳንዳኔ፤ ታኣኒ ናንጊና ናንጋ ጎዳ ማዕረግ ዬያና ዔያታ ዔራንዳኔ።

28 ዬካፓ ሴካ ሜሌ ዴራ ዔያቶ ቡራዓኬ፤ ካዮ ቦዓኣ ዔያቶ ሾኦሊ ሙዓዓኬ፤ ዒጊቻ ባኣዚ ባኣያ ኮሺ ዔያታ ናንጋንዳኔ፤

29 ሃኣኮ ሚርጌና ካፃ ጎሺ ታ ዔያቶም ጊኢጊሻንዳኔ፤ ላሚ ዔያታ ናይዚና ካኣማዓኬ፤ ሜሌ ዴርማኣ ሚኢቹ ማዓዓኬ።

30 ታኣኒ ናንጊና ናንጋ ጎዳ ዔያቶኮ ጸኦዛሢ ዔያቶና ዋላታሢንታ ዒሰራዔኤሌ ዓሳኣ ታ ዴሪ ማዔሢ ዔያታ ዔራንዳኔ፤ ታኣኒ ዴኤፖ ናንጊና ናንጋ ጎዳ ዩያ ጌዔኔ።

31 «ታኣኒ ሄንቃ ማራቶ ጌይንቴ ዓሳ ዒንሢ ዒሰራዔኤሌ ዴርኬ፤ ታኣኒ ዒንሢኮ ጸኦዛሢኬ፤ ዩያ ጌዔሢ ታና ዴኤፖ ናንጊና ናንጋ ጎዳኬ።»

35

ዔዶኦሜ ዓጮም ኬኤዚንቴ ጸኦሲ ማላሢ

1 ናንጊና ናንጋ ጎዳ ሂዚ ጌዒ ታኣም ኬኤዜኔ፡-

2 «ዓሲ ናዓሢዮ! ኔኤኮ ዓኣፖ ካሮ ዔዶኦሜ ዴኮ ባንሢ ሸርሸጋፓ ዴሮም ታ ማላሢ ኬኤዜ፤

3 ታኣኒ ዴኤፖ ናንጊና ናንጋ ጎዳ ጋዓ ባኮ ቢያ ሂዚ ጌዒ ዔያቶም ኬኤዜ፡-

«ዔዞ ዔዶኦሜ ዓጪ ዴሪዮቴ!

ታኣኒ ዒንሢ ዒዲ ማካኔ፤

ሳፆ ታ ዒንሢኮ ጉሪ ባዔ ቤሲ ማሃኒ

ታ ዒንሢም ፑርቴ ዔቄኔ።

4 ታኣኒ ዒንሢኮ ካታም ሻሂ ባይዛንዳኔ፤

ዓጮ ታ ዒንሢኮ ካይሲ ማሃንዳኔ፤

ዬካፓ ታኣኒ ናንጊና ናንጋ ጎዳ ማዔሢ

ዒንሢ ዔራንዳኔ።»

5 « <ዔያቶኮ ጎም ዛሎ ጋፒንሢ ዓጊንቴ ፑርቶ ባኮና ዔያታ ማታዳኣና ዒንሢኮ ማርጌ ዋዴፓ ዓርቂ ዓኣ ኮሞሮ ጌዒ ዒሰራዔኤሌ ዴሮ ጩንቻ ዓፓሮም ዓኣሢ ዒንሢ ዒንጌኔ።

6 ዩያሮ ታኣኒ ዴኤፖ ናንጊና ናንጋ ጎዳ ታ ሱንፆና ጫኣቃኔ! ሃይቢም ታኣኒ ዒንሢ ጊኢጊሻንዳኔ፤ ዒንሢ ዋዳ ዓሲ ዳውሳንዳኔ፤ ዓሲኮ ሱጉሢ ላኣላሢ ዒንሢ ዒዲባኣሢሮ ዋዳ ዓሲ ዒንሢ ዳውሳንዳኔ።

7 ታኣኒ ዔዶኦሜኮ ጊሜራዳ ዓጮ ጉሪ ባዔ ቤሲ ማሃንዳኔ፤ ዒኢና ዓይጎ ዓሲያኣ ዓኣዳሞጉዲ ታኣኒ ማዳንዳኔ፤

8 ዴኮ ቢያ ታኣኒ ዋዳንቴ ዓሲ ሌሲና ኩንሣንዳኔ፤ ጾሎና ዋዳንቴ ሌዛ ዒንሢኮ ጌሜሮንታ ዶኦጮንታኮ ቢያ ቤሲ ባይዛንዳኔ፤

9 ናንጊና ዓጮ ዒንሢኮ ጉሪ ቤሲ ማሃ ታ ሃሻንዳኔ፤ ለሚ ዒንሢኮ ካታምይዳ ናንጋ ዓሲ ጴዳዓኬ፤ ታኣኒ ናንጊና ናንጋ ጎዳ ማዔሢ ዩኖ ዋዶና ዒንሢ ዔራንዳኔ።»

10 « ታኣኒ ናንገና ናንጋ ጎዳ ዒኢካ ዓኣያ ማዔታቲያ ላምዖ ዴር ጌይዖ ዪሁዳና ዒሰራዔኤሌና፣ ዬያጉዲ ዔያቶኮ ዓጮዋ ዒንሢሮ ማሂ ዒንሢ ዔካኒ ማሌኔ።

11 ዬያሮ ታኣኒ ዴኤፖ ናንገና ናንጋ ጎዳ ታ ሱንጾና ጫኣቃኔ! ታኣኮ ዴር ዒንሢኮ ዒፃፓ ዔቁያና ዔያቶይዳ ዒንሢ ዳዎ ዳጎና ፑርቶ ማዶ ቢያኮ ኮይሳ ማቶ ታኣኒ ዒንሢም ዒጋንዳኔ፤ ታኣኒ ዒንሢ ሻርሻ ዎዶና ዒንሢ ሻርሻሢ ታና ናንገና ናንጋ ጎዳታሢ ዒሰራዔኤሌ ዓሶ ታ ዔርዘንዳኔ።

12 ዔያቶ ጉሪ ሃሺንቴ ባዔ ማሆናሢሮ ኑ ኩጮ ጋሮ ዔያቶ ጌልዘናኔ፣ ጌዒ ዒሰራዔኤሌ ዲኮ ቶኦቹ ዒንሢ ጌሰቴ ጌኤዘ ታኣኒ ናንገና ናንጋ ጎዳ ዋይዜያ ማዔሢ ሃጊ ዒንሢ ዔራንዳኔ።

13 ታ ዑፃ ዒንሢ ጫርቁ ጌሰቴ ባኮንታ ዑሣ ዓኣሢ ዒንሢ ቦሂ ጌሰቴ ባኮ ታኣኒ ዋይዜኔ።»

14 ዬያሮ ታኣኒ ዴኤፖ ናንገና ናንጋ ጎዳ ሂዚ ጋዓኔ፡- «ዓጪ ማዔ ካራና ቢያ ዎዘዳኣና ዒንሢ ዓጮ ጋዓንቴ ታኣኒ ጉሪ ባዔ ማሃንዳኔ።

15 ዒሰራዔኤሌ ዓጪ ጉሪ ባዔ ማዓዛ ዒንሢ ዎዘዳሢጉዲ ታኣኒ ሴዒራ ዲኮንታ ዔዶኦማ ዓጮዋ ቢያ ጉሪ ባዔ ሴሲ ማሃንዳኔ፤ ዬካፓ ቢያሢ ታኣኒ ናንገና ናንጋ ጎዳታሢ ዔራንዳኔ።»

36

ጾኦሲ ዒሰራዔኤሌ ዓንጃንዳያ ማዒያ

1 ናንገና ናንጋ ጎዳ ሂዚ ጌዔኔ፡- «ዓሲ ናዓሢዮ! ዒሰራዔኤሌ ዲኮም ጾኦሲ ማለሢ ኬኤዜ፤ ታኣኒ ናንገና ናንጋ ጎዳ ዒዛም ጋዓ ባኮ ዋይዘንዳጉዲ ኬኤዜ፤

2 ዴኤፖ ናንገና ናንጋ ጎዳ ሂዚ ጋዓኔ፡- ዒሰራዔኤሌኮ ሞርካ ሃይሾ፣ ዬይ ሚናኣ ዲካ ኦኡም ማዔኔ፣ ጌዒ ሄርሺንቴ ዓርቁኔ።

3 «ዬያሮ ዴኤፖ ናንገና ናንጋ ጎዳ ሂዚ ጌዒ ዒሰራዔኤሌ ዴርም ዒዛ ማሊያ ኬኤዘንዳጉዲ ታና ዓይሢኔ፡- ዒንሢኮ ፃንጎ ዓጮ ዴራ ቢያ ባንጾና ዒንሢ ማንጊ ያሊያና ካራ ባይዚ ዒንሢ ዓጮ ፔ ዓጪ ማሄኔ፤ ዒንሢያኣ ዓሲኮ ሚኢቹና ዓማሊ ባኣዚ ማዔኔ።

4 ዬያሮ ዒንሢ ዒሰራዔኤሌ ዲካ ዴኤፖ ናንገና ናንጋ ጎዳ ኬኤዘ ቃኣሎ ዋይዘተቴ፤ ዲኮንታ ጌማሮንታም፣ ዎታ ዋኣጾና ዛሮናም፣ ጉሪ ባዔ ሴሲ ማዒ ሃሺንቴ ዓጮንታ ኮይላ ዔያቶኮ ዓኣ ዓሶም ቢያ ቡሪ ዔኪሢና ሚኢቹናኮ ካራ ማዔ ካታሞም ዴኤፖ ናንገና ናንጋ ጎዳሢ ሂዚ ጋዓኔ፡-

5 «ታኣኮ ዴኤፒ ማዔ፣ ዒንሢ ናሽካ ዒናፓ ዔቁያና ሚሌ ዴሮና ዔዶኦማ ዓጮናይዳ ቢያ ታ ጋዓ ባኣዚ ዓኣኔ፤ ዔያታ ሚርጌ ዎዘና፣

ሃሣ ዒናፓ ማዕ ቶኦቲሢና ታኣኮ ቆልማ ሄንቃ ቤዞ ዓርቂ ፔ ዴኔ ማሄኔ፤ ጋዓኔ፣ ዴኔፓ ናንጊና ናንጋ ጎዳሢ።

6 «ዒሰራዔኤሌ ዓጮም ታ ማሊሢ ኬኤዜ፤ ዴሮም ሂዚ ጌዔ፡- ዒንሢኮ ዴኮይዳ፣ ጌሚሮይዳ፣ ዋታ ዋኣጎንታ ዛርንታይዳ ማሌ ዴራ ማዴ ዳውሲሳ ማዶሮ ታኣኮ ዴኔፓ ዳጎ ዒናና ታ ጋዓ ባኣዚ ዓኣኔ፤ ጋዓኔ፣ ዴኔፓ ናንጊና ናንጋ ጎዳሢ።

7 ዒንሢኮ ኮሮይዳ ዓኣ ዒንሢኮ ዓሺኖ ማዕ ዓጮ ቢያ ዳውሲንታንዳያ ማዕሢ ታኣኒ ዴኔፓ ናንጊና ናንጋ ጎዳ ጮኣቃኔ።

8 ዒንሢ፣ ታ ዴሮ ዒሰራዔኤሌ ዓሶ ዛሎ ጋዓንቴ ታኣኒ ሂዚ ጋዓኔ፤ ዒሰራዔኤሌ ዴኮይዳ ዓኣ ዴማ ዴማ ሚፃ ቢያ ጊንሣ ዓኣዓንዳኔ፤ ዓኣፒያ ዓኣፓንዳኔ፤ ዒንሢያኣ ዑኬና ዒንሢ ዓጮ ማዓንዳኔ።

9 ታኣኒ ዒንሢና ዋላኬ፤ ታኣኒ ዒንሢ ሚጪንታንዳኔ፤ ሳዓ ዒንሢኮ ጎሽኪንቴ ዜርሢ ዜርቁንታያ ማዓንዳኔ።

10 ዒሰራዔኤሌ ማኣሮ ቢያ ዓይሱዋዖ ዒንሢ ታኣኒ ሚርጊሻንዳኔ፤ ዶዔያ ማዒ ዓቴ ቤዞ ቢያ ጊንሣ ማዢ ካታማይዳ ዒንሢ ናንጋንዳኔ።

11 ዴሮኮ ማዕቴያ ቆልሞኮ ፓይዶ ታኣኒ ሚርጊሻንዳኔ፤ ዒንሢ ሚርጌ ናይ ሾዒ ዲባንዳኔ፤ ዒኢካ ሚና ዒንሢ ናንጌ ጎይዖጉዴያ ናንጋንዳኔ፤ ዋኖ ዋዳፓኣ ባሼ ታ ዒንሢ ዖርጎቻንዳኔ፤ ታኣኒ ናንጊና ናንጋ ጎዳ ማዕሢ ዬያና ዒንሢ ዔራንዳኔ።

12 ታ ዴሬዮ ዒሰራዔኤሌ! ላሚ ጊንሣ ዒንሢኮ ዓጮይዳ ናንጋኒ ዳንዳዓንዳጉዲ ማሂ ታ ዒንሢ ዔኪ ሙካንዳኔ፤ ሳዔላኣ ጊንሣ ዒንሢሮ ማዓንዳኔ፤ ማይ ዒዛ ናይባኣያ ማዓዓኬ።

13 «ታኣኒ ዴኔፓ ናንጊና ናንጋ ጎዳ ሂዚ ጋዓኔ፤ ማሌ ዴራ ሃኖ ሳዔሎ <ዓሲ ሙኤ> ጋዓሢንታ ዒዞኮ ዴሮዋ <ናይ ባኣ ዓሲ> ዔያቶ ዒዛ ማሄኔ ጋዓ ባካ ጎኔኬ።

14 ማይ ሃካፓ ሴካ ጋዓንቴ ሳዔላ <ዓሲ ሙኤ> ማዓዓኬ፤ ናኣቶዎ ዒንሢኮ ዒዛ ሳሪ ዔካዓኬ፤ ታኣኒ ዴኔፓ ናንጊና ናንጋ ጎዳ ዬያ ጌዔኔ።

15 ዓጮላ ማይ ሃካፓ ሴካ ማሌ ዴሮኮ ዓሚሊ ማዓዓኬ፤ ዔያታ ቶኦቲሢና ዒዞ ዛጋዓኬ፤ ዓጮሎዎ ላሚ ናይ ባኣያ ማሃንዳ ባኣዚ ባኣሴ፤ ታኣኒ ናንጊና ናንጋ ጎዳ ዬያ ጌዔኔ።»

ዒሰራዔኤሌ ዓሳ ናንጌ ዓኮ ናንጎ

16 ናንጊና ናንጋ ጎዳ ታኣም ሂዚ ጌዒ ኬኤዜኔ፡-

17 «ዓሲ ናዓሢዮ! ዒሰራዔኤሌ ዴራ ሃኖ ዓጮሎይዳ ናንጋኣና ፓሡዋያ ዔያቶኮ ጉሪ ማዕ ናንጎና ፑርቶ ማዶና ቢያ ሳዔሎ ዔያታ

ዒኢሴኔ፤ ታኣም ዔያቶኮ ናንጋ ላኣሊኮ ዑሢ ፑርቲ ኬሊዳ ቁፆ ማዒ ዴዓ ጎይጾጉዲኬ።

18 ዓጩሎይዳ ዔያታ ዓሶ ዎጂ ዎጂጾና ማሌ ጾኦዞ ካኣሽኪጾና ሳጾ ዔያታ ዒኢሴሢር ታኣኮ ጄኤፖ ዳጎ ዔያቶይዳ ታ ኬይሴኔ።

19 ዔያቶኮ ናንጎንታ ማድንታ ቢያ ፑርታ ማዔሢር ታ ዔያቶ ዑፃ ዎጌ፤ ዔያቶኮ ፃንጎ ማዔ ዓጩይዳ ታ ዔያቶ ዜሬሬ።

20 ሃኣታ ናንገና ናንጋ ጎዳ ዴሬ ማዔያታቲያ ዒዚ ዔያቶም ዒንጌ ዓጩፓ ዔያታ ኬሰኬኔ፤ ጌዒ ዔያታ ዜሬንቲ ዴንዲ ዓኣ ዓጩ ዴሬ ጌሰታሢር ታ ዴሬ ታኣኮ ዲማጄ ሱንጾ ጩሽኪሴኔ።

21 ታኣኒ ጋዓንቲ ዒሰራዔኤሌ ዴሬ ዓኣዲ ዓኣ ማሌ ዓጩ ዴርና ታኣኮ ዲማጄ ሱንጾ ጩሽኪሴ፤ ታና ማሊሳ፤።

22 «ዓካሪ ሃሢ፡ ታኣኒ ጄኤፖ ናንገና ናንጋ ጎዳ ዔያቶ ዛሎ ኔኤም ጋዓሢ ቢያ ዔያቶም ኬኤዜ፤ ሃካፓ ሴካ ታኣኒ ዒንሢ ማዳንዳ ባካ ዒንሢ ዓኣጄ ቤዘይዳ ቢያ ጩሽኪሴ ታኣኮ ዲማጄ ሱንጾ ማዓንዳኣፓዓቲም ዒንሢ ዒሰራዔኤሌ ዓሶ ዛሎ ጌዒቱዋሴ።

23 ማሌ ዴርና ጩሽኪንቲ፡ ጌይፃ፡- ዒንሢ ጩሽኪሴ ታኣኮ ጄኤፖ ሱንጾኮ ዲማጄ፤ ታኣኒ ቤኤዘንዳ፤ ዩካፓ ዒንሢ ዛሎና ዩያ ዓሶ ቤርታ ታኣኮ ዲማጄ፤ ታኣኒ ፔጋሲ ዳዋ ዎዶና ማሌ ዴሬ ቢያ ታኣኒ ናንገና ናንጋ ጎዳ ማዔሢር ዔሬንዳ፤።

24 ማሌ ዴር ካኣቶ ዓጩፓ ቢያ ታ ኬሲ ዔያቶ ቡኩሲሢርና ዔያቶ ዓጩ ባንሢ ታ ዔያቶ ማሃንዳ፤።

25 ዒንሢ ዑጾይዳ ታኣኒ ጌኤሽ ዋኣሢ ፑጩ ዒንሢኮ ማሌ ጾኦዞ ካኣሽኪጾና ዒኣቲ ማድናፓ ጌኤሻንዳ፤።

26 ዓከ ዒኔ ታ ዒንሢም ዒንጋንዳ፤፤ ዓከ ዓያና ዒንሢ ጋራ ታኣኒ ጌሃንዳ፤፤ ዒንሢኮ ጋራ ሹጮጉዲ ዶዴ ዒና ታኣኒ ኬሲ ዓሽኪጉዲ ሽኢቹ ዒኔ ዒንጋንዳ፤።

27 ታኣኮ ዓያና ዒንሢዳ ታኣኒ ዴይሃንዳ፤፤ ታኣኒ ዒንሢም ዒንጌ ዎጎና ዓይሢጾና ቢያ ኮሽ ዛገ ማዲ ኩንሃንዳጉዲ ታ ማሃንዳ፤።

28 ዩካፓ ዒንሢኮ ቤርታኣ ዓዶንሢም ታኣኒ ዒንጌ ዓጩሎይዳ ዒንሢ ናንጋንዳ፤፤ ዒንሢ ታ ዴሬ ማዓንዳ፤፤ ታኣኒያኣ ዒንሢኮ ጾሱ ማዓንዳ፤።

29 ዒንሢኮ ዒኣቲጾፓ ቢያ ታኣኒ ዒንሢ ጌኤሻንዳ፤፤ ሃካፓ ሴካ ናይዚ ዒንሢ ሄሉዋጉዲ ሃኣኮ ሚርጋንዳጉዲ ታኣኒ ዓይሃንዳ፤።

30 ዒንሢኮ ዲማ ዲማ ሚጾንታ ሃኣኮንታኮ ዓኣፖ ታኣኒ ዲቢሻንዳ፤፤ ዩካፓ ማሌ ዴር ባኣካ ዒንሢ ዳውሲሳ ናይዚ ሃላዓኬ።

36:26 ሂዘ. 11:19-20።

31 ዲንሢኮ ፑርቶ ማሊያንታ ማደቀ ቢያ ማሊ ዲንሢ ጳቂሣንዳኔ፤ ዲንሢኮ ጎሞ ማደንታ ዲንሢ ማዳ ዲኢቴ ማዳፓ ዔቄያና ዲንሢና ዲንሢ ሻኦኪንታንዳኔ።

32 ታኦኒ ማዳ ባኮ ቢያ ዲንሢሞ ጌዒ ማዲቆያ ማዔሢ ዲንሢሞ ዔርቶንጎ፤ ዩያሮ ዲሰራዔኤሌ ዓሲዮቴ! ዲንሢ ናንጌ ናንጎፓ ዔቄያና ቦርሲንቲና ዳውሲንቲና ዲንሢሞ ማፖንጎ።» ዩያ ጌዔሢ ዴኤፖ ናንጊና ናንጋ ጎዳኬ።

33 ዴኤፖ ናንጊና ናንጋ ጎዳሢ ሂዚ ጋዓኔ፡- «ታኦኒ ዲንሢኮ ጎማፓ ቢያ ዲንሢ ጌኤሻ ዎደና ዲንሢኮ ዶዔ ካታሞ ቢያ ጊንሣ ኮሺ ዲንሢ ካታማ ዲንሢ ታኦኒ ናንጊሻንዳኔ።

34 ዲንሢኮ ጎኮይዴና ቲቂ ዓኦዳ ዓሳ ቢያ ጉሪ ጉዢ ቤሲኬ ጋዓ ሳዔላ ዓሲ ጎሽካ ሳዓ ማዓንዳኔ።

35 ዲማና ዩሮ ዛጋሢ ቢያ ጋፓንሢ ዓሲ ናንጉዎ ዳውሌ ማዔ ሳዔላ ዎይቲ ዔዴኔ ጌኔቴ ማሌይ? ሚና ጉሪ ባዔ ቤሲ፣ ጊንሣ ሃሃ ዶዔ ባኦዚ ኩሊንቲ ካታማ ዎይቲ ጊንሣ ዓሲ ናንጋኒና ኬኤሌ ዲሢያኦ ዲርቂንታ ካታማ ማዔይ?» ጋዓንዳኔ።

36 ዩሮ ዎደና ባይሰንታፓ ቶሊ ዓቲ ዲንሢኮ ዓሺኖ ዓጮ ዴራ ቢያ ሻሂንቲ ዶዔ ካታማ ጊንሣ ማሂ ኮሺሢና ጉሪ ጉዢ ማዔ ቤዘዎ ጎሽኪ ኮሺሢ ታና ናንጊና ናንጋ ጎዳታሢ ዔራንዳኔ፤ ታኦኒ ናንጊና ናንጋ ጎዳ ዩያ ቢያ ማዲ ኩንሣንዳሢና ኬኤዜኔ፤ ሃሃ ማዲያኦ ታኦኒ ኩንሣንዳኔ።»

37 ዴኤፖ ናንጊና ናንጋ ጎዳ ሂዚ ጋዓኔ፡- «ዲሰራዔኤሌ ዓሳ ላሚ ሃሃ ፔቴና ዩያ ታና ሺኢቃንዳጉዲ ታ ማዳንዳኔ፤ ፓይዶ ዔያቶኮ ታኦኒ ማራይ ዲቢጉዲ ሚርጊሻንዳኔ።

38 ሚና ዩራሳላሚ ቦንቾ ኬሎና ያኦሲሞ ዲንጋኒ ሺኢሾ ማራቶና ኩማሢጉዲ፣ ሻሂንቲ ዶዔ ካታማ ሚርጌ ዴሬና ኩሚያ ማዓንዳኔ፤ ዩሮ ዎደና ታኦኒ ናንጊና ናንጋ ጎዳ ማዔሢ ዔያታ ዔራንዳኔ።»

37

ሚጌሢ ቡኬ ዶኦቺ

1 ናንጊና ናንጋ ጎዳኮ ዎልቃ ታ ዑያ ሙኪ ጌሌኔ፤ ዲዛኮ ዓያና ታና ዔኪ ሚርጌ ሚጌሢ ኩሊንቲ ዓኦ ዶኦቺዳ ጌሢኔ፤

2 ዩያ ሚጌያኮ ባኦኮ ሺርሺ ሃንቲሲ ታና ዳዌኔ፤ ዲኢካ ጋፓ ሚሌ ሚርጌ ሚጌሢ ዓኦ።

3 ዩይ ዓያና «ዓሲ ናዓሢዮ! ሃይ ሚጌያ ላሚ ሸምፔና ዓኦያ ማዓንዳኔ ኔኤም ማላ?» ጌዔኔ።

ታኣኒ፡- «ዳኤፖ ናንገና ናንጋ ጎዳሂዮ! ዩያ ዛሎ ዔራሂ ኔና ሌሊኬ» ጌዔኔ።

4 ዩካፓ ዒዚ፡- «ሃያ ማጌያም ሂዚ ጌይ ያኦሲ ማለሂ ኬኤዜ፤ ዒንሂ ማጌያ ናንገና ናንጋ ጎዳኮ ቃኣሎ ቆይተዋቲ፤

5 ታኣኒ ዳኤፖ ናንገና ናንጋ ጎዳ ዔያቶም ጋዓ ባኮ ቢያ ሂዚ ጌዒ ኬኤዜ፡- «ዒንሂዳ ዑኡሲ ጌልዚ፤ ገንሣ ሸምፔና ዓኣያ ማሂ ታ ዒንሂ ናንገሻንዳኔ።

6 ታኣኒ ዒንሂም ሻሺንታ ዓሸኪንታ ዒንገ ዒልዒ ማይሳንዳኔ፤ ዒንሂኮ ጋርይዳ ዑኡሲ ጌልዚ ላሚ ሸምፔና ዓኣያ ማዒ ዒንሂ ናንጋንዳጉዲ ታኣኒ ማዳንዳኔ፤ ታኣኒ ናንገና ናንጋ ጎዳ ማዔሂ ዩያና ዒንሂ ዔራንዳኔ።»

7 ታኣኒያኣ ዓይሂንቲ ጎይያ ያኦሲ ማለሂ ኬኤዜ፤ ኬኤዚያ ታኣኒ ዓዓርቃማና ካሸካሻ ዑኡሲ ታ ዋይዜ፤ ዩማና ዩያ ማጌያኮ ጪጊጫ ዋላ ካኣሚ ዓዲንቲሂ ዓርቄ።

8 ዩያ ታኣኒ ዛጌ ጎይሃ ዓኣንቲ ማጌያ ሻሺንታ ዓሸኪንታ ዒልዒያኣ ዓኣያ ማዔኔ፤ ዑኡሲ ጋዓንቲ ዔያቶኮ ባኣሴ።

9 ዩካፓ ናንገና ናንጋ ጎዳ ታኣም፡- «ዓሲ ናዓሂዮ! ዠባርም ታ ማለሂ ኬኤዜ፤ ዠባራ ሳዖኮ ያይዶ ዛላፓ ሙኬም ሃይ ማጌያ ሸምፔ ዴንቃንዳጉዲ ዠባርሾም ኬኤዜ» ጌዔኔ።

10 ታኣኒያ ዓይሂንቲ ጎይያ ያኦሲ ማለሂ ኬኤዜ፤ ዩካፓ ዩያቶ ቢያሂዳ ዑኡሲ ሙኪ ጌሌ፤ ዒማና ቢያሂ ሸምፔ ዴንቄ ዔቄ፤ ሚርጌ ያልዚ ዓሲያኣ ማዔኔ።

11 ናንገና ናንጋ ጎዳ ታኣም ሂዚ ጌዔኔ፡- «ዓሲ ናዓሂዮ! ዒሰራዔኤሌ ዴራ ዓዳ ሃያ ማጌያጉዲኬ፤ ዔያታ ሃይሾ፡ ማጌያ ኑኡኮ ማሌ፤ ሃጊ ማዓ ዋዛ ኑ ባይዜ፤ ኑ ባኣዚ ጋፒ ሃሸያኣዋይ፡ ጋዓኔ።

12 ዩያር ታ ዴር ዒሰራዔኤሌ ዓሰም ታ ማለሂ ኬኤዜ፤ ታኣኒ ዳኤፖ ናንገና ናንጋ ጎዳ ዴኡፖ ዔቶ ካር ዔያቶኮ ቡሊ፤ ዔያቶ ቱጊ ኬሲ ዒሰራዔኤሌ ዓጮ ማሃንዳያታሂ ዔያቶም ኬኤዜ።

13 ታኣኮ ዴራ ዴኡቲ ዔቶ ቢያ ታኣኒ ቡሊ ቱጊ ዔያቶ ኬሴ ዋዶና ታኣኒ ናንገና ናንጋ ጎዳታሂ ዔያታ ዔራንዳኔ።

14 ታኣኮ ዑኡዞ ዔያቶ ጋር ታ ጌልዛንዳኔ፤ ሸምፔና ታ ዔያቶ ናንገሻንዳኔ፤ ዔያታ ፔ ዓጫ ናንጋንዳጉዲ ታ ማዳንዳኔ፤ ዩካፓ ሃያ ኬኤዜሂንታ ማዳሂ ታና ናንገና ናንጋ ጎዳ ማዔሂ ዔያታ ዔራንዳኔ፤ ታኣኒ ናንገና ናንጋ ጎዳ ዩያ ጌዔኔ።»

ጸሁዳና ዲሰራዔኤሌና ዓጫ ፔቴ ካኦቶ ማዓንዳህ

15 ናንጊና ናንጋ ጎዳ ታኦም ሂዘ ጌዒ ኬኤዜኔ፡-

16 «ዓሲ ናዓሂዮ! ፔቴ ኮኦሎ ዔኪጋፓ ዒዘይዳ <ጸሁዳንታ ዒዘና ዋላ ፔቴ ማዔ ዲሰራዔኤሌ ዓሰንታም> ጌይ ፃኣፔ፤ ዩካፓ ሃህ ማሌ ኮኦሎ ዔኪ ዩኖ ዑዖይዳ <ዮሴፔም ጌይዖ፡- ዔፕሬኤሜንታ ዒዘና ዋላ ፔቴ ማዔ ዲሰራዔኤሌ ዓሰንታም> ጌይ ፃኣፔ።

17 ዩካፓ ዩንሂ ኔኤኮ ኩጮይዳ ፔቴ ማዓንዳጉዲ ላምዖ ኮኦሎንሂ ፔቴይዳ ካንሂ ዓርቁ።

18 ኔኤኮ ዳራ ኔ ኮራ ዩይ ዓይጎታቴ ኬኤዛንዳጉዲ ዖኦጫ ዋደና፡

19 ዴኤፖ ናንጊና ናንጋ ጎዳ ሂዘ ጌዔኔ ጌይ ዔያቶም ኬኤዜ፡- <ዔፕሬኤሜ ኩጮይዳ ዓኣ ዮሴፔ ኮኦሎንታ ዒዘና ዋላ ፔቴ ማዔ ዲሰራዔኤሌ ዓሰ ፃ፳ ኮኦሎ ታኣኒ ዔካንዳኔ፤ ጸሁዳ ኮኦሎና ዋላ ካንሂ ፔቴ ኮኦሎ ታኣኒ ማሃንዳኔ፤ ዔያታ ታ ኩጫ ፔቴ ኮኦሎ ማዓንዳኔ።>

20 «ኔኤኒ ፃኣፔ ላምዖ ኮኦሎንሂ ኔ ኩጫ ዓርቁ ዳራ ዩያቶ ዛጋንዳጉዲ ማዴ።

21 ታኣኒ ዴኤፖ ናንጊና ናንጋ ጎዳ ታኣኮ ዴሮ ቢያ ዔያታ ዜርቁንቴ ማሌ ዳሮ ባኣካፓ ፔቴይዳ ቡኩሲ ሃንጋ ዔያቶ ዓጫ ማሂ ዔኪ ሙካንዳያታሂ ዔያቶም ኬኤዜ።

22 ዲሰራዔኤሌ ዓጮና ዲኮናይዳ ፔቴ ካኣታ ሌሊ ዓኣያ ታኣኒ ማሃንዳኔ፤ ዔያቶ ቢያሂ ፔቴይዳ ዋይህንዳ ፔቴ ካኣቲ ዓኣያ ማዓንዳኔ፤ ላሚ ማይ ዔያታ ላምዖ ዴሬ ማዓዓከ፤ ካኣታ ዔያቶኮ ላምዖ ማዒ ፓቁንታዓከ።

23 ላሚ ማይ ዔያታ ፔኤኮ ማሌ ዖኦዘንታ ሻኣካያ ማዔ ማዶንታ ማሌ ጎሞዋ ማዲ ፔና ዲኢሰዓከ፤ ታና ሃሺ ዔያታ ሎኦሜ ሎኦሚዖይዳፓ ኬሲ ታ ዔያቶ ጌኤሻንዳኔ፤ ዔያታ ታኣኮ ዳሬ ማዓንዳኔ፤ ታኣኒያኣ ዔያቶኮ ዖኦዛሂ ማዓንዳኔ።

24 ታ ዓይላሂ ዳውቴ ዜርፃፓ ፔቴ ካኣቲ ዔያቶኮ ዓኣያ ማዓንዳኔ፤ ፔቴ ሱኡጌኮ ዳማ ማዒ ታኣኮ ዋጎንታ ዳምቦንታ ጉሙርቁንቴ ካፒ ዔያታ ኩንህንዳኔ።

25 ታኣኮ ዓይላሂ ያይቆኦቤም ታኣኒ ዲንጌሂንታ ዔያቶኮ ቤርታኣ ዓዶንሂ ናንጋ ሰዓ ዔያታ ናንጋንዳኔ፤ ዩኖ ሰጋይዳ ዔያቶንታ ዔያቶኮ ናኣቶንታ ዜርፃ ቢያ ዓቱዋጊ ናኣና ናንጋንዳኔ፤ ዓዳ ታ ዓይላሂ ዳውቴጉዳ ካኣቲ ዒዛ ዜርፃፓ ዔያቶ ዑፃ ናንጊና ካኣታዳንዳኔ።

26 ታኣኒ ዔያቶና ዋላ ኮሹሞ ጫኣቁሞ ጫኣቃንዳኔ፤ ዩይ ጫኣቁማ ናንጊና ናንጋንዳያከ፤ ዔያቶ ታኣኒ ላሚ ጊንህ ዶዲሺ

ዔቁሲ ዴሮኮ ፓይዶ ሚርገሻንዳኔ፤ ታኣኮ ጌኤዡ ማኣራ ናንገና ዶዲ ዴዒንዳ በዘ ዔያቶ ሳዓ ታ ማሃንዳኔ።

27 ታኣኒ ዒኢካ ዔያቶና ዋላ ናንገንዳኔ፤ ታኣኒ ዔያቶኮ ያኣዛሢ ማዓንዳኔ፤ ዔያታኣ ታ ዴሬ ማዓንዳኔ።

28 ታኣኮ ጌኤዡ ማኣራ ዔያቶ ባኣካ ናንገና ናንገንዳጉዲ ታኣኒ ማሃ ዋዶና ዒሰራዔኤሌ ዴሮ ታኣሞ ዲማዴ ታ ዴሬ ማሄሢ ማሌ ዴራ ዔራንዳኔ።»

38

ጎኦጌ ዴሮ ማካያ ማዒ ኬኤዚንቴ ያኣሲ ማሊያ

1 ናንገና ናንገ ጎዳ ሂዚ ጌዒ ኬኤዜኔ፡-

2 «ዓሲ ናዓሢዮ! ማጎኦጌ ዓጮይዳ ዓኣ ማሽኬና ቴባሌና ዴሮ ዋይሣያ ማዒ ጎኦጌ ማካያ ማዒ ታ ማሊሢ ኬኤዜ፤

3 ታኣኒ ዴኤፖ ናንገና ናንገ ጎዳ ዒዛ ዒዲ ማካያ ማዒሢ ዒዛሞ ኬኤዜ።

4 ዒዛኮ ባንጋሎይዳ ታኣኒ ዓንገ ኪሬ ጌልዚ ዒዛንታ ዒዛኮ ያሎ ዓሶንታ ጎቹ ዔያታ ሙኬ በዘ ገንሢሞ ማሃንዳኔ፤ ዒዛኮ ያሎ ዓሳ ዒዛኮ ፓራሢንታ ፓራሢና ያላ ያሎ ዓንጋሞ ማይንቴ ዓሳ ኮሺ ሚርጌኬ፤ ፔቴ ፔቴ ያሎ ዓሳ ዴኤፒንታ ዳካንታ ማዒ ገቲማ ዓርቁ፣ ጨንቻ ዓፓሮዋ ቴኡቴያኬ፤

5 ሃሣ ፓርሴፓ ዒቶጲያና ሊቢያናፓ ሙኬ ዓሳ ቢያ ገቲማ ዓርቁ ቶኣኮይዳኣ ዓጎ ቆኦቦዋ ዓገ ዒዛ ማኣዳኒ ዒዛና ዋላ ኬሰኬኔ።

6 ጎሜሬ ፔኤኮ ያሎ ዓሶና ቢያ ዋላ፣ ሃኬ ዓኣ ኬዶ ዛሎ ዓጫፓ በቶ-ቶጋርማንታ ያሎ ዓሶንታ ዒዛና ዋላኬ፤ ዬያጉዲ ሃሣ ማሌ ሚርጌ ዓጪዳፓ ሙኬ ዓሲያኣ ዒዛና ማዒ ሳልፔኔ።

7 ዬያሮ ዒዚ ገኢገንታንዳጉዲ ኬኤዜ፤ ዒዛኮ ያላ ዓሶዋ ቢያ ዒዚ ፔ ዴማ ማሃ ዓይሣንዳ ጎይሢ ገኢገንቶሞ ኬኤዜ።

8 ገኢገንታኒ ዒዛ ኮይሳሢ ዳካ ዋዴኮ ገንፃፓ ያሎና ባይቁ ጉሪ በሲ ማዒ ዒሰራዔኤሌ ሳያ ጌሊ ዓርቃንዳጉዲ ታ ዒዛ ዓይሣንዳሢሮኬ፤ ሚርጌ ዋዴ ዒዛ ጉሪ ባዔ በሲ ማዒ ናንጌኔ፤ ዒዛኮ ዴራ ዔያታ ናንገ ዓጫፓ ማዒኔ፤ ሃሢ ዒሰራዔኤሌ ዓሳ ፔ ዓጫይዳ ዓኣ ዲኮ 0-ፀ ኮሺ ናንጋኔ።

9 ዒዛንታ ዒዛኮ ያሎ ዓሶንታ፣ ዬያጉዲ ሃሣ ዒዛና ዋላ ዓኣ ሚርጌ ዴሬ ባዚጉዶጉዲ ማዒ ሙካንዳኔ፤ ሳዔሎ ሻኣሬ ካንቃሢጉዲያ ዔያታ ካንቃንዳኔ።»

10 ዴኤፎ ናንጊና ናንጋ ጎዳ ጎኑጌ ዴሮም ሂዚ ጋዓኔ፤ «ዬይ ዎዳ ሄላዛ ማለሂ ኔኤም ሙካንዳኔ፤ ፑርታ ማለሂያኣ ማሊ ኔ ቱካንዳኔ።

11 ሂዚ ኔ ጋዓንዳኔ፡- «ከኤሎ ዲፃባኣ ጉርደይዳ ታ ኬሰካንዳኔ፤ ከኤሎ ዲሂንታ ጋጋርቂ ዎዶ ካራኣ ባኣያ፡ ሺም ጌይ ኮሹሞና ናንጋ ዓሶ ዑፃ ያልዚ ታ ቡላንዳኔ።

12 ሜሌ ዴሮ ባኣካፓ ማዒ ሙኬ ዓሳ ሳዖኮ ጉልዖምካ ናንጋኔ፤ ዔያቶኮ ቆልሞንታ ዲማ ዲማ ባኣዚያኣ ዓኣኔ፤ ጉሪ ባዔ ማዔ ሳዔላ ሃሂ ዓሲ ናንጋያ ማዔኔ፤ ታኣኮ ማሊፃ ዬያ ባኮ ዲዒ ዔካኒና ዔያቶ ያሊያ ያላኒኬ።

13 ሳኣባንታ ዴዳኔንታ፡ ዬያጉዲ ቱርሴሴ ዓጮኮ ኮርሞ ኮርማ ዓሶንታ ዴጌ ማዔ ያሎ ያላ ዓሶንታ ሂዚ ኔና ጋዓኔ፡- ዲዒ ዔኮንደ ባኣዚር ኔ ዬዒያ? ቢራንታ ዎርቁንታ ቆልሞንታ ዲማ ዲማ ባኮንታ ጌይፃ ዲዒንታንዳ ዲሶ ባኮ ኔኤም ዔኪ ዴንዳንዳ ሚርጌ ዓሲ ኔ ቡኩሲያ?» »

14 ዬያር ዓሲ ናዓሂዮ! ጎኑጌም ሂዚ ጌዒ ታ ማሊፃ ከኤዜ፡- «ዴኤፎ ናንጊና ናንጋ ጎዳሂ ሂዚ ጋዓኔ፤ «ዬኖ ዓቦና ታኣኮ ዴራ ዒሰራዔኤሌ ዓሳ ኮሹሞና ናንጋ ዎዶና ኔኤኒ ኔና ጳቹ ዔቁሳንዳኔ።

15 ከደ ባንፆና ሃኪ ኔኤኒ ናንጋ ቤዛፓ ፓር ቶጊ ያላ ሚርጌ ያልዚ ዓሲ ኔ ዔኪ ሙካንዳኔ።

16 ታኣኮ ዴር ዒሰራዔኤሌ ዓሶ ዑፃ ሳዓ ካንቃ ሻኣራጉዲ ማዒ ኔ ሙካንዳኔ፤ ዔዛ ጎኑጌ! ታ ሳዖ ባንሂ ታ ኔና ዔኪ ዬዓንዳ ዎዴ ሙካንዳኔ፤ ዬያ ታ ማዳንዳሂ ኔ ዛሎና ታኣኮ ዲማዴያ ማዒፃ ዔያቶ ቤርታ ታ ፔጋሲ ዳዎ ዎዶና ሜሌ ዴራ ዔራንዳጉዲኬ።» »

17 ዴኤፎ ናንጊና ናንጋ ጎዳ ሂዚ ጋዓኔ፡- «ታኣኒ ታኣኮ ዴር ዒሰራዔኤሌ ዑፃ ኔና ዔኪ ሙካንዳያ ማዒሂ ታ ዓይሎ ማዒ ዒሰራዔኤሌ ዓሶም ታ ማሊፃ ከኤዜ ዓሳ ሃያኮ ቤርታ ሚርጌ ማይንቲ ከኤዚናኣኮከ።»»

ዖኦሲ ጎኑጌ ዴሮይዳ ዓጋንዳ ሜቶ

18 ዴኤፎ ናንጊና ናንጋ ጎዳ ሂዚ ጋዓኔ፡- «ጎኑጌ ዴራ ዒሰራዔኤሌ ዴር ያሊ ዓርቃ ዎዶና ታኣኮ ዴኤፎ ዳጋ ዔቃንዳኔ፤

19 ዒማና ዒሰራዔኤሌ ዓጮይዳ ዴኤፎ ሳዓ ዓጊፃሂ ማዓንዳሂ ታ ዴር ናሽካ ዒኖና ታሚጉዲ ዔዔኤታ ዳጎና ታ ከኤዛኔ።

20 ፔቴ ፔቴ ሞላሂንታ ካፖንታ፡ ፔቴ ፔቴ ካዮ ቦዮንታ ቆልሞንታ ሳዖይዳ ናንጋ ፔቴ ፔቴ ዓሳኣ ታና ዒጊጨሂና ጎጋይቃንዳኔ፤ ዴካ ደዓንዳኔ፤ ማጋ ዲኢማዳንዳኔ፤ ካታሞ ከልቂ ዲርቆና ዲፃኣ ደዓንዳኔ።

21 ታኣኮ ደኩይዳ ቢያ ጎኑጌ ዳሮ ዑፃ ጩንቻ ዓፓሮ ታኣኒ ዔኤላንዳኔ ጋዓኔ ናንገና ናንጋ ጎዳሢ፤ ፔቴ ፔቴሢኮ ጩንቻ ዓፓሮ ፔ ዒሊኖ ዋዳንዳኔ።

22 ዲማ ዲማ ዋዳ ደርዖንታ ዋሊ ዋዲሢያ ዔከ ታ ዩዓንዳኔ፤ ዩኖ ዓጮንታ ፖኦሊሶንታ ዔያቶና ዋላ ዓኣ ዓሶይዳኣ ዒሪ ደኦሶንታ ሚርጌ ሻቹንታ ታሚንታ ታሚኮዋ ሙርቂንሢያ ታ ዋርቂሻንዳኔ።

23 ዩያይዲ ታኣኒ ታኣኮ ደኤፑሞና ዲማዴያ ማዔሢ ታ ዳዋንዳኔ፤ ዳሮ ሚርጌሢማኣ ታና ታ ዔርዛንዳኔ፤ ዩካፓ ዔያታ ታኣኒ ናንገና ናንጋ ጎዳታሢ ዔራንዳኔ።»

39

ጎኑጌ ዳሮኮ ባሽንቶ

1 ዴኤፖ ናንገና ናንጋ ጎዳሢ ሂዚ ጋዓኔ፡- «ዓሲ ናዓሢዮ! ሚሼኬንታ ቱባሌንታ ዳሮኮ ሱኡጋሢ ማዔ ጎኑጌሞ ታ ማሊሢ ኬኤዜ፤ ታኣኒ ዒዛ ዑፃ ፑርቱሞና ዔቄያ ማዔሢ ዒዛሞ ኬኤዜ።

2 ዒዚ ዓኣ ቤዞ ታ ዒዛ ላኣሚሲ፡ ሃኬ ኬዶ ዛሎ ዓጫፓ ዔቂሲ ዒሰራዔኤሌ ደኩ ዑፃ ያልዚሮ ኬሰካንዳጉዲ ማሃንዳኔ፤

3 ዩካፓ ታኣኒ ዒዛ ጳርቂ ቆኦዞ ዒዛኮ ሻውሎ ኩጫፓ፡ ሂኢዮ ሚዛቆ ኩጫፓ ኬይሳንዳኔ።

4 ጎኑጌንታ ያሎ ዓሶንታ፡ ዩያጉዲ ጎኑጌ ማኣዲ ያላ ላጋኣ ቢያ ሃይቂ ዒሰራዔኤሌኮ ደኩ ዑፃ ኬኤሪንቲ ዓታንዳኔ፤ ለዛ ዔያቶኮ ጫሪንጮ ካፖና ካኖ ቦዖናኮ ሙኡዚ ማዓንዳጉዲ ታ ማዳንዳኔ።

5 ቦኦሊ ጉሪዳ ኬኤሪንቲ ዔያታ ዓታንዳኔ፤ ታኣኒ ዴኤፖ ናንገና ናንጋ ጎዳ ዩያ ጌዔኔ።

6 ማጎኑጌ ዓጮና ባዞ ዓጮናይዳ ዓሳ ሂርጋባኣያ ናንጋ ሳያይዳ ታሚ ታኣኒ ዓጋንዳኔ፤ ያዲ ማዓኣና ቢያሢ ታኣኒ ናንገና ናንጋ ጎዳ ማዔሢ ዔራንዳኔ።

7 ታኣኮ ዲማዴ ሱንፃ ታ ዳሮ ዒሰራዔኤሌ ዓሶሞ ዔርታንዳጉዲ ታ ማዳንዳኔ፤ ሃካፓ ሴካ ሱንፃ ታኣኮ ጫሽኪንታንዳጉዲ ታ ኮዑዋሴ፤ ዩካፓ ዳሬ ቢያ ታኣኒ ናንገና ናንጋ ጎዳ ዒሰራዔኤሌ ዓሶኮ ዲማዴያ ማዔሢ ዔራንዳኔ።»

8 ዴኤፖ ናንገና ናንጋ ጎዳ ሂዚ ጋዓኔ፡- «ዔባ ሙኪ ሙኪኬ፤ ጎኔና ማዳንቲ ኩማንዳኔ፤ ሙካንዳኔ ጌይ ታኣኒ ኬኤዜ ኬሌላ ዩኖኬ።

9 ዒሰራዔኤሌ ካታሞይዳ ናንጋ ዳራ ኬኤሪንቲ ያሎ ዓንጋሞ ቢያ ሃንፃሌ ማሃ ሃኣካንዳኔ፤ ገቲሞ፡ ቆኦዞ፡ ሂኢዮ፡ ዋርዖንታ ኮኦሶንታ ቢያ ዔከ ዔኤሢንዳኔ፤ ላንካይ ሌዔኮ ዩይ ጌዳ ሃንፃሌ ማዓንዳኔ።

10 ዬያር ሜሌ ቤሲፓ ሃንጻሌ ሃአካኒና ካያፓአ ሚሢ ቆጻሢ ሴያቶ ኮይሳባኬ፤ ዓይሳር ጌዔቴ ከኤሪንቴ ሆሎ ዓንጋሞ ቢያ ሃአኪ ሴያታ ዓኤሢሢ ዳንዳዓኔ፤ ቤርታ ጌኔና ሴያቶ ባኮ ዓኤሳ ዓሶንታ ቡራ ዓሶ ጊንሣ ሴያታ ቡራ ዓአ ባኮ ዓኤሳኒ ዳንዳዓኔ፤» ዴኤፖ ናንጊና ናንጋ ጎዳ ዬያ ጌዔኔ።

ጎኦጌ ዱኡፖ

11 ናንጊና ናንጋ ጎዳ ሃሣ ሂዚ ጌዔኔ፡- «ዬይ ቢያ ማዓ ዎዶና ባዘኮ * ዓባ ኬሰካ ባንጾና ዓሳ ዴንዳ ዶኦጮይዳ ጎኦጌሞ ታኣኒ ዱኡፒ ቤሲ ዒንጋንዳኔ፤ ዱኡፖኮ ሚርጊያፓ ዔቄያና ጎይያ ባይዛንዳኔ፤ ጎኦጌንታ ሆሎ ዓሶንታ ዒኢካ ዱኡታንዳኔ፤ ዬያር ዬና ዶኦጮላ ሃሞንጎኦጌ» † ጌይንታንዳኔ።

12 ዒሰራዔኤሌ ዓሳ ዬያ ሌዘ ቢያ ዱኡኪ ዓጩሎ ጊንሣ ጌኤሻኒ ለንካይ ዓጊኒ ኩርሳንዳኔ።

13 ዓጩሎይዳ ናንጋ ዓሳ ቢያ ሌዘ ዱኡኪያና ሴያቶ ማአዳንዳኔ፤ ታኣኮ ቦንቻ ፔጋዲ ጴዳኣና ሴያቶማአ ቦንቻ ማዓንዳኔ፤ ታኣኒ ዴኤፖ ናንጊና ናንጋ ጎዳ ዬያ ጌዔኔ።

14 ለንካይ ዓጊኒኮ ጊንፃፓ ዬና ሳጋይዳ ዓቴ ሌሲ ዓኣቴ ቢያ ቤዘ ሃንቲ ሃንቲ ኮዒ ዱኡኪሢና ሳዔሎ ጌኤሻንዳ ዓሲ ጌሢንታንዳኔ።

15 ዬያታ ዓጩሎ ሃንታያ ዓሲ ሚጌሢ ዴንቃ ዎዶና ዬያኮ ኮርይዳ ማላታ ማዓ ባአዚ ጌሢጋፓ ኮርሳ ዓኣዳንዳኔ፤ ዱኡፖ ዓሳ ሙኪ ሃሞንጎኦጌ ጌይንታ ዶኦጮይዳ ዬያ ዱኡካንዳኔ።

16 ዬያይዲ ዓጩላ ላሚ ጊንሣ ጌኤሻካንዳኔ፤ ዒኢካ ዑኩ ሃሞኔ ‡ ጌይንታ ካታማ ዓኣያ ማዓንዳኔ።»

17 ዴኤፖ ናንጊና ናንጋ ጎዳ ታኣሞ ሂዚ ጌዔኔ፡- «ኔኤኒ ዓሲ ናዓሢዮ! ዲማ ዲማ ካፖ ዜርጾንታ ካዮ ቦጾንታሞ ቢያ ሂዚ ጌዔ፤ <ዒሰራዔኤሌ ዲኮይዳ ታኣኒ ዒንሢሞ ጊኢጊሻንዳ ዒንጎ ባኮ ዒንጎ ዴኤፖ ቦንቻ ከሎ ዓሸኮ ሙዓኒና ሱጉጾዎ ዑሸካኒ ቢያ ዘላፓ ቡከንቲ ሃኒ ዬዑዋቴ።»

18 ዓዳ ጉኡዳ ቃዘና ባኣሳኔ ዓጮ ማራናኣቶንታ ሎጮ ኮላቶንታ ዚዮ ጌማቶንታጉዲ ማዔ ዎልቆና ዓኣ ዓሶኮ ዓሸኮ ዒንሢሞ ሙዓንዳኔ፤ ዓጮይዳ ዴኤፖ ማዔ ሱኡጎኮ ሱጉጾዎ ዒንሢሞ ዑሸካንዳኔ።

* 39:11 ባዘኮ- ዬና ባዘ ሸሞፔ ዓአ ማኸንቲ ናንጉዋ ባዘ ሃንጎ ጊንሣ ሚዲቴራኒያ ባዘ ማዓኒ ዳንዳዓኦኬ። † 39:11 ሃሞንጎኦጌ- ዬና ጌይፃ «ጎኦጌኮ ሚርጌ ዓሳ ቡኩ ዶኦጮ» ጌይሢኬ፤ ዓይሳር ጌዔቴ ሃሞኔ ጌይፃ ሚርጌ ዓሲ ጌይሢ ማዓሢሮኬ። ‡ 39:16 ሃሞኔ ፓይዲ 11ይዳ ዛጌ። 39:17 ዮሃ. ጾፔዳ 19:17-18።

19 ታኣኒ ዒንህም ገአጊሻ ዒንሳ ባኮ ዒንሳ ቦንቾ ኬሎና ዒንህ ሚሽካንዳያ ሄላንዳኣና ማሎ ሙዓንዳኔ፤ ማህንታንዳያ ሄላንዳኣና ሱጉዖ ዒንህ ዑሽካንዳኔ።

20 ታኣኒ ዔያቶም ሺኢሻ ሙዖኮ ፓራህሲ ማዔቲያ ፓራህና ያላ ዓሰሲ፣ ፖኦሊሶሲ ማዔቲያ ሜሌ ያሎ ዓሶ ዓሸኮ ሚሽካንዳያ ሄላንዳኣና ዔያታ ሙዓንዳኔ፤» ዴኤፖ ናንገና ናንጋ ጎዳ ዬያ ጌዔኔ።

ዒሰራዔኤሌ ዓሳ ዲዒንቲ ዓጫፓ ማዓንዳህ

21 ሄሊሳዖ ሃሃ ናንገና ናንጋ ጎዳ ሂዚ ጌዔኔ፡- «ቦንቾ ታኣኮ ሜሌ ዴሮ ባኣካ ፔጋሲ ታ ዳዋንዳኔ፤ ዬይ ዴራ ቢያ ታኣኒ ዎጌ ዎጎንታ ዔያቶ ታኣኒ ሻርሼ ዎልቆዎ ዛጋንዳኔ።

22 ዒሰራዔኤሌ ዓሳ ዬማፓ ዓርቃዖ ታኣኒ ናንገና ናንጋ ጎዳ ማዔ ዔያቶኮ ያኦዛህታህ ዔራንዳኔ።

23 ዒሰራዔኤሌ ዓሳ ዲዒንቲ ዔውቲ ዴንዴህ ዔያታ ታኣም ጉሙርቁንቲዎያ ማዒ ማዴ ጎሞ ዛሎናታህ ሜሌ ዴራ ቢያ ዔራንዳኔ፤ ታኣኒ ቁል ጌዔህሮ ዔያቶኮ ሞርካ ያሎና ዔያቶ ባሺ ቢያህ ዎዴኔ።

24 ዔያቶኮ ዒኢቲዖና ዳቢንቶና ጎይዖ ታ ማዴኔ፤ ማኣዲያኣ ታ ዔያቶ ማኣዲባኣሴ።»

25 ዴኤፖ ናንገና ናንጋ ጎዳህ ሂዚ ጌዔኔ፡- «ሃህ ጋዓንቲ ያይቆኦቤ ናኣቶ ማዔ ዒሰራዔኤሌ ዴሮ ታኣኒ ሚጨንታንዳኔ፤ ጊንህ ታ ዔያቶ ያርጎቻንዳኔ፤ ታኣኮ ዴማዴ ሱንፃ ጫሽኪንቲዎጉዲ ታ ማዳንዳኔ።

26 ዔያቶ ዒጊቻ ባኣዚ ባኣንቲ ፔ ዓጫ ኮሺ ናንጋ ዎዶና ዔያታ ማዴ ዳውሲሳ ማዶንታ ታኣም ዔያታ ጉሙርቁንቲዎያ ማዔህ ቢያ ዔያታ ዎላንዳኔ።

27 ዔያቶ ታኣኒ ሜሌ ዴሮ ባኣካፓ ዔኪ ማሃኣና፣ ጊንህ ሃሃ ዔያቶኮ ሞርኮ ዓጫፓ ሚርጌ ሜሌ ዴራ ዔያቶ ዛጋንቲ ታ ቡኩሳኣና ዔያቶ ዛሎና ታኣኮ ዴማዴያ ማዒዖ ፔጋሲ ታ ዳዋንዳኔ።

28 ዔያታ ዲዒንቲ ዔውታንዳጉዲ ማህህ ታና ማዔያታቲያ ሃህ ዔያቶይዳፓ ፔቲ ዓሲታዖ ጊንህም ዓቲዎዖ ፔ ዓጫ ማዓንዳጉዲ ታ ማዴኔ፤ ዬያሮ ታኣኮ ዴራ ታኣኒ ናንገና ናንጋ ጎዳ ዔያቶኮ ያኦዛህታህ ዔራንዳኔ።

29 ታኣኮ ዓያሮ ዒሰራዔኤሌ ዴሮይዳ ታኣኒ ኬይሳንዳኔ፤ ላሚ ታ ዔያቶ ቁል ጋዓባኬ፤» ዴኤፖ ናንገና ናንጋ ጎዳህ ዬያ ጌዔኔ።

40

ሃጊ ማዢንታንዳ ጌኤዮ ማኣሮ ዛሎ ፔጋሲ ዳዊንቲ ባኮ

1 ኑኤኒ ዲዒንቴንቴ ለማታሚ ደንጋሳ ሌዖና ዩሩሳሌሜ ካታማ ሞርኮ ኩጫ ጌሊ ዓዲንቴ ታጾ ያይዳሳ ሌዖኮ ቤርታሳ ዓገና ጃኤሬ ታጾሳ ኬሎና ያኦሲኮ ዋልቄ ታኣም ሙኬኔ፤ ዩይ ታና ዔኪ ዩሩሳሌሜ ዴንዴኔ፤

2 ያኦሲ ፔጋሲ ዳዋ ባኮና ታና ዔኤቢ ዔካዖ ዲሰራዔኤሌ ዓጫይዳ ፔቴ ዴጌ ዲካ ዑሰካ ዔቂሴኔ፤ ዩካ ሚርጌ ማኦሪ ማዢንቴ ፔቴ ካታማ ማላያ ዲኮኮ ደኦሎ ዛላ ታ ዴንቄኔ።

3 ዩይ ዒኢካ ታና ዔኪ ዓኣዳኣና ዓዳ ሞኦና ዓንገጉዲ ፖዓ ዓውካሬ ዓኣ ፔቴ ዓሲ ታ ዴንቄኔ፤ ዒዚ ዒማና ሚዛጲ ሱኡፔ ፓቴሌና ሱኪንቴ ሱሲንታ ዔኤቢ ሚያ ያደሲ ፒሌያ ኩጫ ዔኪ ኬኤሎ ዲሮ ካራ ዔቂ ዓኣኔ።

4 ዩይ ዓሢ ታኣም፡- «ዓሲ ናዓሢዮ! ሃይካ ኔ ሙካንዳጉዲ ኔና ማሆናሢ ታኣኒ ኔና ዳዋ ባኮ ቢያ ኔ ዔራንዳጉዲ ታሢሮ ኮሺ ዒናፓ ዛጌ፤ ሃሢ ኮሺ ዋይዜ፤ ኔኤኒ ዛጋ ባኮ ቢያ ዒሰራዔኤሌ ዴርሞ ኬኤዜ።» ጌዔኔ።

ዓባ ኬሰካ ባንዖና ዓኣ ኬኤሎ ዲያ ካሮ

5 ጌኤዢ ማኦርኮ ዙሎ ሺርሺ ኬልቆና ዲሢ ዓኣኔ፤ ዓሢኮ ኩጫይዳ ዓኣ ዔቦ ዋርቆ ፒሌላ ዩይ ዓሢ ፔ ኩጫና ዋርቆዛ ላሆ ያደሲ ዋዳ * ማዓያኬ፤ ኬኤሎ ዲያኮ ዓንዲርሙማ ዩኖ ፒሌሎና ዋርቆዛ ፔቴ ማዓያኬ፤ ለካ ዔጻኣ ዒማጉዲኬ።

6 ዩካፓ ዩይ ዓሢ ዓባ ኬሰካ ባንዖ ዓኣ ኬኤሎ ዲያ ካሮ ባንሢ ዴንዴኔ፤ ለካ ኬሰኮ ሳኖጉዴ ኬኤሎ ኬሰኪ ዔቂ ጌሎ ካሮኮ ዓኣ ሳዖ ዋርቆዛ ዩኖ ፒሌሎና ፔቴ ዋዳ ማዔኔ።

7 ፒሌሎና ዋርቆዛ ሴካ ቦርጊሣሢ ፔቴ፡ ዳልጉማኣ ፔቴ ዋዳ ማዔያ ካፒያ ካፓ ዓሳ ሃውሻ ቆልዓኣ ዓኣኔ፤ ዩንሢ ሃውሺያ ሃውሻ ቆልዖንሢ ሳዛ ዓኣ ሃኩማ ደንጎ ዋዳኬ፤ ኬኤሎ ዲያና ጌሎ ካሮኮ ዓኣ ሳዓ ዴንዲ ጋሮ ሄላንዳኣና፤ ኬኤያ ዳኣርኮ ጋፓ ሄላንዳኣና ፒሌሎና ፔቴ ዋርቆሢ ማዓያኬ።

8-9 ጌሎ ካሮኮ ዓኣ ኬኤያ ዳኣሮ ዓሢ ዋርቆዛ ሳሊ ዋዳ ማዔኔ፤ ኬኤሎ ዲያኮ ዓንዲርሙማ ላምዖ ዋዳኬ፤ ጌሎ ካሮኮ ዓኣ ኬኤያ ዳኣራ ጌኤዢ ማኦሪ ዔኪ ጌልዛያኬ።

40:2 ዮሃ. ያፔዳ 21:10። 40:3 ዮሃ. ያፔዳ 11:1፤ 21:15። * 40:5 ያደሲ ዋዳ፡- ዩና ጌይያ ፔቴ ዋዳና ፓልጻና ማዓያኬ፤ ጌንሣ ሃሢ «ጌኤዢ ማኦር ዋርቆ ዋዳ» ጌይንታኔ።
40:5 1ካኣቶ. ማ 6:1-38፤ 2ዖኦሲ. ዓሃኬ 3:1-9።

10 ዩንሢ ካፕ ካፕ ዓሳ ሃውሻ ቆልዖንሢ ጎይዖኮ ኮራ ዓጫ ፔቴ ፔቴሢኮ ሄኮ ማዔ ዳልጉሞ ዓኣያኬ፤ ዩያቶኮ ባኣካ ዓኣ ኬኤሎኮ ቢያ ሄኮ ማዔ ሃኩሞ ዓኣኔ።

11 ጌላ ካሮ ዋርቆዛ ዳልጉማ ታጾ ዋዳ፣ ዖደሱማ ታጾ ሃይሣ ዋዳ ማዔኔ።

12 ፔቴ ፔቴ ሃውሺዖ ቆልዖኮ ሆታ ዳጉማ ፔቴ ዋዳ፣ ዳልጉማ ዓሚዲ ማዔ ዳካ ኬኤሌ ዓኣኔ፤ ሃውሺዖ ቆልዖኮ ዖይደ ዛላ ዋለጉዴያ፣ ፔቴ ፔቴ ዛሎኮ ዖደሱማ ላሆ ዋዳ ማዔያኬ።

13 ዩካፓ ዒዚ ጌሎ ካሮኮ ፔቴ ሃውሺዖ ቆልዔሎኮ ዙሎ ዛላ ዴንዲ ላሞዓሳ ሃውሻ ቆልዔሎ ዙሌና ኮጫፓ ኮጫ ሄላንዳኣና ዋርቁ ላማታሚ ደንጎ ዋዳ ማዔሢ ዔሬኔ።

14 ጋፒንዖይዳ ዓኣ ሃውሻ ቆልዔላ ዓሳ ቡካ ጳኦኮ ዔኪ ጌልዛያኬ፤ ዩፍ ዋርቆዛ ላሃታሚ ዋዳ ማዔኔ።

15 ጌሎ ካራፓ ዴንዲ ኬሰኮ ካሮ ሄላንዳኣና ዓኣ ኬኤዖ ዳኣሮኮ ዖደሱማ ደንጊታሚ ዋዳኬ።

16 ሃውሺዖ ሃውሻ ቆልዖንሢንታ ዩያቶ ቱርቱሮኮ ጋሮ ዛላና ጋሮ ጉቤ ሺሬያ ፑልታ ካራና ዳካ ዳካ ዪኣናኣ ዓኣኔ፤ ጋፒንዖይዳ ዓኣ ቆልዖንሢኮ ጋሮ ዛሎና ፑልታ ካራ ዓኣኔ፤ ኮጫኮ ቱርቱሮጉዴ ባኮይዳ ሜኤፄ ማሊሲ ኮሾና ባኣዚ ዓኣኔ።

ጌኤዦ ማኣሮኮ ዙላ ዓሳ ቡካ ጳኦኮ

17 ዩካፓ ዓሢ ጌኤዦ ማኣሮኮ ዙላ ዓሳ ቡካ ጳኦኮ ዔኪ ታና ሙኬኔ፤ ዩያ ጳኦኮኮ ጉቤ ዛሎ ዓጮይዳ ሹቺ ሂኣሦናያንታ ቆልዓንታ ዓኣኔ፤ ሹጮ ሂኣሦናዙኮ ሆታ ሃይሢታሚ ቆልዓ ዓኣኔ።

18 ሹጮ ሂኣሦናሢ ዴንዲ ዓሳ ቡካ ጳኦኮኮ ኮይሎ ቢያ ሄላያኬ፤ ዙላ ዓሳ ቡካ ጳኦካ ጋሮይዳ ዓኣ ጳኦካፓ ሊካ ሂርካያኬ።

19 ጋሮ ጳኦኮ ባንሢ ዔኪ ጌልዛ ዴጊዲ ኮሺንቴ ኬኤሌ ዲሢ ካራ ዓኣኔ፤ ዩይ ዓሢ ላሞዖ ዲሮ ካሮንሢኮ ባኣካ ዓኣ ሃኩሞ ዋርቃዛ ዪኤታ ዋዳ ማዔኔ።

ኬዶ ባንዖ ዲሮ ካሮ

20 ዩይ ዔቦ ዋርቃ ዓሢ ኬዶ ባንዖና ዙሎ ጳኦኮኮ ሆታ ዓኣ ዲሮ ካሮ ዋርቆኔ፤

21 ሻውሎና ሚዛቆናይዳ ዓኣ ካፒዖ ካፓ ዓሳ ሃውሻ ሃይሣ ቆልዖንሢንታ ኮጫና ቱርቱሮንታ፣ ዩያጉዲ ሃሣ ጋፒንዖይዳ ዓኣ ቆልዔሎኮ ዓባ ኬሰካ ባንዖና ዲሮ ካሮ ባንዖና ዓኣዙንሢና ሄኮ ማዔያኬ፤ ዩያ ዲሮ ካሮኮ ሴካ ቦርጊሣሢ ዋሊ ዑፃ ደንጊታሚ ዋዳ፣ ዳልጉማ ላማታሚ ደንጎ ዋዳኬ።

22 ጋፒንያይዳ ዓላ ፑልቶ ካሮንታ ኬኤዎ ዳኦርንታ ዑያይዳ ኮሺንቴ ሜኤዎ ማሊሶና ባኮንሢንታ ዓባ ኬሰካ ባንዎና ዲሮ ካሮይዳ ጴዳዘንሢና ዋሊ ማላያኬ፤ ዬያ ባንሢ ዔኪ ዓኣዳ ላንካይ ሄርቂ ኬሰኮ ኬኤሌ ቤሲ ዓኣኔ፤ ኬኤዎ ዳኣራኣ ሆታ ዓኣኔ።

23 ዓዳ ዓባ ኬሰካ ባንዎ ዓኣዘ ጎይዎ ኬዶ ባንዎ ካሮ ሆቲና ዓሳ ቡኪንታ ጋሮ ጳኦኮ ጌልዛ ካራ ዓኣኔ፤ ዓሢ ፔቴ ካራፓ ባጎ ካሮ ሄላንዳኣና ዋርቃዛ ፔቴ ጄኤታ ዋዳ ማዔኔ።

ደኣሎ ባንዎ ዲሮ ካሮ

24 ዬካፓ ሃሃታና ደኣሎ ባንዎ ባንሢ ዔኪ ዓኣዳኔ፤ ዒኢና ደኣሎ ዛሊና ኬሰኪንታ ፔቴ ካራ ዓኣኔ፤ ዬይ ዓሢ ካሮኮ ኮጮ ሬኤኮንታ ጋፒንያይዳ ዓኣ ኬኤዎ ዳኣሮንታ ዋርቄኔ፤ ዬያኮ ዳልጉማ ሃንጎዋቶና ዋላ ሄኮ ማዔያኬ።

25 ጌሎ ካሮንታ ኬኤዎ ዳኣሮንታኮ ሃንጎዋቶሲጉዲ ዳካ ዳካ ፑልታ ካራ ዓኣኔ፤ ዬያቶኮ ያዶሱማ ዶንጊታሚ ዋዳ፣ ዳልጉማ ላማታሚ ዶንጎ ዋዳኬ።

26 ኬኤዎ ዳኣሮኮ ሆታ ሄርቂ ኬሰኮ ሳናጉዴ ላንካይ ኬኤሌ ዓኣኔ፤ ላምዎ ዛሎና ዓኣ ኮጮኮ ቱርቱር ዑፃ ሜኤዎ ማሊሲ ኮሺንቴ ባኣዚ ዓኣኔ።

27 ጋራ ዓሳ ቡካ ጳኦኮ ዔኪ ጌልዛ ዲርሲ ካራ ዓኣኔ፤ ዬይ ዓሢ ዓሳ ቡካ ዙሎ ጳኦኮ ቲቂ ጊዴና ዴንዲ ላምዓሳ ካሮ ሄላንዳኣና ዓኣ ዳልጉሞ ዋርቄኔ፤ ዬይያኣ ጄኤታ ዋዳ ማዔኔ።

ጋራ ዓሳ ቡካ ጳኦኮ ደኣሎ ዛሎ ዲሮ ካሮ

28 ዬይ ዔቦ ዋርቃ ዓሢ ደኣሎ ዛሎ ዲሮ ካሮና ጌዒ ጋሮይዳ ዓሳ ቡካ ጳኦኮ ዔኪ ታና ዓኣዳኔ፤ ዒዚ ዲሮ ካሮ ዋርቃዛ ዳልጉማ ዙሎይዳ ዓኣ ዲሮ ካሮና ሄኮ ማዔኔ።

29 ካፒዎ ካፓ ዓሳ ሃውሻ ቆልዎንሢንታ ኬኤዎ ዳኣሮንታኮ ዳልጉማ ሃንጎዋቶሲጉዲኬ፤ ካሮንታ ኬኤዎ ዳኣሮንታኮ ያዶሱማ ዶንጊታሚ ዋዳ፣ ዳልጉማ ላማታሚ ዶንጎ ዋዳኬ፤ ዬያ ኬኤዎ ዳኣሮኮ ቢያ ዛሎና ፑልታ ካራ ዓኣኔ።

30 ጋሮይዳ ዓሳ ቡካ ጳኦኮኮ ቢያ ዛሎና ላማታሚ ዶንጎ ዋዳ ያዶሱሞና ዶንጎ ዋዳ ዳልጉሞ ዓኣ ኬኤሢ ዳኣሬ ዓኣኔ።

31 ኬኤዎ ዳኣራ ዙሎይዳ ዓሳ ቡካ ጳኦኮና ዋላ ሆቲ ማዔያኬ፤ ኮጮ ሬኤኮይዳ ሜኤዎ ማሊሲ ኮሾና ባኣዚ ዓኣኔ፤ ሌካ ጊዒ ኬሰኮ ሳሊ ኬኤሌ ጌዲ ዓኣኔ።

ጋራ ዓሳ ቡካ ጳኦኮ ዓባ ቤሰካ ባንዎ ዲሮ ካሮ

32 ዔቦ ዋርቃ ዓሢ ዓባ ከሰካ ባንያ ዲሮ ካሮ ዛሊና ጌይ ጋራ ዓሳ ቡካ ጰኦኮ ዔኪ ታና ዓኣዳኔ፤ ዒዚ ዬኖ ዲሮ ካሮ ዋርቃኣና ቤርታ ሃንጎዋቶሮማጉዲ ማዔኔ።

33 ካፒያ ካፓ ዓሳ ሃውሻ ቆልዖንሢንታ ኬኤዖ ዳኣሮንታኮ ዳልጉማ ዓዳ ሃንጎዋቶሲጉዲኬ፤ ካሮንታ ኬኤዖ ዳኣሮንታኮ ዖደሱማ ደንጊታሚ ዋዳ፣ ዳልጉማ ላማታሚ ደንጎ ዋዳኬ፤ ዬኖ ኬኤዖ ዳኣሮኮ ቢያ ዛሊና ፑልታ ካራ ዓኣኔ።

34 ጌሎ ካሮኮ ዓኣ ቆልዖና ዙላ ዓሳ ቡካ ጰኦኮና ዋሊኮ ሆታኬ፤ ኮጮኮ ሬኤኮይዳ ላምዖ ዛሎና ሜኤጃ ማሊሲ ኮሾና ባኣዚ ዓኣኔ፤ ሌካ ሄርቂ ኬሰኮያ ሳሊ ኬኤሌ ዳኔ ዓኣኔ።

ጋራ ዓሳ ቡካ ጰኦኮኮ ኬዶ ባንያ ዲሮ ካሮ

35 ዬይ ዓሢ ኬዶ ባንያ ዲሮ ካሮ ባንሢ ታና ዔኪ ዓኣዳኔ፤ ዒዚ ዬያ ዋርቃዛ ዳልጉማ ሃንጎዋቶሲጉዲ ማዔኔ።

36 ካፒያ ካፓ ዓሳ ሃውሻ ቆልዖንሢንታ ኬኤዖ ዳኣሮንታኮ ዳልጉማ ሃንጎዋቶሲጉዲኬ፤ ዬያቶኮ ዖደሱማ ደንጊታሚ ዋዳ፣ ዳልጉማ ላማታሚ ደንጎ ዋዳኬ፤ ኬኤዖ ዳኣሮኮ ቢያ ዛሊና ፑልታ ካራ ዓኣኔ።

37 ጌሎ ካሮኮ ዓኣ ቆልዔላ ዙላ ዓሳ ቡካ ጰኦኮና ዋላ ሆታ ማዔያኬ፤ ኮጮኮ ሬኤኮይዳ ላምዖ ዛሎና ሜኤጃ ማሊሲ ኮሾና ባኣዚ ዓኣኔ፤ ሌካ ሄርቂ ኬሰኮ ሳሊ ኬኤሌ ዳኔ ዓኣኔ።

ኬዶ ባንያ ዲሮ ካሮ ኮይላ ማዢንቴ ቆልዖ

38 ጌኤዡ ማኣሮኮ ዙላ ዓሳ ቡካ ጰኦኮኮ ኬዶ ባንያና ጋሮ ዲሮ ካሮና ዋላ ካኣሜ ሜሌ ቆልዓ ዓኣኔ፤ ዬያኮ ዓሳ ቡካ ጰኦኮኮ ሆታ ዓኣ ጌሎ ካሮ ባንያና ጌልዛ ካራ ዓኣኔ፤ ያኦሲም ሚቺ ዒንጋኒ ሹኪንታ ቆልሞ ዓሽካ ማሰኪንታሢ ዬካኬ።

39 ጌሎ ካሮ ዛሎና ሻውሎና ሚዛቆናኮ ሆታ ላምዖ ላምዖ ሎኦንዜ ዖይታ ዓኣኔ፤ ዬንሢ ሎኦንዜ ዖይቶንሢ ዑፃ ሚቺ ዒንጎ ባኮንታ ጎሞሮ ዒንጎ ባኮንታ ዳሲንቶሮዋ ዒንጊንታ ቆልማ ሹኪንታኔ።

40 ጌሎ ካሮኮ ኬዶ ባንያ ዲሮ ካሮ ኮራ ላምዓሢ ፔቴ ዛላ፣ ላምዓሢ ባጎ ዛላ ሆታ ማዒ ጌሢንቴ ዖይዶ ዋሊ ማላ ሎኦንዜ ዖይታ ዓኣኔ።

41 ዬያሮ ያኦሲም ዒንጎ ዒንጊሢ ማዒ ሺኢካ ቆልማ ሹኪንታ ዋሊ ዑፃ ሳሊ ሎኦንዜ ዖይታ ዓኣኔ፤ ዔያቶኮዋ ጌሢንቴፃ ዖይዳሢ ጋሮ ዛላ፣ ዖይዳሢ ጊንሣ ዙሎ ዛላኬ።

42 ዬያጉዲ ሃሣ ሚቺ ዒንጎ ባኮ ሺኢሻኒ ዓርሲንቴ ሹቺና ኮሾና ዖይዶ ሎኦንዜ ዖይታ ዓኣኔ፤ ዬያቶኮ ዖደሱማ ፔቴ ዋዳና ዛላና።

ዳልጉማ ፔቴ ዋዳና ዛላና፣ ሌካ ዳጉማ ፔቴ ዋዳኬ፤ ዬያታ ሚቺ ዒንጎ ባኮንታ ሹፖ ሹኮ ባካ ጌሢንታያኬ።

43 ዳኮ ዳኮ ሚሆ ጌሦ ቤሲ ማዓ ዳልጉማ ፔቴ ኬኤላ ማዔ ላሾ ሚሢ ጋሮ ባንያና ኮጮ ሺርሺ ኮሾናያኬ፤ ሎኦኸ ያይቶንሢ ዑፃ ዒንጊያ ዒንጎና ቆልሞ ዓሸካ ጌሢንታኔ።

44 ዬካፓ ዬይ ዔቦ ዋርቃ ዓሢ ታና ጋራ ዓሳ ቡካ ጸኦኮ ጌልዜኔ፤ ዒኢካ ላምዖ ቆልዓሰኬንሢ ዓኣኔ፤ ዬያቶፓ ፔቴዛ ኬዶ ባንያና ጌሎ ካሮኮ ኮይላ ዓኣያታዖ ዶኦሎ ባንሢ ሺሬያኬ፤ ላምዓሳዛ ዶኦሎ ባንያና ጌሎ ካሮኮ ኮይላ ዓኣያታዖ ኬዶ ባንሢ ሺሬያኬ።

45 ዬይ ዓሢ፡- «ዶኦሎ ባንያ ባንሢ ሺሬ ቆልዔላ ጌኤኸ ማኣሮይዳ ማዳንዳጉዲ ቢታንታ ዒንጊንቴ ቁኤሶኮ ሃውሾ ቤሲኬ።

46 ሌካ ኬዶ ባንያ ባንሢ ሺሬ ቆልዔላ ያኦሲም ሚቺ ዒንጎ ቤዛ ማዳም ቢታንታ ዒንጊንቴ ቁኤሳ ሃውሻ ቤሲኬ፤ ዬያታ ቁኤሳ ቢያ ሳዶቁ ዜርፃፓ ሾይንቴ ሌዊ ዓሶ ማዓዛ፣ ያኦዛሢኮ ቤርታ ዔቁ ዒዛም ማዳንዳጉዲ ዓይሢንቴሢ ዔያቶም ሌሊኬ» ጌዔኔ።

ጋራ ዓሳ ቡካ ጸኦኮና ጌኤኸ ማኣሮና ዛላ

47 ዬይ ዓሢ ጋሮይዳ ዓሳ ቡካ ጸኦኮ ዋርቃዛ ያዶሱማ ጻኤታ ዋዳ፣ ዳልጉማኣ ጻኤታ ዋዳ ማዔኔ፤ ጌኤኸ ማኣሮኮ ሆታ ያኦሲም ዒንጎ ባኮ ሺኢሾ ፔቴ ቤሲ ዓኣኔ።

48 ዬካፓ ጌኤኸ ማኣሮ ዔኪ ጌልዛ ኬኤዖ ዳኣሮ ዔኪ ታና ሙኬኔ፤ ዬያ ዳኣሮኮ ሬኤኮ ዒ ዋርቁኔ፤ ፔቴ ዛሎ ሬኤካ ዶንጎ ዋዳ፣ ባጎ ዛላ ዓኣዘኮዋ ዶንጎ ዋዳ ማዔኔ፤ ጌሎ ካሮኮ ዓኣ ቆልዖኮ ዳልጉሞ ዋርቆዛ ታጶ ያይዶ ዋዳ ማዔኔ፤ ጌሎ ካሮኮ ዓኣ ቆልዖኮ ኮጮ ዓንዲርሙማ ላምዖ ባንያና ሄኮ ሃይሦ ሃይሦ ዋዳኬ።

49 ጌሎ ካሮኮ ዓኣ ኬኤዖ ዳኣሮኮ ያዶሱማ ላማታሚ ዋዳ፣ ዳልጉማ ታጶ ላምዖ ዋዳኬ፤ ዬያቶኮ ሌካ ሄርቁ ኬሰኮ ታጶ ኬኤሌ ዴኔ ዓኣኔ፤ ሄርቁ ኬሰኮ ላምዖ ኬኤሎ ዴኖንሢኮ ኮይላ ቱርቱሪ ዓኣኔ።

41

1 ሃሊሳዖ ዬይ ዓሢ ታና ጌኤኸ ማኣሮኮ ሳዘ ማዔ ዑሣ ዓኣዴ ዲማዴ ቤዘ ጌልዜኔ፤ ዬኖ ባንሢ ዔኪ ጌልዛ ኬኤዖ ዳኣሮ ዋርቆዛ ላምዖ ዛሎ ኮጮኮ ያዶሱማ ላሆ ዋዳኬ።

2 ዳልጉማ ታጶ ዋዳ ማዔኔ፤ ዬያኮ ሻውሎና ሚዛቆናይዳ ዓኣ ኬልቂ ማኸና ኮጮ ፔቴ ፔቴሢኮ ዳልጉማ ዶንጎ ዋዳኬ፤ ዲማዴ

በዜሎኮ ሰደሱማ ዋርቆዛ ያይዲታሚ ዋዳ፣ ዳልጉማ ለማታሚ ዋዳ ማዕኔ።

3 ዩይና ጋዓጾ ጋራ ዓላ ቆልጾ ዒ ጌሌኔ፤ ዬኖ ባንሢ ጌልዛ ጎይፆ ዒ ዋርቆዛ ሰደሱማ ለምጾ ዋዳ፣ ዳልጉማ ለሆ ዋዳ ማዕኔ፤ ሻውሎና ሚዛቆናይዳ ዓላ ከኤሎ ኮጮ ፔቴ ፔቴሢኮ ዓንዲርሙማ ለንካይ ዋዳኬ።

4 ዒዚ ጋርይዳ ዓላ ዑሣ ዓላዴ ዲማዴ ከኤጻሎኮ ሰደሱም ዋርቆዛ ለማታሚ ዋዳ፣ ዳልጉማ ዙሊና ዓላ ኮጮ ቃጎጾ ለማታሚ ዋዳ ማዕኔ፤ ዬካፓ ዒዚ ታኣም፡- «ሃና ዑሣ ዓላዴ ስሊሲም ዲማዴ በዘከ» ጌዔኔ።

ጌኤዢ ማኣሮኮ ዙሊና ኮጮ ዓይሢ ማዢ ሺርሺና ቆልጾ

5 ዔቦ ዋርቆ ዓሢ ሹዋና ማዢንቴ ጌኤዢ ማኣሮኮ ጋርሲና ከልቂ ኮሻና ኮጮ ዋርቆዛ ዓንዲርሙማ ለሆ ዋዳ ማዕኔ፤ ዬካ ዬፆ ከኤሎና ካንሢ ጌኤዢ ማኣሮኮ ዙሊና ሺርሺ ማዢናያና ፔቴ ፔቴሢኮ ዳልጉማ ያይደ ዋዳ ማዕኔ ሚርጌ ቆልጻ ዓላኔ።

6 ዬፆ ቆልጾ ፔቴዛ ባጌሎ ዑፃ ማሆናያ ሃይሣ ኩባ ማዒ ማዢንቴ፣ ዬፆ ፔቴ ፔቴ ኩቦኮ ሃይሢታሚ ቆልዔ ዓላያከ፤ ፔቴ ፔቴ ኩቦ ከኤጾይዳ ዓላ ጌኤዢ ማኣሮኮ ዙሊና ከልቂ ኮሻና ኮጮ ዴሞ ዛላ ዓላ ኩቦ ከኤጾኮ ከኤሎ ኮጮፓ ሻኣዢዳያከ፤ ዬይ ያዲ ማዕኔሢ ሹጮና ማዢና ጌኤዢ ማኣሮ ኮጮይዳ ዴይሢ ማዢናያቴዋንቴ ቆልጻ ካንሢ ማዢንቴሢ ዋኣኖ ከኤሎ ኮጮናታሢርከ።

7 ዴሞ ከኤሎ ኮጮ ኩቦ ከኤጾ ኮጮፓ ዓንዲሪከ፤ ጋዓንቴ ዙሊፓ ዛጎዛ ሎፓ ሉሃላኒ ዓላ ከኤሎ ኮጮ ሃኮ ዓንዲርቃያ ማላኔ፤ ከኤሎ ኮጮ ሉፓ ዓርቃጾ ሌካ ሻኣዢዳ ሻኣዢዳ ዴንዳሢር ሌካ ከሰኮዛ ቆልጻ ዳልጊ ዳልጊ ዴንዳኔ፤ ጎዓፓ ሌካ ዑፆ ኩቦ ከሰኮሢ ጎዘይዳ ዓላ ኩቤሎይዴና ጊዒከ።

8 ጌኤዢ ማኣሮኮ ዓይፆር ዶቆና ሹጮ ለሆ ዋዳ ዴጋያከ፤ ጌኤዢ ማኣሮኮ ዙሊና ማዢና ቆልጾኮዋ ዓይፆ ዶቆና ጎይፆ ዓሚዲከ።

9-10 ዙሊና ቆልጾንሢኮ ከኤሎ ዲፆ ኮጮ ዓንዲርሙማ ደንጎ ዋዳከ፤ ጌኤዢ ማኣሮኮ ኮራ ጎኦቦይዳ ዓላ ቆልጾንሢ ሃሊሲ ማዢንቴ ማኣሮኮ ባኣካ ጉሪ ቤሲ ዓላኔ፤ ዬኖ ጉር በዜሎኮ ዳልጉማ ለማታሚ ዋዳ ማዕኔ ጌኤዢ ማኣሮኮ ዙሊና ሺሺራያከ።

11 ጌኤዢ ማኣሮኮ ኮራ ጎኦባ ዓላ ቆልጾንሢኮ ካራ ቡሊንታሢ ዬኖ ጉር በዜሎ ባንሢ ማዕከ፣ ፔቴዛ ከደ ዛሊና ባጋ ዶኦሎ ዛሊና ቡሊንታያከ፤ ጉር በዜሎኮ ዓጮ ሺርሺ ዴንዲ ኮሻናሢኮ ዓይፆ ማሢ ዶቆና ሹጮ ደንጎ ዋዳ ዴጋያከ።

12 ዓባ ጌላ ባንጾና ጉሮ ቤዜሎኮ ቶኦኮማካ ፔቴ ሹቻ ከልቂ ማዠና ማኣሪ ዓኣኔ፤ ዬኖ ሹጮና ከልቂ ማዠና ማኣሪሎኮ ኮጮ ዓንዲርሙማ ሺሪ ዴንዳ ዙላ ደንጎ ዋዳ፣ ዳልጉማ ላንካይታሚ ዋዳ፣ ያደሱማ ታዘጲታሚ ዋዳኬ።

ጌኤዠ ማኣሮ ሹጮና ከልቂ ማዠና ጎይፆ

13 ዬይ ዓሢ ጌኤዠ ማኣሮ ዋርቃዛ ፔቴ ያኤታ ዋዳ ማዕኔ፤ ጌኤዠ ማኣሮኮ ዙሎ ዛለና ጉሮ ቤዜሎይዴና ቲቂ ዴንዲ ዓባ ጌላ ባንጾ ዓኣ ከኤጾኮ ጋፖ ሄላንዳኣና ያደሱሞ ፔቴይዳ ዋርቃዛ ፔቴ ያኤታ ዋዳ ማዕኔ።

14 ጌኤዠ ማኣሮኮ ዓባ ኬሰካ ባንጾና ዓኣ ካሮኮ ሆቲና ዓኣ ቤዘኮ ያደሱማ ላምፆ ባንጾና ዓኣ ጉሮ ቤዘ ቃሳፆ ያኤታ ዋዳ ማዕኔ፤

15 ላምፆ ባንጾና ዓኣ ጎይጾንሢያኣ ቃሳፆ ዓባ ጌላ ባንጾና ዓኣ ማኣሮኮ ያደሱማ ዋርቆዛ ፔቴ ያኤታ ማዕኔ።

ጌኤዠ ማኣሮ ባንሢ ዓኣዳ ጎይጾንታ ጾኦሲም ዲማዴ ቤዘንታ ጋሮ ጌሊ ዓኣ ዑሣ ዓኣዳ ዲማዴ ቤዘንታ።

16 ሃይሣሢ ሴካ ጋርሲም ጌሌያ ማዕ ዓጮይዳ ላሾ ሚሢ ዓኣ ፑልታ ካራ ዓኣኔ፤ ዬያቶኮ ከልቂ ኮሾና ኮጮኮ ቆይዳይዳፓ ዴንዲ ፑልቶ ካሮ ሄላንዳኣና ሚሢ ላሾና ሂኢሢ ኮሾናያኬ፤ ፑልቶ ካሮ ዋዳናሢያ ዬኖ ጎይጾኬ።

17 ዬያጉዲ ሃሣ ዙሎ ዛለና ጌኤዠ ማኣሮኮ ጋሮ ቆልፆ ጌልዛ ካሮኮ ኬዴ ዓኣ ቤዛ ላሾ ሚሢና ሂኢሢ ሚዛጲሲ ኮሾናያኬ፤ ጋርሲና ዓኣዘንታ ሳዘይዳ ዓኣ ቆልፆኮ ዙሎ ሺራ ከኤሎ ኮጮ ሚዛጲሲ ቆኦቂ ኮሾና ላሾ ሚጾና ጊኢጊሾናያኬ።

18 ዬያ ዔኤሢንቴያ ማላሢኮ ጊዳ ማኤጻና ኪሩቤኤሌ ማሊሲ ኮሾና ባኣዚ ዓኣኔ፤ ቆልዔሎኮ ዙሎይዳ ማኤጾ ሚጾና ኪሩቤኤሎ ማላ ባኮና ዋላ ሲኢሪ ኮሺንቴ ባኣዚ ዓኣኔ፤ ፔቴ ፔቴ ኪሩኮኮ ላምፆ ቤርቲ ዛላ ማዕይ ዓኣያኬ።

19 ፔቴ ዛላ ዓሲ ዓኣፒ ካራ ማላያ ማኤጻሎ ባንሢ ዛጋዛ፣ ባጎ ዛለና ዓዴ ዘቢ ማላያ ማኤጻሎ ባንሢ ዛጋኔ፤ ዬያታ ጌኤዠ ማኣሮኮ ዙሎ ቢያ ሸርሺ ኮሾናያኬ።

20 ጋሮኮ ቆይዳፓ ዴንዲ ካሮኮ ኬዴ ዓኣ ቤዘ ሄላንዳኣና ኮጮ ዑይይዳ ኪሩቤኤሌና ማኤጻና ማሊሲ ቆኦቂ ኮሺንቴይ ዓኣኔ።

21 ጌኤዠ ማኣሮኮ ካሮ ዓጮ ሬኤካ ኮሺንቴሢ ቢያ ዋሊጉዴያ፣ ያይዶ ዛላኣ ቢያ ሄኮ ማዕያኬ።

ጾኦሲም ዒንጎ ባኮ ሺኢሾያ ማሢ ሚሢና ኮሺንቴ ባኣዚ

22 ዑሣ ዓኣጳጳ ዲማጳጳ ቤዞ ጌሎ ካሮኮ ሆታ ሚሢና ኮሺንቴ ሾኦሲም ዒንጎ ባኮ ሺኢሾያ ማላ ባኣዚ ጳዳኔ፤ ዬይ ቢያ ዛሎና ሄኮ ማዓዛ፤ ፔቴ ፔቴ ዋላ ካኣማ ካሮኮ ዳልጉማ ላምዖ ዋዳ ማዓያኬ፤ ለካ ዔጳ ሃይሦ ዋዳኬ፤ ዲማ ዲማ ዛላ ዋላ ካኣማ ካሮ ደዲሺ ዓርቄ ቱርቱርንታ ዓይዖ ካሮንታ ጎኦቦ ዛላኣ ቢያ ሚሢና ኮሺንቴያኬ፤ ዬይ ዓሢ «ሃይ ሾኦሲ ቤርታ ጌሢንቴ ዴዓ ጳጌ ሎኦኬ ያይታኬ» ጌዔኔ።

ዲማ ዲማ ካሮ

23 ዲማጳጳ ቤዛና ዑሣ ዓኣጳጳ ዲማጳጳ ቤዞኮ ላምዖ ዋላ ዑፃ ጳንጨንቴ ዋዳንታ ካራ ዓኣኔ።

24 ፔቴ ፔቴ ካሮኮ ላምዖ ቡሊንታ ካራ ዓኣኔ፤ ዬይ ጌይፃ ፔቴ ፔቴ ካሮ ሂዒ ሃንጎ ጎቺ ላምዖ ዛሎና ቡሊንታ ላምዖ ካራ ዓኣኔ ጌይሢኬ።

25 ኮጮ ዑዖይዳ ቆኦቄ ኮሾና ጎይዖ ሾኦሲም ዲማጳጳ ቤዞኮ ካሮይዳኣ ኪሩቤኤሎና ሜኤዖና ማሊሲ ቆኦቄ ኮሺንቴኔ፤ ጌሎ ካሮኮ ሆታ ዙሎ ባንዖና ሚሢና ኮሺንቴያ ዪኢና ዲቤ ካራ ዓኣኔ።

26 ጌሎ ካራ ዓኣ ኬኤዖ ዳኣሮኮ ኮጮይዳ ላምዖ ባንዖና ሴካ ጋርሲም ጌሌ ሜኤፃ ማሊሲ ቆኦቄ ኮሾና ባኣዚ ጊዳ ዓኣ ዳካ ዳካ ፑልታ ካራ ዓኣኔ፤ ጌኤዠ ማኣሮኮ ቆልዖ ጋርንታ ሚዖና ኮሺንቴ ዓንዳኣ ዒማይዲ ሚዛጲሶናያኬ።

42

ጌኤዠ ማኣሮኮ ኮራ ማዠንቴ ላምዖ ቆልዖ

1 ዩካፓ ዬይ ዓሢ ጌኤዠ ማኣሮኮ ዙላ ዓኣ ጳኦኮ ዔኪ ታና ዓኣጳጳ፤ ጉሮ ቤዜሎኮ ሆቶና ኬዶ ባንዖናይዳ ዓኣ ማኣሮኮ ሆታ ዓኣ ቆልዖ ዔኪ ታና ሙኬኔ።

2 ዬያ ኬዶና ዓኣ ማኣራሢኮ ያዶሱማ ጭታ ዋዳ ማዓዛ፤ ዳልጉማ ደንጊታሚ ዋዳኬ።

3 ጋርይዳ ዓኣ ዓሳ ቡካ ላማታሚ ዋዳ ማዔ ጳኦኮና ዓኣዲ ዙላ ዓሳ ቡካ ጳኦኮኮ ሹጮ ሳዓ ሂኢሦናሢኮ ሆታ ማዠንቴ ቆልዖ ዋሊጊዳ ማዠንቴ ጎይሢ ለካ ሃይሦ ማኣሪ ማዔያኬ።

4 ቆልዖንሢኮ ሆቶይዳ ጋር ዛሊና ታጳ ዋዳ ዳልጉሞና ጭታ ዋዳ ያዶሱሞ ዓኣ ጎይሢ ዓኣኔ፤ ጌሎ ካራ ኬዶ ባንዖናኬ።

5 ሃይሢሳ ኩቦኮ ቆልዖ ላምዓሶና ሳዖ ኩቦናይዳ ዓኣ ቆልዓፓ ኩንዓያኬ፤ ዬይ ያዲ ማዔሢ ዬይ ኩባ ለካ ያዶቄ ያዶቄ ዴንዳ ዋዶና ኬኤዖኮ ዳኣራ ዳልጋያ ማዒዖና ቆልዖ ኩንዒሻሢኬ።

6 ይያጋ ሃይሠ ኩባና ማዢንቴያ ማዓዛ፣ ዙሎይዳ ዓሳ ዓሳ ቡካ ጳጳኮይዳ ማዢንቴ ማኣሮጉዲ ቱርቴሪ ባኣያኩ፤ ይያሮ ዑይይዳ ዓሳ ኩቤሎኮ ቆልዓ ላምዓሶና ሳያናይዳ ዓሳ ማኣሮ ቆልዖጋ ባሼ ሴካ ጋርሲም ጌሌያኩ።

7 ይንሢ ቆልዖንሢኮ ሆታ ደንጊታሚ ዋዳ ያደሱም ዓሳ ዙሎ ባንያና ዓሳ ቡካ ጳጳኮ ቆልዖንሢኮ ሆታ ፔቴ ኬኤሌ ኮጩ ዓሳኔ።

8 ዙሎ ባንያና ዓሳ ቡካ ጳጳካ ዓሳ ቆልዖንሢኮ ያደሱም ደንጊታሚ ዋዳ ማዓዛ፣ ጌኤዢ ማኣሮኮ ሆታ ዓሳ ቆልዖንሢኮ ያደሱም ጋዓንቴ ጻኤታ ዋዳኩ።

9 ዴሞይዳ ዓሳ ቆልዖኮ ዓባ ኬሰካ ባንያና ዙላ ዓሳ ቡካ ጳጳኮና ጌይ ጌሎ ካራ ዓሳኔ።

10 ደኦሎ ባንያና ሃሣ ዙላ ዓሳ ቡካ ጳጳኮኮ ዓሳ ኬኤሎ ኮጩኮ ሄሊሲ ጉሮ ቤዜሎና ዒኢካ ዓሳ ማኣሮኮ ሆታ ቆልዓ ዓሳኔ።

11 ቆልዖንሢኮ ሆታ ጎይሢ ዓሳኔ፤ ቆልዖንሢኮ ዓዳ ኬዶ ባንያና ዓሳ ቆልዖንሢኮጉዲ ያደሱምንታ ዳልጉምንታ ሄርቂ ሌካ ኬሰኮ ዓንደንታ ካሮ ጌሃና ጎይፃኣ ዋሊ ማላያኩ።

12 ይያሮ ደኦሎ ዛሊና ዓሳ ቆልዖ ጌሊንታ ካራ ዓባ ኬሰካ ባንያይዳ ዓሳ ኬኤሎ ኮጩሎኮ ጋፒንፃ ዓሳ ጎይያና ጌይኩ።

13 ይይ ዓሢ ሂዘ ታኣም ጌዔኔ፡- «ጌኤዢ ማኣሮኮ ጉሮ ቤዘኮ ሆታ ኬዶ ባንያና ደኦሎ ባንያናይዳ ዓሳ ቆልዖንሢኮ ያኦሲም ዲማዴያኩ፤ ይንሢ ዲማዴያ ማዔሢ ያኦሲ ቤርቶ ሺኢካ ቄኤሳ ያኦሲም ዲማዴያ ማዔ ዒንጎ ባኮ ሙዓ ቤዘታሢሮኩ፤ ይንሢ ቤዘንሢኮ ያኦሲም ዲማዴያ ማዔሢሮ ሃኣኮ ዒንጊያንታ ጎሜ ጌኤሻኒ ዒንጎ ዒንጊያንታ ደቢንቲ ዛላ ዒንጊንታ ባካኣ ዒኢካ ጌሢንታኔ።

14 ቄኤሳ ያኦሲም ዲማዴ ቤዜሎ ማዶሮ ጌላፃ ማይንታ ማኣዓሢ ማይንቴሰካጋ ይያ ማዲንቶ ማኣዓሢ ኬሱዋፃ ዙሎይዳ ዓሳ ቡካ ጳጳኮ ኬሰኩዋሴ፤ ይይ ማኣዓሢ ያኦሲም ዲማዴያ ማዔሢሮ ይያ ዲማዴ ቤዘገ ኬሰኪ ዴሮም ጌይንቴ ቤዘ ሄላንዳሢኮ ቤርታ ቄኤሳ ሜሌ ማኣፃ ማይንታንዲያ ኮይሳኔ።»

ጌኤዢ ማኣራ ማዢንቴ ቤዘኮ ዳልጉም

15 ይይ ዓሢ ጌኤዢ ማኣሮኮ ጋሮ ቆልዖ ዋርቂ ጋፔሰካጋ ዓባ ኬሰካ ባንያ ዲሮ ካሮና ዙሎ ታና ኬሴኔ፤ ዩካጋ ጌኤዢ ማኣሮኮ ቆኦሮ ዋርቄኔ።

16 ዒዚ ዔቦ ዋርቆ ፒሌሎ ዔካፃ ዓባ ኬሰካ ባንያ ዋርቃዛ ደንጎ ጻኤታ ዋዳ ማዔኔ።

17 ዩካጋ ኬዶ ባንያ ዛሎ ዒዚ ፒሌሎና ዋርቃዛኣ ደንጎ ጻኤታ ዋዳ ማዔኔ።

- 18 ደኑሎ ዛሎናኣ ዒማ ጎይያ ደንጎ ጃኤታ ዋዳ ማዕኔ።
- 19 ዓባ ጌላ ባንያ ዛሎዋ ዋርቃዛ ደንጎ ጃኤታ ዋዳ ማዕኔ።
- 20 የኦሲም ዲማዴ ቤዘና ሃንጎ ጉሮ ቤዘ ዲማሳ ኬኤሎ ኮጮኮ ያደሱማ ደንጎ ጃኤታ ዋዳ፣ ዳልጉማኣ ደንጎ ጃኤታ ዋዳ ማዕኔ።

43

የኦሲኮ ቦንቻ ጌኤዮ ማኣሮ ገንሣ ማዕኔሢ

- 1 ዬይ ዓሢ ታና ዓባ ኬሰካ ባንያ ዲሮ ካሮ ባንሢ ዔኪ ዓኣዳኔ፤
- 2 ዒኢካ ዒሰራዔኤሌ የኦዛሢኮ ቦንቻ ዓባ ኬሰካ ባንያፕ ሃንጋ ሙካንቴ ታ ዛጌኔ፤ ዬያኮ ዑኡዛ ዳኤፒ ባዚ ጉድሮጉዲኬ፤ ዒዛኮ ቦንቻፕ ዔቁያና ሳዓ ፖፖዓኔ።
- 3 ዬይ የኦሲ ፔጋሲ ዳዋ ባካ ሃያኮ ቤርታ የኦሲ ዬሩሳላሜ ካታዋ ባይዛኒ ሙኬያና ታኣኒ ዛጌሢ ማላያኬ፤ ኬባሬ ዋሮ ዓጫ ታ ዛጌ ባከናኣ ዋሊ ማላያኬ፤ ዒማና ታኣኒ ባሊቲና ሳዓ ሎኦሜኔ።
- 4 ናንገና ናንጋ ጎዳኮ ቦንቻ ዓባ ኬሰካ ባንያኮ ዲሮ ካሮና ጌዒ ጌኤዮ ማኣሪ ጌሌኔ።
- 5 የኦሲኮ ዓያና ዒማና ታና ሌካ ዳጊዲ ሳዓፕ ዔቁሲ ዔካያ ጋሮይዳ ዓሳ ቡካ ጳኦኮ ጌልዜኔ፤ ጌኤዮ ማኣራ ናንገና ናንጋ ጎዳኮ ቦንቻና ኩሚ ዓኣኔ።
- 6 ዒኢካ ዬይ ዓሢ ታ ኮሮይዳ ዔቁ ዓኣኔ፤ ናንገና ናንጋ ጎዳ ዒማና ጌኤዮ ማኣሮ ጋራፕ ሂዚ ጋዓንቴ ታኣኒ ዋይዜኔ፤
- 7 ዒዚ ታኣም ሂዚ ጌዔኔ፡- «ዓሲ ናዓሢዮ! ሃይ፣ ታኣኒ ዒሰራዔኤሌ ዓሳ ባኣካ ናንገና ናንጋንዳ ታኣኮ ካኣቱም ያይቶንታ ቶኮ ታኣኮ ታ ጌሣ ቤዘንታኬ፤ ዒሰራዔኤሌ ዓሳንታ ዔያቶኮ ካኣቶንታ ሃካፕ ሴካ ሜሌ የኦዞ ካኣሽኪያና፣ ሃሣ ዔያቶኮ ካኣታ ሃይቃ ዋደና ማዳ ማደና ሱንያ ታኣኮ ጫሽኪሳዓኬ።
- 8 ዔያቶኮ ካኣታ ፔኤኮ ካኣቱም ማኣሮንታ ጌሎ ካሮኮ ዓኣ ዳጌ ቤዘ፣ ዬያጉዲ ካሮ ሬኤኮዋ ታኣኮ ጌኤዮ ማኣሮ ሬኤኮና ካንሢ ማጐሢሢር ታ ማኣሮና ዔያቶሲና ዲማሳማ ፔቴ ኬኤሌ ኮጮ ሌሊ ማዕኔ፤ ዔያታ ማዴ ሻኣካ ማደና ቢያ ታኣኮ ዲማዴ ሱንያ ዔያታ ጫሽኪሴኔ፤ ዬያሮ ታ ዳጎና ታ ዔያቶ ባይዜኔ።
- 9 ሃካፕ ሴካ ጋዓንቴ ሜሌ የኦዞም ዘጊያ ዔያታ ሃሻንዲያና ዔያቶ ካኣቶኮ ሜጌያ ሃይካፕ ሸኢሽ ባይዘንዲያ ኮይሳኔ፤ ዬያ ዔያታ ማዴቴ ታኣኒ ዔያቶኮ ባኣካ ናኣናና ናንጋንዳኔ።»

43:2 ሂዚ. 10:3-4፤ 18:19፤ 11:22-23፤ ዮሃ. ያፕ. 1:15።

10 ሄሊሳዎ ሃሣ ናንጊና ናንጋ ጎዳ ታኣም፡- «ዓሲ ናዓሢዮ! ዒሰራዔኤሌ ዳርሞ ጌኤዢ ማኣሮ ማዢያ ዛሎ ኬኤዜ፤ ማዢንደ ጎይያ ዔያታ ኮሺ ዛጊ ዔሮንጎ፤ ዔያቶኮ ጎማ ኩሜ ማዶ ዔያቶም ጳቂሲ ዔያታ ቦርሲንታጉዲ ማሄ።

11 ዔያታ ማዶ ባኮና ቢያ ቦርሲንታያ ማዔያታቱ ጌኤዢ ማኣራ ማዢንታንዳ ጎይያ፡ ዎምይዲ ዔቃንዳቲያ ኮሸና ባኮ፡ ኬዞ ካሮንታ ጌሎ ካሮ፡ ጉቤ ማዲንታ ባኮ ዛሎ፡ ዒኢካ ማዲንታንዳ ዳምቦንታ ዎጎንታ ቢያ ጌልዚ ዔያቶም ኬኤዜ፤ ጌኤዢ ማኣራ ማዢንታንዳ ጎይያ ዛጊ ዔራዳምቦ ቢያ ማዲ ኩንሣንዳጉዲ ዔያቶ ቤርታ ፃኣ፤።

12 ዬያ ጌኤዢ ማኣሮኮ ዎጋ ያዲኬ፤ ዲኮይዳ ዓኣ ጌኤዢ ማኣሮኮ ኮይላ ዓኣ ቆኦራ ቢያ ያኦሲም ዑሣ ዓኣዳ ዲማዴያኬ» ጌዔኔ።

ያኦሲም ዒንጎ ባኮ ሺኢሾ ቤዞ

13-15 ያኦሲም ዒንጎ ባኮ ዒንጎ ቤዞ ያደዞ ዎድና * ዎርቂ ኮሺንቲ ጎይያ ያዲኬ፤ ያኦዚንያ ዎኣያም ኮሺንቲ ባኮኮ ዔታዲያ ፔቲ ያደሲ ዎድ፡ ዳልጉማኣ ፔቲ ያደሲ ዎድ ዓኣያ ማዓዛ ዓጮ ሺሪ ዴንዳሢኮ ዳልጉማ ፔቲ ኬኤላ ዎድኬ፤ ሳይይዳ ደቂንቲ ካራፓ ዔቃያ ዴንዲ ኬዴ ዑፃ ዓኣ ጌዳዴ ቤዞ ሄላንዳኣና ሌካ ዴጉማ ላምያ ያደሲ ዎድ፡ ዳልጉማ ፔቲ ያደሲ ዎድ ማዓያኬ፤ ሄሌ ጌዳዳ ቤዜሎኮ ዴጉማ ያይዶ ያደሲ ዎድ፡ ዳልጉማ ፔቲ ያደሲ ዎድኬ፤ ሃይሣሳ ጌዳዳ ቤዞኮ ዴጉማ ያይዶ ያደሲ ዎድ ማዓዛ፡ ያይዶ ዛሎና ያይዶ ካኣሪ ዓኣኔ፤ ዬይ ያኦሲም ዒንጎ ባኮ ሺኢሾሢኮ ሳዓፓ ዴጉሞኬ።

16 ያኦሲም ዒንጎ ባኮ ሺኢሾ ቤዞኮ ሃይሣሳ ጌዳዳ ቤዜሎኮ ያይዶ ዛላ ቢያ ሄኮ ማዓዛ፡ ያደሱማ ታጳ ላምያ ያደሲ ዎድ፤ ዳልጉማኣ ታጳ ላምያ ያደሲ ዎድ ማዓያኬ።

17 ዴማ ላምዓሲ ዓኣ ጌዳዳ ቤዜሎኮ ሃንጎዎቶጉዲ ያይዶ ዛላ ቢያ ሄኮ ማዔያኬ፤ ዬይያ ያደሱማ ታጳ ያይዶ ያደሲ ዎድ፡ ዳልጉማኣ ታጳ ያይዶ ያደሲ ዎድኬ፤ ዓጮ ሺሪ ዴንዴ ፀንጎኮ ዳልጉማ ዛላ ዎድ ማዓያኬ፤ ዳልጉማ ፔቲ ያደሲ ዎድ ማዓያ ዬያኮ ዓጮ ሺሪ ዴንዴ ያኦዚንያ ዎኣያም ጊኢጊሾና ባኣዚ ዓኣኔ፤ ዬያ ጊዮ ካራ ዓባ ኬሰካ ባንያና ዓኣኔ።

ያኦሲም ዒንጎ ባኮ ሺኢሾሢኮ ዲማዲያ

18 ዴኤፖ ናንጊና ናንጋ ጎዳ ታኣም ሂዚ ጌዔኔ፡- «ዓሲ ናዓሢዮ! ሚቹ ዒንጎ ባኮ ሺኢሾኒና ዬያይዳ ሱጉያ ፑጫኒ ሃይ ባካ ማዢንታኣና ዬያይዳ ማዲንታ ዳምባ ያዲኬ።

* 43:13-15 ያደዞ ዎድ፡- ዬኖ ጌይያ 40:5ይዳ ዛጌ።

19 ታኣኮ ቤርታ ዔቂ ታኣም ማዳ ሌዊ ፃጰ ማዔ ሳዶቄ ዜርፃፓ ሸይንቴዘንሢ ሳም ጌኤሻኒ ዒንጎ ባኮ ታኣም ሸኢሻንዳጉዲ ዔያቶም ኔኤኒ ፔቴ ዋፓና ዒንጎንዳኔ፥ ጋዔ፥ ጳኤፖ ናንገና ናንጋ ጎዳሢ።

20 ኔኤኒ ዬያ ሱጉፃፓ ዳካ ዔኪ ዒንገይ ሸኢሻሢሢኮ ቤርታ ያይዶ ዛሎይዳ ዓኣ ጉራኖንታ ዬያኮ ዔንዳዳ ቤዘይዳ ቤዘይዳ ዓኣ ዋላ ካኣማ ካርንታ ዒንጎ ባኮ ሸኢሻሢሢኮ ዓጮ ጉቤ ቲሽኬ፤ ዬያይዲ ኔኤኒ ዒንጎ ባኮ ሸኢሻሢሢ ጌኤሻ ዲማሳንዳኔ።

21 ሳም ጌኤሻይም ማሂ ዒንገንቴ ጌሜ ዚያሢ ዔኪጋፓ ጌኤኮ ማኣርም ዒንገንቴ ዲማዳ ቤዘኮ ዙላ ዬያም ጌይንቴ ቤዛ ኔ ሚቻንዳኔ።

22 ዚር ጉቶ ዔኤቢ ቦሂሳ ባኣዚ ባኣ ፔቴ ኮላይ ዔኪጋፓ ሳም ጌኤሻይር ዒንገንታ ዒንገይ ማሂ ኔ ዒንጎንዳኔ፤ ዚኖ ጌሜኮ ሱጉፃና ኔ ማዳ ጎይያ ዋኣራሢ ሱጉፃና ዬያ ዒንጎ ባኮ ሸኢሻሢሢ ኔኤኒ ጌኤሻንዳኔ።

23 ዬያ ቢያ ኔኤኒ ማዳሰካፓ ዔኤቢ ቦሂሳ ባኣዚ ባኣ ፔቴ ዋፓናና ፔቴ ዓይ ማራይ ቆልማፓ ዔኪጋፓ።

24 ላምፆንሢ ታና፥ ናንገና ናንጋ ጎዳም ኔ ሸኢሻንዳኔ፤ ቄኤሳ ሶኦጌ ኩሰኩሰሢሢዳፓ ታና ናንገና ናንጋ ጎዳም ሚቹ ዒንጎ ዒንገሢ ማሂ ሸኢሻንጎ።

25 ላንካይ ኬሊ ጉቤ ፔቴ ፔቴ ኬሎይዳ ፔቴ ዋኣሪ፥ ባኣቶይዳፓ ፔቴ ዋፓና፥ ፔቴ ዓይ ማራይ ጎሜ ጌኤሻ ዒንገሢ ማሂ ኔኤኒ ሸኢሻንዳኔ፤ ዬንሢ ቢያ ዔኤቢ ቦሂሳ ባኣዚ ባኣያ ማዓንዳያ ኮይሳኔ።

26 ዬይ ዒንገይ ዒንጎ ቤዛ ጌኤሻኬያ ማዓንዳጉዲ ላንካይ ኬሊም ዲማሰሢ ዳምቤ ዔያታ ማዳንዳኔ፤ ዬያና ዬና ዒንገይ ዒንጎ ቤዜላ ታኣም ዲማዳያ ማዓንዳኔ።

27 ዬንሢ ኬሎንሢኮ ገንፃፓ ሳላሳ ኬላፓ ዓርቃያ ቄኤሳ ሚቹ ዒንጎ ዒንገይና ፔቴሞና ዒንጎ ዒንገይዋ ሸኢሻንዳኔ፤ ታኣኒያ ዬያ ዔካንዳኔ» ጋዔ፥ ጳኤፖ ናንገና ናንጋ ጎዳሢ።

44

ዓባ ኬሰካ ባንፆ ዲር ካራ ማዳ ባኮ

1 ዬይ ዓሢ ዓባ ኬሰካ ባንፆና ጌኤኮ ማኣርኮ ዙሎ ካር ታና ዔኪ ዓኣዳኔ፤ ዬና ካሬላ ዒማና ዋዲንቴ ዓኣኔ፤

43:27 ኬሲ. ማግ 29:35-37።

2 ናንጊና ናንጋ ጎዳ ታአም፡- «ሃና ካሬላ ዋዲንቴ ቤዛ ደዓንዳፓዓቴም ፔቴታዎ ቡሉንታዓኬ፤ ዲሰራዔኤሌኮ ያኦዛህ፤ ታኦኒ ናንጊና ናንጋ ጎዳ ጌሌ ካራታሂሮ ያናታቴያ ዒዘና ጌላኒ ኬሰካኒ ዳንዳዑዋሴ፤ ዩያሮ ዋዲንቴ ቤዛ ናንጋንዳኔ።»

3 ጋዓንቴ ዳሮኮ ሱኡጋሂ ታአም ደመጃ ዒንጎ ባኮ ሙዓኒ ዒኢካ ደዓኒ ዳንዳዓኔ፤ ጌሎ ካሮኮ ዓኦ ቆልዖኮ ጋርሲና ጋፖማካ ዓኦ ጎይዖና ጌላኒ ሃሃ ኬሰካኒ ዒ ዳንዳዓኔ» ጌዔኔ።

ጌኤዮ ማኦሮ ጌላኒና ኬሰካኒ ኬሰንቴ ዳምቤ

4 ዩካፓ ዩይ ዓሂ ኬዶ ባንዖ ዲሮ ካሮ ባንዖና ጌይ ጌኤዮ ማኦሮኮ ሆቶ ታና ዔኪ ዳንዳኔ፤ ታ ዒኢካ ዓኦ ዘጋኦና ናንጊና ናንጋ ጎዳኮ ጌኤዮ ማኦሮ ዒዘኮ ቦንቾና ኩሚ ዓኦኔ፤ ታኦኒ ዒማና ባለቲና ሳዓ ሎኦሚኔ።

5 ናንጊና ናንጋ ጎዳኦ ታአም ሂዚ ጌዔኔ፡- «ዓሲ ናዓሂዮ! ኔኤኒ ዋይዛሂንታ ዘጋ ባኮዋ ቢያ ዒናፓ ዋይዜ፤ ዓካሪ ታኦኒ ሃሂ ጌኤዮ ማኦሮ ዋጎንታ ዳምቦንታ ዘሎ ቢያ ኔኤም ኬኤዛንዳኔ፤ ጌኤዮ ማኦሮ ጌላኒና ኬሰካኒ ዓይሂንቴዘንሂ ዋዚጉዳ ዓሲታቴያ ዒና ዔኪ ዔሬ።»

6 «ዋይዘ ዒፃ ዲሰራዔኤሌ ዓሶም ሂዚ ጌዔ፡- «ዲሰራዔኤሌ ዓሶዮቴ፤ ዒንሂኮ ፑርቶ ማዶ ቢያ ሃሹዋቴ፤ ታኦኒ ዴኤፖ ናንጊና ናንጋ ጎዳሂ ዩያ ጌዔኔ።»

7 ማሎንታ ሱጉዖንታ ታአም ሙኡዚ ዒንገሂ ማሂ ዒንሂ ሸኢሻ ዋዶና ታአም ዓይሂንታኒ ናሽኩዋ ማዔ፤ ዓቲንቶ ቤርቶዋ ቲቂንቲባኦ ታኦኮ ፃንጎ ማዔ ዓሶ ታአም ደመጃ ጌኤዮ ማኦሮ ዒንሂ ጌልዚ ዒኢሴኔ፤ ታኦኒ ዒንሂና ጫኦቄ ጫኦቄዋዋ ዒንሂ ሃሸኔ።

8 ዒንሂ ዒንሂሮ ማዳኒ ኮይሳ፤ ታአም ደመጃ ዳምቦ ማዲያ ሃሺ ሜሌ ታኦኮ ፃንጎ ማዔ ዓሳ ዩያ ማዳንዳጉዲ ቢታንቶ ዒንሂ ዒንጌኔ።»

9 ዩያሮ ዴኤፖ ናንጊና ናንጋ ጎዳሂ ሂዚ ጋዓኔ፡- «ታአም ዓይሂንታኒ ናሽኩዋ ማዔ፤ ዓቲንቶ ቤርቶዋ ቲቂንቲባኦ ታኦኮ ፃንጎ ማዔ ዓሳ ቢያ ዲሰራዔኤሌ ዓሶ ባኦካ ናንጋያ ማዔያታቴያ ታአም ደመጃ ቤዛ ዔያታ ጌላንዲያ ዔያቶም ኮይሱዋሴ።»

ሌዊ ዜርፃ ቄኤሴ ማዒ ማዳ ማዳፓ ዳውሲንቴሂ

10 ናንጊና ናንጋ ጎዳ ታአም ሂዚ ጌዔኔ፡- «ሜሌ ዲሰራዔኤሌ ደሮና ዋላ ታና ዒፃ ሃሺ ሜሌ ያኦዞ ዘጊ ካሽኬ ሌዊ ዜርፃይዳ ታ ሜቶ ዓጋንዳኔ፤»

11 ዔያታ ጌኤዠ ማኣሮ ጌሎ ካሮ ካፒሢና፡ ሚቺ ታኣሞ ሺኢሾ ባኮንታ ዓሳ ታኣሞ ዒንጋኒ ዔኪ ሙካ ቆልሞ ሹኪሢና፡ ዬያጉዲ ዴሮ ዲማ ዲማ ካራና ማኣዲ ማዳንዳጉዲ ጌይንቴያኬ።

12 ጋዓንቴ ዔያታ ፔ ቶኦኪና ማሌ ያኦዞ ካኣሽኪሲያኮ ሱኡጌ ማዒ፡ ዴሮ ሳሚይዳ ዔኪ ጌልዜሢሮ ሚቶ ዔያቶይዳ ዓጋኒ ኮይሳሢ ታኣኒ ታና ጌፒ ጫኣቄኔ» ጋዓኔ፡ ዴኤፖ ናንጊና ናንጋ ጎዳሢ።

13 «ዬያታ ቄኤሴ ማዒ ማዳኒ ታ ቤርቶ ሺኢካዓኬ፤ ኮሺ ዑሣ ዓኣዴ ታኣሞ ዲማዴ ባኮ ባንሢያኣ ዑካዓኬ፤ ዔያታ ማዴ ሻኣካ ማዴ ዛሎና ዔያቶይዳ ሄሌ ዳውሲንቶኮ ዔያታ ያኦጨንታያ ማዓኔ።

14 ዬያሮ ቄኤሴ ማዒቴሞንቴ ጌኤዠ ማኣሮይዳ ማዳንታ ማሌ ባኮ ቢያ ዔያታ ማዳንዳጉዲ ታ ማሃንዳኔ።»

ቄኤሴ ማዒ ማዳኒ ዳንደዓ ቄኤሶ

15 ዴኤፖ ናንጊና ናንጋ ጎዳ ሂዚ ጌዔኔ፡ «ሃንጎ ዒሰራዔኤሌ ዴራ ታና ሃሺ ታ ቤርታፓ ሃኪ ዴንዴያና፡ ጌኤዠ ማኣሮይዳ ጉሙርቁንቴያና ደዲ ታኣሞ ማዳ ናንጌ፡ ሌዊ ዜርሢሢታዓ ሳደቄናይ ማዔ ቄኤሴሰኬንሢሢሢ ዓኣኔ፤ ዬያሮ ማሎንታ ሱጉያ ዒንጊያንታ ታኣሞ ሺኢሺ ታ ቤርታ ማዳኒ ኮይሳዞንሢሢ ዬያቶኬ፤

16 ታኣሞ ማዳኒ ታኣኮ ዲማዴ ቤዞ ጌላንዳዞንሢሢ ታኣኮ ሙዖ ጋባዶ ባንሢ ሺኢካንዳዞንሢሢ ዬያቶኬ፤ ዔያታ ታኣኮ ዓይሢያ ካፓንዳኔ።

17 ጌኤዠ ማኣሮኮ ጋሮይዳ ዓሳ ቡካ ጳኦኮ ዔኪ ጌላ ዲሮ ካሮና ዔያታ ጌላ ዎዶና ሱኡፔ ፓቲሌና ማዢንቴ ማኣዖ ማይንታንዳያ ኮይሳኔ፤ ጋሮይዳ ዓሳ ቡኪንታ ጳኦኮይዳ ማዔያታቴያ ጌኤዠ ማኣሮይዳ ዔያታ ማዳ ዎዶና ዓይጎ ቶኦኪያኣ ማዖሞ ማራይ ጋፓኔና ኮሺንቴ ማኣዖ ማይንታንዳያ ኮይሳኔ።

18 ዔያቶኮ ቶኦኮይዳ ሚዛጲ ሻኣዞ ፓቲሌና ዲይንቴ ዓፒላ ማሮንጎ፤ ፔኤኮ ኬርኖይዳ ሚዛጳ ሻኣዞ ፓቲሌና ዲይንቴ ማኣዖ ማኣዓሢ ዴማ ማይንቶንጎ፤ ዎይቴታቴያ ጮጮጋቻ ማኣዖ ዔያታ ማይንቶፓ።

19 ዴራ ዓኣ ቤዞ፡ ዓሳ ቡካ ጳኦኮ ኬሰካንዳሢኮ ቤርታ ጌኤዠ ማኣሮይዳ ማዳሮ ዔያታ ማኣዔ ማኣዓሢ ኬሲ ታኣሞ ዲማዴ ሚሃ ጌሢንታ ኬኤፃ ጌሢ፡ ማሌ ማኣዖ ማይንታንዳያ ኮይሳኔ፤ ዬያ ዔያታ ማዳንዳሢ ዴሮሞ ኮይሱዎያ ማዔ ዔያቶ ማኣዓሢ ካኣሚ ዴራ ሚቶይዳ ኬዲዎጉዲኬ።

44:17 ኬሲ. ማፃ 28:39-43፤ ሌዊ. ዓኬ 16:4። 44:19 ሌዊ. ዓኬ 16:23።

20 «ቁኤሳ ፔኤኮ ቶኦኮ ጋሞ ሜኤዳንዳያና ዑሣ ዓኣዳ ዑጊሳንዳያ ኮይሱዋሴ፤ ጋዓንቴ ቶኦኮ ጋሞ ኮይሳ ጎይሢና ቃሚሢ ታይዘንጎ።

21 ቁኤሳ ዓሳ ቡካ ጋሮ ጳኦኮ ጌላ ዎደና ዓይጎሞ ማምም ዎይኔ፣ ኮሾና ዑሺ ዑሽኮ።

22 ቁኤሴ ማዔይ ቢያ ዜኤሪንደ፡ ጊንሣ ሃሣ ዓኒ፣ ጋንጂንቴ ላኣሊ ዓካንዳያ ኮይሱዋሴ፤ ጋዓንቴ ኩሙሢ ወደሮ ዒሰራዔኤሌ ፃጳ፣ ሃንጎ ዓኒ ቁኤሴታዎ ሃይቁ ላኣሊ ዓካኒ ዳንዳዓ።

23 «ታኣም ደማዳያ ማዔ ባኮንታ ማዒባኣ ባኮ፡ ጊንሣ ሃሣ ጌኤሺ ማዔ ባኮንታ ቁፃ ማዔ ባኮ ደማሲ ዔራንዳጉዲ ታኣኮ ዳሮ ቁኤሳ ዔርዘንጎ።

24 ዓሳዎላ ሞኦቲሳ ባኣዚ ዔቃ ዎደና ዳምባ ዓይሣ ጎይፃ ቁኤሳ ዔያቶም ጌሰቲ ኩንሣንጎ፤ ታኣኮ ዎጎና ዳምቦና ጎይፃ ታኣኮ ቦንቾ ኬሎ፡ ዩያጉዲ ሃሣ ሃውሾ ኬሎዎ ደማሲ ዔያታ ካፖንጎ።

25 «ዒዛ ሾዔ ዓሳይዳ፣ ፔቴያ፡ ዒዛኮ ናኣቶይዳ፣ ፔቴያ፡ ጊንሣ ሃሣ ፔኤኮ ጌርሲ ሃንጎ ሎዒባኣ ዒዛኮ ጌሮ ማዒባኣያታንቴ ዓይጎ ቁኤሴያኣ ማምም ማሌ ዓሲኮ ሌሲ ካኣሚ ፔና ዒኣሳንዳያ ኮይሱዋሴ፤

26 ዩያ ዒ ማዳያታቴ ዎጎ ጎይፃና ፔና ጌኤሹቴታዎ ላንካይ ኬሊ ሃላንዳኣና ፔና ካፒ ዳዓንዳያ ኮይሳኔ፤

27 ማዳሮ ጌኤዡ ማኣሮኮ ጋሮይዳ ዓሳ ቡካ ጳኦኮ፡ ጊንሣ ሃሣ ጌኤዡ ማኣሪያኣ ጌላ ዎደና ፔ ጎሞ ዛሎ ዒንጎ ባኣዚ ሺኢሾንጎ፤ ታኣኒ ዳኤፖ ናንጊና ናንጋ ጎዳ ዩያ ጌዔኔ።

28 «ዩይ ቁኤሶኮ ዳኖኬ፤ ጌይፃ ታኣኒ ዔያቶኮ ዳናሢኬ፤ ታኣኒ ዔያቶ ዳኔ ማዔሢሮ ዒሰራዔኤሌይዳ ፔቴታዎ ዔያቶሮ ማዔ ሳዓ ዓኣያ ማዓኒ ኮይሱዋሴ።

29 ሃኣኮ ዒንጊፃ፡ ጎሞንታ ዳቢንቶንታ ጌኤሺዎ ዛሎ ሺኢሾ ባካ ዔያቶኮ ሙኡዚሮ ማምንጎ፤ ዒሰራዔኤሌ ዓጮይዳ ታኣም ደማዳያ ማዒ ሺኢኬ ዓይጎ ባኣዚያ ቢያ ዔያታ ዔኮንጎ።

30 ሃኣካ ካፃሢኮ ቤርቶ ማዔ ኮዡ ማዔሢንታ ታኣም ሺኢኬ ዒንጊንቴ ባኮ ቢያ ቁኤሳ ዔኮንጎ፤ ዳሮ ቢያ ዎዳ ሃኣኮ ዎዳኣና ዲኢሎ፣ ቤርቶ ቁኤሶም ሺኢሺ ዒንጎንጎ፤ ዩያ ቢያ ማዳ ዳሮኮ ማኣሮ ዓንጅና ታ ኩንሣንዳኔ።

44:20 ለዊ. ዓክ 21:5። 44:21 ለዊ. ዓክ 10:9። 44:22 ለዊ. ዓክ 21:7፤13-14። 44:23 ለዊ. ዓክ 10:10። 44:25 ለዊ. ዓክ 21:1-4። 44:28 ፓይ. ማፃ 18:20። 44:29 ፓይ. ማፃ 18:8-19።

31 ሃይቂ ጴዳይ፣ ጊንሣ ሃሣ ቦፆ ዋዴያ፤ ካፒታቲያኦ ቆልሞ ዓሽኪ ቄኤሳ ሙፆፓ።»

45

ሳዓ ጊሽኪንታኦና ፆኦሲም ዲማሶና ሳዓ

1 ሳዓላ ፔቲ ፔቲ ፆጶም ዳኔ ማዒ ጊሽኪንታ ዋዶና ፔቲ ዒዳ ናንጊና ናንጋ ጎዳም ዲማዴያ ማዓኔ፤ ዩኖኮ ፆዶሱማ ላማታሚ ዶንጎ ሺያ ዋዳ፣ ዳልጉማ ላማታሚ ሺያ ዋዳ ማዓኔ፤ ዩይ ቤዛ ማዔ ካሮማና ቢያ ፆኦሲም ዲማዴያኩ።

2 ዩያ ቤዛይዳፓ ፔቲ ፔቲ ባንፆኮ ፆዶሱማ ዶንጎ ጭታ ዋዳ ማዔያ ፆይዶ ዛላ ዋላ ሄኮ ካኦሜያ ፔቲ ቤሲ ጌኤዡ ማኦሮሮ ማዒ ዒንጊንታኔ፤ ዩያ ቆኦሮ ዓጮ ሺሪ ዳንዳሂኮ ዶንጊታሚ ዋዳ ማዔ ጉሪ ቤሲ ዓኦያ ማዓንዳኔ።

3 ፆኦሲም ዒንጊንቲ ቤዛፓ ፆዶሱማ ላማታሚ ዶንጎ ሺያ ዋዳ፣ ዳልጉማ ታጶ ሺያ ዋዳ ዋርቁታንዳኔ፤ ዩና ቤዛ ቢያፓ ባሼ ፆኦሲም ዲማዴ ጌኤዡ ማኦሮ ማዡፆኮ ማዓንዳኔ።

4 ዩይ ሃንጎ ሳዓ ቢያይዳፓ ዲማዴ ቤሲ ማዓንዳኔ፤ ዩይ ሳዓ ናንጊና ናንጋ ጎዳ ቤርቶ ሺኢኪ ጌኤዡ ማኦሮይዳ ማዳ ቄኤሶኮ ማኦሪ ማዡያና ጌኤዡ ማኦሮዋ ማዡያኩ።

5 ዓቲ ዛላ፣ ጌይፆ፡- ፆዶሱማ ላማታሚ ዶንጎ ሺያ ዋዳ፣ ዳልጉማ ታጶ ሺያ ማዔ ቤዛ ሃሣ ጌኤዡ ማኦሮይዳ ዲማ ዲማ ማዴም ጌሢንቲ ሌዋ ዓሶ ቤሲ ማዓንዳኔ፤ ዔያቶም ናንጊ ቤሲ ማዓ ካታማ ዒኢካ ማዡንታንዳኔ።

6 ዩኖ ፆኦሲም ዲማዴ ቤዜሎይዳፓ ሄላፆ ፆዶሱማ ላማታሚ ዶንጎ ሺያ ዋዳ፣ ዳልጉማኦ ዶንጎ ሺያ ዋዳ ማዔ ቤዛ ዒሰራዔኤሌ ፆጶም ቢያ ማዓ ካታማ ቤሲ ማሂ ቆኦሪንታንዳኔ።

ዴሮኮ ሱኡጋሢም ዒንጊንታ ሳዓ

7 ዓጩሎ ዋይሣ ሱኡጋሢም ዒንጊንታንዳሢ ፆኦሲም ዲማዴ ቤዜሎና ካታሞናሮ ማሂ ቆኦሮና ቆኦሮፓ ሄሊ ላምፆ ባንፆና ጌይፆ ዓባ ጌላ ባንፆና ዴንዲ ዓጩሎኮ ዛጶ ሄላያ ማዓዛ፣ ዓባ ኬሰካ ባንፆናኦ ዴንዲ ዓጩሎኮ ዛጶ ሄላያ ማሂ ቆኦሪንቲኩ፤ ዩያኮ ፆዶሱማ ፔቲ ፆጶም ሄላ ሳዓጉዲ ማዓያኩ።

8 ዩይ ቤዛ ዒሰራዔኤሌ ዓጩ ዋይሣ ሱኡጋሢም ዴን ማዓኔ፤ ዩያሮ ሱኡጋ ዴሮ ሄርቁ ሜታሳንዳያ ኮይሱዋሴ፤ ጋዓንቲ ዓጩሎኮ ዓቲ ሳዓ ቢያ ዒሰራዔኤሌ ፆጶም ሃሻንዳያ ዔያቶ ኮይሳኔ።

44:31 ሌዊ. ዓከ 25:10።

ዳርኮ ሱኡጋሢም ኬሲንቴ ዳምቤ

9 ዳኤፎ ስንገና ስንጋ ጎዳ ሂዘ ጋዓኔ፡- «ዲንሢ ዲሰራዔኤሌ ዓሶ ሱኡጋ! ዲንሢ ሚርጌ ዎዴ ጎሜ ማዲ ስንጌኔ፤ ሃሢ ጋዓንቴ ጌኖ ማደንታ ሄርቂ ዎይሢያዎ ሃሹዎቴ! ዲሎ፡ ሃሃ ፒዜ ባኣዚ ማዲዎቴ! ዳራ ታኣኮ ላሚ ፔ ዓጫፓ ዳውሲንቲ ዳንዳንዳጉዲ ማዲፖቴ! ሃያ ዲንሢም ኬኤዛሢ ታና ዳኤፎ ስንገና ስንጋ ጎዳኬ።»

10 «ዲንሢ ፔቴ ፔቴሢኮ ፒዜ ማዔ ዔኤቢ ማኮ ባኣዚ ዓኣያ ማዎንጎ፤ ዩይያ፡- ፒዜ ዒፔና *፡ ፒዜ ባኣደሴና † ማዎንጎ።»

11 «ዒፔና ባኣደሴና ማኮ ማኪዓ ቢያ ዎዴ ሄኮ ማዎንጎ፤ ፔቴ ባኣደሴ ጎሜሬኮ ‡ ታጳፓ ፔቴ ኩቹ፡ ጊንሣ ሃሃ ፔቴ ዒፔ ጎሜሬኮ ታጳፓ ፔቴ ኩቹ ማዓኔ፤ ጎሜሬ ዩያቶ ማኮ ባኮ ላምዓሢኮ ፒዘሞ ዛጊ ዔርያኬ።»

12 «ፔቴ ሳቂሌ § ላማታሚ ጌራ ማዎንጎ፤ ላማታሚ ሳቂሌይዳ ላማታሚ ደንጎ ሳቂሌና ታጳ ደንጎ ሳቂሌ ቃሲንታዛ

ፔቴ ሚናኣኔ ማዓንዳኔ።

13 «ዲንሢ ዲንጋንዳ ባካ ፔቴ ፔቴ ጎሜሬ ማዓ ዛርጋሢፓ ላሆፓ ፔቴ ዒፔ፡ ፔቴ ፔቴ ጎሜሮ ዔልዓሢኮ ላሆፓ ፔቴ ዒፔኬ።»

14 ዛይቶይዳፓ ዲንጊንታንዳጉዲ ጌይንቴሢ ፔቴ ፔቴ ቆርሶኮ ታጳፓ ፔቴ ባኣቴኬ፤ (ፔቴ ቆርሶ ፔቴ ጎሞሬ፡ ጊንሣ ሃሃ ታጳ ባኣቴ ጌይሢኬ)

15 ዩያጉዲ ሃሃ ዲሰራዔኤሌ ዓሶ ማራቶኮ ላምዎ ዪኤታፓ ዲንጊንታንዳጉዲ ጌይንቴሢ ፔቴ ፔቴ ማራይኬ፤ ዩይ ዔያቶኮ ጎሞ ጌኤሻያ ማዓንዳጉዲ ሃኣኮ ዲንጊያና ዎላ ሚቹንታያ፡ ጊንሣ ሃሃ ፔቴሞና ዲንጎ ዲንጊሢ ማዒ ሺኣካኔ፤ ታኣኒ ዳኤፎ ስንገና ስንጋ ጎዳ ዩያ ጌዔኔ።»

16 ዓጩሎይዳ ስንጋ ዳራ ጉቤ ዩያ ቢያ ዲሰራዔኤሌ ዳርኮ ሱኡጋሢም ዲንጋንዳኔ፤

17 ሚቹ ዲንጎ ዲንጊያኮ፡ ሃኣኮ ዲንጊያንታ ዑዠር ዲንጊያኮ፡ ሃውሾ ኬሎ ዲንጎሢንታ ቦንቹንታንዳጉዲ ጌይንቴሞ ዲሰራዔኤሌ

* 45:10 ዒፔ፡- ዩና ባኬላ ሚናኣ ዎደና ሃኣኮንታ ዩያጉዳ ባኣዚ ማኮያኬ። † 45:10 ባኣደሴ፡- ዩና ባካ ሚናኣ ዎደና ዎኣሢጉዳ ባኮ ማኮያኬ። ‡ 45:11 ጎሜሬ፡- ዩና ባኬላ ሚናኣ ዎደና ሃኣኮንታ ዩያጉዳ ባኣዚ ማኮያኬ። § 45:12 ሳቂሌ፡- ሚና ዔብሬ ዓሶ ዎደና ሳቂሌ ሚኢሽኮ ዳኤሠሞ ዛጊ ዔርያኬ፤ ዩያ ለሊቱዎንቴ ጌራ፡ ሚናኣኔ፡ ዒፔ፡ ባኣደሴ፡ ጎሜሬ ሃሃኣ ዎደና ኦኤኒ ደሎዜና ኪሎ ጊራኣሜና ዔቦኮ ዳኤሠሞ ዛጊ ዔራሢጉዲ ማደ ባኣዚኬ።»

ዴራ ቦንቾና ሸኢካኒ ኮይሳ ባኮ ዴሮኮ ሱኡጋህ ገኢገሻንዳያ ናሽኬም ዒፃም ኮይሳያኬ፤ ዒሰራዔኤሌ ዓሶኮ ጎሞ ገኢገሻንዳያ ማዓንዳጉዲ ጎሜ ዛላ ሸኢካ ባኮ፣ ሃኣኮ ዒንገጊያንታ ሚቺ ሸኢሾ ባኮንታ ፔቱሞና ዒንጎ ባኮሞ ገኢገሻንዳያ ዒዛ ኮይሳኑ።»

ቦንቾ ኬሊ ቦንቾ ጎይህ
(ኬሲ. ማፃ 12:1-20፤ ሌዌ. ዓክ 23:33-43)

18 ዴኤፖ ናንገና ናንጋ ጎዳህ ሂዚ ጋዓኑ፡- «ቤርታሳ ዓገና ጃኤሬ ፔታሳ ኬሎ ዔኤቢ ቦሂሳ ባኣዚባኣ ፔቱ ሞፓና ሹኪ ገኤኮ ማኣሮ ኔ ገኢገሻንዳኑ።»

19 ቄኤሳህ ዬያ ጎሞ ገኤሺያኮ ዒንገገንቲ ባካፓ ዳካ ሱጉህ ዔኪ ገኤኮ ማኣሮኮ ካሮ ሬኤኮ፣ ዒንጎ ባኮ ሸኢሾህኮ ዔንዳዳያ ያይዶ ዛሎና ሞላ ካኣማ ካሮንታ ጋሮይዳ ዓሳ ቡኪንታ ቤዞ ዔኪ ገልዘ ካሮኮ ሬኤኮ ቲሽኮንጎ፤

20 ዓይጎ ዓሲያኣ ዒናፓ ማሊባኣያ ሃንጎ ዔሪባኣያ ማዴ ጎሜሮ ቢያ ለንካሳ ኬሎና ሂዴ፤ ዬያይዲ ገኤኮ ማኣሮ ታኣም ዲማሴ።

21 «ቤርታሳ ዓገና ጃኤሬ ታጾ ያይዳሳ ኬሎና ዑህ ዓኣዲያ ቦንቾ ኬሎ ዒንህ ቦንቾንዳኑ፤ ዬያ ቦንቾ ኬሎ ቦንቾያ ለንካይ ኬሊ ሄለንዳኣና ሙኑቃ ፃኣዛ ገለባኣ ላኣዳ ዒንህ ሙዓንዳኑ።»

22 ዬያ ቦንቾ ኬሎና ቢታንቶይዳ ዓኣ ሱኡጋህ ፔ ጎሞንታ ዴሮ ጎሞሞ ገኤሻኒ ፔቱ ዚያ ገማይ ገኢገሻንጎ።

23 ዬይ ቦንቾ ቦንቾንታ ለንካሞ ኬሎንህኮ ፔቱ ፔቱዞንህዳ ዔኤቢ ቦሂሳ ባኣዚባኣ ለንካይ ዚያ ገማይና ለንካይ ዓዴ ማራይ ጉቤና ሚቺ ዒንገገንታኒ ማዓንዳያ ዒ ገኢገሻንጎ፤ ዬያና ሞላ ፔቱ ፔቱ ኬሎይዳ ጎሞ ገኤሺህም ማዓንዳ ፔቱ ኮላይ ገኢገሻንጎ።

24 ፔቱ ፔቱ ዚዮ ገማቶና ዓዴ ማራቶና ሹኪንታ ሞዶና ፔቱ ፔቱ ዒፔ ማዓንዳ ሃኣኮ ዒንገሂና ሃይህ ሃይህ ደሎዜ ማዓ ሪማቲ ዛይቱ ሞላ ሸኢሾንጎ።

25 «ለንካሳ ዓገና ጃኤሬ ታጾ ደንጋሳ ኬሎና ቦንቾንቶ ዓርቃ ዉልሾ ዴሞ ቦንቾኮ ለንካሞ ኬሎ ፔቱ ፔቱህዳ ጎሜ ገኢገሻኒና ጉቤና ሚቺንታያ ማዓንዳጉዲ ቤርታኣሲጉዴ ባኣዚ ገኢገሻንጎ፤ ሃኣኮንታ ዛይቶ ዒንገጊያ ሞላ ጎይያ ገኢገሻንጎ።»

46

ዒሰራዔኤሌ ዓሶኮ ሱኡጋህንታ ቦንቾ ኬሎሞ ቦንቾህንታ ዛላ

1 ጳጳሮች ናንጊና ናንጋ ጎዳ ሂዘ ጋዓኔ፡- «ጌኤዠ ማኣሮኮ ጋሮይዳ ዓሳ ቡካ ጸኣኮ ዔኪ ጌልዛ፡ ዓባ ኬሰካ ባንዖ ማዒ ዓኣ ካራ ማዳ ማዲንታ ላሆ ኬሎይዳ ዎዲንቲ ዴዓንዳያ ኮይሳኔ፤ ጋዓንቲ ሃውሾ ኬሎና ዓጊኖ ያኤሮ ቦንቾ ኬሎናይዳ ቡሊንቶንጎ፡፡

2 ዴሮኮ ሱኡጋሢ ጌኤዠ ማኣሪ ጌሎ ካሮኮ ዓኣ ቆልዔሎ ዛሊና ዓሳ ቡካ ጸኣኮ ጌሊ ዲሮ ካሮ ሬኤኮ ዓጫ ዔቆንጎ፤ ቄኤሳ ሃሣ ዬይ ሱኡጋሢ ጊኢጊሼ ሚቺ ዒንጎ ባኮንታ ፔቱሞና ዒንጎ ባኮዎ ሺኢሻንዳኔ፤ ዬካፓ ሱኡጋሢ ዒ ዓኣ ዔንደይዳ ዓኣዖ ዘጊ ታና ካኣሽኮንጎ፤ ዬካፓ ዒ ኬሰኮንጎ፤ ዬና ዲሮ ካሬላ ጋዓንቲ ዴንዲ ሳዓ ዓማንዳኣና ዎዲንቶፓ፡፡

3 ፔቲ ፔቲ ሃውሾ ኬሎንታ ዓጊኖ ያኤሮንታይዳ ዴራ ቢያ ዓባ ኬሰካ ባንዖ ዲሮ ካራ ዔቂ ዘጊ ታና ካኣሽኮንጎ፡፡»

4 «ዴሮኮ ሱኡጋሢ ሃውሾ ኬሎና ጉቤ ሚቺ ዒንጊንታያ፡ ፔቲታዖ ቦሂሳ ባኣዚ ባኣ ላሆ ዓዴ ማራናይና ፔቲ ዓዴ ማራይና ታና ናንጊና ናንጋ ጎዳሞ ሺኢሻንጎ፡፡

5 ዬያ ዓዴ ማራዖ ሺኢሻሢና ዎላ ፔቲ ዒፔ ማዓንዳ ሃኣኮ ዒንጊሢ ሺኢሻንጎ፤ ዬያጉዲ ሃሣ ፔቲ ፔቲ ዓዴ ማራናኣቶና ዎላ ዒ ኮዔሢሃጉይያ ሺኢሻንጎ፤ ዔኪ ሺኢሻንታ ፔቲ ዒፔ ዲኢሎና ዎላ ሃይሃ ዶሎዜ ማዓንዳ ዛይቲ ሺኢሻንጎ፡፡

6 ፔቲ ፔቲ ዓጊኖ ያኤራ ዔኤቢ ቦሂሳ ባኣዚባኣ ፔቲ ዎፓና፡ ላሆ ዓዴ ማራናይና ፔቲ ዓዴ ማራይና ሺኢሻንጎ፡፡

7 ሺኢሻንታ ዎፓናና ዓዴ ማራቶና ዎላ ፔቲ ዒፔ ማዓንዳ ሃኣኮ ዒንጊሢ ሺኢኮንጎ፤ ዓዴ ማራናኣቶንሢና ዎላ ሺኢካ ባካ ሱኡጋሢ ዒንጋኒ ናሽኬሢሃጉይያ ማዖንጎ፤ ፔቲ ዒፔ ማዓ ሃኣኮ ዒንጊይና ዎላ ሃይሃ ዶሎዜ ማዓ ሪሚቲ ዛይቲ ሺኢኮንጎ፡፡

8 ሱኡጋሢ ጌኤዠ ማኣሪ ጌላኣና ኬኤሢ ዳኣራ ማሂ ማዠናሢና ጌዒ ጌሎንጎ፤ ኬሰካኣናኣ ዒማና ኬሰኮንጎ፡፡»

9 «ዓይጎ ቦንቾ ኬሊናኣ ማዖሞ ዴራ ናንጊና ናንጋ ጎዳሞ ዚጋኒ ሙካ ዎዶና ኬዶ ዛሎ ካሮና ጌሌ ዓሳ ቢያ ድኣሎ ባንዖ ዲሮ ካሮና ኬሰኮንጎ፤ ድኣሎ ባንዖ ካሮና ጌሌ ዓሳ ኬዶ ባንዖ ካሮና ኬሰኮንጎ፤ ፔኤኮ ቤርቶይዳ ዓኣ ካሮና ማዓንዳኣፓዓቲሞ ዖና ማዔቲያ ፔ ጌሌ ካሮና ኬሰኮፓ፡፡

10 ዔያቶኮ ሱኡጋሢያኣ ዴራ ጌላኣና ጌሊ፡ ኬሰካኣና ዎላ ኬሰኮንጎ፡፡

11 ጳጳሮች ቦንቾና ዳኮ ቦንቾ ኬሎናይዳ ፔቲ ፔቲ ሺኢሻንታ ዎፓናና ዓዴ ማራቶና ዎላ ሺኢካንዳ ሃኣኮ ዒንጊይ ፔቲ ዒፔ ማዓ ዲኢሊ ማዖንጎ፤ ዖኦሲሞ ዚጋ ዓሢ ፔቲ ፔቲ ማራናኣቶና ዎላ ፔ

ኮዔህጉዳ ሃኣኮ ዒንገህሂ ሸኢሸንጎ፤ ፔቴ ፔቴ ሸኢካ ፔቴ ዒፔ ዲኢሎና ዋላ ሃይሆ ደሎዜ ማዓንዳ ሪሚቲ ዛይቲ ሸኢሸንጎ።»

12 «ቢታንቶና ዓኣ ሱኡጋህ ጉቤና ሚቸንታ ባኮ ማዔቴያ ፔቴሞና ዒንጎ ባኮ ፔ ማሊህና ናሸኪ ናንገና ናንጋ ጎዳሞ ዒንጋኒ ኮዔቴ ጋሮይዳ ዓሳ ቡካ ጳኦኮ ጌልዛ፣ ዓባ ኬሰካ ባንዖ ካራ ዒዛሞ ቡሊንቶንጎ፤ ዒንገንታ ዒንገይ ሃውሾ ኬሎና ዒ ማዳ ጎይዖ ማዲ ኩንሆንጎ፤ ዒዚ ኬሰኪ ዳንዴሰካፓ ካራ ዋዲንቶንጎ።»

ቢያ ኬላ ሸኢካ ዒንገህሂ

13 ናንገና ናንጋ ጎዳ ሂዚ ጋዓኔ፡- «ዳርኮ ሱኡጋህ ጉቶ ጉቶ ሚቸ ዒንገንታ ዒንገህሂ ማዒ ናንገና ናንጋ ጎዳሞ ሸኢካያ፣ ዔኤቤ ቦሂሳ ባኣዚባኣያ ፔቴ ለዔ ማዔ ማራናይ ገኢጊሻንዳያ ኮይሳኔ።

14 ዬያ ማራናየና ዋላ ቢያ ኬላ ጉቶ ጉቶ ዓይሱሞሞ ላሆፓ ፔቴ ኩቸ ዒፔ ማዓ ሃኣኮ ዒንገህሂና ሚዛጶ ሸኢጮ ዲኢሎ ዲርኪዖኮ ማዓንዳ ፔቴ ደሎዜ ማዓ ዛይቲያ ገኢጊሻንጎ፤ ዬይ ቢያ ዎዴ ማዲንታ ደሞቤ ማዓንዳኔ።

15 ዬያይዲ ዓደ ማራያማንታ ሃኣኮ ዒንገይንታ ዛይታኣ ጉቴ ጉቴ ሸኢካኒ ኮይሳ ሚቸ ዒንጎ ዒንገህሂኩ።»

ሱኡጋህ ዎይህ ዓጮ ዳሞቤ

16 ዴኤፖ ናንገና ናንጋ ጎዳ ሂዚ ጋዓኔ፡- «ቢታንቶና ዓኣ ሱኡጋህ ፔኤኮ ዓኣ ዳናይዳፓ ቲቂ ፔ ናኣቶፓ ፔቴያሞ ዒንገቴ ዬና ዴኔላ ዒዛና ዒዛኮ ማኣር ዓሶናር ማዒ ደዲ ናንጋንዳኔ።

17 ጋዓንቴ ቢታንቶና ዓኣ ሱኡጋህ ፔ ዛላ ማዔ ዳናይዳፓ ቲቂ ዒዛሞ ማዳ ዓሶፓ ፔቴያሞ ዒንገቴ፣ ደንገታሚ ለዔና ሸሪ ሙካ ዒዮቤልዮ ጌይንታ ሌዖና ሱኡጋህሞ ሳዓ ማዖንጎ፤ ዔባ ዒዛር ማዔህረ ዬይ ሳዓ ናኣናና ዒዛና ዒዛ ናኣቶናር ሌሊ ማዓንዳያ ኮይሳኔ።

18 ቢታንቶና ዓኣ ሱኡጋህ ዳር ዑፃፓ ሳዓ ዎልቃዲ ዔካንዳያ ኮይሱሞቤ፤ ዒዚ ፔኤኮ ናኣቶሞ ፓቂ ዒንጋ ቤዛ ዒዛሞ ጌይንቴ ሳዓፓ ሌሊ ማዓኒ ኮይሳኔ፤ ዬያይዲ ዓሶር ማዔ ዳና ዎልቃዲ ዔከህሂና ታኣኮ ዳር ሄርቂ ዎይሆፓ።»

19 ዬካፓ ዬይ ዓህ ካር ኮራ ዓኣ ካርና ጌይሲ ኬደ ባንፃ ዖኦሲሞ ደማዴ ቆልዖ ቁኤሶር ማዔዞንህሂ ጋር ታና ዔኪ ዬዔኔ፤ ዬንህሂ ቆልዖንህኮ ዓባ ጌላ ባንዖኮ ጋፒንፃ ዓኣ ፔቴ ቤሲ ታ ደንቁኔ።

20 ዒዚ ታኣሞ፡- «ሃይ ቤዛ ዳር ደማዴያ ማሃኒ ዒንገንታ ዒንገይ ቁኤሳ ዙላ ሳሳ ቡካ ጳኦኮ ኬሱሞጉዲ፣ ዳቢንቶር ዒንገንታ

46:17 ለዊ. ዓክ 25:10።

ዲንጊያንታ ጎሞ ጌኤሻኒ ሺኢኬ ዓሽኮ ካሦ ቤዘ፤ ጊንሣ ሃሣ ሃአኮ ዲንጊያ ማዓ ላአደ ላአደ ቤዘኬ» ጌዔኔ።

21 ዩካፓ ዲታና ዓሳ ቡካ ዙሎ ጳእኮ ዔኪ ሙኪ፣ ዩካ ያይደ ዛሎ ቢያ ታና ዔኪ ሺርሼኔ፤ ፔቴ ፔቴ ዎላ ካአማ ካሮይዳ ዓሲ ቡካ ፔቴ ፔቴ ጳእካ ዓአኔ።

22 ያይደ ዛላ ዎላ ካአማ ካሮይዳ ዓሳ ቡካ ዳኮ ዳኮ ቤዘንሣ ዎላ ሄኮ ማዔያኬ፤ ፔቴ ፔቴሣኮ ያደሱማ ያይዲታሚ ዎዳ፣ ዳልጉማ ሃይሣታሚ ዎዳኬ፤

23 ዩንሣ ዓሳ ቡካ ያይደ ጳእኮንሣኮ ዙሎ ሺሬያ ጋሮ ዛሊና ሂርኬ ማዔ ኬኤሌ ኮጩ ዓአኔ፤ ዩንሣ ኬኤሎ ኮጩንሣኮ ዴዎይዳ ታሚ ዔኤሦ ናአቦ ዓአኔ።

24 ዩይ ዓሣ ታአሞ፡- «ዩይ ቤዛ ዳራ ዔኪ ያኦሲሞ ሺኢሻ ባኮ ጌኤዢ ማአሮይዳ ማዳ ዓሳ ዲኢካ ካሣያኬ» ጌዔኔ።

47

ጌኤዢ ማአሮኮ ዴማፓ ዓልቃ ዎአሣ

1 ዩካፓ ዩይ ዓሣ ታና ጌኤዢ ማአሮ ጌሎ ካሮ ጊንሣ ዔኪ ማሄኔ፤ ዲኢካ ጌኤዢ ማአሮኮ ዔንደ ዴማፓ ዎአሣ ዓልቂ ዓባ ኬሰካ ባንዎ ጎዓኔ፤ (ዩይ ያዲ ማዔሣ ጌኤዢ ማአሮ ካራ ዓባ ኬሰካ ባንዎ ባንሣ ሺሪ ዓአሣርኬ) ዩይ ዎአፃ ዎታሣ ጌኤዢ ማአሮኮ ደኦሎ ባንዎ ዛሊና ዓአ ዔንደ ዴማፓ ዲንጎ ባኮ ሺኢሻ ቤዘኮ ደኦሎ ባንዎናኬ።

2 ዩይ ዓሣ ኬደ ባንዎ ዲሮ ካሮሲና ጌኤዢ ማአራፓ ኬሲ ታና ዔኪ ዓአዳኔ፤ ሴካ ዓባ ኬሰካ ባንዎ ዓአ ዲሮ ካሮ ባንሣና ዔኪ ታና ሺርሼኔ፤ ዲሮ ካሮኮ ደኦሎ ባንዎና ዎአፃ ዓባ ኬሰካሣ ባንሣ ጎዓኔ።

3 ዩይ ዓሣ ዔኪ ዓአ ዎርቆ ሱዞና ዓባ ኬሰካሣ ባንሣ ጎዒ ዴንዳ ዎአፃ ዓጮ ገዒ ፔቴ ሺያ ዎዳ ዎርቄኔ፤ ታና ዩያ ዎአፃይዴና ዒ ሃንቲሲ ፒንሣኔ፤ ዎአፃ ታአኮ ጋአራቡቃሣ ያዲ ሄሌኔ።

4 ላሚ ጊንሣ ፔቴ ሺያ ዎዳ ዎርቃፃ ታና ዒኢና ሃንቲሴኔ፤ ዩማና ዎአፃ ታአኮ ጉኡዢ ኬሰካ ሄሌኔ፤ ሂሊሳፃ ሃሣ ሺያ ዎርቃፃ ዎአፃ ጊደ ታና ሃንቲሴኔ፤ ዎአፃ ታአኮ ኬርናና ማዔኔ።

5 ጊንሣ ሃሣ ፔቴ ሺያ ዎዳ ዎርቄኔ፤ ዎአፃ ኮሺ ዔታዳሣር ታአኒ ፒንቃኒ ዳንዳዑዎ ዎርዚ ማዔኔ፤ ዩይ ሃንታኒ ዳንዳዒንቱዎያ፣ ጋዒንቱ ፀብሞ ጊዳ ዔታዳፃ ማዔኔ።

6 ዩይ ዓሣ፡- «ዓሲ ናዓሣዮ! ሃያ ቢያ ኔ ዛጋ ባኮ ቢያ ዒና ዔኬ» ታአሞ ጌዔኔ።

47:1 ዛካ. 14:8፤ ዮሃ. 7:38፤ ዮሃ. ያፕ. 22:1።

ዩካፓ ዩይ ዓሢ ዋኣፆ ዓጮ ገንሣ ዔኪ ታና ማህኔ፤

7 ዒኢካ ታኣኒ ሃሃላፆ ዋሮኮ ሻውሎና ሚዛቆና ዛጋንቲ ሚርጌ ሚሢ ዓኣኔ፤

8 ዒዚያ ታኣም ሂዚ ጌዔኔ፡- «ሃይ ዋኣፆ ዓጮሎኮ ጋር ዓባ ኬሰካ ባንሢንታ ዮርዳኖሴ ዶኦጮንታ ሸምፔና ዓኣ ባኣዚ ናንጉዋ ባዞንታ ባንሢ ጎዓኔ፤ ሸምፔና ዓኣ ባኣ ናንጉዋ ባዞ ባንሢ ጎዓ ዋዶና ሶኦጎ ባዛ ጌኤሸኪ ኮሺ ዋኣሢ ማዓንዳኔ።

9 ዩይ ዋኣፆ ዋታ ቤዞ ቢያይዳ ዲማ ዲማ ቦያንታ ቆልሞንታ ሞላኣ ዲቢ ዓኣያ ማዓንዳኔ፤ ጎዒ ጌላ ዋኣፆ ሸምፔና ዓኣ ባኣዚ ናንጉዋ ባዞ ዓካሲ ጌኤሻንዳኔ፤ ጎዒ ዴንዲ ዑሻ ቤዞ ቢያይዳ ሸምፔ ዒንጋያ ማዓንዳኔ።

10 ዒንጌዲ ጌይንታ ቤዛፓ ዴንዲ ዒንዒግላይሜ ሂላንዳኣና ሞላሢ ዓርቃ ዓሳ ዒቃንዳኔ፤ ዩይ ቤዛ ሮኦጮ ማላ ፒራሢ ሱዛ ፒራንታ ቤሲ ማዓንዳኔ፤ ሜዲቴራኒያ ባዞይዳ ዓኣሢጉዲ ዒኢካኣ ዲማ ዲማ ሞላ ዓኣያ ማዓንዳኔ።

11 ጋዓንቲ ቶርጳሢንታ ዴዔ ዋኣፆንታ ሶኦጎ ማዒ ዓታንዳፓ ዓቴም ጌኤሺ ዋኣሢ ማዓንዳኔ።

12 ዋታ ዋኣፆኮ ቢያ ዛሎ ዓጮይዳ ሙኡዚም ማዓንዳ ዲማ ዲማ ባኣዚ ቱከንታንዳኔ፤ ዩያቶኮ ዋላዛ ሹሊ ሜላዓኬ፤ ጋፑዋ ዓኣፒ ዓኣፓንዳኔ፤ ጌኤዠ ማኣሮኮ ዴማፓ ዋታ ዋኣፆ ዒያታ ዴንቃሢሮ ዓገና ዓገና ዒያታ ዓኣፓንዳኔ፤ ዩያ ሚያኮ ዓኣፓ ሙኡዚም፡ ዋላዛኣ ዴኤሻ ማዓንዳኔ።»

ዓጮሎኮ ዛጳ

13 ዴኤፖ ናንገና ናንጋ ጎዳ ሂዚ ጋዓኔ፡- «ታጳ ላምዖ ዒሰራዔኤሌ ፃጶም ዒያቶ ዴኔ ማህ ኔ ገሸካንዳ ሳያኮ ዛጳ ሃካፓ ዴማ ኬኤዚንታ ጎይያኬ፤ ዮሴፔ ፃጶም ላምዖ ቤሲ ኮይሳኔ።

14 ታኣኒ ዒንሢኮ ቤርታኣ ዓደንሢም ሃሮ ዓጮሎ ዒያቶ ዴኔ ማህ ዒንጋኒ ጫኣቄኔ፤ ሃሢታቴያ ዒንሢ ቢያሢ ሄኮ ገሸቱዋቴ፤ ሃሮ ሳዔላ ዒንሢ ዴኔ ማዓንዳኔ።

15 «ዓጮሎኮ ዛጳ ያዲ ማዓንዳኔ፡- ኬዶ ባንያ ዛጳ ሜዲቴራኒያ ባዛፓ ዒቃፆ ሄትሎኔ ዛሎና ጌይ ሃማቴ ዓኣዳ ጎይያና ጄዳዲሜ ሃላያ ማዓንዳኔ፤

16 ዴማሰቆና ሃማቴናኮ ሳዛ ዓኣ ቤርታና ሲቢራይሜ ካታሞ፡ ሃውራኔ ዛጳይዳ ዓኣ ቲኮኔ ካታሞ ዓባ ኬሰካ ባንያራፆ ሃላያ ማዓንዳኔ።

47:12 ዮሃ. ያፔ.ጳ 22:2።

17 ዬያሮ ዛጳ ሜዲቴራኒያ ባዛፓ ዔቃዎ ዴንዲ ሃፃርዔኖኔ፥ ዬይያኦ ዴማሰቆና ሃማቴናኮ ዛጳኮ ኬዶ ባንዖና ዓኣ ቤዘ ሃላኔ፤ ዬይ ዓጨሎኮ ኬዶ ባንዖ ዛጳኬ።

18 «ዓባ ኬሰካ ባንዖ ዛጳ ዴማሰቆና ሃውራኔናኮ ባኣኪና ዮርዳኖሴና ጌይ ጊልዓዴና ዒሰራዔኤሌ ዓጨናኮ ሳዘና ዴንዲ ሹምፔና ዓኣ ባካ ናንጉዋ ባዘና ታማራና ሃላኔ፤ ዬይ ዓባ ኬሰካ ባንዖ ዛጳኬ።

19 «ደኦሎ ባንዖ ዛጳ ታማራፓ ዔቃዎ ዴንዲ ሜሪባቃዴሴ ሃላንዳኣና፥ ዬካፓ ጊብፀ ዓጨኮ ዶኦጨይዴና ጌይ ሜዲቴራኒያ ባዘ ሃላኔ፤ ዬይ ደኦሎ ባንዖ ዛጳኬ።

20 «ዓባ ጌላ ባንዖ ዛጳ ሜዲቴራኒያ ባዘ ማዓዖ ዴንዲ ሃማቴ ጌሎ ካሮ ባንዖ ሃላንዳኣና ማዓንዳኔ፤ ዬይ ዓጨሎኮ ዓባ ጌላ ባንዖ ዛጳኬ።

21 «ዬኖ ዓጨሎ ዒሰራዔኤሌ ፃጳ ዋሊና ጊሸቲ ዔኩዋቴ።

22 ዒዛ ናኣናና ዒንሢ ዴይ ማዖንጎ፤ ሳዔሎ ዒንሢ ጊሸታ ዎዶና ዒንሢ ባኣካ ናይ ሹዒ ናንጋ ፃንጎ ማዔ ዓሶኮ ዔያቶ ሃላ ቤሲ ዓኣያ ማዖንጎ፤ ዬና ዓሳ ዓዳ ዒሰራዔኤሌ ዓሶጉዲ ፓይዲንቲ ዓጨሎ ጊሸታ ዒሰራዔኤሌ ፃጳና ዎላ ዒፃ ዔያቶም ዓጊንታንዳያ ኮይሳኔ።

23 ዒሰራዔኤሌ ዓጨይዳ ናንጋ ማሌ ዓጨ ሹይንቶኮ ቢያ ዔያታ ዎላ ናንጋ ዒሰራዔኤሌ ዓሶሲጉዲ ዔያቶ ሃላ ቤሲያኣ ዓኣያ ማዖንጎ፤ ታኣኒ ዴኤፖ ናንጊና ናንጋ ጎዳሢ ዬያ ጌዔኔ።»

48

ዓጨላ ጊሸከንቲ ጎይዖ

1 ዓጨሎ ጊሸታኒ ፃኣፒንቲ ፃጳ ሃካፓ ዴማ ፓይዲንታዞንሢኬ፤ ደኣኔ ፃጳም ዓጨሎኮ ኬዶ ዛሊና ፔቲ ቤሲ ዓኣያ ማዓንዳኔ፤ ዬይ ቤዛ ሄትሎኔፓ ሃማቴ ካሮ ዔኪ ዴንዳ ዴኤፖ ጎይዖ ዓርቃዖ ሃፃርዔኖኔና ዴማሰቆናኮ ኬዶ ዛሎና ዓባ ኬሰካ ባንዖፓ ዴንዲ ጌላ ባንዖ ሃላሢ ደኣኔ ዛጳ ማዓንዳኔ።

2 ዓሶኦሬኮዋ፡- ዓባ ኬሰካ ባንዖፓ ዴንዲ ዓባ ጌላ ባንዖና ደኣኔ ዓጨና ዎላ ዛጳ ማዓ ፔቲ ቤሲ ዓኣያ ማዓንዳኔ፤

3 ኒፕታሌሜኮዋ፡- ዓባ ኬሰካ ባንዖፓ ዴንዲ ጌላ ባንዖና ዓሶሬ ዓጨና ዎላ ዛጳ ማዓ ፔቲ ቤሲ ዓኣያ ማዓንዳኔ፤

4 ሚናኣሴኮዋ፡- ዓባ ኬሰካ ባንዖፓ ዴንዲ ጌላ ባንዖና ኒፕታሌሜ ዓጨና ዎላ ዛጳ ማዓ ፔቲ ቤሲ ዓኣያ ማዓንዳኔ፤

5 ዔፕራም ማዘቅ፡- ዓባ ከሰካ ባንፃፓ ዴንዲ ጌላ ባንፃፓ ሚናኦሴ
ዓጮና ዎላ ዛጲ ማዓ ፔቴ ቤሲ ዓኣያ ማዓንዳኔ፤

6 ሮኦቤኤሌ ማዘቅ፡- ዓባ ከሰካ ባንፃፓ ዴንዲ ጌላ ባንፃፓ
ዔፕራም ማዘቅ ዎላ ዛጲ ማዓ ፔቴ ቤሲ ዓኣያ ማዓንዳኔ፤

7 ዪሁዳኮፍ፡- ዓባ ከሰካ ባንፃፓ ዴንዲ ጌላ ባንፃፓ ሮኦቤኤሌ
ዓጮና ዎላ ዛጲ ማዓ ፔቴ ቤሲ ዓኣያ ማዓንዳኔ፤

ዓጮሎኮ ሳዘይዳ ቆኦሪ ማሆና ቤዞ

8 ዓባ ከሰካ ባንፃፓ ዴንዲ ጌላ ባንፃፓ ዪሁዳ ፃጶ ዓጮና ዛጲ
ማዓ ፔቴ ቤሲ ዲማሲ ሃሹዎቴ፤ ዬኖ ቤዞኮ ዳልጉማ ላማታሚ
ደንጎ ሺያ ዎዳ፣ ያደሱማ ሃንጎ ፃጶም ማዓ ዛሎና ዎላ ዓባ ከሰካ
ባንፃፓ ኮራፓ ዴንዲ ጌላ ባንፃፓ ኮሮ ሄላንዳኣና ሄኮ ማዓንዳኔ፤ ጌኤዢ
ማኣራ ማዓንዳሂ ዬኖ ቤዞኮ ሳዘኣኤ።

9 ዬኖ ቤዞሎኮ ባኣኮ ያደሱማ ላማታሚ ደንጎ ሺያ ዎዳ፣ ዳልጉማ
ታጶ ሺያ ዎዳ ማዓ ቤሲ ያኦሲም ዲማዴያ ማዓንዳኔ።

10 ዬኖ ዲማዴ ቤዞሎፓ ቄኤሶም ዛላ ቤሲ ዓኣያ ማዓንዳኔ፤
ዬይያ፡- ዓባ ከሰካ ባንፃፓ ዴንዲ ጌላ ባንፃፓ ሄላንዳኣና ላማታሚ
ደንጎ ሺያ ዎዳ ያደቃያ ከዶ ባንፃፓ ዴንዲ ድኦሎ ዛሎ ሄላንዳኣና
ታጶ ሺያ ዎዳ ዳልጉም ዓኣያ ማዓንዳኔ፤ ናንጊና ናንጋ ጎዳኮ ጌኤዢ
ማኣራ ዒኢካ ባኣካ ማዓንዳኔ።

11 ዬኖ ቤዞ ሳደቄናኣቶሮ ማዓ፣ ያኦሲም ዲማዴ ቄኤሶም ዲማዴ
ቤሲ ማዓንዳኔ፤ ዒሰራዔኤሌ ዓሶ ቢያሂና ሃንጎ ለዊ ዓሶና ታና ሃሺ
ዛኣሌ ዎደና ሳደቄ ናኣቶፓ ታኣኮ ዓይሂያይዳፓ ሺኢኩዎ ዓፕ
ናንጌያኬ ዔያታ።

12 ዬኖ ዲማዴ ቤዞሎይዳፓ ዬና ቤዞ ዔያቶ ዛላኬ፤ ዬይ ቤዞ
ሚርጌና ዲማዴያ ማዓዛ ለዊ ዓሶ ዓጮ ዛጶና ዎላ ካኣሚያኬ።

13 ቄኤሶ ቤዞኮ ኮራ ላማታሚ ደንጎ ሺያ ዎዳ ያደሱምና ታጶ ሺያ
ዎዳ ዳልጊ ማዓ ለዊ ዓሶ ቤሲ ዓኣኔ፤ ቄኤሶሲና ዎላ ዑፃ ላማታሚ
ደንጎ ሺያ ዎዳ ያደሱምና ታጶ ሺያ ዎዳ ዳልጉም ዓኣያኬ።

14 ናንጊና ናንጋ ጎዳም ቆኦሪ ማሂንቴ ቤዞ ዓጮሎይዳ ዓኣ ቤዞ
ቢያፓ ባሽ ማዓ ድኦሪንቴ ቤሲኬ፤ ዬኖይዳፓ ፓቂንቴ ሻንቸንታያና
ላኣሚንታያ፣ ጊንሣ ሃሣ ያኣማኣ ዳካልሲንቴዎያኬ፤ ዬኖ ናንጊና
ናንጋ ጎዳም ዬይ ዲማዴ ቤሲኬ።

15 ዬኖ ዲማዴ ቤዞሎፓ ፓቂንቴ ዓቴ ቤዞኮ ያደሱማ ላማታሚ
ደንጎ ሺያ፣ ዳልጉማኣ ደንጎ ሺያ ዎዳኬ፤ ዬይ ዴርም ቢያ ማዓያ
ማዓንዳኔ፤ ማኣራ ማዢንዶ ቤሲና ባይ ሄንቆ ቤሲያኣ ማዓንዳኔ፤
ካታሜላ ዬኖ ቤዞኮ ሳዛ ማዓንዳኔ።

16 ዬናኮ ያይዶ ባንፃ ሄኮ ማዔ ያደሱሞ ዓኣያ ማዓዓ ፔቴ ፔቴ ባንፃኮ ያደሱማ ያይዶ ሺያና ደንጎ ጄኤታ ዋዳ ማዓንዳኔ።

17 ካታሜሎኮ ያይዶ ባንፃና ቆልሞ ሄንቆ ቤሲ ዓኣያ ማዓንዳኔ፤ ቢያ ባንፃና ዓኣ ቆልሞ ሄንቆ ቤዘኮ ዳልጉማ ላምዖ ጄኤታና ደንጊታሚ ዋዳኬ።

18 ዲማዳ ቤዜሎፓ ዓባ ኬሰካ ባንፃና ታጾ ሺያ ዋዳ፥ ዓባ ጌላ ባንፃና ታጾ ሺያ ዋዳ ዔውታዖ ካታሜላ ማዢንቴሢዳፓ ዓታ ቤዛ ካታሜሎይዳ ናንጋ ዴርኮ ጎሺ ቤሲ ማዓንዳኔ።

19 ካታሜሎይዳ ናንጋያ፥ ዋኖ ፃጶፓ ሾይንቴ ዓሲ ቢያ ዬያ ቤዛ ጎሽካኒ ዳንዳዓኔ።

20 ዬያሮ ዓጨሎኮ ሳዞይዳ ዲማሶና ዲማዳ ዛሌላ ዋሊ ዑፃ ፔቴ ፔቴ ባንፃኮ ያደሱማ ላማታሚ ደንጎ ሺያ ዋዳ ማዓዛ፥ ዬይ ካታሜላ ማዢንቴ ቤዘ ጉቤ ፔ ጋራ ማሂ ዓርቃያኬ።

21 ዲማዳ ቤዘና ካታሞናሮ ማዔ ዓኣ ቤዘፓ ላምዖ ባይያና ዓቴ ሳዓ ዴሮ ሱኡጋሢ ዛላኬ፤ ዬይያኣ፡- ዓባ ኬሰካ ባንፃ ዛሎና ዲማዳ ቤዘ ዛጾይዳፓ ላማታሚ ደንጎ ሺያ ዋዳ ማዓ ቤዘፓ ዓርቃዖ ዴንዲ ዓጨሎኮ ዛጾ ሄላንዳኣና፤ ዓባ ጌላ ባንፃና ዲማዳ ቤዘ ዛጾ ካሮና ላማታሚ ደንጎ ሺያ ዋዳይዳፓ ዔቃዖ ዴንዲ ዓጨሎኮ ዛጾ ሄላንዳኣናኬ፤ ሱኡጋሢ ዛሎ ማዔሢኮዋ ያደሱማ ሃንጎ ፃጶሲና ሄኮኬ፤ ዬኖ ጎይያና ዲማዳ ቤዘና ጌኤኮ ማኣሮናኮ ዬይ ቤዛ ባኣካ ማዓንዳኔ ጌይሢኬ።

22 ዬያጉዲ ሌዊ ዓሶሲና ካታሜሎ ቤዘና ዓባ ኬሰካ ባንፃና ጌላ ባንፃናይዳ ሱኡጋሢ ቤዘ ማዔሢኮ ባኣካኣኬ፤ ጊንሣ ሃሣ ኬዶ ባንፃና ዪሁዳሮ ማዔ ቤዘና ዶኦሎ ባንፃና ቢኢኒያሜሮ ማዔ ቤዘና ዋላ ዛጲኬ።

ሃንጎ ዓቴ ፃጶም ጊሽኪንቴ ሳዖ

23 ሃንጎ ዓቴ ፃጶም ሳዔላ ያዲዲ ጊሽኪንታንዳኔ፡- ቢኢኒያሜም ዓባ ኬሰካሢፓ ዴንዲ ጌላ ካሮ ሄላንዳ ቤሲ ዓኣያ ማዓንዳኔ፤

24 ሲሞኦኔኮዋ፡- ዓባ ኬሰካ ባንፃፓ ጌላ ካራ ቢኢኒያሜ ዓጨና ዋላ ዛጲ ማዔ ፔቴ ቤሲ ዓኣያ ማዓንዳኔ፤

25 ዪሳኮኦሬኮዋ፡- ዓባ ኬሰካ ባንፃፓ ዴንዲ ጌላ ካራ ሲሞኦኔ ዓጨና ዋላ ዛጲ ማዔ ፔቴ ቤሲ ዓኣያ ማዓንዳኔ፤

26 ዛብሎኦኔኮዋ፡- ዓባ ኬሰካ ባንፃፓ ዴንዲ ጌላ ካራ ዪሳኮኦሬ ዓጨና ዋላ ዛጲ ማዔ ፔቴ ቤሲ ዓኣያ ማዓንዳኔ።

27 ጋኣዴኮዋ፡- ዓባ ኬሰካ ባንፃፓ ዴንዲ ጌላ ካራ ዛብሎኦኔ ዓጨና ዋላ ዛጲ ማዔ ፔቴ ቤሲ ዓኣያ ማዓንዳኔ።

28 ጋኣዴኮ ደኣሎ ባንዖ ዛጸ ታማሬ ካታሞኮ ደኣሎ ባንዖፓ ዔቂ ማሪባቃዴሴይዳ ዓኣ ዓልቃ ዋኣዖሲ ሄላኔ፤ ዩካፓ ጊብፄ ዓጮኮ ዛጸ ማዔ ዋሮ ዓርቃዖ ዴንዲ ማዲቲራኒያ ባዞ ሄላኔ።

29 ዴኤፖ ናንጊና ናንጋ ጎዳ፡- «ዬያይዲ ዒሰራዔኤሌ ፃጶሞ ቢያ ዴኔ ማሂ ዒንሂ ጊሸካንዳ ሳዔላ ሃኖኬ» ጌዔኔ።

ዬሩሳላሜ ካታሞ ጌሎ ዲሮ ካሮ

30-31 ካታሜሎኮ ኬሰኮ ካራ ማዔዘንሂ ሃካፓ ዴማ ኬኤዚንታዘንሂኬ፡- ኬኤሎ ዲዖ ዋላ ካኣማ ካሮይዳ ካሮይዳ ሃይሃ ሃይሃ ካራ ዓኣያ ማዓዛ ፔቴ ፔቴ ካራ ፔቴ ፃጲኮ ሱንዖይዳ ጌሂንቲኔ፤ ኬዶ ባንዖና ዖይዶ ሺያና ዶንጎ ፄኤታ ዋዳ ዖዶሱሞ ዓኣኔ፤ ዬኖ ባንዖ ዓኣ ሃይሃ ካራ ሮኦኬኤሌና ዪሁዳና ሌዊ ሱንዖና ዔኤሊንታኔ።

32 ዓባ ኬሰካ ባንዖና ዖይዶ ሺያና ዶንጎ ፄኤታ ዋዳ ዖዶሱሞ ዓኣኔ፤ ዬኖ ባንዖና ዓኣ ሃይሃ ካራ ዮሴፔና ቢኢኒያሜና ዳኣኔ ሱንዖና ዔኤሊንታኔ።

33 ደኣሎ ባንዖና ዖይዶ ሺያና ዶንጎ ፄኤታ ዋዳ ዖዶሱሞ ዓኣኔ፤ ዬኖ ባንዖና ዓኣ ሃይሃ ካራ ሲሞኦኔና ዪሳኮኦሬና ዛብሎኦኔ ሱንዖና ዔኤሊንታኔ።

34 ዓባ ጌላ ባንዖናኣ ዖይዶ ሺያና ዶንጎ ፄኤታ ዋዳ ዖዶሱሞ ዓኣኔ፤ ዬኖ ባንዖና ዓኣ ሃይሃ ካራ ጋኣዴና ዓሴሬና ኒፕታሌሜ ሱንዖና ዔኤሊንታኔ።

35 ዖይዶ ባንዖና ቢያ ካታሜሎኮ ኬኤሎ ዲዖ ዖዶሱማ ዋሊ ዑፃ ታጶ ሳሊ ሺያ ዋዳ ማዓኔ፤ ሃካፓ ዓካሪ ካታሜሎኮ ሱንዖ «ናንጊና ናንጋ ጎዳ ዒኢካ ዓኣኔ!» ጋዓያ ማዓንዳኔ።

cxix

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929